


UTL AT DOWNSVIEW



D RANGE BAY SHLF POS ITEM C
39 07 09 20 04 012 6



28.4.71



2865

8c/12

PLEASE DO NOT REMOVE
CARDS OR SLIPS FROM THIS POCKET

UNIVERSITY OF TORONTO LIBRARY

DR Cemal, paşa
592 Hatirat
C45A3

جمال پاشا

خاطرات

۱۹۱۳ - ۱۹۲۲

Cemal, paşa

Hatırat

اثر كافة حقوقى مرحومك عائله سنه عايددر . تورجه دن سائر السنه يه ترجمه حقى
مويخده : Drei Masken Verlag مؤسسه ترك اولمشدر .

در سعادت

۱۹۲۲

DR

.592

C45 A3



خاطرات

مملکتک سیاست عمومیه سیله دوعریدن دوعری به اشتغال ۱۰ - ۲۳ کانون ثانی ۱۹۱۳ ضربه حکومتیه باشلار . ۲۳ کانون ثانی ۹۱۳ کونی اقشام اوزری منزل مفتش عمومیلکندن چیمش ، هر کسک کال تهاکله اجتماع ایتدیکی باب عالی به کیتمش ایدم . برقاچ ساعت اول مقام صدارتی اشغال ایتش اولان محمود شوکت پاشا او صروده سرایدن عودت ایدیوردی . صدارت ایچ قیوسی اوکنده طلعت بکله بکا تصادف ایتدی . بی کورور کورمز « جمال بک اوغلم ، رجا ایدرم ، شمدی استانبول محافظلغنی درعهده ایت وپایتختک تأمین انضباطی ایچون هر نه تدبیر اتخاذهنی مناسب کورورسهک ، دقیقه فوت ایتکسزین ، کافه سنی اجرا ایت » دیدی . بک بوبوک بزرگیت و اهمیتی حائر اولدیغنه قانع اولدیغم استانبول محافظلغنی درعهده ایتدیگمدن اعتباراً مملکتک سیاست عمومیه سنده دوعریدن دوعری به عامل اولمغه باشلادیغم ایچون خاطراتمه بو تاریخی مبدأ اتخاذا ایدیورم .

استانبول محافظلغنی

۲۳ کانون ثانی ۹۱۳ : تشرین ثانی ۹۱۷

محمود شوکت پاشاادن استانبول محافظلغنی درعهده ایچون امر آلدیغم صروده ناظم پاشا مرحومک جنازه سی هنوز صدارت سر یاوری او طه سنده بولنیور و صدر سابق کامل پاشا ایله شیخ الاسلام جمال الدین افندی و داخلیه ناظری رشید و مالیه ناظری عبدالرحمن بککر دائره صدارتده کی او طه لردن برنده اوطوریورلردی . او صروده داخلیه نظارتی وکاله ایضا ایتکده بولنان طلعت بکله قیسه بر مذاکره نتیجه سنده ناظم پاشا مرحومک جنازه سنی کلخانه خسته خانه سنه نقل ایتدیرمکه ، کامل پاشا ایله شیخ الاسلام جمال الدین افندی بی خانه لرینه کوندرمکه و علملرنده اختلاجیلرک شدید بر حس نفرت و انتقام بسله دکلری داخلیه ناظری رشید و مالیه ناظری عبدالرحمن بککری ، محافظه حیاتاری ایچون ، براییکی کون قدر استانبول محافظلغنده مسافر ایتککه قرارا ویردک . او صروده کامل پاشانک دامادی صنفرفیق

قائم مقام ناجی بك دائرۂ صدارتہ كہمشدی . كندیسی كورور كورمز : — « قاش پدريكز عافیتہ در مراق ایتہ یكز . كندیسی آلب قوناغہ كتورہ بیلیرسكز . فقط بر چیلغینك هدف تجاویز اولسنہ محل قالماق ایچون برمدت استانبولی ترك ایدوب ممالك اجنیبہ دن برینہ چکیلورایسہ فنا اولماز » دیدم .

هیجان ایله تشكر ایتدی . كامل پاشا ایله جمال الدین منلا بو حورتله اولرینہ کیتدیلمز و رشید بکله عبدالرحمن بك ده استانبول محافظلغنه نقل اولوندیلر . جنازه كلخانه سیریانته كوندردلی . بنده استانبول محافظلغنه كلارك اوکیجه صباحه قدر تدابیر انضباطیه اتخاذیله مشغول اولدم . خاطر اتمی فائده سز تفصیلات ایله اطناب ایتش اولماق ایچون بو قسملری مسكوت كچه حكیم .

كلخانه سیریانته بولنان اطبادن ناظم پاشا حقنده علی الاصول بر راپور آلدیم . و ناظم پاشانك صورت قتلی حقنده بر ضبط ورقه سی تنظیم ایتدیردم .

ناظم پاشانك جنازه مراسمی

محافظلغه تعیینك ایرتسی كونی ناظم پاشا مرحومك جنازه مراسمی اجرا ایتدیردم . مراسمك بك پارلاق اولسنہ بالخاصه اعتنا ایتش ، استانبول بولنان بوتون ارکان و امرای عسكریه نك و وكلا ایله مأمورین ملكیه نك و دول اجنیبہ آناشه میلیرلرینك جنازه اشتراك ایتلمی لزومندم اصرار ایله مہشدم .

اوكون هوا مغموم دی . قلبمده عمیق بریأس واردی . بلغارلر چتالجه اوكننده ؛ بونان دونمائی چناق قلعه بوغازینی قیامش ؛ دول معظمه سفائن حریبه سی ، هر دقیقه استانبولی اشغاله آماده اوله رت ، بشكطاش اوكننده دمیرله مش ؛ بز اداره دولتی عجز و مسكنت عامللرینك لندن قورتاره بیلیمك ایچون برچاره قانونی بولاماشز ، بر ضربه حكومت یامیشز . و بونك نتیجه سی اوله رق حریبه ناظری و باخصوص اردونك باش قوماندانی اولان بر ذاتك سبب موتی اولمشز ؛ و بوتون بوتشبلردن ، فداكارلقلردن صكره ده مملكتی قورتاره بیلوب قورتاره مایه جغمز مجهول . ایشته ناظم پاشانك جنازه سی آرقه سنده فرانسز آناشه میلیرتی قوماندان « موقور » ایله یان یانه یوروركن ذهنمدن كچیردیکم حزین لوحه بو ایدی . آیاصوفیه میدانندن كچركن غیر اختیاری اوله رق موقوره خطاباً دیدمكه :

« باقیكز عزیز دوستم ، بو جنازه نك یكانه مسئول سز اوروپا لیلر سكز . مسكنت و اسارتدن قورتیلوب انسان کی یشامق ایچون ساحه مجادله یه آتیلش اولان تورك ملت حقنده ارتكاب ایتدیككز حق سز لقلر بو جنازه سبب اولمشدر . دها بونك کی نیجه

جنازه لر تعقيب ايدم چك كزه و بلكه يارن بنم جنازه مك آرقه سندن يورويه چك كزه امين اوليكز . مقصديمي آ كلاماش كبي دورانه رق استيضاح ايتدي .
 بالطبع نزاكه فرانسه انترقه لرني مسكوت كچه رك انكليز ، ايتاليان و باخصوص روس انترقه لرندن و بونلر ك مملكتده توليد ايتديكي اختلا لاتدن بحث ايتدم و بالقان اتفاقنك ده بوانترقه لر دن دو غمش اولديغني و بو كون بزى قورتار مق فرانسه و انكلتره نك اك اوفق بر اشارته متوقف ايكن يالكيز بوندن توقي اتمك دكل رؤساي حكومتلري واسطه سيله عليهمزه شتوم غليظه استعمال ايتمكدن چكينه مذكاري ني و بو قدر مهاجمات قارشو سنده نيا په جغني تعميدنه متحير قالمش اولان زواللي توركلر ك داخلده يكيديكريني بوغازلامقدن باشقه اللرندن برشي كلمه يه چكني بويوك بر سه ورله آ كلاتدم . انكليز آتاشه ميديري « تيريل » محاوره مزه قولاق قاباتور فقط يانمه ياقلاشه ميوردي . موقور ، صميميته شبه ايتديكم بر طرزايله « حقكز وار » ديدى . صوصدق و ناظم پاشايي مسكن ابديسنه قدر تعقيب ايتدك .

مخالفلر حقنده عفو عمومي

ضربه حكومت كوني اقشام اوزرى پوليس مديريت عموميه سني مخالف فرقه . اعضاسندن بر چوقلريني بر تدبير احتياطي اولمق اوزره توقيف ايتمش ، مر كز قوماندانلغنه كوتدرمش ايدى . كرك بونلر و كرك محافظلقدمه مسافر ايدلمش اولان رشيد و عبدالرحمن بكر حقنده بر قرار و ير مك لازم كليوردي . ارقداشلردن به ضيلريله و باخلاصه طلعت بك ايله جريان ايدن مذاكره نتيجه سنده اونلر عليهنده شدت پولتيقه سني تعقيب ايتمه مكه و بالعكس اره مزده بر ائتلاف و مودت تأسيسنه قرار ويردك . محمود شوكت پاشاده بو فكرده بولنيوردي .

بونك اوزرينه بندن بر ملاقات طلب ايدن عبدالرحمن بكي زدمه جلب ايتدم . كندى حقلرنده هيچ بر تهلكه اولماديغني ، شمديكى مسافر تلري آنجق بعض مفرطلر طرفندن كنديلرينه بر فئالق ياييله بيلمسـنه مانع اولمق فكرندن ايلري كلديكني و ايكي كون صكره خانه لرينه عودت ايدم سيله چكلريني و شو قدر و ار كه كرك رشيد بلك كرك كنديسـنك بر مدت ايچون استانبولى ترك ايدوب ممالك اجنيه يه چكلملري ده احتياطكارانه بر حركت اوله جغني سويلدم . اولرندن ياتاق و يه يه چك جلب ايتلمرينه مساعدده ايتدم . وفي الحقيقه ايكي كون صكره هر ايكنسني ده سربست بر اقرارق خانه لرينه قدر امنيت كامله ايله كوندردم . برايكي كون صكره كرك اونلر كرك كامل پاشا ايله جمال الدين افندي استانبولدن چيقديلر .

محافظتكم ايكنجى كوني مركز قوماندانلغنه كيدرك اوراده موقوف بولنان
 على كمال بلكه سينوب ميعوثى دوكتور رضانور و لوماجنهلى اسماعيل حقى بكلى زيارت
 ايتدم . هر اوچنهد كندى حقارنده ، بوندن صكره مناسبتر شكلده مخالفت ياقمقدن
 صرف نظر ايتك شرطيله ، هيچ برتهلكه بولونماديغنى ، مملكتك بوفلاكتلى زمانلرند
 بالعكس بوتون منورلك متحداً چاليشملرى لازم كله جكنى وبو فكرته اشتراك
 ايتدكلى تقديرده كنديلرى ايچون ناموسكار برر محيط مساعى تايمين ايدم بيله جكمى
 سويلهدم . على كمال بك اوروپاده برماوريت ايستهدى . دوكتور رضانورك پارسده
 طبابت تحصيلى ايچون شهرى تخصيصات كافيه ويرلمسنى رجا ايتدى . اسماعيل بك
 مملكتده سربست براقلاينى حالده تا حال طبعينك عودتنه قدر حكومه قارشو هيچ
 بوضع مخالفت آلمايه جغنه دائر ناموسى اوزرينه عيىن ايتدى . دوكتورك مصارف
 تحصيليه سنى تايمين ايتدم . وپارسه كوندردم . على كمال بكى ده يول مصارفى
 ويردرك ويانه يوللادم . ويانه موصلتندن صكره آرمزده برقاچ مكتوب تعاطى
 ايدلى كه بو مكتوبلرى مندرجاتلرينك اهميتى حسبيله عيىناً درج ايدىورم . مخالفلايمز
 حقنده نصل بر فكر ائتلاف و مودت بسله مش اولديغى اثبات ايتك ايچون دوكتور
 رضانور بكدن آلدیغم مكتوبلردن بعضيلرى ده درج ايتكى موافق كوردم .

[*] برنجى مكتوب ۱۷ شباط ۱۹۱۳ اوتل متروبول
 ويانه

مير مكارمپورم افندم حضرتلرى

لطفنامه كزى آلد . بقية خرج راه اوله رق كوندرديكى كز ۱۰۹۰ قرونلق چكده
 ملفوف ايدى . تشكر ايدرم .

نجات حسياتكزى ، سلامت فكرى كزى تقدير ايتمه مك المدين كلز . تأسف ايتديكم كرك ذات
 عاليكرك و كرك ذات عاليكركز كيلرك ده دوت سنه اول بو موقعده بولمايشلرى ، بو ايشلرله
 مشغول اولمايشلريد ، چونكه اوله اوليدى بو مملكت برچوق بيسود ، ختى مهلك نفاقله
 ناحق يره معروض قالمازدى ، بلكه ده بعض فلاكتلره اوغرامازدى . نه ايسه ، مضى ماضى .
 مخاطب هم ناموس ، هم عرفان صاحبي برعسكر اولدينى ايچون سزه شفاهاً عرض ايتدكلى
 تحريراً تكرار ايلرم . و طنداشلرمزدن هيچ بر فرده ذره قدر عداوت بسله ينلردن دكلم .
 شمدى يه قدر يازدقلم ، بايدقلم بكا قارشى ناحق يره وقوعه كلن تعرضلره مقتضى فطرت
 شديليه بر مقابله قلميه دن عبارتدر . اساساً بو اختلافك باعى نه فكردر ، نه ده باشقه برانديشه
 معنويدر ، محضا ناظم ، جاهد ، بابان زاده بكرك ياني معنى بر غرضلرى ، يا قورى بر حقد .

[*] مكتوبلرك فطوغرافيلرى عيىناً تابه ذيل اولونمادور .

و حسد لیدر . رقابت قلمیه ، باخصوص مملکت مزده هر رقابت کبی چیرکین و عادی در . وقتیه .
 حالت افندیلر ، عاکف پاشا لار بویولده یکدیگری نی آصدیرمه قدر چابالار لر مش ، ناجی افندیلر ،
 اکرم بکرده بر ذریت اولی یکدیگری نه اودرجه عدو ایدیلر . ایشته بزده اویولک سالکی یزم
 یوقسه امین اولیکز که ابتدای انقلاب مزده بوراقم عاجز حروف ده ، اقدام ده اتحاد و ترقینک
 اک جدی خادمی ، خیرخواهی ایدک

 جودت بکک رجاسنه بناء دوندن بری اقدامه یازی یازمهغه باشلادم . بویازیلر ده یوقاریدن بری
 عرض ایتدیکم مسلکدن آیرلایه جغمه ، آرتق اصلا او احتراصاته قانلایه جغمه قناعت بیوریکز ،
 مأموریته تعییندن اعتباراً ایسه باطبع سیاسیاتدن بسبتون توق ایله یالکز علمی ، ادبی ،
 تاریخی یازیلر یازمق مجبور یئندهم

علی کمال

ایکینچی مکتوب ۴ نیسان ۱۹۱۳ اوئل متروپول و یانه

میر مکارم پرورم افندم حضرتلری

لطفنامه کزی آلدیم . افکار صائبه کزی ، مساعی و طنپورانه کزی جداً تقدیر ایلر و
 موفقیت کزده جاندن ، کوکلدن دعا ایلرم . امین اولیکز که استانبول ده ایکن ذات سامیکزه
 سویله دکرم پک صمیمی ایدی . بو نفاقلریمزدن محضا سلامت وطن ایچون جهانده اک متأثر
 بر فرد وارایسه اوده بنم ، همت کرم کاریکزله یاواش یاواش تجلی ایدن وفاق حاضریمزدن
 ینه عین اندیشه ایله اک چوق سوینده بنم . بو حسن نتیجه ، بوصفوت حرکتیه شمدی
 له الحمد حسین حلمی پاشا حضرتلری کبی سز کده سودیککز برذاتی شاهد طوته بیلیم .
 احمد جودت بک اوزنی ، سوزنی صاقلamaz جدی برآدمدر . باشقهرلری پک سومر .
 فقط آظنده ایلاک افعال فضل کزی کوردیکندن و کوردیکی کبی (اقدام) ده یازدیغندن
 بری هر فرصته مزایا کزدن ، کالات کزدن صمیمتله بحث ایلر . بو کونلر ده مدیردن پک
 متلاشیانه خبرلر آلدینی ایچون (اقدام) ک عدم دوامندن تلاشه دووشدی ، لکن عدل کزده
 اعتمادی اولدینی ایچون متسلی اولیور ، مدیرک یازدق لرینی مبالغهیه حمل ایدیور .
 مأموریت عاجزانه مه دائر لطفاً یابدق لریکزه تشکر ایتمک قابل دکل

اولا ، سز نه درجه صرف عنایت بیورسه کز او مأموریت ایشی اولیه قولای قولای اولماز .
 او اولونجه یه قدر تکلیف منعانه کز وجه ایله ایلریده کی معاشمه محسوب آمی ، یا باشقه برصورتله
 اولور بنده کزده بر مقدار پاره کوندریکز ، شو بار مضایقه یی اوزرمدن دفع ایله ییکز

 صفوت فکر و وجدان کزی یازدق لریکزدن ، یابدق لریکزدن آکلادیم و تقدیر ایتدیکم ایچون
 معافیه برچوق تردد لردن صکره بو خصوصیات احوالی بویله جه سزه یازمهغه جسارت ایلدم ،
 حرکتی معذور کوریکز

وقتیله فتحی بك شاهددر . جاوید ، جاهد ، ناظم بكار بنله ائتلاف واتحادی منکوباً ومقهوراً
 حق سسس چیقارمایه زقدن اوروپانك برکوشه سنده یاشامقلم طرزنده آکلایورلردی . بوسفر
 اوبله اولمادیغنی سز فعلاً اثبات بیوردیکیز ، متتداریکیزم . اونك ایچون مسؤل عاجزانه می
 اسعاف بیوره جغیکزدن امیم . حق بودرجهده تفصیلاته کیریشدیکمدن بیله محجوبم ، چونکه
 العارف یکفیه الاشاره ، فقط صمیمیت فکر وحسمه دلیل اولدیغنی ایچون بوسوزلر نزد
 داوریلرنده معدور کوریلیر امیدندهیم . باقی اقبال وموفقیتمکزه دعاایلرم میرمحترم افندم حضرتلری
 علی کمال

اوجنجی مکتوب ۳۰ نیشان ۹۱۳ اوتل متروپول ویانه

میرمکارمپوردم افندم حضرتلری

لطفنامه کزی ملفوفی ایله برابر آلدیم ، تشکر ایدرم . اشعار داورانه کزه امتثالاً
 قریباً استانبوله دونه حکم . حتیکیزه ، انسانیتکزه اعتماد برکالدر . اوقدر دیه بیلیرم که
 سزك کی ، سزك صفوت وضریتکزه بش اون کشیمز دهاولسه بو طالعسز وطن البت قورتیلور .
 اوت ، هیمز آر ، چوق کناهارکز . بو حقیقی تسلیم ایتلی یز . بویله اولدیغنی ایچونده
 ماضی یه بر سونکر چکرك استقبالی دوشوغلی یز ، آرتق او الیم نفاقلریمزه برخاتمه چکملی یز .
 بو فکرلریمی شفاها عرض ایلرم .

علی کمال

دوقتور رضا نوربکک مکتوبلری : برنجی مکتوب

۱۶ کانون نای ۳۲۸ استانبول

افندم حضرتلری

اختیار زحمتله حبسخانه بی تشریف ایدوب تخلیه عاجزانه می امر بیورمه لرندن دولایی عهده مه
 ترتب ایدن وظیفه تشکری بوکون ایغایه مسارعت ایدیورم . مکالمه واقعهده اظهار بیوردقلری
 افکار و نزاکت فوق العاده مک عمیق بر تأثیر حاصل ایتمش اولدیغنی و بو طرزده دوشونن
 برذاتی بوکونه قدر یاقیندن طایماش اولماقک بنی متأثر ایتدیکنی وجدانی اولارقی بیان ایدرم .
 امرکز وجه ایله یارین کوستنجهیه حرکت ایدیورم . حیاتم ، اوج بش آیدر ذاتاً بیقشم
 اولدیم های هوی عالمندن خارج و کندی عالمه منحصر اولاجقدر . خلاص وطن خصوصنده
 موفق اولمکیزی دعا ایدر و دیگر رفقا کزکده - واسکی فکر و حرکت سقیمه دن فراغت ایله -

رىئاسات عاليه پاكستان حسن و فكرنده اولملىرى و شىو صورتله مملكتك قورقارلىنى تىمى ايلرم

 دو قىتور رضانور

ایکڈجی مکتوب ۷ اگستوس ۹۱۳ نیس

محترم بك افندی

پنکرده ارسالی استرحام ایتش اولدیم ایلقلریمک ارسالی خصوصنده لطف والاری
 ین دریغ وعین زمانده بردها تأخرات وقوع بولیه جنی وعد بیورلشدی. حالبوکه بودغه طلبه نیک
 تموز معاشی ویرلدیکی حالده بیلّه هنوز بزمنکی واصل اولمامشدر. بوحال، غزته لده کوردیکم
 بعض کیمسه لرک معاشلرینک قطع ایدلدیکی حوادثنک حق عاجزیده تطبیق ایدلمش اولماسی
 ذهانی حاصل ایتمشدر. اساساً ذات عالیری ایله آغا زمانه کیرمش وسرک سوزکزه اعتداله
 حرکت ایتش اولدیمدن قطع معاش واقع دکل ایسه لطفاً کچمش اولان تموز ومیعادی کلن
 اغتوس معاشلریمک لطف معتادلی وجه ایله ارسالنه دلالت بیورمه لرینی، یوق واقع ایسه
 اسبابنک لطفاً اشعارینی رجا ایدرم.
 دو قوتور رضا نور

اوچنچی مکتوب ۳ شباط ۹۱۴ یارس

عزیز و محترم پاشام

التفاتنامہ جوابیلرینی آلدیم . لسان محالیتکزک طرز مخصوص صمیمیسنه قارشى يك حساس
اولدیغى عرضه لزوم کورمه یورم ، موفقیتکزک هر کون متراید بر صورتده حد قصویایه
دوغری صعودینى بوتون صمیمیتله تمنى ایدرم .

باقى عافیت وموفقیتکزى تمنى ایدر واحترامات مخصوصه مک قبولنى رجا ایده رم پاشام افندم.
دوقتور رضاتور

محافظلق اثناسنده بعض اجرا آت

بو تشبثاتم نتیجه سنده درت بش کون صو کره موقوف مخالف لک کافه سی حبس خانه دن
چیقارلمش ، محمود شوکت پاشا قابینه سی ده بویوک بر جدیتله ایشه باشلامش ایدی .

استانبول محافظلی عین زمانده چتالجه اوکنده بولان اردونک اسالحرکه قوماندانلغی ده ایفا ایتمکده بولندیغندن بن بریاندن بو وظیفه یی یاپور و برطرفدن ده شهرک انضباطی و باخصوص محمود شوکت پاشا قایینه سی علیه نه یکی برضربه حکومت یاپیله مامسنی تأمین ایله اشتغال ایدیوردن . اتخاذا ایتدیکم ایکی مهم تدبیری بوراده ذکر ایتمدهن کچه میه حکم :

۱ — بنم قناعت میجه استانبولده حکومتک دوچار ضعف اولدیغنه دلالت ایدن بر حال واردن :

توتون قاچاقچیلرینک استانبول سوقاقلرنده و بالخاصه محمود پاشا یوقوشنک آلت باشنده ، سلطان حمامنده ، سرکه جیده ، بازید میدانده رژی پا کتلی ایچنده علناً قاچاق توتون صاتماری .

قاباغی آچیلش توتون پا کتلیرینک ایچنده کی صاری توتون صاچاقلرینی کوستره رک « ایکیلک غروشه ! . ایکیلک غروشه ! » ترانه سیله بی پروا قاچاق توتون صاگان اشخاصی افلاس حکومت منادیسی عدایده رم . بناء علیه اول امرده خلقه استانبولده امرینی انفاذه قادر بر حکومت قویه . موجود اولدیغی کوسترمک ایچون اداره عرفیه قرارنامه سنک حکومت عسکریه ویردیکی صلاحیتدن استفاده ایدرک توتون قاچاقچیلری حقنده پک شدید حرکت ایده جکی و علناً پراکنده قاچاق توتون صاگانلرله بویوک مقیاسده قاچاقچیلق ایدنلرک دردست ایدلکلری تقدیرده استانبولدن تبعید اولونه جکلرینی اعلان ایتدم . و بر هفته ظرفنده بوکی اشخاصدن درت ونهایت بشنی تبعید ایتدیردیکم کبی سرای بورنده یا قالاتدیغم بر قاچاقچی قایینی ایچنده کی اشخاص دیوان حرب عرفی طرفندن محکوم ایدلایلر . بو اجرا آت اشناسندم استانبولده عادی خرسزلق وقوعاتی بیله نوادر درجه سنه کچدی و خلق استانبول و ملحقاننده کی خانه و کوشکلرنده کمال امنیتله یاشامغه باشلادی .

۲ — استانبولمزک پک مستکرمه بر عادت واردن : ارککلرک واپورده ، کوپریده ، چارشوده ، سوقاقد ، مسیره لرده تصادف ایتدکلری اسلام قادینلرینه بی ادبانه حرف اندازلق ایتلری .

بوکا بعض اختیار قادینلرک بر آز حسن طبیعته دلالت ایده جک درجه ده کوزل کینمش خانلریمزه قارشو لسانلریله وحتی بعضاً اللریله تجاوز ایتلرینی ده علاوه ایده بیلیرمه بو منفور اعتیاد حقنده تا چوقوقلغمدن بری برغیض مخصوص حس ایدرو حکومت بوکانصل اولوبده چاره بوله مدیغنه بر درلو عظم ایرمزدی . بو حالده حکومتک ضعف وقوتیله متناسب بر صورتده آرتار ، اکسیلیر .

استانبول محافظی اولدیغم صره دوچار تجاوز اولان برقاچ عائله نک رؤسای بونک

منعی اسبابی بدن رجا ایتشلردی . قانون جزانک بوخصوصده پک ضعیف اولدیغنی نظر دفته آلهرقینه اداره عرفیه قرارنامه سنک حکومت عسکریه به ویردیکی صلاحیتیه استناد ایتک ایستهدم . حرف اندازلق ایدجک ارککلرله قادیلرله تجاوز ایدجک قادیلرک داخل مملکته تبعید اولونجقلرینی اعلان ایتدم . درت بش تبعیددن صوکره قادیلریمز سوفاقلرده دوچار تجاوز اولمقدن کاملاً قورتیلدیلر . وایشته اوزماندن اعتباراً استانبولده تورک قادیلرینک حریت حقیقیه سنه طوغری غایت متین آدیم آیلماش اولدی . حریت نسوانک ، ده طوغریسی قادیلرکده جمعیت بشریه ده بر عضو نافع اولدیغنی حقیقتنک آرتق مملکت مزده ده آکلاشیله رق خدمات عمومی مملکته قادیلریمزکده تأمین اشتراکی فکرینک آکلاشی مروجلرندن اولدیغنی استانبول محافظلغم ائناسنده تماماً کوستردم . وحتی بوندن طولایی بالاخره بعض ذوانک دوچار انواع مفتریاتی اولدم . مع هذا بنم استانبول محافظلغم ائناسنده باشلایان حرکت نسویه توقف ایتیه رک ایلرله دی و بوحرط عمومی ائناسنده مملکته پک نافع خدمات تأمین ایتدی . مملکته اک سریع ومفید ترقیات مدنیه نک واسطه نسوان ایله ادخال ایدیله بیله جکی ، قادیلری اسارت آلتنده بولنان ملترک دوچار فلاکت اولاجنی حقتده کی فکریم لایتنزلدر .

تقلیب حکومت

استانبول محافظلغنه تعینمندن صکره پاتختده منتشر غزتله رک باش محررلرینی نژده دعوت ایتش ومملکتده سکوتی اخلال ایدیه بیله جک مقاله لردن توقی ایتک شرطیه غزتله رده پک خفیف بر عسکری سانسوردن باشقه بر معامله به تابع طوتولما به جقلرینی سوله مش ومنافع مملکته متعلق مقالات ایله افکار عمومیه نک تنویرینی ، ادرنه نی قوررتارده بیلمک ایچون ملتنک محتاج اولدیغنی تازه قوتی اوایندیره جق نشریاته بالخاصه اعتنا ایتلرینی رجا ایتش ایدم . سابق قابینه زمانده انتشار ایتکده اولان «علمدار» کی الکشدید علیهدار غزتله رک بیله دوام انتشارینه مساعده ویرمشم . بونلرینه آره صره طغیان ایتکله برابر مدیر مسئولرینه ، باش محررلرینه شفاهی اخطار ائده بولونمقدن باشقه برشی یایموردم .

حکومت ، ملتنک حسیات جنکاواریه سنی آرتدیرمق ، بالقان متفقلرینه قارشو کیریشدیکمز ایکنجی سفر ائناسنده هیچ اولمازسه چتالجه اوکنده کی بلغار اردوسنی مغلوب ایدیه بیله جک براردو وجوده کتیرمک ایچون صوک غیرتیه چالیشور ، برطرفدن مدافعه ملیه جمعیتی تشکیل ایدرک طرف طرف وسائط ماده حربه تدارکنه واردونک

قوة معنويه سنك تكملنه غيرت ايدىيور ، بر طرفدن ده دول معظمه دن بعضيلرينك منافع عثمانيه يي محافظه يه خادم اولملىنى تأمينه همت ايدىيوردي .

آطنه واليدلكم زمانندن برى بنمله يك صميمى مناسبات دوستانه ادامه ايتمكده بولنان فرانسز سفىرى موسيو بومپارى اوكونلردن برنده زيارت ايتشدم . استانبولده كي انكليز ، فرانسز وروس ديپلوماتلرينك اك بويوك مشغله سى اينوز - مديه خطى قبول ايدرك و بحر سفيد آطه لرنندن ده واز كچه رك بالقان هيئت اتفاقيه سييله عقد صلحه راضى ايتك ايدى . موسيو بومپارى نه بونقطه نظر دن بر زمين مباحثه آچشدى . بكا ديدى كه :

« عزيزم جمال بك ، ادرنه يي ، آطه لرى محافظه ايتك ايچون نه دن دولايي بو قدر اصرار ايدىيورسكيز ؟ ايشته برضربه حكومت ياپديكيز . حكومتى اليكزه كچه ديكيز ، وييليزكه سرك فرقه كز بو مملكته ده اك بويوك بر قوت عامليدر . بناء عليه منافع مملكته مضر كورمه ديكي قرارلرى اتخاذ واجرا ده سابق قابينه كي متردد دكلدر . سز بوكون هر شيئن زياده داخله كال آسايش واستراحتله مملكتهك تأمين ترقيسنه خادم تدابير اصلاحيه يه محتاجسكيز . بش اون تاريخى قبه دن بشقه برشيئه مالك اولمايان ادرنه يي ، ايچنده روملردن بشقه سنك ساكن اولمادىغي اطه لرى محافظه ايچون صرف ايتمكده اولديغكيز قوة معنويه و مادييه يي بو تدابير اصلاحيه حصر ايتسه كز مملكته ده نافع ايشلر تأمين ايتمش اولورسيكيز . »

در عقب ديواره اصيلى اولان ممالك عثمانيه خريطه سى اوكنه كوتوردم . و - استانبولى محافظه ايچون هيچ اولمازسه ادرنه يه قدر برهيتيرلانده محتاج اولديغى اناطولى يه روم اشقياسنك استيلاسندن وقايه ايچون ده اوكا يقين اولان اطه لرى اليزده بولوندرمق ايجاب ايتديكنى ايضاح ايتدم . نهايت ديدم كه : -

« عزيزم موسيو بومپار ، بو ادرنه و آطه لر مسئله سنى بز ، استقبالمز ايچون حيات ومات مسئله سى تلقى ايدىيورز . بو مسئله ده بزه النى اوزاته جق اولان هر هانكى براور وپا دولتى بزم ابدى متدار لغمى جاب ايدمك و بزي هر زمان كندى ياننده بوله جقدر . ايشته فرانسه نك شرقه ده اك مهم برموقع معنوى احراز ايتمنى موجب اوله جق حادثه ! »

حكومت ادرنه يي قورتارمق ايچون بويله جه چاليشوب دورور كن مخالفلرك حكومت عليه نه يكي برضربه حاضر لامقدم اولدقلى نه دائر هر كون حوادثلر آليوردم . بو حوادثلر او قدر صيقلاشدى و او قدر قوتلشدى كه نهايت تدابير تعقيديه اتخاذه مجبور اولدم . بر كون تصادف اليزه ارضروملى سردار صدق اسمنده بر ذاتى دوشوردى . بو ، ديكر بر ذات ايله برابر بك اوغلنده برمطبعه ده بر طاق بياننامه لر طبع ايتديرمكله مشغول ايدى . بوغروپ پرنس صباح الدين بكك حمايه معنويه سنده و پرنسك كاتب

خصوصی بوشناق سطوت لطفی بکک تحت ریاستده چالشیوردی. غایه سی برضیه حکومت یامق ، صباح الدین بکک صدارتی تأمین ایتمکدی . هینی دروست ایتدی کمز حالد س طوت لطفی بکی اله کچیرمک ممکن اولامیوردی . نهایت اونیده اوستریا سفارتی تر جانلرندن لازارک آبار تمانده قیدردق فرارینه میدان ویرمکسزین توقیف ایتدردک . فقط قایتو لاسیونلرد مخالف اولان بوندیر اداریدن طولانی استانبول قوای انضباطیه سنک الک بویوک مأمور مسئولی صفتیه ایکی کون صکره ، محمود شوکت پاشادان آلدیغم امر اوزرینه ، بویوک اونیفورمه یی لابس اولارق اوستریا سفارته کیتدم ومارکی پالازمینییه رضیه ویردم .

برضیه حکومت حادثه سی کندیسنه عائد دوسیه لرده « تقلب حکومت » نامیه معروفدر . پک اساسی برتدقیق ایله تنظیم ایدلمش اولان دوسیه استانبول محافظلیه ، پولیس مدیریتنده و دیوان حرب عریفده محفوظدر .

متشبهلردن اله کچیریلانلر درجات مختلفه ده محکوم اولدیلر . فقط ده پرنس صباح الدین بکه ایلیشمیوردم . چونکه کندیسیله برزمین ائتلاف حاضر لامقده اولدیغندن علمینده غیری قابل ردو جرح بر دلیل مادی اله ایتده کجه توقیفندن توقی ایدلمی اوزمان جمعیت کاتب عمومیلکنده بولنان طلعت بک رجائتمشدی . سطوت لطفی بک ورفقاسنت توقیف و محکومیتلری صباح الدین بکک تشبثاته نهایت و برمه مشدی . بر دفعه ده یارصادق دوققور نهاد رشاد بکی ایشک باشنه کچیرمشدی . نهاد رشاد بک بر طرفدن حکومتله پرنس صباح الدین بک آراسنده برزمین ائتلاف بولمق ایچون طلعت بکله مکالمه یه بر طرفندن بی ، طلعت بکی ، محمود شوکت پاشایی وسائر صنایید اتحادی اولدیرمک ایچون منفرد و عمومی Complot لر ترتیبنه مأمور ایدلمش ایدی . ظواهری پک ظریف اولان دوققور بو ایکی بوزلی سیلان سیاستی پک کوزل ایضا ایدیوردی . اوقدرکه جنایت تشبهلردن کونی کوننه خبردار اولدیغم ، کندیسی خطوه بخطوه تعقیب ایتدیکم حالد ائتلاف مذاکره لرینی پک زیاده ایلری کوتورمش اولان طلعت بک ویردیکم معلوماته بر درلو اینانه میور ، وسائط تعقیبیه مک بی آلداتمقده اولدیغنی ظن ایدیوردی . نهایت کندیسی تماماً تأمین ایدمک بر دلیل مادی کوستردم :

برکون ائتلاف مذاکراتی ایچون طلعت بکه معین بر ساعتده ملاقات وعد ایتمشدی . عینی کونده وطلعت بکه تخصیص ایتدیکی زماندن ایکی ساعت اول بزرک علمینه سو قصد ایتملی مقرر اولان اشخاص ایله ده بر موعد ملاقات قرار لاشدیرمشدی . سو قصد رفقاسیله مذاکره نک طرز جریانندن پک ممنون اولان دوققور ، جانیانه برتسمله : « هایدی باقم ، شیمیدی ده طلعت بکله ائتلاف مذاکره سنه ! » دیمشدی .

بو منظره‌ی طلعت بکک بر آدمنه عیناً مشاهده ایتدیردم . اوزمان شبهه‌سی قلمادی . فقط تام کندیسینی دردست ایتدیره جکم صروده تعقیباتدن شبهه ایتمش اولدیغنی ظن ایتدیکم دو قوتور نهاد فراره موفق اولدی . رفقاسندن برچوقلرینی دردست ایتدیردم . اولرده ایکنجی پارتی اوله‌رق دیوان حربه سوق اولوندیلر .

پرنس صباح‌الدین بک اورته‌دن غائب اولمشدی . انکلتزه سفارتی باش ترجمانی فیچ موریس ایله آتاشه‌میلتری بی‌کباشی « تیریل » طرفندن مظهر حمایه اوله‌رق انکلیز مؤسسات رسمیه‌سندن برنده اولدیغنی خبر آلیوردم اما بالطبع برشی یامق ممکن دکلدی .

بک بویوک برجر آله سو قصد ترتیباتنه دوام ایدن پرنسک نصل اولوبده بردنبه اورکدرک بوتون پلانلرینی ترک ایله فرار ایتمش اولدیغنی آکلا یامامشدم . بو دفعه استانبولدن برلینه کلیرکن یولده زمین محاوره بووقعه‌یه کله‌شدی . طلعت پاشا کوله‌رک « سن دلیل مادی‌ی تدارک ایدهرک پرنسی توقیفه قرار ویرر ویرمز بنده کندیسنه بک اعتماد ایده‌جکی بر ذات واسطه‌سیله هان فرار ایتمی لازم کله‌جکنه دائر خبر کوندردم . بو صورتله دو قوتورله پرنس قاچه‌بیلدیلر » دیدی . شوراسی غریبدرکه اوتوز بر مارت وقعه‌سنده حرکت اردوسی طرفندن توقیف ایدلمش و حربیه نظارتنه کتیرلمش اولان پرنسی اوزمان بن قورتارمیشدم . پرنسک توقیفی خبر آلیر آلماز محمود شوکت پاشا مرحومه کیده‌رک پرنسه یاییلان بومعامله‌نک قطعاً نالایق اولدیغنی، بزاستانبوله مرتجع‌لرله اولنرک تأمین موفقیته‌نخادم اولان بی‌ادب قالدیرم پولتیه‌جیلری علیه‌نه تأدیبات اجرایی ایچون کلدیکمز حالده بزم قناعتمز مخالف برقاعت بسلیور دیه پرنس و امثالی ذوات علیه‌نه حرکتمزک دوعری اولمایه‌جغنی سئویلم . هان تخلیه‌سه امر ویردی وبالذات بن بویوک قبول صالوننده والده‌لری سلطان افندی حضرتلری ایله برلکده انتظارده بولنان پرنسک یانه کیده‌رک وبرچوق کلمات بطیبیه ایله عرض اعتذار ایدرک سربست بولندقلرینی سویله‌مش ایدم . فقط بودفعه کرک‌سطوت لطفی بک و رفقاسنک و کرک‌نهاد رشاد و رفیق‌لرینک محاکمه‌سی اثناسنده مطلع اولدم که پرنس حضرتلری‌ده اوتوز بر مارتک بک متعدد اولان مرتب‌لرندن بریسی ایمشدر . بودفعه ایسه محقق صورتده برسؤ قصد حاضرلامقده اولدقلرینه هیچ شبهه‌مز اولمادیغنی حالده طلعت پاشانک حمایه‌سی سایه‌سنده قورتولمغه موفق اولمشدردی . کندیلرله آدم‌لرینی بک یقیندن تعقیب ایتمکده اولدیغم کونلردن برنده ایدی ، پرنس هنوز قاچامشدی . برکون برادرلری پرنس لطف‌اه بک شخصنه عائد برایشده معاونتی رجا ایتک اوزره محافظغه کله‌شدی . سوق کلام ایله محاوره‌ی صباح‌الدین بکه انتقال ایتدیردم و دیدم که :

— « سزدن اوفاجق بر خدمت ایستیه حکم : بعض سوزلریمی لطفاً برادر یکز صباح الدین بک افندی به نقل ایتک . کندیلری بوراده و اور و پاده یازدقلری بر چوق یازیلرله ادعا ایدیورلرکه اتحاد و ترقی صنایدی قاتل، قانلی بر طاقم اشخاصدن عبارتدرلر . بونی، کلیاً خلاف حقیقت اولدینی حالده ، بر دقیقه ایچون قبول ایدم . فقط بن ادعا ایدیورمکه بزنه قدر قانلی ایسه ک ایچلرنده پرنس صباح الدین بک دخی داخل اولدینی حالده بوتون مخالفلریمزده قانلیدرلر . اولاً ، اوتوز بر مارت وقعه سنی اونلر احداث ایتدیلر؛ پرنس حضرتلری ده بو ایشده داخلدرلر . بناءً علیه اوزمان دو کیلان قانلرله حرکت اردوسنک استانبوله مواصلتمده دو کیلان قانلرک مسبب حقیقلری اونلردر . بالاخره خلاصکار ضابطان غروبنک تشککنده پرنس حضرتلری بویوک بر حصه به مالک اولدقلری کی آرناووداق عصیاننده ده علاقه داردرلر . بناءً علیه او وقتکی قانلرک مسؤلیتنده مشارالیه حضرتلری مشار کدرلر . شمدی ده بزلرک قاتی هدر ایتک ایچون صرف مساعی ایدیورلر . او حالده کندیلرندن رجا ایدرم . باری بو حقیقتلری اعتراف بویورسونلرده قانلی دیدیکی الحاح جیلرک هیچ اولمزسه بر تدیر مقابل اوله رق قان آقیمغه مجبور اولدقلرینی و کندیلری کی بادیلرک ده ظالم عدایدملری لازم کله جکینی قبول ایتسونلر . و هرا یکی طرف ده قان دو کمکدن واز کچه رک بر برلینه مستنداً کندی قناعت سیاسیه لری داخلنده ایکی مخالف طریقدن خیر و وطنه ساعی بولونسونلر .

بالطبع بویوک بر فوران ایله قارداشنک هیچ بروقنده الی قانلی اولمادیغنی، بویاپیلان ایشلرده کندیسنک قطعاً علاقه سی اولامایه جغنی و سائر و سائرده در میانه باشلادیلر . « بن بوایشده ذات عالیلرله مناقشه به قالدیشه جق دکلم . چونکه بونلره سز واقف دکلسکز . لطفاً سوزلریمی برادر یکزه نقل ایدرمیسکز ؟ ایتزمیسکز ؟ اوراسنی سویله یکز ، بنجه کافی ! » دیدم . « بلکه بر خیره دلالت ایتش اولورم ، بناءً علیه برادریمه سویلرم » دیدیلر . ایکی اوچ کون صکره پرنس لطفاه بک کلدیلر . سوزلریمی برادرلینه عیناً نقل ایتدکلرینی و جواباً اتهاماتک کلیاً خلاف حقیقت اولدیغنی ، اقترأ ایتک ایسته مه یورسمه مطلقاً ساسلی بر صورتده آلدالمش اولمقلغم لازم کله جکینی ، کندیلری بر نظریه سیاسیه صاحبی اولوب غایه اتحاد ایتدکلری بونظریه نک مملکسته تطبیقی ایچون دائماً وسائط علمیه ایله مجادله ایدر اولدقلرینی ، جهانده اک چوق نفرت ایتدکلری شی قان ایکن کندیسنه نصل اولوب قانلی انقلابلر طرفدارلنی و ده افناسی ، مرتبکی اسناد ایده بیلدیکمه تعجب ایتدکلرینی و فقط بنم برادرلری واسطه سیله سبق ایدن بو اخباریمی علمهنده کی کین وعداوت حسلرینک واصل مرتبه کال اولدیغنه و بناءً علیه بویوک بر تهلکه ایچنده بولوندقلرینه دلیل عد ایتدیکندن حفظاً لنفس بر همت ایچون امنیتلی بریره چکیله جکلرینی سویله مش اولدقلرینی بیلدیردی .

فی الحقیقه او کیجه پرنس حضر تلی اورتدن غائب اولمش و کیزلنمشلردی . دیدم که : « پرنس صباح الدین بک ایله بر مقاوله یاپه لم . انکلیز جزائیونک کدمشهورلرندن اوچ ذات انتخاب ایدلم . علیهلرنده بولدیغم دلائل و شهودی بو اوچ انکلیز حاکمنه تودیع ایدلم . پرنس حقنده کی حکمی اونلر ویرسونلر . یعنی پرنسک مختلف سوء قصد و اختلال مرتبی اولوب اولمادیغنی اونلر تعیین ایتسونلر . شاید علیهلرنده حکم ویرلرسه پرنس حضر تلی محاکم عثمانیه طرفندن محاکمه لرینک اجراسنی قبول بیورلرمی ؟ »

ایکی اوچ کون صکره بردها کلمش اولان پرنس لطفاه برادرلینی کوروب سوزلرمی سویله مکه موفق اوله مادقلرینی بیلدیرمشلردی .

یکی ضربه حکومت تشبثاتی حقنده کی تعقیباتم اثناسنده وسائط تعقیبیم بوايشده اوزمان چتالجه اردوسی قوماندانی اولان عبوق احمد پاشانک ده مشارک اولدیغنی اصرار ایله اخبار ایدیورلر و برادر زاده لری واسطه سیله مشارالیه ک پرنس صباح الدین بک و رفقا سنه پک بویوک معاونتلر وعد ایتدیکنی بیلدیرمیورلردی . عبوق احمد پاشانی اولا مرد بیلیرم . ثانیاً ، بدلا ظن ایتیم . ثالثاً ، عثمانی ایمرطور لغنک پک چوق انعام و احسانه مظهر اولدیغندن اوکا افراط ایله صداقت لازم کله جکنی تقدیر ایدر امید و قناعتنده ایم . بناءً علیه مخبرلریمک توالی ایدن مصرانه اخبارینه رغماً بویکا اوزمان اینانما مدم . انور پاشانک حریبه نظارتنه تعینندن صکره تقاعد ایدیلرک شامده اقامته مأمور ایلد کدن صکره دخی بو قناعتنده ثبات ایتدم . حتی بو دفعه تشکل ایدن داماد فرید پاشا قایینه سنه — که محمود شوکت پاشا سؤ قصدینک مرتبی اولان حریت و ائتلاف فرفه سی ارکانندن مشیر شا کر پاشا و خواجه صبری و سائره کبی ذواتدن ترکب ایدیور — ناظر اوله رق داخل اولدیغنی او کر ندیکم حالدہ دخی حالا قناعتی تبدیل ایتیمورم . یعنی محمود شوکت پاشا سؤ قصدنده عبوق احمد پاشانک دخل و مشارکتی بردرلو قبول ایده میورم .

محمود شوکت پاشا وقعه سی

قایینه علیهنه برضربه حکومت پاییه جنی ، باخصوص محمود شوکت پاشا ایله بکا وطلعت بکه سؤ قصد ایدیله جکی حقنده کی اخبارات هر دقیقه توالی ایدیور و مأمورلم فعالیتله چالشیورلردی . بو دفعه کی ترتیبات بالخاصه انکاتره سفارتی باش ترجمانی فیچ موریس ایله آناشه میلیر بیکباشی تیریل طرفندن حمایه و تشویق اولنیوردی .

کامل پاشا قابینه سی زماننده پولیس مدیریت عمومی سی قسم سیاسی مدیرتنده بولنش اولان محب بك ، چركس يوزباشی کاظم ، بحریه يوزباشی یلغندن مستعفی شوقی ، کوملجنه لی اسماعیل ودها امثالی برچون ذوانک بوسوقصد ترتیباتیله مشغول اولدقلری خبر ویریلوردی . بن کندیلر نی اوقدر یقیندن تعقیب ایدیوردم که عادتاً مأمورین خفیہ مدن بعضیلری اولنرک آره سنه صوقولمغه بیله موفق اولملاردی .

داماد صالح پاشا

برکون بك مهم دلائلی حاوی اوله زق آلدیغم بر راپورده ایشك باشنده داماد صالح پاشانك بولوندیغی و اوروپاده کی داخلیه ناظر اسبق رشید بككده بو قومیلوده علاقهدار اولدیغی بیلدبریلوردی . داماد صالح پاشانك حریت وائتلاف فرقه سنیدن اولدیغنی بيلمکله برابر بویله برسوءقصده اشتراك ایده جکهنه احتمال ویره میوردم . باخصوص خاندان سلطنته پیدای مناسبت ایش اولان بر ذاتی هر نه اولورسه اولسون صیانت ایتک و اونك قومیلور ايله اشتغالیه مانع اولق اک برنجی اندیشه لرمیدن ایدی . بناء علیه محافظلق یاورلرندن برینی کندیسنه اعزام ایدرک محافظلغه قدر اختیار زحمتله کلوب بنی کورمیلرینی رجا ایتدم . تعیین ایتدیکم زمانده کلدیلر . کمال احترام ايله قبول ایتدکن صکره دیدم که :

« — پاشا حضر تلی ذات عالیلرینه آچیق برسان ايله بعض معروضاتده بولونمقلغمه مساعده بیوریکیز . دامادشهریازی اولق اعتباریله موقع وشخص عالیلرینك حائر اولدیغنی اهمیت مادیه و معنویه دن استفاده ایتک ایسته دکلرینی ظن ایتدیکم بعض اشخاص نام و حساب سامیلرینه اوله زق تشبثات خفیهده بولنیورلر . کویا سزك تحت ریاستکیزده بر جمعیت خفیہ نك تشکل ایتدیکنی و بك یقین زمانده حکومت حاضره ارکانندن برچوقلرینی اتلاف ایتک صورتیله بر انقلاب وجوده کتیریله جکنی ایلری سوره رك ضابطاندن و سیویلدن برچوق طرفدار تدارکنه چالیشیورلر . بن ظن ایتک ایستیورم که ذات عالیلری بوندن بالکلیه بی خبرسکیز . فقط اعتماد بیوریکیز که بو اشخاص بو طرزده چالیشیورلر و سزی مدھش بر مسؤولیته طوغری سوزو کلیورلر . بن ذات سامیلرینی ، ابدی بر حرمت و تعظیم ايله مربوط اولدیغم خاندان ذیشان عثمانیه اولان اتسابکیز حسیله صیانت ایتکی ، بر وظیفه مقدسه تلقی ایدیورم . بناء علیه بك رجا ایدرم ، بر مدت ایچون اسنانبولدن چیقیکیز و اوروپانك بر طرفنه چکیلیکیز . تا که بواشخاصك بك قریب بر آتیده یاه جقلری جانیانه بر حرکتك حکومتجه منع و تأدیی صره سننده سزك علیھکیزده موجب اتهام بعض دلائل الدہ ایدلش

اولسون و حق‌کنزده تعقیبات قانونیه اجراسنه احتیاج قالمسون . اشخاص مرقوم‌دهه تلقینات مضرملری ایچون اتخاذایتدکلی الیمهم برواسطه‌دن محروم بر اقلمش اولسون . « غایت خالصانه اولان بوسوزلیمه قارشو قواعد تربیه و نزاکنه پک‌ده تألیف ایدیلهمه‌یه‌جک بر طور طاقینه‌رق دیدی‌که :

« — باقیکنز ، بک‌افندی ، سزه آچیق سوبلیهم . بن‌سلطان‌افندی‌حضر تلیرنیک سایه‌لرنده غایت فخور و مکمل بر حیات سوریورم . بو حیاتی اوقدر سویورم‌که بر دقیقه بیله اوندن آیرلمق ایسته‌م . بناءً علیه اوروپایه کیمک حقنده‌کی تکلیف‌کنری اولاوندن طولانی قبول ایدم . ثانیاً ، سزک بکا سویوله‌یککنز شیئر کاملاً مصالح‌لردن عبارت‌در . آلچقجه اویدیرلمش مصالح . شمدی بن‌تکلیف‌کنز وجهله اوروپایه‌کیده‌جک اواسهم بونلری ضمناً اعتراف‌ایتمش اولورم . بناءً علیه هیچ بر طرفه قیمیلدانه‌جقلردن دکلم . الیکزدن نه‌کایرسه یاقمقدن کری دورمایکنز . و بی‌اخافه ایچون بورایه قدر چاغرمش اولمکنزدهه تألیف ایدرم . »

بالطبع بر طرفدن پاشایی دائرة نزاکنه دعوتله برابر بر طرفدن‌ده دیدم‌که :

« — پاشا‌حضر تلی ! کوریورم‌که تشبک‌کنز واقف اولدیغم درجه قوتندن پک‌امینسکنز و یقین زمانده نائل امل اوله‌جغکنزه قانع بولنیورسکنز . بناءً علیه هیچ پرواسز بوراده انتظار ایتمکی و نتیجه موفقیتدن اولمکنزجه‌مستفید اولمغی موافق بولیورسکنز . متشبثلر هیچ بر شیئه موفق اوله‌مایه‌جقلردر . بلکه منفرد سو قصدلر یاه‌بیلورلر و فقط هیچ بر وقت حکومتی دورمکه مقتدر اوله‌مازلر . ذات عالیکنز بنم تکلیفمی قبول بیوریکنز و حتی موافق بولیورسه‌کنز سلطان‌افندی‌حضر تلی‌خده بر لکده اوروپایه کوتوریکنز . اسباب‌استراحتلرینک تأمیننه عنایت بیورملی‌صدر . اعظم پاشا واسطه‌سیله ذات حضرت پادشاهیدن استرحام ایتدیرم‌کده مشکل دکلدر . شاید پک‌خالصانه اولان بو وصایای اصرار ایله رد ایدرایسه‌کنز بوکوندن اعتباراً ذات عالی‌لرینی آچیقندن آچیغه تعقیب ایتدیرم‌کنم ایچون بر وظیفه اوله‌جقدر . او زمان : « باقیکنز محافظتک بزی‌خفیه‌لرله تعقیب ایتدیر بیور » دیه شکایت ایتیه‌کنز . « عنف ایله یرندن قالدی : » — الیکزدن کلنی یاقمقدن بر دقیقه خالی قالمایکنز . بن‌شورادن شورایه‌کیده‌جکلردن دکلم . « دیدی و حقیقی کتیدی . نده اوکوندن اعتباراً صالح پاشایی هر بر فعل و حرکتی نجه معلوم اوله‌جق صورتده پک یقیندن تعقیب ایتدیرم‌که باشلادم . »

ارده‌دن درت بش کون کچدکدن صکره برکون رژی مدیر عمومی موسیو وویل محافظ‌لغه بنی زیارته‌کلدی . برکون اول آتنه‌دن کلمش و ایلیک زیارتی بکا یامش اولدیغنی سویلیوردی . معتاد اولان بر قاج جمله احترامیه‌نک تعاطیسندن صوکره دارغین بر چهره ایله سوزده باشلادی :

« — جمال بك ، دیدی ، بو دفعه سزه بك دارغین اوله رق کلیورم . چونكه بنم سزك قدر سودیکم بر دوستی سز تحقیر ایتدیکز و اوکا نالایق معاملده بولوندیکز ، داماد صالح پاشان بخت ایتك ایستورم . کچن کون کندیسنی چاغیرمش و بعض سوء قصدلر ترتیبانله مشغول اولان برطاقم آدم لرك ریاستده اولدیغندن بختله کندیسنه اوروپایه عزیمتی تکلیف ایتمشکمز . بونی نچون پایدیکز ؟ بن صالح پاشا دن کئدم قدر امینم و بویله آلتیجه بر تشبثده بولونمايه جغه قانعم . » کال سکونتله موسیو وهیلی دیکله دکدن صکره دیدم که :

« — عزیزم موسیو وهیل ! هیچ تلاشه لزوم یوق . بن داماد صالح پاشایه سویله دیکم سوزلرك نه قدر آغیر اولدیغنی تقدیر ایدمه یه جك بر آدم دکلم . اولنرك هدیه عینی عمیق تدقیقاتدن صکره سویله دم و بونده خاصه داماد صالح پاشانك دکل انتساب ایتدیکی خاندان دیشانك محافظه شریفی املی سائقم ایدی . فقط پاشا ارقداش لری نك موفقیتندن بك امین اولملی که بو خالصانه اخطار اتمی قبوله تنزل ایتمه دی . بنده او کوندن اعتباراً پاشایی بك یقیندن تعقیبه باشلادم : تعقیما تكم دجه اهمیتنه دلیل اوله رق سزه برشی سویله یه جکم . صالح پاشایی کوریکز و کندیسنه سویله یکز که اولکی کون کندیسنه بر شخص مجهول امضاسز بر مکتوب کتیردیمی ؟ او مکتوبده کندیسنی بك اوغلنده بریره دعوت ایدلیور میدی ؟ فی الحقیقه پاشا اورایه کیتمدی ، نچون کیتمه دیکنی بیلمده کوچ برشی دکل . چونکه بك یقیندن تعقیب ایدلیدیکنی بیلن پاشا بالطبع ارقداش لری نك محل اجتماعنی بکا بیلدیرمك ایسته مزیدی . اگر بولیدلن صکره ده پاشا استانبولدن چیقماق ایسته مزسه بوندن بویله حقلرنده پایله جق معاملاتده بن کندیمی سربست عد ایدرم . وسزكده بکا داریلغه حقکمز اولمز . »

سوزلری دقتله دیکله بن موسیو وهیل وداع ایله کیتدی . و ایرتسی کون کلدی . پاشانك فی الحقیقه امضاسز بر مکتوب ایله بك اوغلنده بریره دعوت ایدلیدیکنی و فقط بو یرك نه اولدیغنی بیلمه دیکنی کی کیدلر طرفندن چاغیرلمش اولدیغنی ده بیلمه دیکنی و بناء علیه کندیسنی بر طوزاغه دوشورمك ایسته یئلرك بر حیلده سی کی تلقی ایتدیکنی و مع هذا استانبولی ترك ایتمه کده اصرار ایدلیدیکنی سویله دی . و علاوه دیدی که :

« بن آرتق بویك نازك مسئله ایله علاقه دار کورونمکی غیر موافق تلقی ایدیورم . دوستلغمك سوق و ایجابیله پاشا لهنده دیکر بر دوستم نزدنده تشبثانده بولوندم . فقط تکلیفکزی قبول ایتمه مكن خصوصنده صوك درجه لده اصرارینی کوردیکم پاشا ایچون بعدما هیچ بر تشبثده بولونه م . یالکرسزدن رجا ایدرم که پاشایی افترا و زور براتك قربانی ایتمه یکز . سزك وجدان و ناموسکزه اولان امنیتیم نامحدود . »

صالح پاشانك دعوت ایدلیدیکنی محل سوء قصددن بر هفته قدر اول کوستنجه دن

عودت ایتیش و فیچ مورسله بیکاشی تیریلک حایه سی آلتنده واپوردن چیقارلمش اولان یوزباشی چرکس کاظمک اقامت کاهی ایدی . پاشا بونی بیلدیکی حالده تعقیباتمدن شبهه لهرک اوکیچه موغد ملاقاته کیتمه دی .

بن جنداً صالح پاشایی صیانت ایتک ایستوردوم . فقط نه یاپه سیم که پاشا موفقیتدن امین اولانلره مخصوص بر عناد ایله تکلیفی عدم قبولده اصرار ایتدی . ونهایت کندیسنک موجب هلاکی ونیم پک درین بر مربوطیت روحیه ایله مربوط اولدیغم خاندان دیشان عثمانیدن برسلطانک ابدیاً سبب انکسار روحی اولدی . نه یاپه لم که جنایتی قابل عفو اوله جق درجه دن پک بویو کدی . بعداً حکم پاشانک عفوینه دلالت ایتک ، ماکتده ابدیاً تأمین ایسته دیکم واغورنده حیاتی بیله فدادن چکینه مکه قرار ویرمش اولدیغم سکون و آسایشی بترکار دوچار تهلکه ایتک اولوردی .

کوملجنه لی اسماعیل بک

بوصرده وسائط تعقیبیه مک مهم مخالفیندن اولان کوملجنه لی اسماعیل بکی ده تعقیب ایدیوردی . پک جرأتکار اولان بوذاتک اخلاقاً دوشکون اولدیغنه تامایله قالیم . مملکتک باشنه اک بویو ک بلا بو آدمک یوزندن کله جک نه ایمانم وارد . فقط اوزمانکی پلانک خطوط اساسیه سی ایجابندن اوله رق بونی ده ملائمه قوللانیور وعلیمده غیر قابل رد وجرح بر دلیل قطعی بولونجه به قدر توقیفندن توقی ایدیوردم . غالباً بزم وسائط تعقیبیه کنیدیسی زیاده جه تضییق ایتش اوله جقلرکه برکون کمال تلاش ایله عافظلغه کلدی — محمود شوکت پاشا وقعه سندن آنجق برهفته قدر اولدی — ویدی که : « — آرقه مده بر طاقم خفیهرک دولاشمقده اولدیغنه باقیلیرسه حکومتک بندن شبهه ایتدیکی آ کلاشیلیر . باقیکر جمال بک افندی ، سزه ناموسکار برانسان دفتیه عرض ایدرکه مرکز قوماندانلی حبس خانه سنده سزه ویردیکم سوزده کمال جدیتله ثبات ایدیور و دکل ظاهر آ و علناً حتی خفیاً بیله حکومت علیمده هیچ بر تشبیه بولونمورم . آغزمدن حرف راحد چیقارمیورم . بناء علیه بلکه خفیهرلیکر علیمده خلاف حقیقت راپورلر ویرلرده سزی دوچار شبهه وتردد ایدرلر ملاحظه بیله بالذات کلوب بیان حقیقت ایتکی مناسب کوردم . ناموسم اوزرینه یمن ایدرم که حکومت علیمه هیچ بر تشبیه بولونمورم و بولونانلره اشتراک ایتیمورم . »

پک اساسلی بر صورتده حاضر لاقمده بولنان محمود شوکت پاشا وقعه سنک مک مهم عوامل ومرتبیندن اولدیغی بیلدیکم بو شخصک خلاف حقیقت اوله رق ناموسی اوزرینه نصل یمن ایتدیکنه حیرت و کندیسنندن نفرت ایدیوردم . ذاتاً کانون ثانی وقعه سندن

صكره مركز قوماندانلى حبسخانه سندن بنم واسطه ماه تخليه ايدلديكى صروده صالح عقد اولونه رق مالمكتده سكون و آسایش تماماً اعاده ايدلنجه به قدر هيچ بر مخالفت ياپمه غننه دائر ديني و ناموسى اوزرينه يمن ايتمشدى . فقط ارمدن بر آي كچمه دن جنيتلرك اك مدهشنى ترتيب ايجون اولانجه قدرتيه چالشمغه باشلادى . تعقيب ايدلديكى حسن ايدز ايتمز بالذات محافظلغه كلهرك يالانچى يمى تكرر ايتكدن چكينه مىدى . قارشومده سىلانسك هيئت عموميه سندن ملعت و حياسزاق محسوس اولان - بوشخصى نجه پك معلوم اولان يالان يمى نلر ينى تكرر ايدر كورمكدن متولد بر حسن نفرتله :
 « — يمى نلر يكنز كافيدر اسماعيل بك ! مستريح اوليكنز بن دلائل قطعيه و باززه ايله قناعت كامنه حاصل ايتمه دكجه هيچ كيمسه حقه دم حكيم و بر نلردن دكلم . اوليه اولماسه ايدى سزى مركز قوماندانلى حبسخانه سندن چيقارتمزد . فقط سزى توصيه ايدرم . بوسروده بر قوميلو ترتيباً يله مشتغل اولان اشخاصى ياكيزه ياقلاشدير مه يكنز . اوزمان وسائط تعقيبيه مك بلکه سزى ضررى دوقونه بيلير . شمدريك كيده بيلير سكنز . »
 ديدم . تشكر ايدرك كيتدى . فقط بنده پك بويوك بر خطا ايشلشمش اولدم .
 زيرا اوزمان بر تدبير احتياطي اوله رق حقه دم توقيف موقت امرى چيقارتمش اولسه ايدم محمود شوكت پاشا وقعه سندن صكره فراره موفق اوله ماز و ائسى تحقيقاتده تظاهر ايدن دلائل سايه سنده محكوم ايديله بيليردى . مملكته ده يونان پاره سيله كندى علمينده بولونان برخائندن ايدى قورتولمش اولوردى . بن شو بسترلرى يازار كن استانبولده تشكىل ايدن داماد فريد پاشا قابينه سنه كوماجنه لينك داخله ناظرى اوله رق داخل اولديغى و اتحاد ترقى ازكانى علمينده حكيم و يرمك ايجون بر محكمه فوق العاده تشكىل ايدرك بونك رياسته كوماجنه لينك كچيرلديكى غزته لده او قودم . شمديدن شورايه اشارت ايدى يورم . كوماجنه لينك استانبولده بر موقع مأوريتيه كچيرلديكى روايتى صحيح ايسه بوندن مملكتهك آز زمان ايجنده نه بويوك فلاكتلره ذوچار اوله جغنى بن خاطر اتمك تسويدنى اكالدن اول كورمچكز .
 محمود شوكت پاشانك شهادتى متعاقب كمال شرتله آراتمغه باشلا ديم كوماجنه لى مع التأسف فرار ايتمشدى .

كامل پاشا

ينه محمود شوكت پاشا وقعه سندن بر هفته نهايت اون كون قدر اولدى ، بر صباح غايت ايركن پوليس مدير عمومى عزمى بك ، كامل پاشانك مسائرى ماريتم واپوريله دون كيجه استانبولده كلديكى و فقط هنوز قريمه چيقما دىغى خبر ورييور و حقه دم نه ياقم لازم كله جگى صور يوردى . قسم سىامى مدير بك مشارايه نرينه ، و

ريهلر ك استانبوله آياق باصمان ينه كلدكاري واپورله مصره عودت ايتلري لزومنك
اخطار ايدلسي جواني ویردم . فقط ؛ ياريم ساعت صكره ينه غزمي بك كامل پاشانك
دها كيجه دن قرهيه چيقدیغني و شمدي قوناغده بولونديني بيلدير يوردی . پاشانك
استانبوله كتير لمسي سوء قصد مرتبلر نجه مقرر بولونديغني ذاتا بيليوردم . فقط كامل پاشانك
بوكا جسارت ايدجكني اميد ايدمه يوردم .

پاشانك بي پروا استانبوله ورودی اختلال تشبثاتنك بك قريپ اولديغنه اك بويوك
بر شازت ایدی . بناء عليه بنده بك شديد و سريع تدابير اتخاذ ايتمكلكم وضعيتك
الحاجاتندن ایدی . غزمي بكي نزديمه دعوت ايدرك تدابير آتیهنك اتخاذيني رجا ايتدم :
« — شمدي بن محافظلق طرفندن برضابط ايله لزومي قدر انضباط عسكري
مأموريني كامل پاشانك قوناغنه كوندره جكم . سزده بر قوميسر ايله مقدار كافي پوليس
تخصيص ايديكز . قوميسر ايله ضابط معيتلريله برابر كامل پاشانك قوناغنه كيتسونلر .
قوناغه خارجدن يولي واجبي كيمسهنك دخوله مساعدده ايتمه جك وجهله مدخللري
تحت نظارته آسونلر . ضابطله قوميسر پاشادن ملاقات رجا ايتسونلر و حكومتك
شو قراريني كنديسنه تبليغ ايتسونلر : [مملكتهك احوال داخله سي كامل پاشا
حضر تلرينك شو آرائق استانبوله بولمئسندن بك زياده مضرت كوره جك ماهيته در .
بناء عليه حكومت پاشادن رجا ايديور ، كنديلريني مصردن بورايه كتير مش اولان
مسائري ماريتم واپوريله ينه مصره عودت بيورسونلر . حتي واپور بوراده اوچ كون
قاله جق اينه پاشا اعظمي اوله رق اون ايكي ساعته قدر واپور راكب اولمليدر . عكسي
حاله حكومت بلكه شايان تأسف بعض تدابير احتياطييه اتخاذينه مجبور اولور .] بولري
سويلسونلر و پاشانك ويرجكي جواني بزه بيلدير مرك كنديلري قوناغده قالسونلر
و كيمسهنك خارجدن داخله كيرمسنه مساعدده ايتسونلر . »

بوقرار در عقب اجرا ايدلدي . بن ياورم يوز باشي حلمي افندي ني مأمور ايتدم .
پاشا جواباً بك يورغوز اولديني ايجون بو قدر چابوق بر زمانده يكي بز واپور سياحته
تحمل ايدمه جكني و بناء عليه حكومتك خلاف صلاحيت اوله رق اتخاذ ايتديكي
بوقراره تبعيته لزوم كورمديكني بيلدير مشدي . بو جواب اوزرينه پاشا استانبولي
رك ايدنجيه قدر نه داخلدن خارجه ونده خارجدن داخله هيچ كيمسهنك كيرمسنه
مساعدده ايدلمه جك وجهله قوناغك تحت نظارته آلمئسني امر ايتدم .

بن بتدائيري اتخاذ ايتديكم صره ده انككتره سفارتي باش رجماني فيچ مورييس
در عقب سفير نامنه بيان خوش آمدی ايتك اوزره قوناغه كلش و فقط حكومت
مأمورلرينك مانعتي اوزرينه ايجري كيرمه مشدي . محمود شوكت پاشا سوء قصدینك
مرتب حقيقي اولان بو ابليس طينت سياسي تدابير متقابله اتخاذ ايدرك كامل پاشانك

استانبولدن چيقارلمسنة مانع اولمغه قرار ویرر و همان سفیر نامه محمود شوکت پاشای زيارت ایدر و فصل اولوبده انکلترة سفارتك محب قدیمی اولان کامل پاشا ایله مناسبتنه ممانعت ایدلديکني برذرلو آکلایه مادقلرینی و بونک اسکلترة افکار عمومیه سی اوزرینه پک فنا تأثیر ایده جکني و ده بر طاقم بکک حمل تهدیدیه بی صایار دوکر . وقت ظهیر دوغری محمود شوکت پاشا تفونه ایتدی، همان کیدوب کندیسنی کورمکلکمی امر ایدیوردی . صدارت اوطه سنده اوزمان بحریه ناظری اولان چوروك صولی محمود پاشا ایله برابر اوطور بیورلردی . خلیل بکده اوصرده نزد صدر اعظمیه کیرمک اوزره ایدی . ایکیمز برلکده کیردک . فوق العاده حدید برچهره ایله پاشا بکا دیدی که :

« — نه او ! سر کامل پاشای خانه سنده توقیفی ایتمشکیز؟ کندیسنی استانبولدن چیقمنه اجباری ایدیورمشکیز ؟

« — اوت افندم ، اریله بر تدیر احتیاطی اتحادیه مجبور اولدم ، دیدم .
« — شیمدی سزه امر ایدیورم ، پاشانک قوناغی اطر افنده کی تداییر ترصیده ی همان رفع ایدیکز و پاشای سربست بر اقیکز . ایستر بوراده اوطورسونلر ایستر خارجه کیتسونلر ، دیدی . صوک درجه دوچار حیرت اوله رق :

« — فقط افندم اتخاذ ایدلمش اولان تدیری رفع ایتمک پک مضر اولور و....»
طرزنده بیان مطالعه به باشلادم . آوازی چیقدینی قدر باغیرد رق :

« — سن عسکر دکلمیسک ؟ بن سکا امر ایدیورم . شیمدی سوبله دکلریمی یاعلی ، عکسی حالده سکا کشیدید معاملیه اجرا ایدرم . بنم باشمه برانکلز وقعه سیمی چیقارمق ایستیورسک ؟ باش تر جانک سوبله دکلرینی دویسه ایدک اوزمان یایدیگ خطانک درجه سی آکلاردک .

بر حکومتک کندی مملکتی داخلنده زید و عمر حقنده اتخاذ ایده جکی تداییر ایله دیگر بر حکومت سفیرینک نه صلاحیتله مشغول اولدیغی پاشایه صورمق ممکن دکلدی . چونکه پاشا ارتق منطق آکلایه جق درجه لردن چیقمشدی . واقف لدنیات احوال اوله رق کامل پاشا حقنده اتخاذ ایتدیکم بر تدیردن دولایي بغیر حق دوچار اولدیغم بو معامله شیدیه صوک درجه ده انکسار و اغبراریمی موجب اولمشدی . کوزلرم غیر اختیاری اوله رق یاشله دولدی . « امر ایدرسکیز » دیهرک اوطه دن چیقدم . تأثیرمک درجه سی اکلالمش اولان چوروك صولی محمود پاشاده آرقهم صره کلدی و بی سفرا اوطه سنه کوتوردی . اوراده ایاقده نجره اوکنده یکدی کیریمزه هیچ برشی سوبله میهرک بش دقیقه قدر یان یانه دوردق . کوزلرم دن بش اون دامه یاش آقری . اونلری سیلرکن : « دوچار اولدیغم معاملیه ی کوردیکز می ؟ عشق وطن اولسه بوکا تحمل

ایدیلورمی ؟ » دیدم . محمود پاشا : « حق‌کنز وار فقط رجا ایدرم تحمل ایدیکز . » دیدی . بش دقیقه صکره اعصابم پیدای سکونت ایتشدی . پاشایه تشکر و وداع ایدهرک محافظلق دائره‌سنة کیتدم . غزمی بکی دعوتله شو امری تبلیغ ایتدم :

« کامل پاشانک قوناعی اطرافنه قویدیغمز ترصدما ، اورلری صدر اعظم پاشا حاضر تلرینک امرلری موجبنه شمندی کری چکیله جک و قوناغک خارجله مواصله‌سی حقه‌نده کی ممنوعیت رفع اولنه‌جق . فقط بن شو تدبیر احتیاطینک دوامی مناسب کوربیورم : بر انضباط عسکری و پولیس مأموری سیویل اوله‌رق قوناغک جوارنده بولوندریله‌جق و قوناغه کیرن و چقانلر ترصد ایدله‌جک . »

متعاقباً محمود شوکت پاشایه خطاباً ایکی تذکره یازدم . برنده کامل پاشایه ایلشلمه‌سی حقه‌نده کی امرلرینک اجرا ایدلیدیکی بیلدیریوردم . دیگر ننده اوچ درت آیدنبری بلا فاصله چالشمقدن متولد ضعف عمومی استانبول محافظانی وظیفه‌سند دوائمه‌مانع اولدیغندن عفو بیورلمیغمی استرحام ایدیوردم . بوصوک قراریمک مملکت ایچون پک مضر اولدیغی بيلمکله برابر حادثاتک ایجاب ایتدیردیکی تدابیر احتیاطیه‌نی اتخاذه سربست بر ایلیمه‌جق اولورسم پاتخت آسایشی وبا خصوص حکومتک سلامتی تأمیننه موفق اوله‌مایه‌جغه‌ده قانع بولوندیغمدن حقیقه‌ه چکیله‌ککه قرار ویرمدم .

حقمده نالایق بر طرزده معامله عیفه‌ده بولنش اولمسنندن پک چابوق پشیمان اولدیغی ظن ایتدیکم پاشا مرحوم ده‌بن تذکره‌لری کنیدیسنه کوندرمزدن اول کیدوب کنیدیلرینی کورمکله‌کمی تفونله امر ایتدی . استعفا نامه‌م کنیدیسنه واصل اولمادن کیتمک ایسته‌مدیکم ایچون ، برکون اولدن قارلشدیرنش پک چوق ایشلرم اولدیغی و برچوق قطعات و مؤسساتک برای تقشیش بی بکله‌مکده اولدقیرینی و بناء علیه همان کله‌کلکم قابل اوله‌مایه‌جغی اقشامدن صکره ساعت قاجده امر ایدرلرسه کله‌جکمی عرض ایتدم . ساعت طقوزده دائره‌ه صدارته کیتمکله‌کمی امر ایتدیلر . بن‌ده تذکره‌لریمی کنیدیلرینه کوندرمکله برابر محافظلقدن حقیقه‌رق پک اوغلی جهتمده‌کی خسته‌خانه‌لری تقشیشه کیتدم .

او کرن مجلس وکلاده بنم استعفا نامه‌می او قومش و ندیایلق لازم کله‌جکینی ناظرلردن صورمش . بوتون نظار بوکا قطعاً محل ویرله‌مسی و بنم محافظلقده قالمقنم ایچون بهمه حال اصرار اولونمسی سوبله‌مشلر . پاشاده او فکرده اولدیغی سوبلکله برابر کامل پاشایه مملکتدن چیقارمده بن اصرار ایدر ايسم ایشک مشکلاته صاراجغی و هر حانده بر کره بنمله کوز وشه‌جکینی بیلدیرمش . اوکون اقشام اوززی اراهم بکی کوردیم . « قارداش ، سن استعفا ایدیورمشک ، اویله‌شیمیی اولور ؟ هیمز چکیایرز . » دیدی دیگر ارقداشلرده بوکالهدار بولنیورلردی . فقط بنم ایچون یا نتاچندن مسئول

اولی شرطیه اتخاذ ایده جکم تدابیرده تمامی سربستی یا خود استحصال مأذونیتدن بشقه چاره یوقدی . بوقدر مهم برزمانده انضباط عمومیهدن مسئول اولان ذاتی مقید بولوندرمقدن وایکیده برده ایشنه مداخله ایتکدن مضر برشی اولامازدی . نهایت ساعت طقوزده دائره صدارتده پاشا نزدینه کیتدم . شدت تأثردن او کون نه اوکله نه ده اقامت ییگی یشدم . بنی قارشوسنه اوطورته رق غایت نوازشکار طور ایله تطیب خاطریمه باشلادی :

« - بوکونکی معامله دن نه ایچون او قدر جوق متأثر اولدیکیز؟ بیلیمور میسکیز که بن سزی اولادم قدر سورم؟ بر بابا ، جانی صیقیلدی زمان اولادینه ایستهدیکی معامله نی یانمغه مقتدر دکمیدر؟ رجا ایدرم . بوکونکی حادثه نی اولادله بابا آردسنده کچیجی بروقمه کی تلقی ایدرک تأثرات قاییه کیزی ازاله ایدیکیز و بکامغبر اولماکیز . » دیدی .

« - پاشا حضر ترلی ! امین اولیکیز که معامله شیدیه کیزه ذات دولترینک ویردیکی ماهیتدن بشقه برماهیت اسناد ایتهدم . هر زمان ایچون کندیمی سزک اولادیکیز مقامنده تلقی ایدر وسلامت وطن ایچون معروف خدما نیکیزی کوزیتک اوکینه کتیردرک الک شدید معامله لریکیزی شایان تحمل تلقی ایدرم . بناء علیه استعفا مک سبی معامله کیزک شدتی دکل بو طرزده ایفای وظیفه یه غیر مقتدر اوله جغمی آکلامش اولماغمدر . ذات سامیلری اولان بیتن ایشلره ، خفیاً اتخاذ اولنان تدابیر اختلا لیه یه واقف دکلسکیز . خیر وطنه حصر ایتدیکیز بوتون قوای حیاتیه کیز اوزرنده سوؤ تأثیر اجرا ایتهمی ایچون امور انضباطیه یه متعلق مسائل ایله ذات دولترینی مشغول ایتیمورم واحوالک نزا کتی حقمده تفصیلاً عرض معلوماتدن اجتناب ایدیورم . فقط سزی تأمین ایدرم پاشا حضر ترلی ! کامل پاشا سزک جنا کیزه باصه رق مقامکیزه اوطور تلق مقصیده استانبوله کتیرلشدر . پاشانک بورایه کیدی اختلالک قریب اولدیغنه اک نویوک بردیلیدر . شمدی پاشایی استانبولی رکه مجبور ایتک اختلا لیلرک برقنادنک قیرلمسنه یاردم ایدم جکدر . هیچ اولمزسه بنده کیز اوله ظن ایدیورم . معلوم دولتریدر که خفی اختلال و سیاسی سوؤ قصدلره قارشی تدابیر مانعه اتخاذینه مأبور اولانلر سربستی اجر آنه مالک اولمز لرسه موفق اولملر نه امکان قالماز . بنی بو وظیفه یه تعیین بیوردیغکیز صر ده هر درلو تدابیرک اتخاذنده سربست اوله جغمی وعدا یتشدیکیز . شمدی ایسه قارشو کیزه بلا حق و صلاحیت برانکایز سفارقی چیقار چیقماز الک مهم کوردیکم بر تدبیری اتخاذدن تی منع ایدیورسکیز . بو حال ایله وظیفه ده دوام امکانی نیم ایچون قالماشدر . » جوانی ویردم .

اوزون اوزون دوشوندکن صکره « هایدی ، سکا هر درلو سربستی نی بخش ایدیورم . فقط کامل پاشا ایچون لزومندن فضله شدت کوسترمه . اوچ کون قدر

بوراده قالمسنة مساعده ايت . « دیدی و بوضورتله بنده استعفا می کړی آلم .
استانبول محافظلغنه عودت ایدر ایتمز کامل پاشانک اوغلی شورای دولت اعتنا سندن
عبده بکک ایرتسی کرن بنی کور می ایچون کندیسنه خبر کوندردم ، صاحبین کلدی .
پاشانک بهمه حال استانبولدن چیمغه مجبور اولدیغی و بوباده ویرلمش اولان قرارک
تبدیلنه امکان موجود اولمادیغی ، نه انکلتزه سفارتک ، نهء سائر مقامات اجنبیه نک
مداخله سندن هیچ بر فائده انتظار ایدمه جکله رینی وجهه کونی اقشامنه قدر استانبولی
ترک ایتمه جک اولور لر سه پاشایی توقیفه و بلکه آناطولیده بر محله اعزامه مجبور
اوله جغمی سویله دم . آرمزده بوراده تکرارینی بن لزوم تلقی ایتدیکم بر محاوره
جریان ایتدی . بونک نتیجه سنده قرار یمک قطعیتی کامل پاشا زاد یمک کوزل آکلامشیدی .
پدیننی ایقاز ایدمه جکنی ، پیوده یره اصرار ایتسنة مدان براقیه جغمی واقشامه قدر
جواب موافقتلرینی کتیره جکنی در میان ایله کیمدی . اقشام اوزری کلدی و پاشانک
ایرتسی کون اولکله دن صکره مسازری واپورینه کیدرک استانبولی ترک ایدمه جکنی
بیله یردی . فی الحقیقه ایرتسی جمعه کونی کامل پاشا انکلیز سفیری سیرلا و ترک عرب سنده
اولدیغی حالده سفیر ایله بر لیکده قوناغی ترک ایتدی و باب عالی طریقله ریختیمه اینه رک
واپوره کیردی . اقشام اوزری واپور حر کتله کامل پاشایی استانبولدن اوزاقلاشدیردی .

..

محمد شوکت پاشانک شهادتی

سؤ قصد جیلرک آرتق اکال تداییر ایتدکبری و آقشامه صباحه بر حرکت عمومیه به
انتظار ایدمک لازم کله جکی مأمور لر یمک اخباراتی و الده ایدیلاں بر چوق دلائل و
امارات ایله آکلاشیلوردی .

پاشا مرحومک بعض امرلرینی تلقی و باب عالی به کیدرکن و کلیرکن فوق العاده
متیقظ داورانلرینی یاورلرینه بالذات اخطار ایتک ایچون سوء قصدک یوم اجراسی اولان
۲ - ۱۵ حزران ۱۹۱۳ چهارشنبه کونی صباحلین حریبه نظارتنه کیشمش ایدم .
یاریم ساعت قدر پاشا ایله کوروشدم . زواللی اوکون پک بشوش و تداییرینک نتایجندن
امین کورونیوردی . موجب تلاش اولماق ایچون بوکونلرده بعض سوء قصدلردن
بحث اولوندیغی و بلکه یارین او برکون بوکا مانع اولمق ایچون بعض توقیفات اجراسنه
مجبور اوله جغمی و پایتخته محافظه امنیت و آسایش ایچون هر درلو تداییر انضباطیه
اتخاذ ایدلمش ایسه ده مفرد سوء قصدلره قارشو تماماً مؤثر تداییر مانعه بولمق ممکن
اولامایه جغندن کندیلرینک ده اثنای راهده متیقظ داورانمالری موافق اوله جغمی و

یاورلرینه اخطارات مخصوصده بولوندیغی صورت عمومیده عرض ایتدم . « آتم ! ایش اولاجقنه واریر ، نه یاپالم » الحکم لله « دیدی . مساعده استحصالیه یانندن آیرلدم . قرارگاه عمومی اوچنچی شعبه سنده بیکباشی . سعداد و کمال بکاری کورمک ایچون ائست قته چیقدم . بر نظامنامه حقنده کال بکله مداوله افکار ایدیوردوم . آره دن هنوز بر چاریک ساعت یا کچمش ویا کچمه مشدی . حربیه نظارتی میدانندن بر قلاص تحت سینه بویوک بر چکیجه وورولدیغی زمان حاصل اولان صدایه شبیه بر صدا ، منتظم و مطرد فاصله لرله بش دفعه ایشیدلدی . ذاتاً هر آن بروقه یه مرقب اولان قولاقلم بر آنده صدانک کلدیکی بجره یه دیکیلدی . کمال بک صوردم : « عجب اطباخه صداسیمی ؟ » « خیر ! هیچ ظن ایتم ! یا کلیم سیلکیورلر ویا خود چیوی چاقیورلر ! » دیدی . فقط بو جواب نی تسکین ایتمه مشدی . هر آن ناخوش بر حواشه منتظر بولانیوردوم . بش دقیقه صکره قابو آچیلدی . کمال تلاش ایله صادق خدمتجیم رمضان ایجری کیرمک « پاشایی ووردیلر ! » دیه باغیردی . بر صیجرا ایشده صوفیه چیقدم . « هانکی پاشایی ! کیم ووردی ! زرده » دیه حایقیردم . « باب عالی یه کیدر ایکن ، بایزید میداننده ! کیم اولدیغی بیلیمورم ! » دیدی . کمال بک سرعتله ایکنجی قاته اینرکن پاشا مرحومی ده قانلر ایچنده حربیه ناظرلرینه مخصوص اولان مردیوندن قوجاقله کندی اوطه سینه چیقارییورلردی . حزین و مؤثر صداسی اوکوندن بری حلاقولاقرمدن کیتمز . قوریدورده بر آز توقف ایتدم . کوزلریمی قوللر اوزرنده یوقاری چیقارلمقده اولان پاشانک صاپ صاری سیما سنه دیکدم . بر آن ایچون دوشوندیم . بنم وظیفهم زرده بولمقاعمی ایجاب ایدر ؟ در حال قرار ویردم : « هر شیئدن اول جانیرلرک تعقیب و دردستی و بونکله برابر پایتخنده محافظه آسایش ایچون محافظغه کیتلمی سم ! » یاورم یوزباشی حلمی یانمه قوشممشدی . « یوریکیز ! » امرینی ویردم و کندیمی نظارت میداننه آتدم . ایلك معلوماتی استحصال ایتم مقصدیله مرکز قوماندانلغنه کیدیوردوم . قام کوشه یی دونه جکم صروده انضباط عسکری ملازم لرندن برینی کوردوم . « جانی طوتلیمیی ؟ » دیدیم . « بیلیمورم افندم . عسکر آلمغه کیدیورم ! » جوابی ویردی . « عسکر آلوب نه یاپه جقمسک ؟ هایدی شمدی محل جنایتیه بالیکیز جه کیتلمی ، جانیرلری فراره و صاقلانغه مقتدر اولقمیزین ، یا قالا ملی ! » دیدیم . آلدیفی امرک شدتی قارشو سنده پرانتباه کیلیمش اولان ملازم شایان تقدیر بر چویکلك ایله موقع جنایتیه قوشدی و آزه دن بش دقیقه کچمه دن - بن اوطوموبیل ایله محل وقعه دن کچرکن - طویال توفیق اسمنده بر شخصی دردست ایتدیکنی و بونک جانیرلر دن بری اولدیغنه امین اولدیغی ، دیگرلرینک ده اوطوموبیل ایله فرار ایتدکرنی اوکرندیکنی بیلدیردی . بو ایلك خبردن بالطبع ممنون اولمشدم . همان محافظغه کلدم . بک اوغلی ، اسکدار

واستانبول جهت برنده در عقب عسکری تدابیر اتخاذ ایتدیردم . بر صورتده که جنایتک ارتکابندن هنوز یارم ساعت کچمه مشدی ، بوتون پاتخت سوقاقلری سواری و پیاده قوللری ایله طوتلش و بر ساعت صکرده بر بیاننامه نشر ایدیلرک وقعه مؤسسه حکایه ایدلمش ، اداره عرفیه نیک تشدید اولندیغی واک اوفاق بروقه یه سبب اوله جقلرک دوریه لر طرفندن شدتله تأدیب ایدیله جکی اعلان اولمشدی .

اختلالچیلرک سرایه کیده رک ذات شاهانه یی راحتسز ایتلری احتمالی اولدیغی نظر دقته آلم . مابین باش کتابتنه تلفونله اخطارات لازمه ده بولوندم و هر درلو تدابیر انضباطیه اتخاذ اولوندیغنک ذات حضرت پادشاهی یه عرض ایدلمسنی رجا ایتدم . بر طرفندده خادم کوینده باش قوماندان وکیلی عزت پاشایی تلفونله آرایه رق حادثه یی بیلدیردم . هر درلو تدابیر اتخاذ ایدلمش اولمسنه نظر آ مستریح اولملرینی ویا لکزد داوود پاشا قشله سنده بولنان ایکی سواری آلاینک موقه امریمه ترک ایدلمسنی و خادم کویندن ایکی پیاده آلاینک بر تدبیر احتیاطی اوله رق کوچوک چکمه جه ویا خلقه لی یه دوغری یاقلاش دیرلمسنی رجا ایتدم . رجالریمی اسعاف ایتدی .

عینی زمانده سعید حلیم پاشایه ودها سائر ناظرلره تلفونله اخبار کیفیت ایدرک هان حربیه نظارتیه عزیمت و احوال حاضر یه کوره نه یاللق لازم کله جکسنی قرار لاشدیرملرینی رجا ایتدم .

بعض تدابیر انضباطیه

استانبولده یویله بر حادثه ایقاع اولندقدن صکره مختلف محله لرده اجتماع ایدرک وضعیتدن استفاده ایتمه ساعی اوله ییله جک خواصدن وعوامدن کیملر اوله ییله جکسنه دائر پولیس مدیریت عمومیه سی واسطه سینله ده اولجه بر دفتر تنظیم اولونمش ایدی . هر هانکی بر مهم سوء قصدک اجراسنی متعاقب مذکور دفترده اسملری بولنان ذواتک در عقب توقیف ایدلمسنی مدیر عمومی عزیمی بکه سویله مش و مرکز قوماندانلغنه اوامر لازمه ویرمشدم . ابتداء ویرلمش اولان بو تعلیمات اجرا اولوندیغی و فقط موقوفلری زویه کوندرمک لازم کله جکسنع تعیینی عزیمی بک طلب ایتدی . اوصرده صدارت قائم مقاملغنه تعیین ایدلمش اولان سعید حلیم پاشا و داخلیه ناظر وکیلی حاجی عادل بک ایله بالماز کله یاتختک تأمین سکونی ایچون بونلرک سینوبده اقامته مأمور ایدلملرینی و کندیلرینه مقدار کافی یومیله لر ترتیب ایدلمسنی قرار لاشدیردق . سیرسقا ئ اداره سندن بونلر ایچون بروپور تخصیص ایدلمسنی طلب ایتدم و توقیف اولنانلرک مذکور واپوره ارکاب اولنه رق یرتسی کون آقشام اوزری حرکت ایده جک وجهه

توقیفاتك او كيجه صباحه قدر اكال ايدلمسنى عزى بكدن رجا ايتدم . عىنى زمانده وقعه ده مدخلدار اولدقلرني بيلديكم داماد صالح پاشا وسائر كى ذواتى دخى توقيف ايتديرهرك پوليس مديريت عموميه سنده استجوابلرینه ايتدار ايتديردم .

جنازه مراسمی

صدر اعظمه سوء قصد یا پلغله یا تختده آسایشك مختل اولمایاجغنى اثبات ایچون محمود شوكت پاشا مرحومه پك پارلاق بر جنازه مراسمی یاپدیرمق ایستورددم . اعیان و اشرافدن کافه سنه دعوتنامه لر یازلدینی کبی کبار مأمورین دولتك اثبات وجود ایتدیرلمسنى و یا تختده کی ارکان امرا و ضابطانك همان کاملاً جنازه ده بولندیرلمسنى ایجاب ایدنلردن رجا و جنازه یه بر چوق قطعات عسکریه اشتراك ایتدیردم . سفرای اجنبیه یه دخى تذکره لر یازدیرهرق کرک کندیلرینك کرک لیمانده بولنان سفائن حربیه قوماندان و ضابطانك و آناشه میلیر و نواللرک بویوک اونفورمه ایله جنازه یه اشتراك ایتلرینی تأمین ایتدم . جنازه ده بلکه یوزاللی بیک کشیدن فضله انسان بولنیوردی . او کون هوا غایت لطیف اولدینی ایچون خلق کاملاً سوقاقلره دوکولمشدی . آلاشلی بر جنازه قارشوسنده اعصابی در عقب کوشه یویرن بر چوق استانبول قادینى هونکور هونکور آغلایور و مراسمه بر شکل حزین ویریوردی .

جنازه مراسمنك فوق العاده ایکی بکله دیکم تأثیری تماماً حاصل ایتدی . بن جنازه مراسمنه اشتراك ایتمکدن زیاده آلنی آتلیدن مرکب بر دوریه قولنك باشنده استانبول لجه تنده کی سوقاقلرده کوزو کمکی ترجیح و اوصورتله حرکت ایتدم . آنجق جنازه نك شکل عمومیسنى بر کره کورمش اولق ایچون بر آراق اوتوموبیل ایله بک اوغلی جهتنه کچدم و آرقه سوقاقلردن دولاشهرق پانغالینده Notre dame de Sion مکتبی اوکنده جنازه یه ملاقی اولدم . هیئت عمومیه تام ارزو ایتدیکم ضرزده ایدی . کندیسنه پک بیوک امیدارله مربوط اولدیغم مرحومك جنازه سنى کورور کورمر غیر اختیاری کوزلرمدن یاشلر بوشاندی . کیمسه یه کوسترمه مک ایچون مندیله یوزغی قاپادم وهان عودت ایتدم . جنازه دن صکره بنی زیارته کلان ژاندارمه ضابطانندن فرانسولی بیکباشی سارو - Sarou آسایشك صورت مکمله ده محفوظ اولدیغندن طولانی بنی تبریک ایتدکدن صکره حریت ابدیه تپه سنده جنازه نك ورودینه انتظار ایدرایکن ایتالیان دونانماسی قوماندانی ایله ژاندارمه تنسیقاتنه مأمور جنرال بومان Baumann آراسنده جریان ایتمش اولان بر محاوره یی بک نقل ایتدی . کویا ایتالیالی آمیرال جنزاله دیمشکه :

« بوجمال بك مدهش برمتشبت اولسه كرك ! هيچ تردد ايتمدن بويله برجنازه مراسمی ياپديرمق ، سؤقصد فزداسنده ، هنوز جانيلر كاملا در دست ايدلمه مش اولديني برصرده بوتون سسفرای اجنيه ي وباخصوص قواي بحريه قوماندانلري بوداراجق يرده طوپلامق بر جسارت مدنيه وباخصوص تدابيرينك مكملتي حقنده صوك درجه اطمئنان حاصل ايتمكه توقف ايدر . شودقيقده اختلاجيلردن بري برال ومباسي استعمال ايدهرك ايچمزدن برويا قاچني حتي خفيف صورته يارالامش اولسه عثمانلي پايتختي در عقب سفاان حربيه من مرتباني طرفندن اشغال اولور . ذاتا بوكاعاند تدابير مذاكره ايدلمش واو امر لازمه ويرلمشدر . فقط ايشته بز بوراده يز وهيچ بروقه حادث اولمادي . اگر برايكي كونه قدر جانيلري و آنلرك حاميلرينده اله كچيرمكه موفق اولورسه جمال بك مملكتنه اك بويوك خدمتي ايفا ايتمش اولور . زيرا بنم فكرجه اك اول استحصال ايدمجهكي نتيجه اجنبي دونانماسنك پايتختي ترك ايتمه سي وبوغاز ايچنده حال طبيعيتك عودتي اوله جقدر . بكا كوره بوندن صكره بزبوراده آرتق فضله غلبه لكدن باشقه برشيء دكلز ! » .

جنایت چهارشنبه كوني ايقاع ايدلمشدي . پنجشنبه كوني جنازه مراسمی ياپلدي . جمعه كوني ده عنايت حقه جانيلرك رئيسي اولان چركس كاظم ورفقاسندن برقچني بك اوغلنده پيره محمد سواقنده قيصديرمرق ياورم يوزباشي حلمينك شهادتي وپوليس مركز مأمورلردن سموئل افنديك بالاخره طوپال قالمني انتاج ايدمك صورته يارالانمسي بهاسنه كافه سني در دست ايتديردم وديوان حرب عرفي هيئت استنطاقيه سنه تسليم ايتدم . استنطاق ومحاكمه نتيجه سنده ثابت اولدي كه فرقه وياغروپ حائنده وياخود اشخاص منفرد اوله رق برچوق مخالفينك مشترك وياعيني غاييه خادم متفرق مساعيسي نتيجه سنده اول اتحاد وترقينك اشخاص مهمه سي عليه نه برسؤ قصداجراسندن وبوصورتله مملكتي حكومتسز براقدقدن صكره ذات شاهانه اوزرنده اجرا ايديله جنك تاثيرات سياه سنده مشير شاكرپاشاي صدارت قائممقاملغنه تعيين ايتديرمك واونك رياستي آلتنده برموقت قاينه وجوده كتيره رك اوچ كون اوچ كيجه اتحاد وترقينك بوتون افرادي عليه نه برقتل عام ترتيب ايتك ومتعاقبا قاينه ني كامل پاشانك ويا خود پرنس صباح الدينك رياستي آلتنده تشكيل ايلدمك خصوصلرينه قرار ويرلمش . بن بوراده بو حقيقتي بلا پروا اذعا ايدرك سويلورم ، استنطاق ومحاكمه اوراق طاقيله نشر اولنورسه بو ادا عارم ثابت اولور . اساسا اك يوكسك مرتين كرام ايله مشتركا صرف مساعي ايتديكي معلوم اولان ترامواي قومپانياسي ترجمانلردن صبيح بك اعترافاتي او قونه جق اولورسه بشقه بر دليله حاجت قالمادن بوتون ادا عارم ثابت اولور . صبيح بك برحياتدز . بن كنديسني صاحب ناموس بر

ذات اوله رق تلقی ایدرم . حتی محمود شوکت پاشا قاتلار یله مشوقلرینک تأدیندن صکره مملکتده آرتق ابدی بر سکون حصوله کتیرمک فکریله غیاباً اعدامه محکوم اوله رق اور و باده بولنان بر چوق ذوات نزدینه صبیح بکی کوندرمش و اونلره بعض تکالیفده بولونمشدم . تکلیفم غایت بسیط ایدی :

« اگر بو ذوات اعلان مشروطیتدن شمدی به قدر مملکتده ظهور ایتش اولان متعدد سوء قصد و اختلال ترتیباته شخصاً نه صورتله اشتراک ایتش اولدقلرینی امضالری تحتنده خط دستلریله بکا یازارق کوندرمک اولور لر سه کندیلری حقنده در عقب عفو عمومی استحصال ایدرم . »

بالطبع بونده کی مقصدم کرک داخلده کرک خارجه افکار عمومی نی تنویر و اتحاد و ترقی به پاییلان افترا لک نه قدر جانیانه اولدیغنی اثبات ایتمک ایدی . هر برینک درجه اشتراک کنی بوتون تفصیلاتیله بیلن صبیح بکک تکلیفی قارشوسنده حیرتله ایچنده قالش اولان بو ذوات کرام پک طبیعی اوله رق تکلیفی قبول ایتمه مش و صبیح بکی حکومتدن پاره آلمش اولمغله اتهام ایتمکدن ده کری قلاما مشدر . تأمین ایدرم که صبیح بکک بیش پاره ویرمه دم . مومی الیهک اعترافاتی آرمسنده مشیر شا کر پاشانک صدارت قائممقامغنی مقصدی بیلهرک قبول ایده جکی و ذات شاهانه به تأثیرات اجرا ایده جک ذوات آرمسنده پک بویوک مقاماتی اشغال ایدن بعض ذواتکده بولنه جکی حقیقتلری واردی . اوزمان شویله دوشوندم :

« موقع مادیلری بو درجه لرده یوکسک اولان شو ذوات علمنده تعقیبات اجرا سنه قیام ایتمک ایشی پک ایلری به کتورمک اولور . مشیر شا کر پاشایه کنجه بر طرفدن اولومی ایچون تداییر اتخاذ ایتدیکی بر ذاتک تکلیف ایتدیکی یمن والی و قوماندانلغی قبول ایتمک کبی کوچوکلکده بولومش اولان بو شخصی بویله یالکیز قوله و اعترافاتده مستند براییکی ضعیف دلیل ایلله محکوم ایتدیرمک مشکل اوله جغندن اونک علمنده ده تعقیباتدن صرف نظر ایتمک و ایشی مسکوت براقق حکمت حکومته موافق اولور . »
 بومطالعومه صدراعظم و داخلیه ناظری ده اشتراک ایتدکلرندن وظیفه دار اولانلرک او صورتله نظر دقتلرینی جلب ایدرک مقصدی تأمین ایتدم .

..

سعید حامی پاشا قابینه سی

محمود شوکت پاشانک وفاتی اوزرینه فرقه نامزدی اوله رق پرنس سعید حامی پاشانک تکلیف ایدلمسی قرار لاشدیرلمش ایدی . ذات شاهانه هر نه حکمته مبنی ایسه سعید -

حلم پاشایی صدارت قائم مقام لغنه تعیین ایش و دیگر نظارک وکاله ایفای وظیفه یه دوام ایتملرینی اراده بیورمش ایدی .

استطراد

خاطر اتمک اشاعی قسم لرنده در میان ایده حکم بعض مطالعات سیاسییه اساس اوله جنی ایچون بوراده اوافق بر استطراد یاپه جغم .

داماد صالح پاشانک اعدامه محکوم اوله جنی آغز لرده دولاشیوردی . هنوز محاکمه ختام بولمش و فقط حکم اراده سنییه اقتران ایتمه مش ایدی . برکون آقشام اوزری ساعت یدی یه طوغری فرانسه سفارتخانه سندن بر تلفون آلم . سفیر موسیو بومپار مأذوناً مملکتنده بولون دینی ایچون سفارت مستشاری موسیو بوب مصلحت کذارلق ایدیوردی . موسیو بوب ایله مقابلاً صمیمی دوستلغمز واردی . بنجه یک مهم بر مسئله رسمییه ایچون کوروشمک ایسته دیکنی ، بنی سفارته کیتمک لکم ، یوقسه کندیسنک می محافظه کلمه کلمی بنجه مرجع اوله جغنی صوریوردی . بالطبع برای نزاکت سفارته کله جکمی سویلدم . او موسمه ارکان سفارت طرابیه یه نقل ایش اولدینی ایچون یک اوغلنده کی سفارتخانه ده یکی الکتریک تأسیساتی یاییوردی ، بناء علیه تنویرات نامنه هیچ برشی یوقدی . اورته لق کرکی کبی قارازمغه باشلامش اولدیغندن موسیو بوب بیک مشکلات ایله تدارک ایتدیکی بر موم ایله او طه نی تنویره مجبور اولمشدی . وقت یک کچ اولدیغندن اوزون اوزاری یه مقدمه لر یایمغه لزوم کورمکسزین همان مقصده کچه جکنی در میان ایله دیدی که :

« عزیزم جمال یک ! شمدی خارجیه ناظری موسیو پیشوندن بر تلغراف آلم . بوذانک نه قدر تورک دوستی اولدیغنی تکرار ایتمه نی زائد کورورم . زیرا بوکا سزده واقف سکر . سزک فرانسه حقنده کی حساست محبتکارانه کرده امین اولدیغمن تلغرافی اوقود قدن صکره نه صورتله حرکت ایتمک لکم مناسب کوره جککزی آکلامق ایسترم . یو محاوره من تمامیه شخصیدر . سزدن و بندن بشقه هیچ کیمسه نک واقف ارمسنه لزوم یوقدر . عادتاً بنی سزکله شخصی بر مسئله دن طولانی استشاره ایتک ایسته یین و سزدن دوستجه وصایا طلب ایدن بر ذات تلقی ایدیکز . »

بونی متعاقب اوزاتدینی تلغرافی اوقودم . موسیو پیشون دیوردیکه : « آلدیغمن معلوماته کوره تونسلی خیرالدین پاشا زاده صالح پاشا استانبوله توقیف ایدمش و دیوان حرب طرفندن اعدامه محکوم ایدمک اوزره بولمشدر . یو حوادث صالح پاشانک یک زیاده حرمته مظهر اولدینی تونسده هیجان عظیم حصوله کتیرمشدر ، فرانمز

حکومتی ، امارت محمه اها لیسندن برینک استانبولده دوچار فلاکت اولسی یوزندن تونسده پک بویوک حادثات ظهور ایدیه بیه جگنه قانع بولوندیغندن صالح پاشا لهنده مداخله بی بروطفه بیلیر . هان صدراعظمی کوریکز و صالح پاشانک در عقب سربست بر اقلیمسی و کمال سلامتله مملکتی اولان تونسسه حرکتمه مساعدده ایدلمسی شدتله طلب ایدیگز . » تلغرافی او قودقدن صکره بر مدت سکوت ایله وقت کچیردم . بومدت ظرفنده صالح پاشا حقنده کی حکمی وریورددم . بالذات واقع اولان رجالم نتیجه سنده دخی سو قصد ترتیباتندن صرف نظر ایتهمش اولسی اسبابی شمدی آکلایورددم . نهایت موسیو بویه دیدمکه :

« بنم فرانسه حقنده کی محبتکم درجه سی و مملکتده ، فرانسر مطبوعاتنک نشریات اخیره سنک حصوله کتیردیکی عمومی اغبرار ملی به رغماً ، فرانسر دوستلغی جریاتی آرتیرمق ایچون صرف ایتدیکم مساعی بی بیلیر سکز . بناء علیه استانبولده و علی العموم شرقده فرانسر حکومتی حقنده کی توجهی بالکلیه ازاله ایتک ایسترسه کز بویه بر مداخلهده بولنکسز . اولاً ، سزی تأمین ایدرمکه بومداخلدن هیچ برفائده ماده استحصالی امکانی یوقدر . صالح پاشا دلائل مقنعه و کافیه قارشوسنده محکوم اولمشدر و کنیدی کی محکوم اولانلرله برابر حکمک اجراسی تصدیق پادشاهی به اقران ایدجکدر . زیرا بز آرتق بویه خائنه تشبثات ایله حکومتک متدایاً دوچار ضعف اولدیغی کورمکدن بیقدق ، اوصاندق ، بودفعه ، جانیرک موقع اجتماعسی هر نه اولورسه اولسون ، بلامرحت کافه سی اک شدید بر صورتده تأدیباتمکه قرار ویردک . بوسایهده بلکه بوندن صکره سی ایچون امثالی ترهیب ایتمش اولاجقمزی ظن ایدیورز . سزک یازین صدراعظمه یاهجفکز « ده مارش » صالح پاشایی قورتارماز فقط اوکا مقابل افکار عمومیهده فرانسر سفارتنکده استانبولده ضربه حکومتلر وجوده کتیرمک ایچون صرف مساعی ایتدیکنی اثبات ایدر و نفرت عمومیه بی موجب اولور . نجه بوندن صرف نظر ایدلمسی موسیو پیشونه یازارسه کز ده اصابات ایتمش اولور سکز . »

مطالعتمی پک مصیب تلقی ایدن موسیو بویه صمیمی مصافحه ایدرک آیرلدق . فی الحقیقه موسیو بوپ صدراعظمه مراجعت ایتهمشدی . ایکی کون صکره جانیرلر حقنده کی حکم تصدیق عالی به اقران ایتمش وهان اوکیجهنک فجرنده حکم اراده سینهنک اجراسی قرارلاشدرلمشدی . کیجه ساعت اون بردن صکره ینه فرانسر سفارتخانه سندن بر تلفون آلدیم . هان کیدوب کنیدیسی کورمکلیمکی موسیو بوپ بالذات رجا ایدیوردی . سفارته کیرر کیرمز پک بویوک بر تلاش و هیجان ایچنده بولونان موسیو بوپ ، هیچ برشی سویله مکسزین ، موسیو پیشونک ایکنجی تلغرافی اوزاندی . مصلحتکنذارک عدم مداخله وصایاسی حاوی جوابندن صوکرده لرده

حدث ایتش اولان خارجیہ ناظری مبادیء کلامدہ موسیو بونی کوزلجہ تکدیر ایتدکن صکرہ همان بلا افاتہ وقت صدر اعظمی کورمسنی و صالح پاشایی بہمہ حال قورتارمسنی امرایدیوردی . ندیہ جکمہ منتظر اولان موسیو بونی اوزمہ مک ایچون : «عزیزم ، پک کچ ، دیدم . حکم اعلام ارادہ سنیہہ اقتران ایتدی و بویکجہ صباحہ قارشی اجرا اولونہ جقدر . سز بویکجہ صدر اعظمی کورہ مزسکز . کورسہ کزیلہ مخالف امر اعطا اولوتجہہ قدر اولکی امر اجرا ایدلمش اولور . مع هذا موسیو پیشونک بواسرارینی آکلایہ میورم و سزہ عاقلانہ و حکیمانہ اولان وصایا کزدن طولانی تشکر ایدہ جکنہ سزی تکدیر ایتہ سی اسبانی تقدیر ایدہ میورم . »

ایرتسی کون حکم اعدامک اجرا ایدیلدیکنی خبر آلمش اولان موسیو بوپ ہر دورلو مسؤولیتہ راضی اولہرق صدر اعظم زدندہ بی فائدہ مداخلہ دن توقی ایتشدی حکم اعدامک اجرا سندن بر قاچ کون اول صالح پاشانک برادرلری طاہر و محمد خیرالدین بکاری دہ توقیف ایتدیر مشدم . ذاتاً نجہ طاہر خیرالدین بک صالح پاشان زیادہ متشبث و مضر بر مخلوقدی . بو ایکسی حقدہ فرانسه سفارتی مداخلہ ایتک ایستہ دی . فقط مداخلہ بی نیم رسمی صورتہ ادارہ ایتک ؛ و بعدما ممالک عثمانیہ سیاستیلہ قطعاً اشتغال ایتہ مک و تابعیت عثمانیہ دن بالکلیہ چیقاراق فرانسر تابعیتہ کیرمک شرطیلہ فرانسیہ کوندیرمک اساسنی قبول ایتک . و اوصورتلہ ایجابنی یاپدیردق . ایستہ تونسلی خیرالدین زادہ لک عثمانلی ملکنہ صوک خدمت لری دہ بولہ اولدی . امید ایتک ایسترم کہ ہیچ اولمازسہ بوندن صوکرا کندیلرندن بحث اولندیغنی ایستیمہ جکز . [خاطر اتمک آشانی طرفلرینی تسوید ایدرکن خبر آلمک کہ طاہر خیرالدین استانبولہ کلش وحتی کندیسنہ میرمیران رتبہ سی ویریلہرک زراعت نظارتہ تعین اولمش] «سبحان من تحیری صنعه العقول » مادامکہ بوذوات کرام تونسلی ایملش وطنلرینی فرانسر بویوندیر یغندن قورتارمق ایچون چالیشسہ لر داہا اصابت ایتش اولورلر . باقالم اوزمان موسیو پیشون ققارینی کمیوتندن قورتارمق ایچون مداخلہ ایدہ جکمی ؟ بواسطرا دیمزہ نہایت ویرہ دن شوراسنی دہ علاوہ ایتک ایسترزکہ خاقان مرحومک حکم اعدامی تصدیق ایتک ایستہ مدیکنہ و جنت مکانی اجبار ایچون ہم طلعت بکلہ رابر سرای ہا یونہ کیتمش اولدیغمزہ دائر اولان کفت و کولر بالکلیہ خلاف حقیقتدرلر . برکون سرای ہا یونہ تقدیم اولنان تذکرہ صدارت و ملفوفاتی عینی کوندہ تصدیق عالیہ مقترن اولدینی حالہ باب عالیہ اعادہ ایدلمشدر .

ادر نہنک استرداد

محمود شوکت پاشا مرحومک صدارتندن صوکرا تشبث اولنان شارکوی تعرضی

عدم موفقیتله نتیجه نش و متعاقباً ادرنه ، یانیه و اشقودره قلعه لریده سقوط ایتش اولدیغندن پاشا مرحوم اینوس - مدیه خطی قبول ایدن مقدمات صالحیه یی امضا ایتمه مجبور اولمشدی . پاشانک وفاتندن بر مدت صوکر ا ایکنجی بالقان محاربه سی ظهور ایتدی . و صربلرله یونان و رومانیالیر بولغارلر عالیهنه حرکتیه باشلادیلر . بو فرصتن استفاده ایدرک بزده ادرنه یی استرداد ایتک اوزره بولمارلر اوزرینه حرکت ایتمه مزاحجاب ایدیوردی . بوتون فرقه افرادی حکومتک یوکا قراروریه جگنی و بلافاصله وقت اردونک حرکت ایده جگنی بحق امید ایدیوردی . استانبولده بویه بر فکرک دوغمش اولدیغنه واقف اولان انکلتزه خارجه ناظری سیرادوار غره ی بر طرفدن انکلیز سفیری واسطه سیله باب عالی یی بو فکرکدن واز کچیرمکه چالیشمقله برابر بر طرفندن مجلس مبعوثانده کی نطقلری واسطه سیله تورکیه ی تهید ایتمه قیام ایتمشدی . هیئت وکلا آره سنده بو فرصتن استفاده ایتک ایسته ینلرله ایسته مه ینلر واردی . ایسته مه ینلرک باشنده نافع ناظری عثمان نظامی پاشا بولنیوردی . هیچ خاطر مدن چیقماز : بر جمعه کونی آقشام اوزری سعید حلیم پاشانک یکی کویده کی بالیسنه کیتمشدم . بوتون وکلا اوراده بولنیورلردی . بنم موصلتمدن اول اوزون اوزادی به مذاکره لرده بولنشن اولان وکلا تعطیل مذاکرات ایتش و دکره ناظر مرمر بالقونده استراحت ایدیورلردی . عثمان نظامی پاشانک یاننده بولنان بحریه ناظری چورلوک صولی محمود پاشایه « اگر بو دفعه شو ذواتی بو ادرنه استردادی فکرندن واز کچیرمکه موفق اولور سه م کندیمی وطنمه اک بیوک خدقتی ایفا ایتش عد ایده جکم » دییوردی .

بو مطالعه نک نحافتی ، خیر وطنه مغایرتی قارشو سنده بوزکی دوغمش قالشدم . سعید حلیم پاشا ایله طاعت بک اوطه لر دن بزده غایت متأثر بر طور ایله قونوشیورلردی . سعید حلیم پاشا بکا توجیه خطاب ایله « بر درلو اکثریتی مداخله جهتنه چوریه میورز . نه یابه جغمزی شاشیردق » دیمشاردی . طلعت بک ایرتسی کونی رژی مدیر عمومیی موسیو وهیل ایله کوروشه رک پاره مسئله سنی حل ایده جگنی سوبلیوردی . فی الحقیقه ایرتسی کونی موسیو وهیل ایله کوروشدیلر . بنده برابر بولونیوردم . موسیو وهیل رژی مدت امتیازیه سنک اوزنش سنه ده اتمدینی شرطیه حکومته بر بحق میلیون ایرا اقراض ایده جگنی وعد ایدیور مالیه ناظری رفعت بکله داخلیه ناظری طلعت بک هیئت وکلا قراریه بو تکلیفی قبول ایدیورلردی . ایشنه ایکی اوچ سنه دنبری مجلس مبعوثانده جاوید بکک بر کبره سی کی کوسترلمک ایسته نیلان رژی ایشنک ماهیتی بودر . و ظن ایدیوردمکه بویه بر زمانده تمدید مدتی قبول ایتش اولان بر حکومت آرتق بر ده اگری دونه مز عینی کونده طلعت بک اوطوموبیل ایله خادم کویته قرارگاه عمومی زردینه عودت ایتدی . مقصد باش قوماندان وکیلی و حریبه ناظری عزت پاشانک رأینی

استفسار ایتمکدی . عزت پاشا ایکی نقطه یی مهم تلقی ایدیور و بو ایکی نقطه حقنده کندیسنه تأمینات ویریلیرسه اردویه ایلری حرکت امرینی ویره بیله جگنی سویلیوردی .
۱ — اردونک ایلری حرکتندن تولد ایده جک حادثات سیاسییه مملکتی برتهلکه عظیمه یه القا ایتزمی ؟

۲ — اردونک اعاشه سی ایچون لزومی اولان باره وارمیدر ؟
طلعت بک برنجی نقطه حقنده هیئت وکلانک اقلیتک مطالعاتی در میان ایتکه ورژی مدت امتیازیه سنک تمیددی سایه سنده پاردنک تأمین اولندیغی ابلاغه مأمور ایدی . ایرتسی کونی عودتله عزت پاشانک موافقتی خبرینی ایصال ایلده دی . فقط هر حالده مجلس وکلاده اکثریت ایلری حرکتک ضررته قانع ایدی . صباحین مدحت شکری بکله برابر ناظر ارقداشلردن معدود اولان بعضیلرینی زیارت ایتدک . اگر بوفرصت قاجیریلیورسه منحصر آدرنه یی قورنارمق ادعاسیله برضرته حکومت پامش و بواشاده حربیه ناظری و باش قوماندان وکیلنک وفاته سببیت ویرمش اولان فرقه مزک موقع اقتدارده قالمق صلاحیتی ضایع ایده جگنی واوزمان بوتون فرقه نک موقع اقتداردن چکلمسی لازم کله جگنی سویله دهک . بعضیلری قناعت کامله حاصل ایتدیلر بعضیلریده استعفای ترجیح ایده جکلرینی سویله دیلر سده اولنر ایچون وظیفه استعفا ایتک دکل فداکارلق کوسترمک اولدیغی در میان ایتدک . نهایت مجلس وکلانک اجتماعدن اولکی اکثریت تحصیل ایتشدی . خاطر اتمک بوقسمنده اسم ذکردن صرف نظر ایتدم . ذاتاً هیچ بروظیفه ایجابیله دکل آنحق فرقه یه منسوب ناظر لرله پک صمیمی بر محبت برادرانه بسله مکده بولتمق حسیه تشبث ایتدیکم بواشده — بالاخره بر غرتنک ادعا ایتدیکی کی — هیچ بر جبر و تضییق اماره سی موجود دکلدی . کوچوک بیوک بوتون وظیفه لریمک حین ایفاسنده کندی ایشمه هیچ کیسه یی مداخله ایتدیرمدیکم کی هیچ کیسه نک ایشنده بانفعل مداخله ایتدم . خالصانه تمیبات ویا دوستانه حسابحال قیلندن بعض رفقایه عائد وظائفده کی مطالعاتی ، کندیسینی رنجیده ایتیه جک و بر فضولی مداخله ماهیتنده تلقی ایدیله یه جک صورتده ، در میان ایتمکه اکفا ایتدم . عکسنی ادعا ایده جکلره وقعه تصریح ایتدکلرینی تقدیرده جواب ویرمهک حاضرم .

آدرنه نک استرداد ایچون اردویه ایلری حرکت امری ویریلدیکی صروده خارجه نظارتی طرفدن دول معظمه زنده کی سفرا مز واسطه سیله بواششدکی مقصد آدرنه نک استرداد اولوب بومقصدک استحصالنندن سوکرا اردونک توقف ایده جکی و هر حالده مریمچ نهرینک صاغ ساحلنه قطعاً کچمیه جکی حقنده بر تعمیم نشر ایدلمشدی . بو تعمیم فکریمجه بر خطای سیاسی ایدی . اولایالکز آدرنه نک استرداد کافی دکل ایدی مریمچ نهری تورک قالمی و آدرنه نک آطه لر دکزینه بر مخرج طبیعی اولان دده آغاچ

بزم اولمی ایدی . ادرنه‌نك مدافعه‌سنی تأمین ایده بيلمك ایچون اینسه دیتوقه ، صوفیلی حوالیسنك بزم طرفزده قالماسی اقتضا ایدردی . بالخاصه کوملجنه ، اسکچه وحوالیسنك یوزده سکسان بش اسلام اهالی ايله مسکون اولدینی نظر دقنه آلتنه‌جق اولورسه بورالینكده استرداد ای امکانی تأمیننه چالیشمق الزم وظائقدی .

مبادیده موفقیتك استحصالی ایديله بیلوب ایديله‌میه‌جکی بالطبع کسدريله‌مزدی . فقط بویه برتعمیم نشر ایدوبده دولتی داهای تشبثك ابتدارنده قطعی برتعهد آلتنه قومق هر حالده دور ایدیشانه برسیاست تلقی اولونه‌ماز . نته‌کیم آتیا حکایه ایده‌جکم استانبول قونفرانسی ائناسنده عثمانلی دلکهلری بوتهدك تضمن ایتدیکی صراحت قارشوسنده خصملرینی الزام ایده‌بيله‌جک برچاره منطقی بوله‌مادیلر وبوامر واقعلرک احداث ایتدیکی وضعیترلدن استفاده‌یه چالیشدیلر .

انکلیز سیاستی

حکومت عثمانیه ادرنه‌نك استردادینه قرار ویروبده اردولرینه ایلری حرکت امرینی ویرر ویرمز انکلیز سیاستی ده یوزنده‌کی ماسکینی آتارق حقیقی سیاسی کوستردی . بر طرفدن انکلتزه؛ سفیری واسطه‌سیله باب‌عالی‌یه تبلیغ ایتدیکی نوطده عثمانلی اردولرینك اینوز - مدیه خطنی تجاوز ایتمه‌سنی شدتله طلب ایتدیکی کبی دیگر طرفدن خارجییه ناظری سیر ادوار غزه‌ی عوام قماره‌سنده وپردیکی برناطقده «تورکلر بولغارلرک دوچار اولدینی فلاکتدن استفاده ایدرک لوندره معااهده‌سنی کآن لم یکن حکمنده عد ایتمه‌ک وادرنه‌ی استردادیه قیام ایدرلرسه آتیا دوچار اوله‌جق‌لری جزانك پک شدید اوله‌جقدر . دکل یالکیز بوندن آوروپاده‌کی ملکلرندن محروم اوله‌رق بلیکه استانبولی بیله ضایع ایده‌جکلردز » دییوردی .

کرک باب‌عالی‌یه تودیع اولنان نوطه وکرک سیر ادوار غرمیک بونطق صراحة کوسترینوردیکه انکلیز سیاستی حکومت عثمانیه‌نك تمامیه‌علیه‌نه دوش وهروسیله‌دن استفاده ايله عثمانیلری متضرر ایدهرک داخلاً قوتلنملرینه مانع اوله‌جق اسبابه توسل ایتکی شعار ایدینمشدز .

غریبدرکه روسلر او ائناده ادرنه‌نك عثمانیلر طرفندن استردادینه طرفدار کورونیورلردی .

کندی زاده شامتلری اولان بلغار حکومتك ضررینه اولان بومعامله‌ی روسلرک نهدن طولایی خوش کورمکده اولایغی اوزمان اوزون اوزادی‌یه دوشونمشدز . تورک بلغار اتفاقك اساساتی قرارلاشدیرمه‌مأمور اولدیغم صروده بلغار سفیری موسیو

طوشه فله کورو شورکن برکون زمین مباحثه بی بونقطه یه ایصال ایتدم . بونک استنبانی حقنده نه دوشون دیکنی بولغار دیپلوماتندن صوردم « روسلر استانبولی کندی ماللری عد ایدیوزلر . استانبولی آلدقلى زمان اونک روم ایلنده کی هینترلاندینک ممکن اولدینی قدر واسع اولماسی کندیلى ایچون حائر اهمیتدر . استانبولک کندیلى طرفندن حین اشغالنده ادرنه تورکلرک النده بولنه جق اولورسه بالطبع بوشهرده روسلره انتقال ایده جک وبوسایه ده آتیا یولغارستانه استیلایه تخصیص ایده جکلری اردولری ایچون واسع برمانوره ساحه سه مالک اوله جقلردر» دیمشدی بومطالعہ بی پک طوغری وشایان قبول کوردم .

ادرنه نک بزم طرفزدن استردادى علمدار لغنده فرانسز سیاستیده انکلیز سیاستندن کری قالمیوردی . اردونک ایلری حرکته فرانسه حکومتک معترض اولدینی حقنده فرانسز سفیری طرفندن ده باب عالی یه برشفاهی نوطه ویریلدیکی کی فرانسز غزته لری بوتشبه مزدن طولای علیهمزده آتش پوسکوریورلردی . فقط عنایت حقله بوتون بوخالفتره رغما ادرنه استرداد اولوندی وبالاخره عقد اولنان استانبول معاهده سیله بولغارلر امر واقعی قبوله مجبور اولدیلر .

غربی تراکیا حکومت موقته سی

اردونک ادرنه علمنه حرکتی اثناسنده حکومتجه نشر اولنان بیه ننامه ده اردومزک مرچ نهرینی قطعیا تجاوز ایتمه یه جکی صراحة تعهد ایدلش ایدیه ده اوزمان اردونک روح متفکری اولان بعض ذوات بوتعهدک عدم اصابتی نظر دقته آله رق حکومته تابع اولمایان غیر رسمی بر تشکیلات مخصوصه نک مرچ نهرینک اوتیه طرفنده کندی ایسته دیکی کی حرکت ایتمه سه اغماض عین ایتمک اساسی باش قوماندانلعه وحکومته قبول ایتدیردیلر وبوتشکیلات مخصوصه عاقلانه بر حرکت سریعه ایله تا مستقره صوبی وادیه نه قدر بوتون غربی تراکیانی اشغاله موفق اولدی . غربی تراکیا قطعیه سی ادرنه ولایتک اورتیه کوی وقرجه علی قضا لیه بوتون دده آغاچ وکوملجنه سنجاقلرینی احتوا ایدن ونفوسنک یوزده سکیان بشی اسلاملردن ترکب ایدن برقطعه مهمه در . بو قطعیه بی اشغال ایدن تشکیلات مخصوصه نک ریاستنده شهید محترم سلیمان عسکری بک بولونیور وچرکس یوزباشی رشید وازمیرلی اشرف وقارده شی سامی وینه یوزباشی فهمی بکلرله ده سائر بعض ذوات ارکان اصلیه سی تشکیل ایدیورلردی .

سلیمان عسکری بک اهالی اسلامیه نک ایلری کلنلرینی برعمومی قونغریه دعوت ایدرک مرکزی کوملجنه اولمق اوزره غربی تراکیا حکومت موقته اسلامیه سی نامی

آلتنده برحکومتك تشكىل ايتديكىنى اعلان ايتدردى. بو حكومتك رياست موقته سینه كوملجنه بلیه رئيسى انتخاب و قوه اجرائیه ریاستنده سلیمان عسکری بك تعیین اولوندی. حکومت عثمانیه زماندهكى قضا تشکیلاتی عیناً ابقا و هر برینه برحکومت رئيسى انتخاب ایدیلهرك سینه هر برینه بر قوه اجرائیه قوماندانی تعیین اولوندی. حکومت رئیسلى كوملجندهكى حکومت موقته رئیسنه تابع اولاجقار قوه اجرائیه قوماندانلریده سلیمان عسکری بك امری آلتنده بولنه جقاردی.

سلیمان عسکری بك بر آز عجل و بر آرده نیکیان اولاسنه رغماً بك مکمل و متشبث بر اداره آدمی عد اولنه بیلیردی. فرط ذکاسی، صوك درجه جسارت و فداکارلی ايله محیطنه احساس اعتماد و امنیت ایدن بوشخصیت ممتاز دنك غربی تراکیا تشبثاتندن بالاخره استانبول قونفرانسی اثناسنده و متعاقباً تورک - بلغار اتفاقی اساساتنك حین تشبثنده بك چوق سیاسی استفاده لر تأمین ایدلمشدی.

۱۹۱۳ سنه می تموزی اواسطندن ایلولی اواسطنه قدر پایدار اولان بو حکومتك استانبول معاهده سی احکامی موجبنه موجودیتنه نهایت ویرلدى. فقط بو معامله بك قولای اولمادی. سلیمان عسکری بك رفقای مساعیسنندن بر چوقلری حکومتك تعهداتنه رغماً غربی تراکیا حکومت موقته سنك ادامه سنی آرزو ایدیور و بلغار اشغالنه قارشى بر آز مقاومت املنده بولنیوردی. حالبوکه حکومت عثمانیه غربی تراکیا قطعه سنك هیچ بر مقاومت دوچار اولقمیزین بلغار قطعاتی طرفندن اشغال ایدلمسینه فعلاً معاونت ایده جکنى تعهد ایتشدی. اوکا مقابل بلغار لر غربی تراکیا اهالی اسلامیه سی ایچون بك زیاده موجب استفاده حقوق تعهد ایتش و اهالی اسلامیه حقنده هیچ بر ظلم و تعقیباتده بولمایه جغی و دو عقب عفو عمومی اعلان ایده جکنى وعد ایلشدی. اهالی اسلامیه نك شیمدی بلغار اشغالنه قارشى مقاومت مسلحه ابراز ایتمی هیچ بر فائده تأمین ایتمه مکله برابر بالعکس بلغار لر دن کندیلى ایچون استحصالنه موفق اولدیغمز بك چوق منافع سیاسیه و اداریه یی ضایع ایتله رینه سبب اولوردی.

آرقداشلری آرمسنده حاصل اولان آرزوی مقاومتی تعدیله موفق اولامایان سلیمان عسکری بك بر مکتوب ايله استانبوله مراجعت ایتدی. مکتوبده دیوردی که: «آرقداشلرم نزدنده بك بیوک براعمادی و بناء علیه اونلر اوزرنده شدید بر تأثیر معنوی یی حائز اولان استانبول محافظی خال بك همان بورایه کوندریلهرك حکومتك نقطه نظری و تعهداتنك اسباب و درجه سی حقنده ایضاحات اعطا ایتدیرلهمه جك اولورسه بلغار قطعاتنك حدود دن غربی تراکیا داخلنه حرکتی اثناسنده مقاومت کورمسی و بناء علیه قان دو کولمه سی محق قدر.»

مکتوبنك ورودی اوزرندن هنوز درت بش ساعت کچمه دن سلیمان عسکری بك ده

استانبوله کلدی . خارجیه ، حریه و داخلیه ناظر لربنک مذاکراتی نتیجه سنده
بنم کوملجنه واسکچه قدر کیده رک اوراده کی ذوات اقناعه صرف مساعی ایتدیکلکم
تحت قراره آلتدی . وبرطرفندن ده اوصرده استانبول بولغار سفارتنه تعیین ایدلمش
اولان موسیو طوشف واسطه سیله بولغار حکومتنه اشعار کیفیت ایدیلهر رک طرفندن
هر دورلو تداییر تسکینه اتخاذ اولونه رق غربی ترا کیا حکومتنه مقاومتدن صرف نظر
ایتدیرمدکجه وبخصوصده بنم طرفندن کنديسنه اشعار اتده بولغلامادقجه حرکت
اشغالیه توسل ایتهمسی غربی ترا کیای اشغاله مأمور بولغار فرقه س قوماندانه
اخطار ایتدیرلمش ایدی .

استانبولدن ادرنه ، دیمتوقه ، دده غاچ طریقاه کوملجنه واورادن اسکچه
کیتدم . برکون صوکر ا بکا التحاق ایدن سلیمان عسکرئ بکله برابر ترا کیا قوه اجرائیه
قوماندانلریله کوروشدم . بولغار لرک غربی ترا کیای صورت اشغاللری حقند برچوق
شرائط قرارلشدیردق . بولغری طوغریجه بولغار جنرالنه یازدم . شرائط مذکور
کامل قبول اولنهرق حرکت اشغالیه باشلادی . بنده برهفته صوکر استانبوله
عودت ایتدم .

استانبول قونفرانسی

ادرنه نك طرفزدن اشغانندن صوکر ا هیچ برطرفدن امید معاونت کوره مین بولغار لر
بزم قبول ایدم بیله جکمز مصالحه اساساتی نیم رسمی بر ماهیتده آراشدیرمق اوزره
موسیو ناچه ویچی استانبوله کوندر مشلردی . اسکی استانبول ویستلردن اولان بو اختیار
ذات بر بولغار تورک مقارنتنک الک اسکی و حرارتلی مروجلرندن ایدی . کنديسیله
نیم رسمی بر ماهیتده جریان ایدن بر قاچ مکالمه دن آکلاشلدی بکه ناچه ویچ بر صلح
مذاکره سنی اداره ایچون کافی شرائطی حائر دکلدی . بر مدت بولغار - تورک معاهده
صلحیه سنک مذاکره سی ایچون بر بولغار هیئت مرخصه سی استانبوله کلدی . بو هیئت
جنرال صاووفک ریاستی آلتنده بولغار سفرا سندن موسیو طوشه فله موسیو ناچه ویچدن
مرکب دی . عثمانلی هیئت مرخصه سی طلعت بکک ریاستی آلتنده چوروک صولی محمود
پاشا ایله خلیل بکدن ترکب ایدیوردی . بولغار هیئت مرخصه سنک معیتده عسکر
ومالی وحقوقی مشاورلردن مرکب بر هیئت بولندینی کی عثمانلی مرخصلربنک معیتده
عینی ماهیتده بر هیئت استشاره ویرلمشدی . بن ارکان حریه بیکباشینی عصمت بکله
برابر عسکرى مشاور تعیین ایدلمشک .
خطوط اساسیه نك تثبیتله مشغول اولان هیئت مرخصه بوتون تفرعاتک تقریرینی

بزه حواله ایدیورلردی . ظن ایدیورمه کرک دیمتوقنک معین بر طاقم اراضی ایله قالمسی و کرک غربی ترا کیا اهالی اسلامیه سیله علی العموم بولغارستانده ساکن تورککر حقنده بر چوق حقوق خصوصیه نك تأمین ایدلمه سی مسائنلنده پك بیوک خدمتلمزمن سبق ایتدی .

تدافعی و تجاوزی عثمانلی بولغار اتفاقی

صالح قونفرانسته مأمور اولان بولغارلر شایان دقت برذهنیت ابراز ایدیورلردی . هنوز اوچنچی اجتماعه ابتدار اولنمشدی . بن مذاکره سالوننده مقام ریاستده بولغان طلعت بکه لمصلحه بعض شیلر عرض ایدیوردم . جنرال صاووف ، « افندیلر رجا ایدرم ایشمزی چابوق بیتره لمده اصل مهم اولان دیگر ایشمزه باشلا یلم . بن بورایه ایکی متره فضله طوپراغك بولغارستانده ویا تورکیاده قالمسی مذاکره ایچون کلدیم . بن سبب ورودم سنه لردنبری آرزو ایتدیکم براملك استحصالیدر : تورک - بولغار اتقاقندن بحث ایتك ایستیوردم . ایشته بن بواشی تأمین ایچون کلدیم . » دیمشدی دیگر ایکی بولغار مرخصی ده مقام تصدیقده باشلرینی سالالایورلردی . بزبونی جنرال صاووفك معتادی وجهله بزی یلمه مك مقصدیله سویله مش اولدیغنه حمل ایتك . و شرائط صاحبه نك تعیین و تثبیتنده ممکن اولان منافعك کافه سنی تأمیننه چالیشدق و فی الحقیقه املمزده موفق اولدوق . مذاکراتك نهایتلرینه طوغری ایدی ، جنرال صاووف اتقاقند ، بونك تأمین ایده جکی منافع عظیمه متقابله دن داها اساسلی صورتده بحث ایتمه باشلامشدی . معاهده صاحبه مذاکراتك ختامنده بن جنرال صاووفله بیوک آطه یه کیده رك تعرضی و تدافعی براتفاق مقاوله سی اساسلرینی تثبیت ایتمکله کمز سعیدحلم پاشا ایله طلعت و خلیل بککر آرمهنده تقرر ایتدیرلمشدی .

هیچ کیمسه نك نظر دقتی جلب ایتمه مك ایچون بولغار جنرالی بالقان محارباتی اثناسنده پك زیاده یورولمش اولدیغندن بحث ایله برقاچ کون استراحت ایتك اوزره بیوک آطه ده اقامتنه مساعده ایدلمه سنی حکومت عثمانیه دن رجا ایده جك و طرفزدن رجاسی اسعاف اولونه رق حکومت عثمانیه نك مسافری اولوق اوزره بیوک آطه ده کی اوتلاردن برینه یرلشدیریه جکدی . بنده برکون آطه یه کیده جك ونجم الدین ملانك خانه سنده کندیسنه بر ضیافت ویردیره جکدم . ضیافتی متعاقب براوطه یه چکیله رك اتفاق معاهده سی اساسلرینی مذاکره باشلا یه جقدق .

بوتون بوتقرعات اجرا اولوندی . و صاووفله برابر تدافعی و تجاوزی بر معاهده اتفاقیه مسوده سی قلمه آلدق .

بوسوده نك اساسلى برصورتده مذاكره وتعديلى وكافه تفرعاتنك تتيقي ايچونده
برقاچ كون صوكرا بركيجه شيشليده كي اقامتگاهمه اجتماع ايتدك . بولغارلر جنرال
ساووفله موسيو طوشفدن ترك ايدييور بزدنده بن طلعت و خليل بكار موجود
بولونيوردي .

معاهده نك تدافى اساسى طرفين عاقديندن برى بالقان حكومتلرندن لاقلا ايكيى
طرفندن دوچار تجاوز اولدينى تقديرده طرف ديكر ك بوتون قوتيله كنديسنه معاونت
ايتتى قضيه سندن عبارتدى .

تعرض اساسنه كلنجه : طرفين عاقديندن برى بالقان دولتلرندن برينه قارشى اول
امرده طرف ديكر ك موافقتى استحصال ايتك شرطيله تجاوزى بر حر كته بولنور
وبو حر ك نتيجه سنده ديكر بر بالقان دولتنك دها دوچار تجاوزى اولورسه طرف
ديكر ك كنديسنه معاونته مجبه ريتنى احتوا ايدييوردي .

فقط طرفين عاقديندن برى هر هانكى بر بالقان دولتيه ياكز باشنه حرب ايتكه
مجبور اولدينى تقديرده طرف ديكر متفقنه قارشى لطفكار برى طرفلق وضعيتى محافظه
ايدجكدى .

بويله بر حرب مشترك نتيجه سنده استحصال اولنه حق منافع ارضيه نك صورت
تقسيمنه كلنجه :

بولغارلر قواله درامه حواليسنى ودهه آغاچ ليماى بزه ويره جكلردى . شايد بولغارلر
بر طرفدن اوستروما قره صوبه قدر توسيع حدود ايدرلرسه بز مستاقره صوبه قدر
بوندن غربى ترا كياني استرداد ايدجكدك شايد بولغارلر سسلانيك ليماى قره فريه
وودينه خذالري اشغال ايدرلرسه بزه استروما قره صوبه قدر ايلرله جهك و مذكور
شهر ايله قرسنه بوغازينه قدر چيقاق اولان حدوديمز نوره قوبله رزالق آره سندن
كچرك اسكى روپچوز قضاسى بزه قالمق اوزره دوسياط موقعنده اسكى تورك بولغار
حدودينه ملاقى اوله جقدى .

تور كچه و فرانسزجه اوله رق تحرير اولنان پروتوقول هيچ برتعهد ماهيتى حائر
اولماق شرطيله طرفينجه پارافه ايدلدى .

معاهده اتفاقيه مسوده سنى بولغار باش وكيلى غوسپودين راووسلاووف وخارجيه
ناظرى غوسپودين غناديف ايله مذاكره ايتك وقرالده موافقتى استحصال ايتك
ايچون جنرال ساووف صوفيه عودت ايتدى . جنرال ساووف اعظمى برهفته اون
كون ظرفنده بولغار متنايل تكليفاتى حامله استانبوله عودت ايديله جكنى وياخود
هيچ كيمسه نك نظرقى جلب ايتمه مك ايچون اوصيره ده استانبول بولغار سفارته
تعين ايدلش اولان موسيو طوشهفه ارسال ايتديره جكنى سويليوردي .

فقط آرەدن هفتەلر کچدیکی حالده صوفیه دن هیچ بر خبر آلیور و موسیو طوشف بو خصوصده شق شفە ایتموردی .

صالح معاهده سنک طرفین حکومتلرنجه تصدیقی متعاقب بولغارستانله مناسبات سیاسیة اعاده ایدلمش و حکومت عثمانیه طرفدن جمعیت کاتب عمومی فتحی بک صوفیه سفارتنه تعیین اولمشدی . فتحی بک تورک - بلغار اتفاقی پروژه سنه واقف و طرفدار ایدی . صوفیه یه مواصلتدن سوکره جنرال صاووفله استانبولده اساسلری قرارلاشدیرلمش اولان اتفاق معاهده سنک زرده قالدیغنه دائر بولغار قاینه سی نزدنده سبق ایدن تشبثاته هیچ بر جواب شافی آله مامشدی معاهده صاحیه مذا کراتی اثناسنده بو اتفاقک بر آن اول عقدی ایچون شایان حیرت براستعجال کو سترمکده اولان بولغارلرک شیمدیکی تأثیرلینه هیچ بر معنا ویریه میوردی بر طرفندن ده بولغارلر کرک معاهده صاحیه احکامنه وکرک شفاهی برحق و عدلینه رغماً غربی ترا کیا اهالی اسلامیه سی حقنده ارتکاب مظلله باشلامش لر ، پوماق لری جبراً خرستیان یامغه تشبث ایتمش لر دی .

فتحی بک بو ایکی یوزلو بولغار سیاستمدن نیزار اولمش و صوفیه مأموریتنده دوام کندیزی ایچون غیرممکن راده کلمده اولدیغنی بیلدیرمشدی . هم بومسائل حقنده تعاطی افکار ایدره ک غربی ترا کیا اهالی اسلامیه سی ظلم و تضیقدن قورنارمق ، همده اتفاق مسئله سنی کوروشمک اوزره طلعت و خلیل بکلرله راووسلاووف و غناده ف آرە سنده بولغارستان داخلنده کوچوک بر قصه ده بر مکالمه زمینی احضار اولوندی . بو مکالمه نتیجه سنده اهالی اسلامیه ده رفقایله معامله یاپیله جغنی وعد ایتکله برابر اتفاق معاهده نامه سی حقنده بولغار حکومتک تقاط نظرینی حاملان عن قریب استانبوله بر مرخص مخصوص کوندره جکلرینی بیلدیردی لر .

فی الحقیقه ۱۹۱۳ کانون اولی اثناسنده بولغار ارکان حریه عمومی رئیس ثانیزی میرالای ژه قوف استانبوله کلدی . بو ذات بو حرب عمومی اثناسنده بولغار اردوسی باش قوماندانلغنی ایتش اولان جنرال ژه قوفدر . غایت ذکی ، مدقق ، پک نازک و بو کسک تحصیل کورمش اولان بو ذاتک غوسپودین - رادوسلاووف و طرفدارانی نزدنده حائر اعتماد اولدیغنی ، استانبوله ورودنی بزه خبر ویرمش اولان موسیو طوشف علاوه بیلدیریوردی .

بن اوزمان نافعہ ناظری ایدم و کما کان تورک - بولغار اتفاقک مذا کرده سنه طاعت و خلیل بکلرله برابر مأمور بولونیوردم .

اولجه قرارلاشدیریلان ساعتده تقسیمده کی بولغار سفارتخانه سنه کیتدک بولغارلرک تقسیم اراضی حقنده غایت غریب و شایان حیرت تکلفی قارشوسنده قالدق . استروما قره صوبنه ، مناستر و اوخری یه قدر اولان ماکدونیا اقسامی بولغار

اشغالنه تأمین ایدلدکجه بولغارلر دده آغاچ لیمانی ویرمیورلر و آنجق سلانیک
آلدقاری تقدیرده قره آغاچ لیمانه قدر اراضینک بزه انتقاله راضی اولیورلردی .
میرالای ژه قوفله درت بش مذا کره دن صو کرا بزده قبول ایده بیله جکمز شکل
وماهیته معاھده اتفاقیه مسوده سی تثبیت ایدلدی .

بولغار اتفاقی بزم ایچون جدا حاضره میت ایدی . زیرا بز نه وقت اولسه یونانیلرله
برجاده یه کیریشه جکدک . لینی ، مدلی ، ساقز کی بحرسفید آطه لری یونانیلر
آلنده براقق بزم ایچون غیرممکنیدی . استخضار اتمزی او یولده اکمال ایجاب ایدردی که
یونانیلرله حربه کیریشدیکمز زمان بولغارلری ده بتکرار قارشومزده کورمیه لم ،
«دیگر طرفدن بولغارلرک دده ما کدونیا مسئله سندن طولانی قطعاً راحت طورمیه جقلری
وبو ملی امللری استحصا ایچون بزم معاونتمزه بهمه حال محتاج اولدقاری بیلدور
وبو وضعیتدن اعظمی استفاده تأمین ایتک و بردها بر بالقان اتحادی قارشوسنده قالماق
ایستوردق . دو بریجه یه یرلشمش اولان رومانیا لیرلی ده بولغارلر طرفندن بعدما
کاملاً آمین اوله جقلری تأمین ایتک شرطیه تورک - بولغار اتفاقی داخلنه قازانمق
ممکن اولورسه احوالده بالقانلرک شرق وغربنده یکدیگرینه مقابل ایکی غروب
تشکل ایتمش و آرتق بالقان کوچوک حکومتلرینک ایکیده برده بزی راحتسز
ایده مهملری امکان داخلنه کیرمش اوله جقدی . فرقه نک سیاست خارجیه
اساساتندن برنی تشکیل ایدن بو فکردن طولانی بز تورک - بولغار اتفاقیه
پک زیاده اهمیت ویریور و بوباده اولدقجه استعجال ایدیوردق . فقط دائماً
اعظمی استفاده یی کندیلرینه تأمین ایتک واک عز بز متقلری بیله آلداتمه چالیشمق
بولغار سیاستک ده طوغریسی بولغار اخلاقنک اوصاف میزه سی جمله سندن اولدینی
ایچون بولغارلر ایشی اوزاتدقجه اوزاتیور و بزم پک صیقیشمش اولدیغمز بر زمانده
نامتناهی تعدیلات ایله قارمه قاریشیق ایدلمش اولان معاھده نامه یی الیمز طوتوشدیروب
یکرمی درت ساعت ظرفنده امضا ایدوب ایتهمکده بزی محیر براققی دوشوندکری
پک اعلا آکلاشیلیوردی . حرب عمومینک آن ظهورینه قدر بولغارلر بزی متدایاً
اویلا دیلر . میرالای ژه قوفله قرارلاشدیردیغمز اساساتدن صو کرا بن آرتق بو
معاھده اتفاقیه ایشیه مشغول اولمادم . بالاخره خبر آلدیمکه حرب عمومی ائشانسده
مرکزی ایمپراطورقلر و بزمه برابر حربه داخل اولمق ایچون مذا کرانه کیریشلیدیکی
صرده ده بلغارلرله اول قرارلاشدیرلمش اولان اساساتک هیچ برنی قاله آلاماشلر و دکل
بزم غربی تراکیا جهتدن توسیع اراضی ایتهمزه موافقت ایتک ، دیمتوقه ایله قره
آغاچی و جسر مصطفی پاشانی و صریح صول ساحلندن ایکی کیلومتره اراضی بی درعقب
اشغال ایتک شرطی بز قبول ایتهمکده کجه مواد سائرهنک مناقشه سنه بیله یاناشاماشلر .

بولغارلرله مناسباتمزه متعلق خاطر اتمدن بر قسمتی حرب عمومی بدایتلرینه عائدوقایعک
تحریری صرہ سنده ذکر ایدہ جکم جهنله شیمدیلک بوراده بو بحثه نہایت ویریورم .

سوریہ لیلرله و علی العموم عربلرله ائتلاف

بکا او یله کلیورکه بزم مملکت مزده حتی تورکلرک اک منور کچینلری نزدندہ بیلہ
عرب مسئلہ سنک ماہیتی ایله او فی اداره ایدنلرک املاری نہ اولدیغنی بیان پک آز
کیمسلر واردر . بن بو مسئلہ دن دردنجی اردو قوماندانلغنه عائد خاطر اتمی یازارکن
اوزون اوزادی یه بحث ایدہ جکم ایچون بوراده بو ایشک یالکیز استانبول محافظام
زمانندہ اشتغال ایتدی کم اقسامی مختصر آ ذکر ایله اکتفا ایدہ جکم
برجوق اسباب و عوامل تاثیر یله کویا مملکتلرنده اصلاحات ایستہ یں عربلر
کامل پاشا قاینبه سی زمانندہ والی ادهم بکک مساعدہ مخصوصه سیلہ بیروندہ بر مجلس
ملی عقد ایتشلر و سوریہ ایله علی العموم عربستان ولایتلرینه ادخالی طلب ایتدکری
مواد اصلاحیه یی تثبیت و حکومتہ تودیع ایله مشلردی .

محمود شوکت پاشا قاینبه سنک موقع اقتداره وصولی ایله مقام ولایتده حصوله کلن
تحول اوزرینه حکومت مجلس ملینک عدم قانونیتی درمیان ایدہ رک لغو ایتدی . و
اداره ولایت ایچون قوانین مخصوصه تنظیمی مجلس مبعوثانک صلاحیتی جملہ سندن
اولدیغندن بحثله بیروت قوغرہ سنک تثبیت ایتدیکی اساساتی نظر دقتہ بیلہ آلمایه جفی
اعلان ایتدی .

سوریہ و بیروندہ استقلال عرب منادیلری او قدر چوغالمش و حکومت او قدر
پیدای ضعف ایتشدیکه بیروندہ بعض کستاهلر سوقق کوپکلرینک بوینہ والی ولایتک
اسمی اولان «ابوبکر حازم» لوحه سی آصه جق قدر جرأت کوستریورلر شامده
شکری العسلی و محمد کرد علی والی ماردینی عارف بکک نزدینه بی پروا چقه رق عربجه
یازلمش بر استدعای آ کلایه مادیغی ایچون ترکجه سنکده علاوه سیلہ کتین یلہ سی سویله مک
جرأندہ بولنش اولان مکتوبی ولایتک همان سوریہ خارجنه دفع ایدلمه سی طلب
ایتمک کبی طاشقینلقلردن چکینم یورلردی . بوتون سوریہ غریبه لری حکومت عثمانیه
حقندہ اک شدید مهاجمانده بولمقدن توقی ایتبور و ستوزلرینی بالخاصه تورک عنصری
علیبنده شتوم غلیظه ایله طولدوریورلردی .

طرابلس شاملی شیخ رشید رضامصرده نشر ایتکده بولندینی « المنار » مجموعه سنده
الحاد و ترقی ارکانی و علی العموم تورک عنصری حقندہ اولیه شدید برلسان تجاوز
استعمال ایدیوردیکه بونلری او قویوبده تورک علیهداری اولماق امکانشدی .

حکومت بالقان حریله مشغول اولدیغی صروده کیمولی شبه جزیره سنده بولنان بر عرب فرقه سنک ضابطانی وظیفه ناموس وحیتی اجرا ایده جک کرینه کویا عرب وطنرورلرینک استانبولده سیاست اجرا ایده جک کری تشبثات تضییقه نك مستند الیهی اولدقلرینی کوستره جک طورلر طاقینمقدن کری طور میورلردی . بالاخره بیروتده حکومتک ممانعتنه رغماً عقد ایتک ایسته دکلری عمومی عرب قونغر مسنک حکومت طرفندن فی الحقیقه قطعاً منع ایدیله جکنی و متشبثلری حقنده تعقیبات قانونیه ده بولونیلاجغنی آکلاینجه فرانسه حکومتک موافقت حتی دعوت مخصوصه سیله قونغرینی پارسده عقد ایتک قرار ویردیله و بوتون بلاد عربیه ده دعوت نامه لر بازارق بوقونغر ده اعضا کوندرملرینی طلب ایتدیله . متشبثلرک باشنده اوزمان حما مبعوثی اولان عبدالحمید زهراوی افندی ایله بیروتده منتشر الحقیقه غزته سی صاحبی عبدالغنی العریس و الممتدی الادب ، رئیس عبدالکریم الحلیل بولنیورلردی .

قونغر نك فرانسه حکومتک تحت حمایت وصحابتنده اولماسی مسئله نك شکل وماهیته بالکایه دیکشیدیریور وعادتا فرانسلرک سوریه ده بالفعل مداخله لرینی موجب اولاجق بر نتیجه یه واصل اولاجنی ذهابی ویریوردی . بن اوصیراده بوعرب ایشلری ایله پک آز مشغول اولویور ویا کیز تورک و عرب ایکی بیوک اسلام عنصری آره سنده اجانبک تشویقات واغوا آتیه برسوءقفهم حصولنه میدان ویرله مینی وحیت وطنیه وسلامت دینه لرینه اعتماد ایدیله یله جک بعض عربا کابرینک رأی ومطالعهلرینه مراجعتله عربک منافع عمومیه اسلامیه یی تهلکیه قومیه جق طرزده کی آمال مخصوصه مایه سنک نه دن عبارت اولدیغنک آکلاشیلیمه سنی واونلری تطمین ایده جک مقررات اصلاحیه اتحاد اولماسی آرزو ایدیوردم . پک شایان تشکر درکه حکومتیجه ده عینی نقطه نظر ترجیح اولنش وپارس قونغر سنی عقد ایتش اولان عرب اکبری ایله کوروشمک واونلره بر زمین ائتلاف بولمق اوزره مدحت شکری پک ودها سائر برقاچ ذات پارسه کوندرملشدر .

فی الحقیقه قونغر عقد اولندی و فقط مدحت شکری پک ورفقاسنک پارسه کیده رک اسلام عربلره کوروشمه لر ایشک شکلی تبدیله یاریم ایتش وقونغر بعض تمینات خالصه درمیان ایتد کدنصو کرا داغیلشدی .

بر کون طلعت پک استنبول محافظلغه کلهرک جمعه کونی شیخ عبدالعزیز چاویشک سلیمانیه ده کی خانه سنه دعوتلی اولدیغمزدن برلکده اورایه کیده جکمز سویله دی . بودعوتده کی مقصدک عربلره بر زمین ائتلاف بولمق اوزره عرب سیاسی جمعیت خفیه سنک رئیس بولنان ذات ایله کوروشمک اولدیغنی وبن اساس اعتباریله بوائتلافک اک حرارتلی مروجرلندن اولدیغم وباخصوص بغداد والیدکم اثناسنده عرب مسائل حقنده

خیلی اختصاص پیدا ابتدیکم جهتله بومذا کردهر اشناسنده بولنمقاغم حکومتجه قرارلاشدیریلدیغی ده علاوه ایتدی .

یوم معینده موعده ملاقانه کیتدک . متعاقباً اوفارق جتهلی یکریمی سکیز اوتوز یاشلرنده اسمرو اری سیاه کوزلرینک آتشین پارلاقلی شدت ذکاسنه دال ، طور حالی پک جرأتکار ومتشبت اولدیغی کوسترن بر ذاتده کلدی . عرب جمعیت سیاسیة خفیهسی مرخصی صفقیله وعبدالکریم الخلیل اسمیله بزه تقدیم اولندی . ییمکدن سوکرا مذاکرده باشلاندی . مواد ائتلافیه آرسنده اک زیاده اصرار ایله استحصال ایتمک ایسته دیکی شیء بعض اشخاصک استانبولده مهم مقاماته کچیریلهسنی تأمین قضیهسی اولدیغی کورونجه بونلرک نظرنده عرب اصلاحاتی دیمک برقاچ حریص جاه و اقبالک تطمین آمال شخصییهسی دیمک اولدیغنه حزن ألمله حکم ایتدم . مع هذا مکاتب ادارهسی اداره خصوصیه ولایت قانونی موجبجه ، محلی ادارهلرینه محول درجه نالیله تدریساتی ایله علی العموم تدریسات ابتدائیه نک عربجه اولماسی محاکمه بعض معاملاتک عربجه خبریان ایتدیی ، جلب و احضار مذکره لیلیداعلامات جزائییه وحقوقیه نک عربجه صورتلرینک دخی ربط اولنسی ، مجلس اعیان ایله شورای دولته و محکمه تمیز ایله باب مشیخت و فتوی امانتنه بعض عرب اکابرینک تعیین اولناسی طرزنده بعض مقررات قلمه آلتدی .

بوندن سوکرا بر کردهرک اوغلنده قروکر اولتنده عبدالکریم الخلیل و شیخ عبدالحمید زهراوی ایله برلشدک وبوابتدائی موادمقررده اوزرینه تعاضی افکار ایتدک . بالآخره حکومتکده مظهر تصویب و تصدیق اولان بو مواد دولتجه کاملاً تطبیق و اجرا اولندی .

مع هذا تمایلات خائنانهسی پک چوق عربلر طرفندن اخبار اولنایان عبدالحمید زهراوی افندینک اعیان اعضالغنه تعینتی طاعت پک بر دورلو ایسته میوردی . عبدالکریم الخلیل بر قاچ دفعه لر زدیعه کله رک بو مسئله حقنده طاعت پک نزدنده تشبثات مؤثرده بولنمقاغمی رجا ایتشدی ؛ نهایت املا لری ده اسعاف اولندی . فقط عبدالحمید افندینک یکانه آرزوسی مقام مشیختی اشغال ایتمک اولدیغندن اعیان اعضالغنی تطمین حرص املنه بر دورلو کافی کلمه مشدی . عبدالکریم الخلیل او آندن اعتباراً بر شخصیت مهمه صرهنه کچمش واللا المرکزیه حزبینک سوریه مفتش عمومیی عنوانی طاقینه رق عودت ایتشدی مجلس مبعوثان انتخاباتی اشناسنده طرفدارانک مبعوث اولماسی ایچون پک چوق مساعی صرف ایتمش ایتسه ده داخلیه ناظری بکک متقابل و بالخاصه بو ایشلر ایچون فوق العاده مؤثر اولان تدابیری سایه سنده پک آز موفق اولمش و حکومتک ودها دوغریسی فرقه نک عرب ولایتلری نامزدلری احراز غلبه ایتشلردی . عرب

مسائلندن بحث ایدرکن بنجه پک مهم اولان بر حادثه یی ذکر ایتمکدن کندیمی منع ایدم. میوروم انور پاشانک حربیه نظارتی و بنم نافعہ نظارتی زمانده ایدی . حرص اشهار اعتباریله بلکہ دنیاده موجود انسانلرک کافه سنه فائق بر اخلاقه مالک اولان ارکان حربیه بیکباشیسی مصرلی عزیز علی بکک عرب ائتلافی مسئله سنده کندیسنه بر حصه تعالی چیقار یلماش اولماسندن و عبدالکریم الخلیل ایله عبدالحمید زهراوینک کندیسنه فائق بر شهرت اکتساب ایتمه لرندن مغیر اوله رق مواد ائتلافیه نیک عرب آمالی قطعاً تطمین ایتیه جکئی و عرباغک یکانه آرزوسی داخلاً مستقل براداریه و باشلی باشنه بر اردویه مالک اوله رق تورکلرله آنجق آوستریا مجارستانه مشابه بر حکومت مزدوجه شکلنده یرلشمکدن عبارت اولدیغی و فقط کندیلرینک مجارلردن داها ایلری کیدرک عرب اردوسی لسان رسمیسینده عربجه اولماسنی ایسته دکلرینی و بو مقصد ملی طورورکن بونک استحصالنه چالیشمایوبده کندیلرینه تأمین موقع وجاه ایتک املیه برطاقم بی معنا مواد اصلاحیه قبولنه ساعی اولانلرک خائن ملت عد اولونه جغی و علیه لرنده قریباً اک مرتسزجه جزالر ترتیب ایدیه جکئی عیناً سویله که تشبث ایده جک قدر جرأت کوسترمشدی . غریبدرکه بواک حرارتلی عرب قهرمانی اصلاً عرب دکلدی .

عزیز علی بکی ده اکتبدن نامزد یوزباشیسی چیقدیغی زماندن بری طانیرم . اوزمانلر ظن ایدرسم ۱۳۲۰ « ۱۹۰۴ » تاریخلرنده ایدی . ما کدونیا نیک پتریح و عثمانیه قضالرنده بولغار اشقیاسی تعقیباتنده پک زیاده مساعی و اقداماتی سبق ایتمشدی . بالاخره حدود یونانیه جهتلرنده روم، بلغاروارناوود اشقیاسیله پک چوق اوغراشمش و اتحاد و ترقی جمعینه قبل المشروطیت داخل اوله رق خدمات مبروره ابراز ایتمشدی . ۳۱ مارت [۱۳ نisan ۱۹۰۹] حرکت ارتجاعیه سنک تأدیبی ایچون استانبوله کلن حرکت اردوسنک بر مفرزه سنه قوماند ایتش و غلطه کوپریسنک اشغالندن سوکرا بومفرزه ایله طوپخانه اوزرینه یورویه رک طوپخانه قشله سنک عاصیلردن تطهیری ایچون فوق العاده همت صرف ایتمشدی . اوزمانه قدر بو ذاتده افتراق عرب تمایلاتی موجود اولدیغی بیله میوردم . کندیسینی نه زمان کورورسم فضله جه آثار احترام کوستر و پک ادبیانه اداره کلام ایدردی . آطنه ولاتنده بولندیغم صروده بر آراق استانبوله کیتمشدم . تصادف ایتدیکم عزیز علی بکله طنین سیار خابری احمد شریف بکک مشهور و معروف بیروت و سوریه مکتوبلری اوزرینه تعاطی افکار ایدیوردق . عرب ولایتلرنده ، وحدت عثمانیه و مکننت خلافت اسلامیه ایچون پک مضر بر ماهیتی جائز اوله جق طرزده ، مشهور اولان بوجربانک شایان تأسف اولدیغی سویله . دیکم صروده عزیز علی بک بارد بر طورله « عربلرک یردن کوه قدر حقاری وار . سز تورکلر ، بز عربلر حقنده شیمدی یه قدر امحادن ، تحقیردن ، تزییفدن باشقه نه یادی کزکه

شیمدی بژدن معاملہ دوستانہ بکلیورسکز. اونودیور میسکز که استانبولده کوپکاری
چاغرمق ایچون « عرب، عرب، عرب، عرب » دیرسکز. الهملق مسائل ایضاح ایچون
« عرب صاچی کی. دیرسکز. » نه عربك یوزی، نه شامك شکری « تعمیر
وردزبانکزدر شاعر یککز، « شامدن چیقدیغم اقشامه دیدم شام شریف »
مصراعى الك بکندیککز کنایه لردندر. بوتون بونلر یتشمیورمش کی مشروطیتدن
صوکر بالخاصه عربلری تحقیر ایتک ایچون بغداد وعلی العموم خطه عراقیه مخربی
هلاکونک نسلندن براخلاقیسز تاناری شام اردوسنه مشیر تعین ایتدیککز. عربلرک
تانارلر علیهنده کی غیض وکینى بیلمز دکلکز. حال بویه ایکن عثمان پاشای بشنچی
اردو مشیریتنه کوندرمک عربلری تحقیر ایتکدن باشقه رمقصدہ محمول اوله ماز «
دیمشدى. بوقدر ذکی برذاتک لساندن بودرجه بلاهت آلود سوزلرک ناصل صادر
اولدیغنه حیرت ایدیوردم. عثمان پاشا حقنده کی سوزلرینی مشارالیه ایله کندییی آرسنده
دها ما کدونیاده ایکن جریان ایدن برحادثه دن متولد غرض شخصی به حمل ایدیوردم.
عزیز علی بك قوجانه ده برقطعه یه منسوب ایکن برای تفتیش احوالی یه کمش اولان
واوزمانلر اسکوب وحوالیسی قوماندانغی ایفا ایدن عثمان پاشانک دائما هرکسه قارشو
اختیار ایتدیکی طورومستہزیانه و قوللاندینی نامالیم الفاظ پرده پیرونانه دن مغیر اوله رق
مقابله شدیدده بولنش و مقابله نک علنتی قارشوسنده شاشیرمش قالمش اولان عثمان
پاشا موقع عالیسنک موقع و شرفی قودتارمق مقصدیله ابراز شده قیام ایدرک عزیز
بکک حبس ایدلمسنى امر ایتمش و بوقعه مناسبیله عزیز علی بکک هیچ برصورتله
تسکین ایدیله مہین غیض وکینه هدف اولمشدى.

تورکلرک وعلی الخصوص اناطولی تورکلرینک عربلر حقنده کی حرمت فوق العاده سنندن
بحث ایدرک هر بریسی کیم بیلیر نه کی حادثه لر تأثیر یله لسان ناسده ابتدال ایتش اولمقدن
باشقه برماہیتی حائر اولمیان بوسوزلری نظر دقہ آلوب دہ تورکلرک عرب حقنده کی حس حرمت
وتعظیمندن شہہ ایتک جائز اولمایه غنی، کندییی کی منورلر اگر بعض تمایلاته
وشخصی اغبرارلرہ تابع اولوبده بوتہلرکی یوله صاپه جق اولورلر سہ عالم اسلام ایچون
تلافیسی غیر قابل بر فلاکت حصوله کثیره جکلرینی سویله مشدم.

بوقعه دن صوکر ا عزیز علی بك کندى طایب اوزرینہ عزت پاشا ارکان حربیہ سنہ
مأموراً یمنه کیتمشدى. اصل عرب تمایلاتی اوراده کوسترمش اولدیغی وبی چاره
عزت پاشایه بیک درلو روحی عذابلر چکدیردیکنی بالاخره خبر آلدیم. ایتالیانلرک
طرابلس غرب وبنغازی یه تجاوزینی متعاقب یمندن بنغازی یه کچدیکنی وانور ومصطفی
کال بکلرله برابر بنغازی متصرفلنی دائرہ سنہ مربوط شہرلرک مدافعه سنہ پک چوق
ہتی سبق ایتدیکنی ایشیتمشدم.

بنجه عزیز علی بکک عرب اختلاجیلری آره سنده اک مهم شخصیتلردن بری اولدینی و آتیا ، عربلق عالمده پک چوق حادثات ایفا ایدمک بر ماهیتده بوندینی ایچون احوال ماضیه سی و فضائل و قبایحی حقنده کی احتیاساتمی جملاً ذکر ایتمکی فائده لی تلقی ایتدم . بنغازیده بولندینی ائنده انور بکک کندیسنه قارشى آمرطوری طاقیناسنی چکه میهرک عرب ضابطانی علیه تشویق ایتدیکنی فقط انور بکک بوکا هیچ اهمیت و یرمیه رک ایتالیا نلرله مصالحه نك انعقاددن سوکرا بالقان محاربه سنه اشتراك ایچون مملکته عودت ایتدیکی صرده بنغازیده بر حکومت عربیه تأسیس ایتسی توصیه سیله امر زقوماندایی عزیز علی بکه ترك ایتدیکنی ، فقط عزیز علی بکک پک آزر زمان ظرفنده اولا شیخ احمد الشریف السنوسی ایله وبالاخره عرب ضابطانی ایله بوزوشهرق بنغازیده قالمقن صرف نظرله تورکیه یه عودت ایتدیکنی بکا حکایه ایتملردی .

او صرده بوذاتده بر ذهنیت واردی : تورک ضابطانی ایله واسکی تورک آرقداشلیری ایله اثنای مکالمده انور بکک شدتله علیه داری بولمق ، غرب ضابطانیله برلکده بولندقجه تورکرک علیه اک شدید تشویقات و مهاجمتدن توقی ایتهمک .

نهایت انور پاشانک حربیه نظارتی مقامنه کچمه سی عزیز علی بکی بالکلیه چلیدیرتمشدی . هم کندیسيله صنف رفیق اولسون ، هم آنجق کندییی قدر ابراز همت و خدمت ایتسونده شیمدی او حربیه ناظری اولسون ، و کندییی حالا ارکان حربیه بیکباشیلغنده قالسین . مادامکه تورکرله برابر چالیشمقده برچاره ترقی واشتیار یوق . یاشاسین عرب اختلاجیلنی !

عزیز علی بک آرتق انور پاشانکده صبر و تحملى توکده جک افعال و حرکاته توسل ایدنجه انور پاشا کندیسنک توقیفی امر ایتدی و بنغازیده بولندقلری ائنده امور حکومته صرف ایتک ایچون کندیسنه تسلیم ایتدیکی اون بیکمی یوقسه او توزییکمی لیرانک حساسی و یرمه دیکی و بونئری ذمتنه کچیردیکی ادعاسيله دیوان حربیه تودیع ایلدی . عزیز علی بکک توقیفی اوزرینه بوتون استانبول عرب کنجلیکی قیام ایتمشدی . بن او صرده نافع ناظری ایدم . المئندی العربی اعضاری باش وورمادق مقام و ذوات بیراقدیلر . بعلبکلی دوقتور اسعد حیدرک ریاستی آلتنده شاملی و بیروتلی بش کنجندن مرکب بر هیئت مبعوضه ده بکا کلدی . مقصد زیارتلرینی ایضاح ایتدکدن سوکرا انور پاشانک نزدنده تشبثاتده بولونه رق عزیز مصرینک عفونی تأمین ایده جک اولور . ایسه هم عرب کنجلیکی اوزرنده پک زیاده حسن تأثیر حاصل ایده جکمی سوبیله دیلر نهایت امرا دیوان حربی عزیز علی بکک اعدامنه قرار ویردی . مضبطه حکمیه یی باب عالی یه تقدیم ایدن حربیه نظارتی محکوم حقنده عاطفت سنیه یه مراجعت

وحکم اعداءك مؤبد كورك جزاسنه تحویلی رجا ایدیوردی . مضبوطهك حربیه نظارتك استرحامی دائرهسندہ تعدیلاً تصدیق عالییه اقتران ایتدیکی کونك آقشامی فرانسز سفارتخانهسندہ بیوک برضیافت رسمیه ویریلوروهان بوتون نظارایله بعض سفرای اجنبیه ورخیلی فرانسز اکابری مدعو بولنیوردی . بن واور پاشاده مدعوین میاننده ایدك . ضیافتین صوکر ا بویوک مسامره سالوننده بولندیغمز صیرهده عزیز - علی بکك اعدامه محکومیتی حوادثی آغزندن قولاغه طولاشمغه باشلامشدی . ائک اولایللو ستراسیونك حرب مخبری ژورژه مون یانمه کلهرك « عزیزم جنرال ! دیدی ؛ انور پاشا ایله بنغازیده آرهلرنده برماقشه ، برمنافرت جریان ایتمش اولماسی حسبیله عزیز علی بک اعدامه محکوم ایدیلهجك اولور ایسه بومملکتده قانوندن زیاده کیف وارادهك حکم سوردیکنه قانع اولاجغمه اعتماد ایدیکنز . ایشتیکیکه کوره عزیز علی بکه اسناد اولنان جرم مدافعه مملکت ایچون کندیسنه ویریلن پارهی چلمش اولمقدن عبارتمش . بنم پک عزیز بر دوستم اولان عزیز علی بک بلکه بر عرب اختلاجیسیدر ؛ بلکه انور پاشانك افکار سننسیاسیهسنه مخالف افکار بسلهر ؛ فقط هینچ بزمان خیرسنز اولاماز . بوکا بنم قدر سزکده قانع اولدیغکنزه امینم . وینه امینم که اکر سنز انور پاشا نزدنده برتشبدنه بولنهجق اولور ایسه کز عزیز علی بکک لایق اولمادیقی بوفلا کتدن خلاصی تأمین ایده بیلیرسکنز . » ژورژه موندن صوکر ا تورک ، فرانسز برخیلی ضابط و سیویل عزیز علی بک لهنده مداخله ایتمکلکم ایچون متبادیاً بکا مراجعت ایدیورلردی . اوکیجه سالونده طولاشان انور پاشایه انعطاف ایدن نظرلرده « کندی حس انتقامی تطمین ایچون کندیسیله برابر بنغازی مدافعه ایتمش اولان برقیمتلی ضابطی احما ایتک ایسته یین شو آدمه باقکنز ! » معناسی اوقونویوردی .

در عقب ا کلام که افکار عمومیه عزیز علی بکدن زیاده انور پاشایی اتهام ایدیور . بناء علیه بواتهامدن انور پاشایی قور تارمق الزمدی . بوندن باشقه عزیز علی بک بنم نظر مده عرب اختلاجیلرینك ائک مرد وناموسکار لرندن بری ایدی . دیگر اختلاجیلرک کافه سی حقنده عفو عمومی اعلان ایدوب ده یالک ز عزیز علی بکی محکوم ایتک بنجه منطق سز لقدی . او حالده عزیز علی بکی قور تارمقی بنده بوتون موجودیتله آرزو ایدیوردم . بناء علیه اوکیجه ضیافتدن آوه عودت ایدراتمز انور پاشایه درت بش سطرلق برتد کره یازدم ویدیم که : « عزیزم انور ! عزیز علینك علینده دیوان حرب عسکر بنجه بولنش اولان دلائل و امارات هر نهدن عبارت اولور سه اولسون افکار عمومیه سنی اتهام ایدیور . بنجه افکار عمومیه ده بویله چیرکین برطرزده اتهام ایدمکلکک عزیز علینك برقاچ سنه حبس خانه ده قالماسنك تأمین ایده جکی فائدهك بیک مثلی مضرت تأمین ایدر . بناء علیه لطفکارلق

دوغریدن دوغری یه سنک طرفدن کلمش اولمق اوزره عزیز علی نك عفو عالی یه مظهریتنه دالات ایت. عزیز علی نك بردها ترکیه یه کلمه ملک اوزره بوراسنی ترك ایدوب کیمه سنی ده بن تأمین ایدرم . »

انور پاشا تذکره مه جواب ویرمدی. فقط ایرتسی کون عزیز علی نك عفو عالی یه مظهر اولدیغنی تلفون ایله بکا بیلدیردی . ذاتاً بو خبری آلمش اولان عزیز علی نك برادری، موسیو ژورده مون ایله برابر بزم زیارتمه کلمشردی ، تشکر ایدیورلردی . عزیز علی بکک حبس خانه دن چیقار چقم از طوغریجه مصره کیمه سنی و بعدما ممالک عثمانیه سیاستیه مشغول اولماسنی و برای تشکر بکا کلمه مکله برابر عفو ایچون ده دالاتده بولندیغمه دائر هیچ برکیمسه یه شق شفه ایتمه سنی سویله دم . اوزمان ناموس اوزرینه ویردیکی سوزه رغماً بو حرب عمومی اناسنده مقام خلافتیه قارشى نانکورجه اختلال ایدن و عالم اسلامى بو کونکی اضحلال و فلا کته بیلهرک ایصال ایدن شریف حسینک معیتنه قوشه رق اوراده خدمت ایتش اولدیغنی خبر آلدیغم عزیز علی بکی ایشته شیمیدیه بن عفو ایده میورم .

آلمان هیئت اصلاحیه عسکریه سنی

ینه بکا او یله کلپورکه اوروپا و آمریقا ده هیچ بر فرد بو مسئله یی یعنی عثمانلی اردوسنک تنسیق و تنظیمی ایچون آلمان هیئت اصلاحیه عسکریه سنک استانبوله کلمسی کیفیتتی حقیقتی وجهله بیلیمور ! زیرا علم مزده نه قدر اثر اوقومش ایسه م بو هیئت اصلاحیه نك انور پاشانک حربیه نظارتی. زماننده کتمیش اولدیغنی ظنتی ویره جک مطالعات درمیان اولوندیغنی و بوتشبنک انور پاشانک برکیره سی کبی کوسترانک ایسته نیلیدیکی کوردم . آتیده ویره جکم ایضاحات پک بیوک بر خلوص نیت و منحصر آمل اصلاحات ایله تثبیت ایدلمش اولان بوایشک ماهیت حقیقه سنی بدین ایده جکدر .

محمود شوکت پاشا مرحوم آرتق بولغارلر علمینه بر مظهریت استحصالی امکانی قالمش اولدیغنه قانع اولدقدنصو کرا حربی دها زیاده اوزاده رق ذاتاً پک یورولمش اولان مملکتی برقات دها زیون ایتش اونا مق ایچون بولغارلر قارشو اینوز - مدیه خطی و آطه لردن ایمروز و بوغچه آطه نك بزه اعاده سنی تکلیف ایدن لوندره مقدمات صلحیه سنی امضا ایدرک بوتون قدرت ملیه نك اصلاحات داخلیه یه حصر ایدلمسه قرار ویرمشدی . بو قرار اوزرینه مقدمات مذکوریه امضا ایچون مرخصلریمزه مأذونیت ویردی .

مشار الیهک فکر نجه اک اول محتاج اولدیغمز باره ایدی . بناء علیه اوروپا حکومتلرینک

هر هانکی برندن مهم بر مبلغ استقراض ایتک ایستوردی . ائک اول آلمانلره مراجعت ایدری . آلمانلر برلین پیاسه سنک یکی بر تورك استقراضی قبولنه مساعد اولمادیغندن بحثله فرانسلرله مراجعت ایتمه من لازم کله جکنی بیان وپاره ایشنده آلمانیا به هیچ کورنمه یه رک دائما فرانسلرله خوش کچنمکه چالیشمقلغمزی خالصانه توصیه ایدریلر . بونک اوزرینه حکومت عثمانیه فرانسه به مراجعتیه قرار ویرمش وقایینه به داخل اولمایان فقط اتحاد و ترقی فرقه سنک سیاست ثالیه سنک ناظمی و روحی تلقی ایدیلن جاوید بکی مختلف مسائل مالیه و اقتصادی نی مذاکره مأمور عثمانلی هیئت مرخصه سنک رئیس صفتیه ودها سائر بعض ذوات رفاقتیه پارسه کوندومه شدی .

محمود شوکت پاشا حکومتک وضعیت مالیه سی اصلاح ایچون استقراضی بر چاره خلاص کی تلقی ایتیه یور، هر حالده متوازن بر بودجه وجوده کله سنک یکانه چاره سی اولان مالی قایتولاسیونلردن قورتولنی بیک جان ایله ارزو ایدیوردی . بواساس دائره سنده جاوید بکه بر چوق تعلیمات ویرلمشدی .

پاره ایشنه بوولده بر استقامت تعیین ایتش اولان محمود شوکت پاشا حکومت اجنبیه ایله وبالخاصه انکلتره و روسیه ایله آره مزده وسیله نزع اوله جق مسائلک خلنه ده تشبث ایتشدی .

اوزمانه کوره بو مسائلدن الیمهی انکلتره و روسیه نك غریب بر طرز ده پارماق لرینه طولادقلری حدود ایرانیه تصحیحاتی ایدی . پاشا بو مسئله ایله بالذات اشتغال ایدیوردی . حکومت عثمانیه طرفندن تصحیح حدود قومیسو نلری تعیین ایدیلدیکندن کندیلرینک دخی مأمورین مخصوصه تعیین واعزام ایتهلر نی بوایکی حکومتدن طلب ایتشدی . بوندن صوکر ا مشغول اولدینی مسئله ده اردو و دونماتک اصلاح و تنسیق ایدی . ذاتاً دونماتک تنسیق ایچون برانکلیز هیئت اصلاحیه سی واردی . بو هیئت اصلاحیه نك رئیس ایله بالذات تماسه کله رک تشبثات تنسیقیه نك تعجیلانی رجا ایتشدی .

اردونک تنسیقیه کانه بالذات کندیسندن ایشندیکم خصوصاتی بروجه آتی بیان ایده حکم .

اساساً محمود شوکت پاشانکیات و تشبثاته دائر ویردیکم بوتون تفصیلات کندیسنک بالذات بکا ویردیک ایضاحاته مستند اولدیغندن حقیقی حقنده کیدسه نك شبهه ایتمه مه سی رجا ایدرم .

پاشا زمان صدر تنده اکثر یا کیجه نی باب عالیده کچیریر و اوراده یاتاردی . بنده استانبول محافظلغنده یاتمقده اولدیغمدن کوندوز بک زیاده چالیشه رق یورولدینی بعض آقشاملر ییکدن صوکر ا کندیسنی زیارت ایتمکله کمی تلفونله امر ایدردی . دوشوندیکی و تشبث ایتدیکی خصوصات حقنده ایشته بوزمانلر بکا ایضاحات ویرر

و بنم فکرو اجتہاد مک نہ لردن عبارت اولدیفنی صوراردی . بویله کیجه لردن برنده بکا دیمشدی که :

« اوغلو ! دوشونیورمکه اوردومزی اصلاح ایچون شیمدی به قدر آشمت ایتدیکمز بوتون تداییر یاریم حتی چوروک تدیر اطلاقه ماصدق درلر . کرک سلطان عبدالحمید زماننده کرک مشروطیتدن صوکر ا جلب ایتدیکمز تنسیقجیلری هیچ بر پرنسیبه تابع اولمقسزین کایشی کوزل جلب ایتدک و کوزل دوشونولمش واسع بر پروغرامه توفیقاً تثبیت ایدلمش مقدار و ماهیتده و کافه سی یکدیگره مربوط بر هیئت مهمه اصلاحیه جلبی دوشونمده دك . باقیکمز یونانلیر بزدن پک چوق عقالی حیقیدیلر . دونمالرینک اصلاحی انکلتیره ازدولرینک اصلاحی ده فرانسیه بیراقدیلر . وه نیزه لوس حریبه و بحریه نظارتلرینی بد اداره سنه آلدی هرکیم هیئت اصلاحیه قارشی اک اوافق مشکلات ابرازینه جسارت ایتش ایسه بلا مرحت ازدی . خصای سیاسییه سی طرفندن توجیه اولنان بوتون اعتراضاته هیچ اهمیت بیلا ویرمه دی . فرانسیزوانکلیر هیئت تنسیقیه رئیساری ایله صیقی تماسده بولونه رق اونلرک هر ایسته دکلیرینی یادی . فقط نتیجه ده بوالقان حربی اثناسنده کمال تقدیرله کوردیکمز یونان اردوسنی و عثمانلی - یونان سفرنده کیله نسبت قبول اتمه یه جک قدر منتظم یونان دونماسنی وجوده کتیردی . بنجه وه نیزه لوسک مملکتنه یادیغی خدمت لارک اک بیوکی ملی آرزولرک استحصالی امرنده دیپلوماتلر طرفندن استعجال ایدیله بیله جک دلائلک اک مؤثری و داها طوغریسی یکانه مؤثری اولان قوه ملیه نک تنسیقنه مصروف بو حیتدر . بنده مملکتمه عینی خدمتی یایمق ایسته یورم . دونماز ایچون بر انکلیر هیئت تنسیقیه سی وار بو هیئتک رئیسله کوروشه جکم . داها واسع بر صورتده تأمین موفقیتی ایچون نه یایمق لازم کله جکنی صوراجقم . نه ایسترسه قبول ایده جکم .

اردومزه کلنجه : بز آرتق آلمان اصول حربندن کندی میز قورتارامیز . اوتوز سنه بی متجاوز بر زماندن بری اردومزه آلمان معلملر بولنمش ، هیئت ضابطانمز کاملاً آلمان اصول حربیله تربیه ایدلمش والحاصل بزم اردومز آلمان تعلیم و تربیه عسکریه سنک روحیه پیدای استیناس ایتشددر . شیمدی بونی تبدیل ایتمک غیر ممکندر . بناء علیه پک واسع بر مقیاسده بر آلمان هیئت تنسیقیه سی جلب ایتمک حتی ایجاب ایدرسه بر عثمانلی قول اردوسنک امر و قومانداسنی بر آلمان جزائنه ویره رک بونک بوتون جزء تاملرینه آلمان امر اوضا بطانندن قوماندانلر تعیین ایتمک ، بویله جه وجوده کتیریله جک اولان بر نمونه قول اردوسنه عثمانلی اردوسنک بوتون امر اوضا بطاتی بر مدت معینه ایچون ستاژیهر کوندره رک تقویه معلوماتلرینی تأمین ایتمک فکرنده ایم . بوندن باشقه حریبه نظارتی دواثرینی ارکان حریبه عمومییه بی ، مکاتب عسکریه بی ،

عسکری فابریقه‌لر نی تنسیق و برمدت اداره ایتک ایچونده ینه برهیت اصلاحیه میاننده برچوق عسکری متخصصلر جلب ایدم جکم. اک واسع و شمولی معناسیله اردونک تنسیق و اصلاحه صرف همت ایدم جکم. بن بوندن سوکرا اوزون مدت حربدن توقی ایتک فکر ندهیم. بناء علیه اردونک حضر قوتی ممکن اولدیغی قدر تنقیص ایدم رک بوسایه ده یاه جغم اقتصاد ایله هیئت تنسیقیه نك مصرفی تأمین ایدم جکم. وقت حضر ایچون عثمانلیغه کوچوک فقط پک متظم وای تعلیم و تربیه ایدلمش براردو هدیه ایدم جکم. وقت سفرده قادر و لرک توسیع و اکملی سایه سنده اردونک حدالغایه ایصالی کوچ برشی دکدر. بناء علیه بویله برهیت اصلاحیه نی نه شرائط دائره سنده ویره سیله حکمرانی آلمانلردن صور مق اوزرهیم. اول امرده شرائط استخدای اونلرک بیلدیرمه سنی ده اوافق بولیورم. « ایشته جنرال لیان فون ساندروس هیئت اصلاحیه سنک استانبوله ورودنی انتاج ایدن تثبث بودر و ایشده انور پاشانک قطعاً بر دخل و تأثیری یوقدر.

محمود شوکت پاشانک شهادتدن سوکرا حربیه نظارتی درعهده ایتمش اولان عزت پاشاده عینی فکر و نظری تعقیب ایتمش، جنرال فون لیان ساندروس هیئت اصلاحیه سنک مقاوله نامه سی مشارالیه زمانده تنظیم و تعطیل اولمشدر. حتی لیان فون ساندروسک آلمان ضابطانیه برابر استانبوله کلدیکی کون استاسیونده حربیه نظری صفتیه مشارالیه عزت پاشا کندیلر نی استقبال ایتمش و هیئت اصلاحیه نك ورودندن آنجق یرویا برچوق آی سوکرا انور پاشا حربیه نظارتنه کچمشدر.

لیان فون ساندروس پاشانک برنجی قول اردو قوماندانلغده بولماسنک مضرتی اک اول تقدیر ایدن انور پاشا اولمشدر. هیئت اصلاحیه رئیسنک قول اردو قوماندانلغدن زیاده مفتش عمومی نامی آلتنده استخدای فائده لی اوله جغنی تقدیر ایتمش و روسلرله فرانسز و انکلیز لرك تضییقی نتیجه سنده دکل آنجق کندیسنک تنسیبی ایله بوتعدیلات اجرا ایدلمشدر.

هیئت اصلاحیه نك کلدیکی کون بن برنجی قول اردو قوماندانی ایدم. بوصفیه اداره عرفیه آمری بولیوردم. بالطبع ایکی کون سوکرا بوقوماندانی جنرال لیان فون ساندروسه تودیع ایدم جکم. بر آلمان جنرالنک اداره عرفیه آمری اولماسی بالطبع جائز اوله میه جغندن ده اول بر باشقا تدبیر اتخاذ ایتدک. مرحوم فائق پاشا اوزمان میرالای ایدی. کندیمی فرقه قوماندانلغی صلاحیتیه مرکز قوماندانلغنه تعیین ایدیله جک و اداره عرفیه قوماندانلغی مرکز قوماندانلغنه دور اولونه جقدی. آتیاً ابضاح ایدم جکم سبیلردن طولانی ده بن نافع نظارتی و کالتی درعهده ایدم جکم. هیئتک ورودینک ایرتسی کونی نافع نظارتی و کالتنه تعیین اراده سینیه اقترا ایتدی و اونک ایرتسی کونی ده برنجی قول اردو قوماندانلغنه کیده رک قول اردو قوماندانلغی

رسماً لیمان فون ساندەرس پاشایە تسلیم ایتمەم. حقیقت بومرکز دە اولنجە بوندن آلچاقچە افترالینی واک جانیانە مطالعات وافکارینی اک یاکلش معلوماتە ابتداء ایتمیرمش اولان سفیر مورغن تاوک کتاب معهودینک ۴۴ - ۴۵ نجی تحقیقەلرندەکی سوزلرینک نەقدر قیمتمیز والتفاتە غیر شایان اولدیغی کندیلکندن نمایان اولور.

آلمان هیئت اصلاحیەسنک استانبولە ورودی باشدە روسیە اولمق اوزرە فرانسه وانکلترە طرفندن علیهمزە اک شدید تجاوزاتە سببیت ویرەشدی. روسلرک اک زیاده اعتراض ایتمکری نقطه بوغازلری مدافعیە تخصیص ایدیلهجک قوتک آلمان ضابطائی طرفندن قوماندایلمسی بوغازلرک تقویەسنی موجب اولهجنی و بو آرزوی تقویە روسیەنک سؤنیقی قضاعتندن بشتە بر فکردن ایلری کلمەیهجکی نقطەسی ایدی.

انکلیز و فرانسزلردە روسلرک بونغمەلرینە پیرو اولیورلردی. روس سفیری نە یولده دلائل سرد ایدیورسە انکلیز و فرانسز سفیرلریدە اوندن ملهم اولدقلرینی کوسترین برلسان استعمال ایدیور و بوضوک ایکی مملکت مطبوعاتیدە روس مطبوعاتنک چیغیر تقاناتی وظیفەسنی یاییوردی.

شیمیدی خصای سیاسیەمزە صورویورم ؛ هر کون باغیرە باغیرە قفامزی شیشردیککز انکلیز و فرانسز حسن نیتی بو افعال ایلهمی استدلال اولوناچقدی ؟ بزاردومزی تنسیق ایتمک ایستەمش ، بونک ایچوندە آلمانیا یە مراجعت ایتمش ؛ آرەمزە برطرز تسویە و صورت اجرا قرارلاشدیرەمش ؛ آلمان هیئت تنسیقیەسی استانبولە کلمش و بونک نتیجەسی اولهرق عثمانلی قدرت عسکریەسی وبالنتیجە بوغازلرک قوۋە مقاومەسی آرەجقمش . بالطبع روسلر بونی ایستەمزلر و بوکا مانع اولهجق تداییرە توسل ایدرلر . چونکە روسلر کندیلرینی استانبولک وارث مشروعی عدایدرلر و برکون استانبولک دکیزلرنده وقرەلرنده عثمانلیلرە اک شدید برمحادلە یە تشبث ایدەجکلرینە امیندرلر . برحکومت متجاوزەنک امور داخلەسنە مداخلە ایتمکدن عبارت اولان بو حرکتە انکلیزلرک و فرانسزلرک موافقتلرینی استحصال ایتەدن قیام ایدە ییلیمیدی ؟ بنجە قطعاً !

بو حالە و فرانسزلرە انکلیزلرک عادتاً روسلردن زیاده یاغیرە باصمقندن توقی ایتەمش اولدقلرینە کورە ائتلاف مثلتک داها اوزماندە استانبولی روسلرە وعد ایتش اولدیغنە حکم ایتمک لازم کلمیزی ؟ او کونلری شیمیدی تخطر ایدرکن توپلرم اورپە یور .

فرانسه آتاشە میلیری قوماندان موقور ، فرانسه سفیری موسیو بونپار ، مستشاری موسیو بوب و ژاندارمە هیئت تنسیقیەسنە مأمور جنرال بومان و بیکیباشی صارو ایلە سبق ایدن مکالمەلرمزە دویدیغم عذابی تصویر ایدەم .

نهایت بر کون دیمشدمکه :

« افندیلر ! باقیکنز سز نه قدر مر حمتسز سکنز . ظن ایتمه یکنزه بو فکری وضعیتی تقدیر ایتمه یئرک سویلیور سکنز . سزده پک اعلاقانه کنزه بز بر آلمان هیئت تنسیقه سی کتیر مک صلاحیتی حائز . آلمان ضابطانی بر اردویی تنسیق ایتمک اقتدارینی حائز میدرلر دکمیدرلر . او شایان مناقشه بر جهت اولمغه برابر مادامکه بز بو اقتدارلرینه قانع اوله رق انتخابمزده اونلری ترجیح ایتمشز . آرتق بوندن بحث ایتمک غیر جائزدر و صوکر اعملکنتک اوج قوه مسلحه سی واردر : برنجیسی اردوسی ، ایکنجیسی دونماسی ، اوچننجیسی ده ژاندارمه سی . بز بوندن برنجینک اصلاحی آلمانلره ایکنجینک اصلاحی انکلیزلره اوچنچینک تنسیقی فرانسزلره بیراقشز . شیمدی بونده موجب مناقشه نه کوربیور سکنز ؟ اردومزی روسلرک ید تنسیقه بر اقلغمزی می آرزو ایدیور سکنز ؟ هم باقیکنز روسلر نه دیورلر ؟ اکر آلمان ضابطانی برنجی قول اردونک بالفعل قومانداسنی در عهده ایدرلر سه بوغازلرک قوه مقاومتی تزاید ایدر مش . دیمک اولیورکه بز عینی وظیفه یی عینی طرزده فرانسز ویا انکلیزلره تودیع ایتسه ک روسلر عینی اعتراضاتی در میان ایده جکلر . چونکه هیچ ظن ایتم که فرانسز ویا انکلیز ضابطانی برنجی عثمانلی قول اردوسنک قومانداسنی در عهده ایدرلر سه مقصدلری بوغازلری عندالاقضا روسلره آچدیر مقدر عبارت اولسون . اوحالده سز بو اعترافکنزله حقمزده حسن نیت پرورده ایتمه دیکنظنی تولید ایدیور سکنز . »

بو منطقی سوزلرم قارشوسنده جواب بولامیان بو افندیلر هر دفعه سسنده « نه یا پالم اولار روسلر متقمزدرلر اونلرک ایسته مدیکی شیء بزده ایسته مه مک مجبور بتنده یز . ثانیاً آلمانلر دوشمانمزدرلر اونلرک هر تشبث ایتدیکی ایشده بزم ایچون بر تهله که ملخوظ اولدیغنی دوشمنکه ، تهله که یوقسه میله (مادامکه اونلر تشبث ایتمشدر بوکا ممانعت ایتمک وظیفه مزدر) دیمکه مجبورز . » طرزنده جواب ویرمه که وحقسز لقلرینی اعترافه مجبور اولورلر دی .

هیچ شبهه یوقکه لیمان پاشا استانبوله کلدیکی کوندن اعتباراً پک چوق خطالر ارتکاب ایتدی . اولار هر فرصتدن استفاده ایله کنیدیسنک ایمپراطور ایله پک صیق تماسی اولدیغندن ، استانبوله کمزدن اول تام بر ساعت ایمپراطور ایله یالکزه قاله رق تعلیماتی بالذات ایمپراطور دن آلدیغندن بحث ایدر و ضمناً ایمپراطورک عسکری سفیری اولدیغنی اشراب انمک ایستردی . حالبوکه پاشانک وظائف وصلاحیتی تحدید ایدن مقاوله نامه سی اوقوناجق اولور سه هیچده بویله بر ماهیتی حائز اولمادیغنی ، انکلیز بحریه هیئت اصلاحیه سیله آرمه لر نده هیچ برفرق بولمادیغنی آکلاشیلیر . فقط لیمان پاشانک لزومسز کبر و غروری ؛ کنیدیسنه یکی توجیه اولنان وظیفه نک تراکتی تقدیر ایده مه سی فی الحقیقه

استانبوله اثنای ورودنده پك كولنج وقایع وحادثاته سبب اولدی .

مثلاً : اولاً سرای هایبونده ویریلن برضیافت رسمیه ائناسنده کندی موقعنك ناظرلردن ایل کلمه سنی ادعا ایتدیکی کبی متعاقباً آمریکا سفارتنده ویریلن برضیافت ائناسنده اجنبی سفیرلرینه تقدماً احراز موقع ائتمه سی ایجاب ایده جکنی درمیان ایده جك قدر تحفقلر کوستردی .

بزمه قونوشدقلری زمان سفیر فانکنن هایم ودها سائر ارکان سفارت جنرالک بوادعالرینك مناسبه سیرلکنی اعتراف ایله برابرخواهری قورتارمق ایچون فون ساندهرسك درمیان ایتدیکی اسباب ودلائلی تکرار مجبوریتنی حس ایدرلردی . ایشته آمریکا سفیری مورغن تاوک خاطر ائتك ۴۴ : ۴۸ نجی حقیقه لرنده حکایه ایتدیکی وقعه بودر . بو حادثه اوزرینه آتیا ناخوش بعضی تظاهرات حدوشه مانع اولمق ایچون لیان پاشانك تشریفاتجه تعین درجه سی تشریفات مدیریت عمومیه سی طرفندن استیذان ایدلمش ومقام صدارت هیئت وكلاجه مذاکره سنی تنسیب ایلشدی . هیئت وكلا لیان پاشانك کوچوك ایلچیلردن صوکر عثمانلی مشیرلری میاننده احراز موقع ایده جکنه قرار ویرمشدی . سفیر مورغن تاوک درمیان ایتدیکی قرار خلاف واقعدر . یعنی عثمانلی مجلس وكلاسی لیان پاشانك اجنبی کوچوك ایلچیلردن اول اخذ موقع ایده جکنه هیچ بروقت قرار ویرمدی . تشریفات مدیریت عمومیه سی پرتوقول قیدی بوادعای ائبانه کافیدر .

فقط لیان پاشا هیئت كلانك بوقرارینه مطاوعت ائتمك ایسته مدیکندن فی الحقیقه بعدما هیچ برضیافت رسمیه دعوت ایدله مشدر . بوقدر عادی واهمیتسز حادثاته استناد ایدرك برچوق سفسطه کارانه مطالعات سیاسیه درمیاننه قالمشقی ایچون انسانك سفیر مورغن تاوکبی هر نه اولورسه اولسون تورککری تحقیر ائتمك و آلمان سیاستنی جنایت آلود کوسترمك املنده اولمسی ایجاب ایدر .

— نافعہ نظارتی —

تصرین ثانی ۹۱۳ : شباط ۹۱۴

از میر ولایتی روملرینك ماکدونیا تورککریله مبادله سی .

سعیدحلم پاشا قاینه سی ، استخلاف ایتدیکی محمود شوکت پاشا قاینه سنك سیاسی پروگرامنی عیناً قبول ایتشدی . یعنی ممکن اولدینی قدر خارجه اختلافندن توقی ائتمك ، بوتون قدرت ملیه یی اصلاحات داخلیه یه حصر ایله مك . مع هذا ادرنه نك استرداد ایچون ظهور ایدهن بر فرصتی قاجیرمق ایسته مه مش ومتعاقباً بولغارلرله

استانبول معاهده قطعیه سنی عقدایتدیگی کی یونانیلرله آنته معاهده سنی وپک آرزو کرده
 کشیماریق بالقان دولتی صرہ سنه کچن صرہ لرله کذا استانبول معاهده سنی عقد
 ایتکه موفق اولمدر .

اصلاحات داخلیده تأمین موفقیت ایچون بالقان حکومت صغیره سنک ایکیده برده
 یافره قوپارمالرینه سبیت ویردن عناصر مختلفه مسئله سنه بر نهایت ویرمک ایجاب
 ایدیوردی . ماکدونیا نیک حکومت عثمانیه آلدن کاملاً چیقما سندن سوکرا بولغار
 عنصری اوله رق ممالک عثمانیه ده یالکیز ادرنه ولایتک قرق کلیسا سانجانی حدود
 شمالیه سنده قالان بر قاق کویدن باشقه کیمسه قالمامشدی . بوکا مقابل بولغارستانک
 حدود عثمانیه به مجاور بعض اقسامده بر مقدار تورک ساکن بولنیوردی . استانبول معاهده سنه
 ذیل اوله رق بولغارلرله امضا اولنان خفی بر پروتوقول موجبجه حدود عثمانیه داخلنده
 قالان بولغارلرک ، بولغارستان داخلنده ساکن تورکلرله مبادله سی تحت قراره آلمش
 و بوقرار طرفینک موجب نمونیتی اوله جق بر طرزده تطبیق واجرا اولتمشدی .
 بزجه اکه مهم عنصر مسئله سی آیدین ولایتک اقسام ساحلیه سنده کثرتله ساکن
 اولان روملر مسئله سی ایدی . بالقان حربی اثناسنده احراز ایتدیگی غالییت سهیله
 نتیجه سنده بر طرفدن درامیه قدر ما کدونیا یی یدغصبه کچیرمش اولان یونانیلرک
 بوندن سوکرا آرتق آیدین ولایتی بالفعل اشغاله باشلایه جقلرینه شبهه یوقدی .
 آطهر مسئله سندن طولانی کندیلرله ایرکچ مجادله به حاضر لاندیغمز روملرکده ،
 یونانستان ما کدونیا سنده قالان و ممالک عثمانیه به هجرت ایتک ایستین اسلام اهالی به
 مقابل یونانستانله مبادله سی اساسنه موافقت ایتسی حکومت یونانیه دن طاب اولوندی .
 موسیو کوه نیزه لوس استقباله عائد نیت مضره سی ایچین بر ضربه ممانعت تشکیل ایدن
 بوتکلیفمزه روی موافقت کوسترمیوردی . فقط اوصیراده تورک عنصری آره سنده
 کمال شدتله حکم سورمکه باشلایان ملیت جریانی اکه زیاده آیدین ولایتی داخلنده
 احساس تأثیرات ایتکه باشلامش و یونانیلرله صرہ لردن و بولغارلردن کوردکلری
 انواع مظالمه تحمل ایده مبه رک اکه جانیانه اشکنجه لرله معروض قالدقن سوکرا ممالک
 عثمانیه به ایتجابه مجبور اولان یوز بیگلرجه مهاجرین اسلامیه طرفندن یرلی روملر
 بعض تجاوزانه ابتدار اولونمشدی . حکومت بو تجاوزاته قطعاً طرفدار اولمور و بو
 یوزدن مملکتک باشنه بر بلا کله جکنی پک اعلا تقدیر ایدیوردی . فقط اکثری
 اختیارلرله قایلردن و جوجقلردن عبارت اولان بشیوز بیک قدر مسلمانک یورک
 پارچه لایه جق بر طرز بهیانه ده اتلافی انتاج ایدن یونان صرہ و بلغار مظالمی تورکلرک
 علیه اولونجه انسایتپرور لکلرخی هر وسیله دن استفاده ایله ایلری سورمک معتادلری
 اولان آوروپا دول معظمه سی طرفندن هیچ بر اعتراضه هدف اولمادی .

قارنہجی مؤسسہ سی طرفندن کوندیلین ہیئت تحقیقہ نیک راپوری بومظالمی
بوتون تفصیلاتیلہ میدان علنیہ چیقاردینی حالہ بعض سوسیالیست غزتلرندن باشقہ
هیچ بر اوروپا و آمریکا غزته سی بوسینکار کی اولدیریلن زوالی تورکر لهنه بر
کلمه یازمادی .

حرب عمومی اٹانسنده تورکیه ده ایضاع ایدیلن ارمنی قتالی وسیله سیله تورکر
وعلی العموم مسلمانلر حقنده آغزه آلمیه حق شتوم و تحقیراتی استعمال ایتمکدن
چکنمه یین وهر برسطری درین برکین وعداوت حسنک محصول شناعتی اولدیغنه هیچ
شبهه من اولمایان آمریقانک سفیر معهودی مورغن تاو بر کرده ما کدونیا مظالمی تدقیق
ایتسه ده اوندن صو کر اثرینی بردها او قوسه وجدانی قارشوسنده هیچ بر حجاب
دویمایا حقیقتمندر ؟

بونجه مظالم و جنایاته هدف اولدقدن صکره برای اسکان آنا وطنه جان آتہ بیلمش
اولان یوزبیکلرجه مسلمان، اوراده دخی باشلرینی صوقه جق بر قوبله ا کوب بیچه جک
برقاریش طوبراق بولامادقلرینی و حالبوکه کندیلرینک سبب وفلا کتی اولان بو عنصره
منسوب بر جوق انسانلرک هر کون هدف حقارت و تجاوزاتی اولدقلرینی کوزونجه
طبیعی و انسانی برحس انتقامک سوقيله بعض طاشقینلقلره قیام ایتشلر و بوندن روسیله
استفاده چیقارمق و بر معتاد الک یوکسک یاغره نی قوپارمق ایستہ یین یونانلیرک تشویقیه
روم اہالی کویا تورکرک تجاوزاتسندن قورقارق شورایه بورایه قاچیشمغه و طاغلره
التجایه باشلامشردی . مع هذا بعض جرأتکارلری بر قاق اسلام کوی یاققدن ، برخیلی
مسلمان مهاجرینی اولدیرمکدن کری طور مادقلری ایچین بو حال مسلمانلرک دها زیادہ
حدتلرینی موجب اولدی .

موسیو و ونیزلوس عصر دیده بالقان سیاسی لغماتی اظهاره باشلادی . آیدین
ولایتی روملرینک حکومت عثمانیه نیک موافقت و حتی ترتیب مخصوصیله تورکر طرفندن
قتل عامنه باشلانلینی یاغره سی بوتون جهانہ یابلدی . برکت و برسون که طلعت بک
و ونیزلوسدن دها چابوق داورانہرق محلمده و برلکده تحقیقات یاپمق اوزره فرانسز ،
انگلیز ، آلمان و آوستریا باش ترجمانلرینک کندی زدینه کوندیرلمسنی تکلیف ایتدی
و تکلیفی قبول اولنہرق مورغن تاوک بیلہ ایستہ مینہ ایستہ مینہ اعتراف ایتدیکی حقیقت
تظاهر ایتدی . یعنی نتیجہ تحقیقات کوستردیکه روملره مظالم یایلمامش و بک
ظلمدیده اسلام مهاجرلرینک ارتکاب ایتدیکی بعض تجاوزات حکومت طرفندن شدتله
منع ایدلمشدر . نہایت و ونیزلوس طلعت بکک نقطہ نظری قبول ایدہرک آیدین
ولایتی اقسام ساحلیه روملرینک یونانستانہ و ما کدونیا اہالی اسلامیه مندن ارزو
ایدنلرک ده آیدین ولایتنه نقل ایدلمسنی و اموال منقولہ لرینہ کماکان تصرف ایتک

اوزره اموال غیر منقولہ لرینک مبادلہ یہ تابع طوئلی اساسی دائرہ سندنہ مذاکراتہ
ایستدار ایدملکی قبول ایتشدی .

یوقاریدہ ایضاح ایتدیکم طرزده عرب عنصریلده بر زمین ائتلاف قرارلاشمش
اولدیغندن متعاقباً ک نازک برمسئله داخلیه اولان ارمنی ایشیله اشتغاله قرار ویرلمشدی .
بو مسئله غایت مهم و برجوق صفحاتی حائر اولدیغندن بونلری آتیاً بر مبحث
مخصوصده تفصیل ایتدیکی ده مناسب کوردم

انکلیز و فرانسرله اقتصادی مذاکرات

محمود شوکت پاشانک صدارتی زماننده فرانسه دن بر استقراض تأمین ایتکله
برابر مالی قایتیولاسیونلرک الغاسی موافقتی استحصال ایلهمک وظیفه سیله جاوید بک
پارسه کوندریلدیکی کبی بو ایکی اساس دائرہ سندنہ مذاکراته کیریشمک و بوندن بشقه
بصره کورفرینه و یمنه عدن اره سندنہ منازع فیه اولان مسائلی حل ایتک اوزرده
صدرا سبق حق پاشا لوندره یه کوندرلمشدی .

جاوید بکک مذاکراتی ایکی یه انقسام ایدیوردی :

۱ — مهم بر مبلغ استقراضی ؛

۲ — مالی قایتیولاسیونلرک الغاسی .

فرانسزلر استقراضه موافقت ایچون جامئزی آلاچق شرائط درمیان ایتشلردی .
جاوید بک خاطراتی یازدیغی زمان دائرۀ اختصاصه داخل اولان بو مسائلی البت
بندن پک کوزل ایضاح ایده جکدر . یالکیز بنم خاطرمدہ قالان شونلردر :

۱ — حجاز تیمور یولی اداره سی طرفندن بعدما سوریه و فلسطین داخانه هیچ بر
شمندوفر یاپیلماق ؛

۲ — حجاز تیمور یولنک حیفای درعا شهمه سنک عفو له نقطه سندن آریله رق
جنیر — نابلس طریقیله قدسه قدر انشایدلمکده اولان و اوزمان سیاستیه
قدر ایلرله مش اولان خطک انشاسندن درحال صرف نظر ایدمک ؛

۳ — عفو له دن اعتباراً یافه قدس خطنک آتیاً انتخاب ایدله جک بر نقطه سنه قدر
امتداد ایتک اوزره کنیش بر خط امتیازی فرانسزلره ویرمک ؛

۵ — حیفای درعا قسمی ایشلمه تعرفه لرینک بیروت — شام — حوران خطی
تعرفه لرله رقابت ایده جک وجهله تنظیمه حکومت عثمانیه صلاحیتدار
اولماق ؛ و شام — حوران قسمی ایچین شام — حما تحدیداتی شرکته
حکومت عثمانیه جه بر تضمینات ویرمک ؛

- ۶ — کرک شام مدینه شمندو فرلرندن و کرک ریاق — حاب خطندن اعتباراً شرقه دوغری بعدما یاییله جق شمندو فرلر امتیازاتی منحصرآ فرانسلرله عائد اولمق؛
 - ۷ — یافه ، حیف ، طرابلس شام کی سوریه لیمانلرینک منحصرآ فرانسلر سرمایه دارلری طرفندن انشاسنه مساعده اولمق ؛
 - ۸ — یمن شمندو فر خطی حقوقی حکومت عثمانیه دن صانون آلنهرق مذکور قومانییه بر جوق تضمینات ویرملک ؛
 - ۹ — صامسون — سیواس شمندو فری امتیازی فرانسلرله ویرملک ؛
 - ۱۰ — مقدارلری پک چوغه بالغ اولان فرانسلر مکتبلریله مناسترلرینه وخسته خانه ، ایتمخانه وسائر کی بر جوق مؤسسانه عائد مبانی واملاک وعقارات هر درلو تکالیف امیرییه دن معفو بولمق ؛
 - ۱۱ — فرانسه دن استقراض اولنان پارا ایله یالکیز فرانسه یه عسکری سپارشلر ویریه بیلمک ؛ بو ودها تخطر ایدمه دیکم بر جوق شرائط مقابلنده ایکی تقسیمده تأدیه اولمق اوزره حکومت عثمانیه طقوز یوز کسور میلیون فراقلق راستقراض عقدینه مساعده ایدیورلردی .
- مالی قایتولاسیونلرک الغاسنه ایسه قطعاً یاناشمیورلردی . یالکیز دهاا برطاقم شرائط مقابلنده کمرک رسمنک ۱۱۰ /۰ دن ۱۴۰ /۰ ابلاغه ، اسپرتو ، کبریت وسیغاره کاغدی اوزرینه انحصار وضعنه واجنیلرندن تمتیع ویرکوسی و اووقرترووا رسومی استحصالنه ودها سائر برقاچ اهمیتسز ماده یه موافقت ایدیورلردی .
- بومذا کرملر اولیه قولای قولای اولیوردی . پارسده مذا کرده مأمور جاویدنک بریاندن استانبول حکومتنک اعطای قرارداد کوستردیکی تأخرلرندن ، برطرفدن پارسده دوچار اولدینی مشکلاتدن دولانی جانندن بیزار اوله جق درجه لره کمشدی .
- قاینه یی تشکیل ایدن ذوات میاننده نافع ناظری عثمان نظامی پاشا اکثریسی کندی نظارتنه عائد اولان مسائلی دوائر عائده سنک تدقیقانه تودیع ایدیور و یالکیز حقدن ومنافع عثمانیه نقطه نظرندن تدقیق مسئله یه مجبور اولان دوائر مذکور دنک نقاط نظرخی باب عالی یه عرض ایتمکدن بشقه برصورت تسویه بولمغه یاناشمیوردی .
- حالبوکه وضعیت عمومیه حکومتک سریع وجسور قرارلر اتخاذ ایتمنی ایجاب ایدیوردی . عثمان نظامی پاشانک پک اصول پرستانه اولان خط حرکتی قاینه وفرقه ده صولک درجه موجب جدت اولیور وذاتاً ادرنه مسئله سنده خلاف عقل و سلیم بر فکر ومخالفت کوستر مش اولان بودانک اساساً سیاسی فرقه ایله ده برکونا مناسبتی بولونمادیغندن بعدما منحصرآ اتحاد وترقی فرقه سنک پروگرامی کمال جدیت وسرعتله تطبیق ایتکی امل ایدنمش اولان فرقه کندیسنک حکومتدن چیقارلمسنی آرزو ایدیوردی .

استانبول محافظهغه تعیین اولوندیغم کوندنبری فرانسزلرله تورکر آراسنده بر مقارنت حصولی ایچین هر فرصتدن استفاده ايله صرف ایتدیکم مساعی و فرانسه سفارتی و علی العموم فرانسزلر ايله ادامه مناسبات دوستانه اعتبار ايله فرانسه دن یاپيله حق استقراضک مسند الیه اولان بر چوق امور نافعنه نك تدقیق وحلی بکا حواله ایديله جك اولورسه فرانسزلرجه حسن تلقی ایديله جکینی تقدیر ایدن آرقداشلر نافعنه نظارتی قبول ایتمکلمکی بندن رجا ایتدیلر . اوصرده بولوندیغم برنجی قول اردو قوماندانلغی قریباً جنرال لیان فون ساندرسه تسلیم ایتمک مجبور اولاجغمی بیلدیکم ایچون قابینه یه داخل اولیغم صورته و طئه نافع خدمت لر ایفا سنه قدر تیاب اولاجغمی امید ایتدیکم جهتله بوتکلیفی قبول ایتدم . فرانسز ایشلرخی سریع بر صورت تسویه به ربط ایتک ایسته مه دیکی و حال بوکه خدمتک دها زیاده انتظاره وقتی اولمادیغی جهتله بر مأذونیت طلب ایدرهك نظارت مقامندن چکیلیمسی عثمان نظامی پاشایه تکلیف اولدی . تکلیفی در عقب قبول ایتدی و بنده نافعنه نظارته وکاله تعیین اولوندیم . بر آی صوکره عثمان نظامی پاشا بالکلیه استعفا ایدرهك نظارت مذکوریه اصالة تعیین ایدلیم .

نظارتی وکاله در عهده ایدر ایتمز ایلک انیم فرانسه دن یاپيله حق استقراضک مسند الیه اولوب نافعنه نظارتک تصویب و قبولنه متعلق اولان بر چوق مسألی پک آز بر مدت ظرفنده حل و مقام نظارتدن باب عالی به فرانسزلرک دخی قبول ایدره بيله جکلری بر صورت تسویه عرض ایتک اولدی . بو سایه ده جاوید بکک تشبثاتی نتیجه لنه رهك استقراض عقد ایدلدی .

انطالیه شمندوفری

نافعه نظارتم اثناسنده انطالیه شمندوفری مسئله سندن دولای ایتالیا سفارتخانه سیله بر مسئله به سببیت ویردم . معلوم اولدیغی اوزره طرابلس غرب محاربه سی اثناسنده ردوس ، استانبولکوی و سائره کبی بر چوق اطه لریمزی اشغال ایتش اولان ایتالیا نلر اوشی معاهده نامه سی موجبجه بو اطه لری حکومت عثمانیه به اعاده ایدره جکلردی . فقط اوصرده بالقان محاربه سی ظهور ایتش اولدیغندن یونانلیرک استیلا سنه میدان ویرمش اولماق ادعاسیله اطه لری تخلیه ایتمه مشلردی . وقتا که بالقان حربنه لوندره مصالحه ابتدایه سیله نهایت ویرلدی ، اطه لری تسلیم ایتله رخی تکلیف ایتدیکمز ایتالیا لیر بیک دره دن بیک چو کتیر مکّه و بالخاصه سید احمد الشریف السنوسی نك حالا ابراز مقاومت ایتمکده اولدیغی و معیتنده تورک ضابطانی بولوندیغی ادعاسیله شرائط صلحیه نك طرفزدن تمامیه رعایت ایدله دیکنی ادعایه قالمه مشلردی .

بوادعالینك طوغری اولمادیغی ، بنغازی قطعه سمنده عثمانلی اردوسنه منسوب هیچ بر فرد و حکومت عثمانیه طرفدن سیداحمد الشریف السنوسی به هیچ بر معاونده بولونمادیغی دلائل مقنعه سیله اثبات اولونجه شمدی ده ایتالیانلر ایتالیا افکار عمومیه سنی ایلری سوردرک مقابلنده بر منفعت تأمین ایدلمدکجه آطه لرك تورکیه به اعاده سی ایتالیا ده پك فنا تأثیرات حصوله کتیره جکینی درمیانہ باشلادیلر. ایشته بو طرز معامله بزم صولک درجه جانمزی صیق یوردی .

بن نافعہ نظارتہ کلدیکم صرمدہ بومسئله یکیدن تازه لئشیدی. برکون مقام نظارتہ زیارتمه کلن ایتالیان سفیری مارکی غارونی بر ایتالیا سرمایه دار غروپی نامنه حرکت ایدن عثمانی تبعه سندن آرام حالجیان افندی ایلہ ده بر قاچ ذاتک آنطالیه دن شماله و مکریدن مغله به دوغرو بر شمندفر خطی انشاسی ایچین امتیاز طلی فکرنده اولدیغندن شمدیلک ابتدائی استکشافات اجرا ایتلمینه مساعده اولئسنی و بوایش ایچین چالیشه حق ایتالیان مهندس لرله عمله سنک حکومت عثمانیه جه حمایه ایدلمسنی رجا ایدیورلردی. در عقب جواب ویردم ؛ حکومت عثمانیه نك شمدیلک آنطالیه دن داخله و مکریدن مغله به شمندوفر انشاسی فکرنده اولمادیغی صراحتہ سو یله دم . بوقیصه و قطعی جواب ایتالیان دیپلماتی دوچار حیرت ایتدی. دیدی که :

استکشافات اولیه اجرا ایتک شمندوفر یاپدیرمق دکلدلر. اول امرده بویه بر خطک قابل انشا اولوب اولمادیغی آراشدیرمقدرکه بونک نتیجه سنده قابلیت انشائیہ تظاهر ایدرسه حکومت عثمانیه بو خطلری انشا ایتدیروب ایتدیرمیه جکنه بالا آخره قرار ویرر . اساساً بویه استکشاف اجرایی ایچین ایتالیانلره مساعده ایده جکنه دائر حکومت عثمانیه نك تحریری بر آغاژمانی واردر . حال بویه ایکن نافعہ نظارتنت شمدی بوکا جواب رد ویرمی جای تأملدر .

سفیرک ادعا ایتدیکی تحریری آغاژماندن هیچ خبرم یوقدی. نظارت شمندفرلر مدیر عمومی مختار بیکی جلب ایدرک ایشی صوردم . عدم معلومات بیان ایتدی . نظارت آرشیولرندہ بویه بر قید اولمادیغی جوابی ویرنجه خارجیه ناظری سعید حلیم پاشانک امضاسنی حاوی برورقه ابراز ایتدی . بوورقه حکومت عثمانیه بی سفیرک ادعا ایتدیکی شکله آغاژه ایدمیه جک ماهیتی حائر دکلدی . اوزون اوزادی به مناقشه لردن صوکر ا سفیره قطعی جواب ردیمی ویردم .

بونک اوزرینه مارکی غارونی دیدی که :

« عزیزم جمال پاشا ! بن ایتالیانک تحت اشغالنده بولان بحر سفید آطه لرینی تورکیه به اعاده ایتدیرمک ایچین بوقدر صرف مساعی ایدرکن بویه اهمیتسز بر مسئله ایچین بکا بودرجه قطعی جواب رد ویرمکنزی مناسب کورم یورم . بیلر سکیزکه

ایتالیان افکار عمومی سی بو آنطالیه شمندو فرینه د وکدرجه عطف اهمیت ایدیور . شاید بونک اوزرتده ایتالیان مهندسلی واسطه سیله استکشافات اجرا ایدلمک باشلاندیغی حوادث غزته لرله نشر ایدلمک اولورسه افکار عمومی حکومتک دوده قانه ز آطه لرینی اعاده اتمک صورتیله اختیار ایدرجکی فداکارلغه مقابل بر منفعت ماده استحصال اتمش اولدیغی کورهرک حکومته مشکلات ابراز اتمز . سزده یاقین زمانده آطه لریکنزه مالک اولورسکنز . »

اوزمان بوسبوتون جاتم صیقله رق جواب ویردم :
« سفیر حضر تلی اونوتیورلرکه کندیسند امانه محفوظ اولان مالی صاحب اصلینه اعاده ایدن بر ذات بوکامقابل بر مکافات ایسته مک حقنه مالک دکلدر . ایتالیا حکومتی آطه لری بزه اعاده عهده مجبوردر . بر حکومتی مجبوریته عهده سی اجرا و مقتضای ناموسی ادا ایتدیکندن طولانی مؤاخذه ایدمیله جک اوکام مشکلات کوستره جک هیچ بر ملت تصور ایدم . رجا ایدرم ، کندی حکومتکزک موقعی دوشونور کن بزم حکومت موقعی اونوتماییکز . اوچ دزت سنه دنبری نامتناهی تجاوزه ده دوچار اولارق اوزوباده کی اراضینک یوزده طقسان دوقوزینی و آفریقاده کی مستملکاتنک کافه سی لندن قاجیر مش اولان و زوالی تورکیه نک عهده استرادیه صلاحیتدار اولدیغی برق آطه بارچه سی کری آلیرکن بعض تعویضات اعطاسنه مجبور ایدلیکنی کورن عثمانلی افکار عمومی عجباً بزم حکومت مز حقنده نه فکر بسلر ؟ سفیر حضر تلی بن نافع ناظری سم . وظیفهم مملکتک محتاج اولدیغی تأسیسات نافعیه بی مملکتک خیرینی تأمین ایدمک طرز و شکله انشا ایتدیرمکدر . سیاسی تعویضات مقابلی اوله رق پایله حق تأسیساته عائد مذاکرات بنم دکل خارجیه ناظری و یا صدراعظمه جریان ایدر . بن بومسئله نه تماماً معارض اولدیغم ایچین ذات عالیرینه هیچ بر جواب موافقت ویردم » دیدم .

افاده لیمک قطعی قارشوسنده دائماً متزاید برحیره دوچار اولان مارکی غارونی بندن استحصال مساعده ایدمک چیقدی ، کتیدی .

وقوع حالی پرنس سعیدحلم پاشا ایله اوصرده حریبه ناظری اولان انورپاشایه وداخلیه ناظری طلعت بکه حکایه ایتدم . هپسی تصویب ایتدیلر . ایرتسی کونی هرصلسه بوایشدن خبردار اولان غزته جیلر قام مخصوص مدیری واسطه سیله بندن معلومات ایسته ورلردی . متفرق معلومات ویرمک ماهیت مسئله بی تغییر محذوری حائر اولدیغندن تصویر افکار سر محرری یونس نادى بکی دعوت ایدرک کندیسنه بر ملاقات ویردم . « نه تعویض ، نه امتیاز ! » سرلوحه سیله نشر اولنان بیانات بوتون مملکتده پک بویوک سرور و ابتهاج ایله اوقوندی و برچوق دوسه تیلر . بو صریح و قطعی بیاناتمدن

دولای نی تبریک ایتدیله . فقط مقاله نك نشر اولونديغی کون پك زیاده تلاشه دوشمش اولان مارکی غارونی صدر اعظم پاشان ملاقات طاب ایدرك حقمده اوزون اوزادییه شکایتده بولنور وبو مقاله نك ایتالیاده پك زیاده سوءتاثیر حاصل ایده جکینی درمیان ایدر . او کون مجلس وکلا واردی . دائرة صدارته کیتدیکم وقت صدر اعظم پاشایی برآز آصیق چهره لی کوردیم . طلعت بکده اوراده بولنیوردی .

پرنس سعید حلیم پاشا آمرانه برطور ایله :

« پاشا حضرتلری ! سز انطالیه شمندوفرلری حقمده غزته جیلره بیاناتده می بولندیکنز ؟ » دیدی . « اوت ! نه اولمش که ؟ خلاف حقیقت برشیئمی سوبله مشم ؟ » جوابی ویردم .

— خبر اما ظن ایدیورمکه بوکا صلاحیتکنز اولماسه کرک !

— ظنکنزک دوغرو اولمادیغی سوبله مکلمکه مساعده بیورکنز . برناظر کنندی نظارتنه عاڈایستدیکی مسئله نی غزته لر واسطه سیله میدان علمیته قومیغه صلاحیتداردر . علی الخصوص او مسئله اسرار دولته عاڈ بوونمز ودولتک سیاست عمومیه سی تهلیکیه قویمزسه ! غزته جی بندن صورتی : « دولت بحر سفید آطه لرینی استرداد ایچون ایتالیانلره انطالیه شمندوفر خطنک انشاسنی تعویضاً ویرمک نیتندهمیدر ؟ » دیدی . بن « خیر » جوابی ویردم . بیانم خلاف حقیقتمی ؟ ریاست فخریه کزده بولنان حکومت بویه رفکرده میدر ؟ بجه خیر ! او حالده سفیرک شکایته حق یوق . افکار عمومیه نی نظارتنه عاڈ برمسئهدن دولای تطمین ایتکده ایسه بنم حقم پك چوق ! پرنس بو جوابم اوزرینه هیچ سس چیقارمادی . لکن ظن ایدرم که هیچ سومه دیکی ، بردلو تحمل ایده مدیکی غزته جیلره بویه بیاناده بولندیغمدن طولای نی عفو ایتهدی .

بو حادثه اوزرندن برقاچ کون کچد کدن صوکرار کون انکلیز سفیری سیرلوی مالهت نظارتنه کلمشدی . غایت نازکانه مقدمه لردن صوکرار حکومت عثمانیه ک ایتالیانلره انطالیه شمندوفر امتیازی ویرمک اوزره بولندیغی ایشتدیکنی حاکمکه بو معامله بر انکلیز قومپانیه سی اولان آیدن شمندوفر قومپانیه سنک حقوقه بر تجاوز تشکیل ایده جکینی سوبله مشدی . تدقیقات اجرا ایتدم . فی الحقیقه آیدن قومپانیه سنک اسپارطه وبوردوره طوغری خط تمديد ویکیشیر کولنده واپور ایشلتمک حقنه مالک اولدیغی وبو خطک ایشلتمه قابلیتک تناقصدن وقایه سی ایچین خطک جنوبدن بیلمم قاچ کیلومتر و مسافهدن اعتباراً بحر سفید ساحلنه طوغرو شمندوفر انشا ایتدیرلمه جکمنک تعهد ایدلیدیکی آکلادم . بو حقیقتی سعید حلیم پاشا حضرتلرینه ایضاح ایتدیکم زمان ایتالیانلره قارشی برآغاژمان آلامش اولدیغمدن طولای اظهار ممنونیت ایتدیله .

مع هذا ايتاليان سفيريلا ده بر صورت تسويه بولدم . وانظاليه ايله مكریدن داخله دوغرو شمندوفر انشاسی قابل اولوب اولمايه جغنی تدقیق ایتك اوزره نافعہ نظارتی شمندوفر مهندس لرندن مرکب بر هیئت فنیہ رسمیه یی اوزرله کوندروب بونك نتیجه سنده بو خطارك انشاسی لازم اولوب اولمادیغه دائر قرار ویره جگمی سوله دم . بونكله سفیر ممنون اولمش کبی داوراندی . فقط هر حالده ممنون دکلدی .

نافعه نظارتده بولندیغم صیراده حل ایتدیکم مسائلدن بریده طرق عمومیه شرکتیه نظارت هیئت فنیه سی آراسنده کی متعدد اختلافات ایدی . هرايکی طرف بر فکر سام ايله تدقیق مسئله ایدرك بر صورت تسويه بوله جغنی یرده مقابل بر عدم اعتمادك ویردیکی بی لزوم بر عناد واصرار ايله یکدیگرینك دلائل و مطالبی ایچین ابراز مشکلات ایدوب دوریورلردی . طرق ومعارب مدیر عمومیه یی برهان الدین بك ايله شرکت مدیر عمومیه یی موسیو شوبلیه یی بر آرمیه کتیره زك بوتون مسائل معلقه یی بالذات تدقیق ایتدم . وایکی جلسه ده هر بر بنه برر صورت تسويه بولارق ایشلرك بر سرعت متزایده ايله ایلرله مسنی تأمین ایتدم .

نهایت ۱۹۱۴ سنه سی شیباطی صوکلرنده چوروکصولی محمود پاشا ايله یحباش ایدرك بحریه نظارتی درعهده ایتدم .

بحریه نظارتی

بحریه نظارتنه صورت تعیین

انور پاشا حریه نظارتی درعهده ایتدکدن صوکر ا اردونك تنسیقاتیه اشتغال ایدرك ایلک ایثی اردو قوماندا هیئتنك باشدن آشاغی کنجاشدیرلمسی اولمشدی . بوتون مزیت عسکریه لر ی رتبه لرینك غالونلری طاشیمقدن عبارت اولان نه قدر ارکان، امرا و ضابطان وارسه کافه سنی تقاعده سوق ایتمش ومیرالایلدن قول اردو قوماندانلری ، قائم مقام لردن فرقه ، بیکباشیلردن آلا ی و یوزباشیلردن طابور قوماندانلری یلمشدی . حریه نظارتی دوائری هیئت تنسیقیه نك تکلیفی موجبنه یکیدن تنسیق ایتمش و دوائر مختلفه ریاستی آلمان امراسنه تودیع ایدرك اردونك سفر برلك پلانلری تنظیم ایتدیرمکه باشلامشدی، بوتون اردوده تعلیم و تربیه عسکریه به بویوک براعتنا ايله و کمال جدیتله باشلامش وبرایکی آی ظرفنده اردونك هیئت عمومیه سنده بر روح دیکرك حکم سورمکده اولدینی کورولمشدی .

بر طرفدن اردو بو خارق العاده تحولاته مقتدر اولور کن بحریه ده اسکی حیات اصولی رستی دن بشقه برشی مشهود اولموردی . بحریه ناظری چو کصولی محمود پاشا غایت ناموسکار ، پک چالیشقان بر ذات اولمقله برابر رادیکال تدبیرلر اتخاذ ایده جک جرأته مالک اولمدیغدن انور پاشانک خط حرکتی قبول ایتمی حقنده قابینه ده کی آرقداش لری طرفدن واقع اولان تسکلیله حواله سمع اعتبار ایتموردی .

بش آلتی آی اول بره زیلیدن صاتون آلدیغمز سلطان عثمان در تنوطنک اتمام انشا آتی ایچین هیچ بر سرعت کوسریلیور ، رشادیه در تنوطنک انشا آتی ایسه تأخر ایتدکجه ایدیوردی . بالقان حربی انساننده کمیلریمزک دوچار اولدینی خساراتک تعمیراتنه کافی درجه همت صرف اولونمئور و کرک دوائر نظارتک ، کرکسه ضابطان هیئتلرینک تنسیق حقنده انکلیز هیئت اصلاحیه سی رئیسک تکلیفاتی شورای بحریه ده تدقیقاته تابع طوئیه رق هیچ بر نتیجه واصل اولاموردی . حالوکه حکومتک نقطه نظر نجه پک یقین بر آتیده یونانلیلرله مجادله یه کیریشمک کمز محقق اولدیغدن بو مجادله یه تشبثدن اول دها بویوک بر سرعتله قوه بحریه مزى تنسیق وتعلیم ایتمک کمز ایجاب ایدیوردی . بناء علیه بحریه نظارتنه بنم نقل ایدلمک صدر اعظم پاشا ایله انور پاشا وطلعت بک ییننده قرار لاشدیر یلهرق بنمله یحایشه موفقت ایتمی محمود پاشایه تکلیف ایدلمش ومشارایه ده بو تسکلی قبول ایتشدی . ایشته بو مقررات نتیجه سنده بحریه نظارتی در عهده ایتشدم .

بحریه نظارتی دوائرینک تنسیق

نظارتی در عهده ایدر ایتمز ایلك ایشم انکلیز هیئت اصلاحیه رئیس امیرال لیموس پاشا ایله اوزون بر ملاقات اولدی . شمدی یه قدر سبق ایدن تکلیفات تنسیقیه سنک بر صورتلرینی بکاویرمسنی رجایتدم وبو تکلیفاتک کندیسنجه اهمیتیلرینی تعیین ایتمی سویلادم . بر طرفدن ده کرک لیموس پاشاو کرک امیرال غامبل طرفندن تنسیقات عمومیه بحریه مزایحین ویرلمش اولان لایحه لری شورای بحریه ودوائر سائر دن طویلا تدره رق بالذات تدقیقاته باشلادم . امیرال لیموس هر شیدن اول دوائر بحریه نک تنسیقنی تکلیف ایتش وبو تکلیفاده نقطه نظریمه توافق ایله مشدی . کرک میرال لیموس و کرکسه کندیسندن اول کان ایکی انکلیز امیرالی شورای بحریه دن شکایت ایدیوزلر وهیچ بر مسئولیت آلمق ایسته مین دوائر نظارت رؤسانک کندی دائره لرینه عائد مواد مهمه حقنده هیچ بر قرار اتخاذ ایتمه رک شورای بحریه یه تودیع کیفیت ایتدکلرینی وشورای بحریه ایسه آیلرجه مدت اجتماع ایتمه رک واجتماع ایتسه بیله سنه لرجه مدت ییغلمش قالمش اولان

برجوق ایشلردن اورکرك براق دوسیه نك تدقیقندن صوكر ا طاغیلمقده واك مهم مسائلك اوراق طورباری ایچنده محبوس بر اقلقمده اولدیغی وبو سایه ده رؤسای دوائرك مسؤلیتدن تبری ایتدكرینی درمیان ایدیورلردی . بناء علیه هرشیدن اول شورای بحریه نك اعاشه قرار ویرمشم . آمیرال لیمپوسك شكایت ایتدیكى مقاماتدن بری ده نظارت مستشارلغی مقامی ایدی . نظارت مستشارلغی باخصوص او زمانك مستشاری اولان میرلوا رستم پاشایی آمیرال لیمپوس عثمانلی بحریه اصلاحاتك اك عنود مخالفی اولارق تلقی ایدیوردی . رؤسای دوائر كندی نقطه نظرینی قبول ایتسه لریله بالاخره مستشار رستم پاشایه مراجعتلرنده كندی تكلیفك بوسبوتون مخالفی برقرار ایله عودت ایتدكرینی و كندیسنه قارشى مستشار پاشانك امری خلافنده برشی بابامیه جملرینی مقام اعتذارده سوبله دكرینی آكلانوردی .

مشارالیهك اك چوق شكایت ایتدیكى دوائر دردنجی دائرة ایله محاسبه و یوقلمه مدیریتی ایدی . اك بوروقراتيك قواعد قدیمه نك اسیری اولان بودائرلر باشدن باشه تنسیق واصلاح اولونمادقجه نظارت بحریه ده برشی یا یق ممکن اوله میه جغی سوبله یوردی . بوشفاهی تدقیقندن صوكره آمیرال غامبل ایله آمیرال لیمپوسك دوائر نظارت حقنده كی لایحه لرینی اوقودم و اولردن ملهم اوله رق كندی مطالعاتك ده سوقیله بر تشکیلات نظامنامه سی قلمه آلدیم . بونظامنامه موجبجه نظارت مستشارلغی و شورای بحریه لغو اولنه جقدی . نظارت بحریه دوت دائرة ایله بر بحیه مقتشككندن و برده محاسبه مدیریتندن تركب ایدمك و برنجی دائرة رئیسى ارکان حربیه بحریه رئیسى عنوانی حائز اولاجقدی . هر دائرة نك رئیسى كندی اداره سنه تعلق ایدن ایشلرك كافه سی حقنده نهائی قرارل ویرمكه و كندی مسؤلیتی تحتنده مقام نظارته عرض ایتمكه مجبورودی . اساساً بر دائرة تعلق ایدن فقط دوائر سائر ایله ده علاقه دار اولان مسائل ایچین تعقیبات اجرایی و دوائر سائر دن مقررات استحصالی دائرة رئیسك وظیفه سی مقتضاسندن ایدی . بوتون دوائر رؤسای كندی دائرة لینه تعلق ایدن مسائل حقنده ارکان حربیه بحریه ریاستنه اعطای معلوماته مجبور ایدیلر . دوننانك تنسیقندن، حربیه احضارندن هیئت ضابطانك تعلیم و تربیه سندن و هر نوع ملازمه حربیه نك ولوازم اعاشه نك و قتیله احضار ایتدیراسندن مسؤل اولان ارکان حربیه بحریه رئیسى بو مسائل حقنده دوائر سائر رؤساسندن تحریری و شفاهی معلومات طلب ایتمكه و دائرة ارکان حربیه نك نقاط نظرینی آنلره ایضاحه صلاحیتدار ایدی .

تشکیلات نظامنامه سنی بالاخره تجربه به مستند بر طاقم تعدیلات ایله اكال واك مناسب شكلی احراز ایتدیردكدن صوكر ا نظامنامه حالته قلب ایتمكى موافق كوردیكمدن تعلیاتنامه صورتنده همان موقع اجرایی وضعی امر ایتدم . وبونك ایجاباتندن اولارق

مستشار رستم پاشا ایله ده سائر ایکی لوا آمرالنی و حیحیه مفتشی فائق پاشانی و بر قاج میر آلا ی ایله قائممقام و بیکیباشی قاعده سوق ایتدم . بوا ساسلی اجرات آمرال لیموسی پک ممنون ایتمش و نظارت بحریه ده بعدما سرعت و جدیتله ایش کورمک ممکن اولاجنی قناعتی حاصل ایتمش اولدیغنی بالذات بکا بیلدیرمشدی . ینسه تنسیقات تعلیماتنامه سی موجبجه اوزمانه قدر کافه سی استانبول لیان ریاستنه مربوط بولونان ممالک عثمانیه لیانلرینی آلتی دائیره تفریق ایدرک حاسون ، استانبول ، ازمیر ، بیروت مرکز لیان ریاستلرینی یکیدن تشکیل و بحر احمر لیانلرینی بحر احمر قومودورخانه ربط ایتدیرمشدیم . مرکز لیان رؤسای تشکیل ایتمکدن مقصدم بونلرک معیتنه ویرمچکم ساحل ترصد و محافظه سفائی واسطه سیله سواحل عثمانیه ده قچاقجیاغک منعه تشبث ایتمکدن و اوزمانه قدر پک باشی بوش براقلمش اولان لیان رؤساسنی دائمی بر تفتیش و مراقبه یه تابع طومتقندن عبارتدی .

فی الحقیقه اوصرده فرانسه دن کمش اولان غامبوطلرله اسکیدن قلله غامبوطلری بحرسیه و بحرسفید و سوریه و بحر احمر سواحلنه مأمور ایتدم . بونلری پیدرپی مرکز لیان رئیسلرینک امرینه کوندردیم . اگر نظارته تعینمندن بش آی صوکره حرب عمومی چیقامش اولسه ییدی بوتشکیلادن کرک رسومات کرک رژی کرک دیون عمومیه اداره لری فوق العاده استفاده ایده جک و سواحلده قچاقجیلوق و قایقی عادتاً تمامیه منع ایدیه جکدی .

مرکز لیان رئیسلرینی امرای بحریه نیک مقتدر و فعال اولانلری میانندن انتخاب ایتمش و بونلری دائمی بر تفتیش و مراقبه یه محبور طومتش ایدیم . بونلردن پیدرپی کلن راپورلر لیان رئیسلری ایچنده تبدیلی ایجاب ایدنلر حقنده قناعت بخش ایضاحاتی حاوی اولدیغنی کبی لیان دائره لریمزک جدأ آجینه جق بر درکئ سفیده اولدیغنی ده بیلدیریوردی . لیان رئیسلردن تقاعده سوق ایتدکاریمک یرینه ضابطان بحریه موجوده آراسندن ناموس و چالیشقانلقلری ایله معروف و فقط حرب دونماتسندده استخداملرنده فائده غیر مأمول اولانلری تعین ایتدیرمکده ایدیم . بالهایه ضابطان موجوده بحریه یی اوچ صنفه تفریق ایتک املنده ایدیم . برنجی قسم حرب دونماتسندده استخدام ایدیه سیله جک ضابطان ایدی : ایکنجی قسم سواحل محافظه سنه مأمور سفاتسندده استخدام اولنه بیلدجکلر اوچنجی قسمده لیان ریاستلرنده قولانیله سیله جکلر ایدی . بونلر یالکیز کندی ینلرنده ترفیع ایتدیریلرک برنجی قسمده استخدام قابلیتنی ضایع ایده جکلر ایکنجیه ، ایکنجیدن تفریق اولنه جکلر اوچونجیه کوندریله جک و اوچنجیده ایشه یارامیانلر تقاعده سوق اولنه جکلردی . مع التأسف بوا ساسی وضع ایده بیلیمکلمکده حرب مانع اولدی . ضابطان بحریه دن تقاعدلرینه

و یا نسبت عسکریه لرینک قطعنه قرار و بردکلم حقتده پک قطعی پرنسیپلرم واردی .
 اولاً احوال صحیه ، بالطبع نظامنامه موجبنجه مستوجب تقاعد ایدی . ثانیاً
 ویریلان وظیفه یی ایفایه علماً و عرفاناً عدم قابلیت کذا تقاعد نظامنامه سنک ایکسجی
 ماده سنجه مستوجب تقاعد ایدی . فقط حیثیت عسکریه سنی پامال ایده جک قدر
 سرخوش اولوق ، هر نه صورتله اولورسه اولسون آرقداش لرینک موجب نفرتی
 اولاجق حرکاتده بولونق ، وظیفه سنک ایفاسنده عن قصد تکسل کوسترمک ودها
 بوکا مماثل بعضی احوال عبره لسا ئین نسبت عسکریه قطعی استلزام ایدن قباحتلردن
 معدوددی . نسبت عسکریه قطعندن مقصد برضابطک اداره استغفایه مجبور ایدلمسی دیمکدر .
 تقاعد نظامنامه سنک ایکسجی ماده سی اقتدار و اهلیتی رتبه سنه عائد وظائفک
 ایفاسنه کافی کلمه یین ضابطانی سنین خدمته کوره معاشی حساب ایدلمک اوزره تقاعده
 سوق ایدیوردی . احوالده قباحتلری دیوان حرب قراریه طردی استلزام ایده جک
 درجه ده اولمایان فقط بالاده ایضاح ایندیکم قباح ایله آلوده بولونان ضابطانی ده
 مجبوری استغفایه تابع طومتق الک مناسب بر اصول ایدی که بالاخره بواصول آوروپا
 اردولرنده موجود دیوان حیثیتلرک بزده ده تأسیسی انتاج ایده جکدی . بوراده بر
 قاج مثال ذکر ایتمی مناسب تلقی ایدیورم .

نظارتیه تعیینمک هفته سنده ایدی ، دها محمود پاشانک نظارتی زماننده بحر احرار
 قومودورانی معینه ویرلمش اولان برغامبوطک یوم و ساعت حرکتی ارکان حربیه
 ریاستک تنسیبی وجهله امر ایتمشدم . حرکت ایچین تخصیص اولونان صباحدن برکون
 اولکی آقشم اوزری آمرال لیموس پاشانی ده برابریه آلاق طوپخانه آچققلرنده
 دمیرلی بولونان غامبوطه کیتدم . غامبوطک اوزون برسفر اجرا ایده ییله جک وجهله
 احضار ایدلمش اولوب اولمادیغنک بالذات تفتیش و بکا ابلاغ ایدلمسینی آمرال دن رجا
 ایتدم . آمرال بعض اوفق تفک نواقصیله برابر کمینک حرکت ایچین حاضر لانش
 عد ایده جکنی بیلدردی . قومانیه لرینک کافی اولوب اولمادیغنی و افرادک یازلق
 الیسه لری بولونوب بولونمادیغنی ، نه قدر پارلری اولدیغنی سواریدن صوردم . بر مقدار
 ملبوسات ایله بر آزدها قومانیه یه محتاج اولدق لری باندیق آکلادم . ضابطانک
 صیقینی چکمه لری ایچین اوچ آیاق مخصصات لرینک ده کمی قاصه سنه اعطاسنی مناسب
 کوردم . هان ایکسجی ایله کاتبک اداره بحریه کوندرلمسینی و بوکیجه اثناسنده
 آله جققلری آلوب صباحلن امر اولونان ساعتده حرکت ایتلرینی سواریه اخطار ایتدم .
 بالذات دائره بحریه کله رک کیجه وقتی غیر معمول ارزاق و ملبوسات انبارلرینی
 آچدیردم . واقضای ایدن مالزمنک ویرلمسینی ، یوقمه جی افندیکنک اعتراضاتنه رغماً
 کمی یه علی الحساب پارا اعطاسنی امر ایتدم .

صباحین دائره بحر یه کله کلز غامبوطک حرکت ایدوب ایتهدیکنی صوردم .
کمال حیرتله خبر آلم که کمی هنوز حرکت ایتهمش . درعقب سوار یسنی جلب ایتدم .
نه ایچین حرکت ایتهدیکنی صوردم .

« افندم کیجه ایکنجی ایله کاتب کمی یه کلمه دیلر . بنده اونلر اولما ینجه حرکت
ایتمکی مناسب کورمه دم . » دیمز می ؟

اوزمان قراریمی درعقب ویردم . سواری نی تقاعد ایتدم . کمی یه یکی بر سواری
ویردم . ایکنجی نک نسبت عسکریه سی قطع ایتدم . اصل مقصدی بحر احمره کیتمه مکدن
عبارت اولان کاتبی کمی ایله کیتمه اخبار ایتدم . و اوچ ساعت صوکر ا کمی نی حرکت
ایتدیردم . دیگر بر مثال :

حرب عمو میدن اول ایام مبارکه دن برنده ایدی . دونما افراد و ضابطانیله معایده
ایتمک اوزره معین بر ساعتده بوتون سفائن حریبه مرتباتنک ترسانه میداننده اجتماع
ایتمنی امر ایتدم .

یوم معین صبحی هوا یاغمورلی ایدی . فقط وقت معینه بن بویوک اونفورمه
ایله کلدیکم خالد مرتبات اوراده اجتماع ایتمه مشدی . بن اوتومو بیلدن ایندیکم
صرده دونما قوماندانی طاهر بک معینی ضابطانندن بر قاجی ایله برلکده خلیج
قومودورلنی دائره سندن چمقیورلردی . دوغرو یانه کلدیلر . مرتبات عدم اجتماعنک
اسبانی صور دیغم طاهر بک : « افندم ، هوا یاغمورلی اولدیغندن بلکه کلز سکرز
ملاحظه سیله ناحق بره عسکری ایصلا تمامق ایچین اجتماع ایتدیرمه دم » جوابی ویرمشدی .
یاغمورده ایصلا نمقدن قورقان طاهر بک اوچ کون حبسنی امر ایتدم و بر هفته
صوکراده تقاعدنی اجرا ایتدیردم .

دیگر مثال :

طقوز یوز اون آلتی سنه سی ظرفنده دردنجی اردونک مختلف ایشلری ایچون
استانبوله کاشدم . بحریه ضابطانندن برینک اموال دولتی سوء استعمال ایتدیکی تمامیه
تظاهر ایتشدی . او صرده اردوده و دونماده سوء استعمالات مع الاسف آرتقمده ایدی .
بونک تدابیر شدیدیه ایله اوکنی آلمنی پک زیاده آرزو ایدیوردم . کمال سرعته
حقنده حکم ویرلمنی توصیه سیله ضابطی دیوان حریبه سوق ایتدم . دیوان حرب بوتون
حقیقه رغماً ضابطک بر آئنه حکم ویردی . حالوکه ضابطک ارتکابی نجبه و بوتون
آمرلرنجه محققدی . بالطبع دیوان حرب حکمنی تصدیق ایتدم . فقط ضابطک
نسبت عسکریسی قطع ایتدم . دیوان حرب رئیس اسماعیل بک ایله اعضادن بعضیلری ده
حیثیت عسکریه مسائننده بوقدر تقدیر سز اولدق لری ثابت اولمسندن طولانی تقاعده
سوق ایتدم . دیگر بر مثال :

دردنجی اردو قوماندانلغندن استعفا ایله آر تیق استانبوله عودت ایتشدیم . روسیه ایله مصالحه عقد اولونمش، قره کوزه سیر سفائن کشاد ایدلشدی . اوزمانه قدر یاووز قورسی افرادینک محل اقامتی اتخاذ ایدیلن رشید پاشا واپورینک قره دکیز سفر لرینی اجرا ایدم بیلگی ایچین احضاری لازم کلهشدی . بیک مشکلات ایله واپوری دونما قوماندانلغنگ آلدن قور تاردیم و برای تعمیر حوضله اداخل ایتدم . ایرتسی کونی نظارت مستشاری و اصف پاشا یانمه کله رک کال تأثرله برسنه اول پک مکمل صورتده تعمیر ایتدیرلش اولان رشید پاشا واپورینک جداً اغلا نه حق برحاله کتیرلش اولدیغنی، اگر سواری وایکنجیلرک بو اهمال و تسبیله برنه بر نهایت ویردریمه جک اولورسه بحرینه نک افلاسی اعلان ایلک لازم کله جکینی پک محق برلسان شکایتله سویله دی . اوچنجی دائره رئیس حمدی بکی چاغیردم . اوده عینی افادهده بولوندی . خلیج قومودوری رمزی بکی جلب ایله رشید پاشایی تفتیش ایدرک حال حاضرینی مبین بر راپور ویرمینی و بوحالدن طولانی کمی مرتباندن کیملرک مسئول ایدلسی لازمکله جکینی تعیین ایتمینی امر ایتدم . ایرتسی کون بوحالدن کمینک سواریسيله ایکنجیجینی مسئول اولسی ایجاب ایدم جکنه دائر راپور ویردی .

هان و اصف پاشا ایله حمدی بکی استصحاب ایدرک بالذات کمی یه کیتدم . افرادک ضابطان قاره لرینک قاپورلی اوزرینه ضابطان علیهنه الفاظ مستهجنه بی حاوی امضاری تحتمده یازیلر یازمش اولدقلری حالده ضابطانک بوکا بیله تحمل ایتمش اولدقلرینی رأی العین کوردیکم کی کمینک کوپری سالوننک بر باد برحاله کتیرلدیکنی ده مشاهده ایتدم . اوزمان کمی سواریسنک تقاعده سوقی وایکنجیسنک اون بش کون حبسنی امر ایتدم .

بعدما هانکی کمیده عین حال کوریله جک اولورسه سواری ایله ایکنجینک درعقب تقاعد ایدیله جکینی تعمیم ایتدم . کمی سواریس یووز زرهلیمی ایکنجیلکینه نامزد بولنان بریکباشی ایدی . کندیس ی پک ناموسلی ، ذکی و معلوماتی برضابط اولدیغنی حالده کمی و دکیز حیاتی پک آز اولدیغندن تجربه سزدی . بر کمیده رطب و یابس هرشیدن سوارینک مسئول اولدیغنی ظن ایدرسم تقدیر ایدم میوردی . بزم بحریه ضابطانی آراسنده پک یا کاش بر قناعت واردر . بر کمینک طهارت و نظافتندن، ضبط و ربطندن وسائر سندن ایکنجی قبودانک مسئول اولدیغنی ادعا ایدرلر . بودا کر چه دوغریدر . فقط ایکنجینک مسئولیتی سواری یه قارشیدر . حالبوکه جزء تام دونما قوماندانلرینه قارش کیده کی احوالک عمومندن آنجق سواری مسئولدر . اگر مسئولیت سواریده تمرکز ایتدیریمه جک اولورسه سوارینک کمیده کی وحدت آمریتی تأمین اولونا میاهجفی بزم ضابطان بحریه دن برچوقلری تقدیر ایدم میورلر . حتی قبودانک تقاعده سوقی

بعض دار بیلیر موئی الیهک آلمان ضابطانیله حسن امتزاج وانسیت ایتمکده اولماسینه عطف ایتشلردی . بوندن دها مناسبتر برفکر اولاماز . دیسیلینک وبالخاصه آلمان وتورک مرتباتی آراسنده بر آهنگ تام حکمران اولسی فکرینک اک حار طرفداری اولان بکا بویله برشی اسناد ایتمک پک کولوچ اولور .

بحریه ضابطانک ترفیع معنویاتی ایچین دها بوکی برچوق اجرا آتم واردر . بونلری وطنه عودتمده منحصر آبحریه نظارمه عائد خاطر اتمی یازارکن آرشیولره مراجعت ایدرک ایضاح ایده جکم .

سلطان عثمان ورشادیه نک تسریع انشا آتی ترسانه فابریقه وحوضلرینک اصلاحی ایزتمده یکی بر ترسانه تأسیسی یکی سقااش حربیه سپارش

بحریه نظارته کلیر کمز بازباروس ، طور غود ، مسعودیه کبی کمیلریمزله بالعموم مخرب طور پیدولریمزی معاینه ایتدیررک بونلرک تعمیراته وسائط موجوده نک مساعده سی نسبتنده کمال سرعت واهمیتله مباشرت ایتدیردم . تعمیراتی عادتا هرکون بالذات تقش ایدیور هر نوع اسباب مانعه یی ازاله یی صرف مقدور ایدیوردم . مع هذا بنم اصل املم انکلترده ختام انشا آتی قوه قریبه یه کمش اولان سلطان عثمان زرهلیسی بر آن اول مرمره داخلنه چکمک ودها ایتالیا حربندن اول سپارش ایدلمش ومع التأسف انشا آتی تأخر دن تأخره اوغرامش بولتان رشادیه زرهلیسنک ختام انشا آتی ایچونده بر حد قطعی تعیین ایتدی . هیلمک اندی . سلطان عثمان ورشادیه ده ارزو ایتدکلری بعض تعدیلات حقنده رؤف وواصف بکلرک نظارت بحریه یه یازدقلری بعض مسائل مهمه یه دوائر عاده سی آتی آیدن بری برقرار شافی ویرمه مشلردی . اییی بالذات کندیلرندن آ کلامق اوزره لوندرده بولونان ووصف وروؤف بکلری استانبوله دعوت ایتدم . یازدقلری اوراقی دوائر عاده سندن جلب ایتدم . متخصصلری مقام نظارته طوبالادم . آمیرال لیمپوسکده مطالعه لرینی آلارق هر ایکسنکده صور دقلری شیلرک جوابی ویردم وفابریقه یه یازدیغم بر مکتوب ایله ده عثمانیه ورشادیه نک ختام انشا آتلری حقنده بر تاریخ قطعی در میان ایتلرینی طلب ایله دم .

روؤف بک عثمانیه مرتبات فنیه سندن بعضلرینک شمیدین کمی یه کوندرلملری مرتباتک آلات رقیقه فنیه ایله دها شمیدین پیدای استیناس ایتلرینی موجب اوله جغنی تکلیف ایتمش اولدیغندن کرک عثمانیه کرک رشادیه مرتباتندن بر قسم ضابطان ایله کوچوک ضابطانی تقریق ورشید پاشا واپوریه خلیج قومودوری اسماعیل قبودان قومانداسیله انکلتربه اعزام ایتدم وکمیلرک شرکتلرجه تمید و قبول ایدیله جک زمانده اتمام انشاآت

و تسلملىرى ممكن اولايلىمك ايچىن بعدما هر كونا تعديلات طلبىدن صرف نظر ايتىلرني رؤف و واصل بكاردن رجا ايدرك ايكي سني ده لوندريه اعاده ايتدم .

محمود پاشانك نظارتى زمانده خليج ترسانه لرينك اصلاحيله برابر ايزميت كورفرزنده هر درلو شرائط جديده يي حائر مكمل بر ترسانه و بر سايح حوض تأسيس و انباشاسي كيفيتي آرمسترونغ - ويكرس انشآت شر كتلى ايله موقع مذاكره قونمش و بونك شرائط ابتدائيه يي قرارلاشديرلمشدى .

ايشك حائر اولدوغى اهميت فوق العاده يي نظر دفته آلاق نتيجه قطعيه يي ايصالى ايچىن هان ايجاب ايدن مرخصلرك استانبوله اعزامى لزومى شر كتله تبليغ ايتدم . مذ كور شر كتلك مجلس اداره اعضاسندن سيرونسان قايار ايله آرمسترونغ - ويكرس دبر كتورلرندن ايكي ذات استانبوله كلديلر . مذ كور شر كتلك حقوق مشاورلكنه در سعادت دعوى و كيلرلرندن قونت اوسترونوغ و بحريه نظارتى حقوق مشاورلكنه ده مبعوث خلايجان افندى انتخاب اولونمشلردى . حقوق مشاورلر يمزك دخى حضوريله عقد اولونان متعدد جلسهلر نتيجه سنده شرائط مقاوله كسب قطيعت ايتديرلدى . بو مقاوله يي هر درلو محاذيردن عارى بر مقاوله نامه اسمنى و يره مز ايسهم ده ايجابات و شرائط عصريه ايله متناسب قيزاقلر ، حوضلر ، فابريقلر صاحبي اوله ييلمكلى كمزى تأمين ايدم جكندن طولاني فوق العاده موجب مسرتم اولمشدى .

بم اوتهدن برى بر مسلكم واردر :

آرمسترونغ - ويكرس شر كتلىله پايدى غمز مقاوله موجب نجه خليج ترسانه لرينك ايشله دلسى مذ كور شر كتله بحريه نظارتى ممثللرندن مركب بر هيئته حواله ايديله جك و بو هيئت ترسانه يي بر انكليز مدير عمومى سى واسطه سيله اداره ايدم جكدى . كيم نه - دبرسه ديسون ، كمال جديت و اعتنا ايله تطبيق ايدلىكي تقديرده بو تشبثدن مملكت ايچىن عظيم منافع تأمين ايديله يله جكي قناعتنده ايدم و اوزمانكي قناعتمى حالا تبديل ايتدم . مقاوله نامه نك كسب قطيعت ايدرك موقع اجرايه وضعندن صكره كچن بك آرز زمان طرفنده حال تعميرده بولونان كميلر يمزك بوبوك بردقت و اعتنا ايله تعمير ايدلمش اولديغى كورمك بم ايچىن موجب ممنونيت ايدى . ترسانه يي مدير عمومى تعيين ايدلمش اولان ذانك ناموسكارلنى ، درعهده ايتديكي ايشده صاحب اختصاص و مهارت اولملى بك زياده انشراحى موجب اوليوردى . استانبوله مواصلىتدن بك آرز زمان صوكر ا ترسانه فابريقلرينك و قيزاقلرينك نه شكل و صورتده تعديل و اصلاحى حقنده امضا ايتديكي ابتدائى پروژهلرده دائما مطابق قالييوردق . مدير عمومى نك ناموسكار غنه دليل اولارق بر مثال ايراد ايدم بيليرم :

شرکت لره عقد ایتدی کمز مقاوله موجب نه دولت ایز میت کور فرزند یکی بر ترسانه
تأسیسه هاند سرمایہ بی وضع ایتمکه و بو ترسانه بی تأسیسه مجبور ایدی . ایکی آیلای
بر تدقیق نتیجه سنده مدیر عمومی بکا دیمشدی که :

« خلیج ترسانه سی موقعنک حائر اولدوغی خصوصیت اوقدرشایان نظر در که عثمانلی
حرب ترسانه سنک بورادن قالدیر یلهرق ایز میتہ نقل ایدلمسی ایچین هیچ بر سبب کورده میورم .
ایوم موجود بولونان مبانی یکی فابریقه لره تحویل ایدلنک لری ، قیزاقلرده بعض
اصلاحات وجوده کتیرلیدیکی تقدیرده شمیدیکی خلیج ترسانه سنده نهایت درت سنه یه قدر
اک جسم در تنوط لره انشاسی امکانی استحصال اولنه بیلیر . بونک ایچین بن شمیدلک
ایز میت ترسانه سندن صرف نظر ایدلمسی و بوتون همتک پک جزئی بر مصرفله الہ ایدلمسی
ممکن اولان خلیج ترسانه سی اصلاحاتنه حصر اولنسی فکر ندریم و بو فکری می شرکت لره
قبول ایتدیرمکی سزه وعد ایدرم . »

مع التأسف حرب عمومی بدایتندہ آلمان غزته لرندن نقلاً بزم غزته لر یزده بریالان
حوادث انتشار ایتشدی . کویا انکلیز مدیر عمومی انکلیز هیئت اصلاحیه سنک امرینه
توفیقاً کمیلریمزک تعمیراتی اثناسنده اکمهم پارچہ لری چیقارمشر و بو صورتله کمیلریمزک
قابلیت حرکت لری نی تنقیص ایتمشر .

بو حوادث ایلک دفعه انتشار ایتدیکی زمان دردنچی آوردو قوماندانلغندہ بولنیوردم .
بونک کلیاً خلاف حقیقت اولدیغی ، کرک انکلیز هیئت اصلاحیه سنک ، کرکسه
ترسانه لریمزک اصلاح و احیاسی در عہده ایتمش اولان انکلیز شرکت لری مهندس لرینک
تا خدمت لری ترک ایتدک لری کونه قدر پک ناموسکارانه ایفای وظیفه ایتمش و هیچ
اخانتہ تشبث ایتمه مش اولدقلرینک عثمانلی بحریه نظارتی طرفندن تکذیب ایتدیرلمسی
اوزمان بکا و کالت ایدن انور پاشادن رجا ایتشدم . بو تکذیبک نشر ایدیلوب
ایدلمه دیکنی الان بیلیمه یورم . فقط مع التأسف بو خلاف حقیقت نشر یانک پک واسع
برساحه انتشار احرار ایتدیکنی و بر جوق سیاسی اثر لرده بزم و آلمان لره علیهنده پک
چوق نشریات بدخواهانیه سببیت و یردیکنی کورویورم . کرک آمرال لیموس ایلہ
معیتندہ کی ضابطانک کرک خلیج ترسانه سی اصلاحه مأمورانکلیز مهندس و عملہ سنک
وظیفه لرینی پک ناموسکارانه ایفا ایتمش اولدقلرینی بوراده بردها تکرار ایتمکی کندم
ایچین بر مجبوریته معنویه تلقی ایدرم . اوقدر که چناق قلعه و قره دکز بوغلار لرنده
تأسیس اولنه جق طور پیل خط لرینک انتخاب واک موافق طور پیل تارالارینک صورت
تأسیس سنک تشبث اولونمنسی آمرال لیموسک معیتنه مأمور طور یسیدو متخصصی ایلہ
بر عثمانلی ضابطندن مرکب بر هیئتہ حواله ایتمش و چناق قلعه نک ایلک طور پیل خط لرینی
بو پلانہ توفیقاً تأسیس ایتدیرمش ایدم .

بوتون حقایق احتوا ایتدیکم بو اثریمه آتیده کی وقعنه بی ده درج ایتدی بروتیفه تلقی ایدرم . بوغازلرک طورپیل خطرلیله قیامتسی احتمالاتی کسب قوت ایتدیکی برصرده ایدی ، برکون آمیرال لیمپوس یانمه کلدی ویدی کی :

۱ . اگر بوغازلری طورپیل خطرلیله قیامتسی دوشونورسه کز سزه برتکلیفه بولوناچقم . چناق قلعه بوغازینه ایسته دیککنز قدر طورپیل دوکه بیلیرسکنز . فقط قره دکز بوغازینه طورپیل دوکه ییکز . یالکز طورپیل دوکمش کی شاماندرلری قویکز و بوتون بحر یونه قره دکز بوغازینک طورپیل ایله ستر ابدلیکنی ، بناء علیه قلاغوز آلمقیزین بوغازی کچمک ممنوع بولوندیغی اعلان ایدیکز . روسلر بالطبع سزک طورپیل دوکه دیککنزی بیلهمیه جکلری ایچین بوغازی زورلامغه جسارت ایده مزلر . عینی مانوره ۷۱ - ۱۸۷۰ سنه سننده آلمانلر طرفندن تطبیق اولونمش و شمال دکزی ساحلنه طورپیل دوکولدیکی اعلان ایدلشدی . حالوکه حقیقتده هیچ برطورپیل دوکوله مشدی . بو اعلانک ویردیکی جسارتسزلکدن طولای مذکور دکز ساحلنه هیچ برفرانسز کمیسسی یا قلاشه مامشدی . اگر سز قره دکز بوغازینه طورپیل دوکه جک اولورسه کز بو طورپیلردن بریسی آقیتینک شدتدن طولای برندن قوبایلر و طوغریجه خلیجه قدر کیره بیلر . اوراده برتجار ویا یولجی کمیسسیه مصادمه ایدرک بر فلا کته سبب اولورسه حقکنزده اوروپا افکار عمومیه سنجه عظیم مسؤلیتی داعی اولور . »

آمیراله ایقاظاتندن دولای متشکر قالدیغی ؛ فقط بویه برمانورنک هر زمان ایچین موفقیته تطبیق امکانی متصور اولامیه جفی ، قره دکز بوغازی شمال دکزی ساحلنه مقیس اولمایوب بر کره دشمن سفائی هر هانکی برسیله خبر آلارق بوغازی زورلایه جق اولورلرسه بوندن تلافیسی غیرممکن ضررلر تولد ایده بیله جکنی سویله دم . اوزمانکی وضعیت ایجاباتندن اولارق آمیرال بونی بر فکر اغفالکارانه ایله می سویله دی یوقسه قناعت فیه سی بویوله می ایدی ؟ بونی بوراده تدقیق ایتیه جکم . هر حاله چناق قلعه ایچین بویه برتکلیفه بولونماش اولمسنه وانکایز دو تناسنک بالخاصه چناق قلعه ایله علاقه دار اولماسنه نظر آ بوتکلیفی صرف برقناعت فیه یه عطف ایتیه می آمیرالک ناموسنه اولان اعتماد سوقله ده موافق تلقی ایدرم .

استانبوله کلن ارمسترونغ - ویکرس وکیللریله مذاکراتکز ایکنجی قسمی اشبو شرکتلره صوگ سیستم دردر تنوط ایله ایکی کشاف سفینه سی و آلتی طورپیدو وایکی تحت البحر سپارشی تشکیل ایدیوردی . بزم متخصصین بحریه ایله آمیرال لیمپوسک بوتون مطالبی احتوا ایده جک وجهله شرکتلر طرفندن تنظیم اولونان پلانلر ، شرطنامه و مقاوله نامه لر تدقیق ایدیلرک طرفینجه امضا و سپارش اجرا اولوندی .

بودن بشقه اسکی کمیلیمز ایچین تعلیم و احتیاط جیخانلری دخی سپارش ایدلمشدی .
در تنوطه « فاتح » اسمی مناسب کورولدی . وانشا آتیه نظارته قروت قبودانی حمدی بک
تعیین ایدلدی .

سلطان عثمانك ايلك و صوك سرعت تجربه لريله طوب تجربه لرينك زمان اجراي
صورت قطعيه ده تعين اولوندى .

بوتون بو فعاليتدن آكلاشيلىركه بزدونتمامزى آرزو مانده يونان دونمسانه فائق
برحاله وضع ايتمكى بوتون موجوديتزله آرزو ايدىوردق . بو آرزويي تأخير ايديله جك
نه قدر موانع وارسه كافسنى بر طرف ايتمكه صوك درجه لرده جهد و اقدام كوستريوردم .
اوصره ده فرانسزلرده بزم ايچون كمى انشا ايتمكى آرزو ايدىورلردى . استانبوله دعوت
ايتديكم شائيه نورمان و كيلريله بالما كره مذكور شر كته آلتى مخرب سپارش
ايتديكم كى قروزو فابريقه سنه ده ايكي تحت البحر سپارش ايتدم . فاتح زرهلىسى
يكرمى ايكي آيده تسليم ايديله بيله جكى كى كرك انكلتره يه كرك فرانس هيه سپارش
ايتديكمز ديكر كميلريمزك انشا آتى ده بوكا يقين زمانلرده ختامه ايره جكدى .
سلطان عثمان در تنوطى ۹۱۴ سنه سى نهايتلرينه دوغرو ، رشاديه در تنوطى ايسه
۹۱۵ سنه سى اوائلنده تسليم ايديله جكنه كوره ۱۹۱۶ اواسطه ده اوج در تنوط ،
ايكي كشاف سفينه سى لاقول اون ايكي ده سترويه ر ودرت تحت البحر دن مركب يكي
بر فيلو ايله اسكى سفينه لر يزدن مركب برايكنجى خط فيلوسنه مالك اوله جق وهر
حالده يونان دونمسانه قات قات فائق اوله جقدق . يكي سفا ئمزي اداره ايديله جك عثمانلى
مرتب تنك يتشديرلمى ايچون آميرال ليموس ايله متاديا چاليشه رق غايت واسع
بر تعلیم و تربيه پروغرامى حاضر لامشديق . فقط هر شي دن اول سفا ئن قديمه مرك
بر آن اول تعميرى وراي تعلیم دكزه چيقمه لرى ايچاب ايدىوردى . اوصره ده
ايشه باشلامش اولان انكليز مدير عمومينك اش باشلوجه مشغوليتى بوتشكيل ايدىوردى .
نهایت ۹۱۴ سنه سى تموزينك ۲۲ نجى كوني مسعوديه ، بارباروس ، طورغودايه اسكى
بو طرلر يزدن مركب دونتمامزى كو پريلردن چيقاره بيلمش و آميرال ليموس قومانداسيله
آطهر اوكنه كوندرك تعلیم و تربيه يه ابتدار ايتدير مشدم . بزم ، بو حالى مساعيمز
قارشيسنده دوشونمكه باشلامش اولان يونانلردخى دونماليينك تقويه سى اسبابنه
توسل ايتمشل وايكى سنه ده تسليم ايدملك اوزره فرانسه به بر دره تنوط سپارش ايتدكلى كى
آلمان فابريقه لر دن ده مجدد آلتى ده سترويه ر صاتون آلمش لردى . يكي دن انشا ايديله جك
اولان بوكمير بزم ايچين بر تهلكه تشكيل ايتمه ديكي كى تموز نهايتلرينه دوغرو بزم تسليم
ايديله زك اغستوس نهايتلرينه دوغرو استانبوله كله بيله جك اولان سلطان عثمانك ورودى
موجود يونان دونمسانى اوزرينه فائقتمزى تر ييد ايدم جك ، آلتى بدى آي صوكرا

رشادیه‌نك و رودی بوفائیتی دهاتقویه ایله به‌جك ایدی. فاتح زرهلیسی ایسه فرانسه‌یه سپارش ایدیلن یونان دره تنوطنه تقابل ایدرك فائیتی ینه بز تأمین ایده‌جكدك .
یونانیلر بو حساباتی پك كوزل یاییور ، سلطان عثمانك سالماً استانبوله ورو دینه مانع اولمق ایچین هر درلو و سائطه مراجعتی بیله دوشنیورلردی .

۱۹۱۴ سنه‌سی مایس اواسطنده ذات حضرت پادشاهی‌یه عرض تعظیبات وسیله‌سیله استانبوله كشمش اولان «غوبن» ك بوزیارتنه مقابل انكلیزلرده بحر سفید انكلیز فیلوسی قوماندان آم ال دوبه‌ركی حزیران اواسطنده « ایسفلتسییل » زرهلیسی ایله استانبوله كوندرمشلردی . كرك بحریه نظارتنه یاپدیغی زیارت رس‌میه اناسنده كرك متعدد وسیله‌لرله دیگر اجتماعلریزده آمیرال سلطان عثمانی سالماً استانبوله كتیرمك ایچین تدابیر مخصوصه اتخاذ ایدوب ایتمه‌دیكمنی مصر آ صوریوردی و دییوردی كه :

« سلطان عثمانك عثمانی صولرینه كلمه‌سی یونانیلری صوك درجه تدهیش ایدیور . وبومنفور نتیجه‌نك تحققة مانع اولمق ایچین هر درلو واسطه‌یه مراجعتی ارزو ایدیورلر . بنم آلدیغم معلوماته كوره انكلترده كمی ده صوك تجربه‌لینی یامزدن اول برطاقم فدائیلر واسطه‌سیله كمی ن تخریب ایتدیره مزلرسه عثمانی صولرینه كلمك اوزره یوله چیقدیغی صیره‌ده جبل الطارق جهتلونده بریونان تحت البحری واسطه‌سیله باطیرمغه تشبث ایده‌جكلر وبوكاده موفق اولامازلرسه كمینك یونان صولرندن حین مرورنده بوتون یونان دوناماسیله كمی‌یه هجوم ایتمكی بیله كوزه آلدیره‌جقلر . سنزه توصیه ایدرم . كمیسكزی برتهلكه‌دن قورتارمق ایچین صوك درجه‌لرده متیقف بولونك . »
آمیرال بووصایاسنده او قدر اصرار ایدی‌یوردی كه بوندن مقصودی بی تدهیش ایدرك كمینك انشا آتی ختامه ابرسه بیله رشادیه‌نك ختام انشا آتی بلكه ملك اوزره استانبوله كلمه‌سندن صرف نظر ایتمكلكمی تأمین ایده‌بیلمك اولدیغی شمدی ظن ایدیورم .
او زمان بووصایایی صرف برقابلیت خالصانه‌یه عطف ایتمش وتدبیرلریك اتخاذنده پك زیاده ماهر داورا تمقلغی تأمین ایچین تهلكه‌نك بویوكلكنی نظرمده تزیید ایتك ایستیور فیکرنده بولونمش ایدم .

كرك انكلتره و یونانستانده بولونان مأمورلریزدن آلدیغمز خبرلره كرك آمیرال ك بووصایاسنه نظراً سلطان عثمانك انكلتره‌دن استانبوله قدر سیاحتی اناسنده سلامتی تأمین ایدجك تدابیر اتخاذ ایتك فی الحقیقه الزمیدی . آمیرال لیوس ایله بالما كره آغستوس ابتدالرنده دونمانك بحر سفیده كوندرلسی و سلطان عثمانه كرید آچیققلرنده ملاقی اولماسی قرار كیر اولدی .

سلطان عثمانك جبل الطارق دن اعتباراً هانكی خط سیری تعقیب ایده‌جكنه دونمانی هانكی عرض و طول دائرملری اوزررنده بولاجغنه دائر دونما قوماندانی صفتیله آمیرال

طرفندن قلمه آلمان محرم بر امرنامه بی فرانسه دو تناسی مانور لرنده بولونق اوزره فرانسه یه واقع اولان سیاحتم تناسنده بالذات کورتورمش وانکلتره دن پارسه جلب ایتیش اولدیغم رؤف بکله ویرمش ایدم. فقط مع التأسف اغستوسک ایلک کونلرنده دره تنوطمز انکلتره حکومتی طرفندن ضبط ایدلدی. بوکوزل کمی به عثمانلی سنجاغی طاشیمق شرفی نصیب اولمادی.

فرانسه - تورکیه مقارنتی

بالقان بحار به سندن سوکرا تورکیه نك داخله و خارجاً دوچار اولدیغی غوائلدن تخلیصی ایله تقویه سنی و هیئت دولیه آره سنده آرتیق موقع مخصوصی صاحبی اولمنی تأمین ایچین یکانه چاره شمدی به قدر تعقیب ایدیلان تدافعی سیاست یرنه فعال برسیاست اقامه سی اوله جغنی تقدیر ایتیش اولان اتحاد و ترقینک داخلی و خارجی سیاست دولت حقنده تثبیت ایتدیکی اساساتدن بالاده مجمللاً بحث ایتیش ایدم. بو سیاست فعاله دولتک حرب عمومی به دخولی انتاج ایتیش اولقله بو بحثک مبادیسنده بو خطوط اساسیه بی بردها ذکر ایتدیکی مناسب کوردم. سیاست داخلیه نقطه نظرندن حل اولونجق اک مهم مسئله شمیدیکی تعمیری وجهله دولتی ترکیب ایدن عناصر مختلفه دن اقلیتلرک تعیین حقوقی و آنلرله اکثریت آره سنده مخادنت و مودتک تأمین حصولی ایدی. عربلرله بالاده تفصیلاً عرض ایتدیکم اساسات دائره سنده بر صورت تسویه قرارلاشدیرلمش و کرچه بو صورت تسویه بوتون عرب پولیتقه جیلرینی نمون ایده مه مش ایسه ده هر حاله خالص مسلمان حسیاتیه متحسس اولان عظیم عرب کتله سنجه کافی تلقی ایدلمشدی. بولغارلرله عناصر مسئله سته ابدی بر صورت حل بولنش وحدود عثمانیه داخلنده آرتیق بولغاردن اثر قالماشدی.

فقط پک شیارق بر طور طاقینمش وقرانته اون اوچنجی قسطنطین نامنی ویره چک قدر بیزانس ایمپراطور لغنی قورمش اولان یونانلرله بهمه حال پک قریب بر آتیده بر مجادله قطعی به کیریشه جکمز هیهچ شبه اولمادیغندن بو مجادله اناسنده داخله کی روملر طرفندن بر کونا اخانته معروض قالماق لغمز ایچین اولجه عرض ایتدیکم وجهله آیدین ولایتی روملرله ما کدونیا اهالی اسلامیه سنک مبادله سته ابتدار ایدلمش و بر طرفدن اوردو و دوتمانک اصلاح و تقویه سته، بر طرفندن ده خارجی اتفاقلر تأمین به باشلامش ایدی. عناصر مسائلنده اک مهمی ارمنی مسئله سی ایدی. قارلریمی بوتون موجودیقله تأمین ایتک ایسترم که بو مسئله بی ازمنیلرک سعادت و بمنوینتی موجب اوله جق صورته تسویه ایتک اتحاد و ترقی فرقه سی ارکاننک اک زیاده آرزو ایتدیکی خصوصاتدن بری ایدی. بن بونی

اثبات وتفصیل ایتکه مقتدرم . فقط بویک مهم مسئله یی آیریحجه بر بحثده تفصیل ایتکی دها مناسب تلقی ایدیورم .

ارمنی اصلاحاتنک طرزوشکنی قرارلاشد بر مق ایچون دول معظمه باش ترجمانلردن ترکیب ایدن یکی کوی قومیسوینده روس باش ترجمانی دائماً اعظمی بر پروگرام تکلیف ایدیور المان باش ترجمانی ایتسه اوکا مقابل اصغری بر تکلیف در میان ایدیوردی . بر طرفده فرانسه و انگلیز دیگر طرفده اوستریا و ایتالیا باش ترجمانلری متوسط رولی ایفا ایدیوردی . خلاصه قومیسون اوزون مدت اجتماعلردن صوکر اقطعی برقرار ویره میرک اعظمی و اصغری پروگراملر حالده عائد اولدولری سفارتلره تقدیم مقرر اته مجبور اولدی . متعاقباً مذاکراته باب عالیده فقط یالکیز روسیه و آلمانیا سفیر لریله صدراعظم پاشا آراسنده دوام اولومش و سفرای سائر اعظمی و اصغری پروگراملرک مدافعی اولان بویکی سفیر آراسنده تحصیل ایده چک ائتلافه موافقت ایده جکاری بیانیله ایشدن چکامشلردی .

بو حادئه پک اعلا کوستریوردی که بزم روسیه دن تمامیه آمین اولایلمک کما یچین انکلترو و فرانسه نك و باخصوص افکار عمومیه سنک دوستلغنی قزاقمقدن باشقه چاره من یوقدر . آوروپاده بر حرب عمومی ظهور ایده جکنی و باخصوص آلمانیا نك بزم خاطریمز ایچین روسیه یه اعلان حرب ایده جکنی رؤیاده کورسه نك خیره یورمایه جقدق . بز دیوردق که وطنمزک ده ایلک کونلرنده بزی انکسار خیاله اوغرادان بوسنه هر سک الحاقی آلمانیا نك الصادق متفق اولان اوستریا طرفدن یالیدی فی حالده آلمانیا نه یایدی ؟ طرابلس غرب و بنغازی یه آپانسز تجاوز ایدن ایتالیا ؛ اوکا قارشى پک صادق کورومسه بیله هر حالده آلمانیا نك متفق دکلمی ایدی ؟ آلمانلر بزدن اقتصاداً استفاده ایتک ایسترلر و بو استفاده نك تهلکه یه کیرمسنه قطعاً ممانعت ایدرلر . بودفعه ارمنی اصلاحاتی مسئله سنه مداخله لری ده منحصر آ روس نفوذینک بغداد خطی جوارلرینه قدر اتساعنه مانع اولمق مقصدینه مبتنیدر . یوقسه بر تهلکه وقوعنده بزی قوتله صیانت ایتک آلمان سیاستنک یاننه بیله یاقلاشماز !

حتی تورکیه نك ترقی ایده بیلمسی ایچین محتاج اولدیغی پارایی تدارک خصوصنده بیله بزه یارديم ایده میه جکنی و بزم ایچین بو خصوصده یکنه چاره فرانسلرله خوش کچینه رک پارس پیاسه سندن هر زمان ایچین پارا تدارکی امکاتنی محافظه ایتمکدن عبارت اولدیغی آلمانلر آچقندن آچیغه سویله مدیلر می ؟

بو حاله کوره اولافرانسلرله ثانیاً انگلیزلرله خوش کچینمک و مملکتده اصلاحات جدیه اجرا ایتک املنده اولدیغمز حقدنه کندیلرینه قناعت قطعیه بخش ایتک و بو

صورتله بزى روسيه تجاوزندن وقايه ايتلرني تأمین ايتك اساسلى مقرر ائمز
جمله سندن بولنوردی .

انكلتره خارجيه نظارتيله حق پاشا آره سنده جريان ایدن مذاكرات واسطه سيله
انكليزلرله آرامزده موجود مسائل مختلف بهايي حل قطعيه ايصال ايتكي پك
پك آرزو ايدیوردم

بصره كور فزنده وعربستان شبه جزيره سنك اقسام جنوبيه سنده تورك انكليز
مناطق نفوذني تثبيت ايتديكمز كي عدن جوارنده كي نواحی سبعة مسئله سنی انكليزلر
موجب نموني اولاجق طرزده حل ايتكي قبول ايتدك . بغداد شمندوفرينك
بصره دوعرو تميدی دجله وفرات نهرنده سير سفائن اجراسی مسائله دخی
انكليز طلبلرني اسعافدن كری طورمادق . الجزيره د پترول منابعی تحريسی آيدین
شمندوفرينك تمديديله بعض شعبه لر علاوه سی طرزون وصامسون ليمانلرینك انشاسی
امتياز لرينی انكليز شركتلرينه ويردك . ودها بونك كي بر چوق انكليز آمالي
تطمین ايتدك .

داخلیه نظارتينك تسيقي ، مأمورين داخلیه مزك اصلاحي ايچين داخلیه نظارته
برانكليز مفتش عمومی ايله بر قاج انكليز داخلیه مفتشی تعيين ، كمر كر ايمزك اصلاحي ده
سير قراوفورده حواله ايلدك . بر چوق انكليز رسومات مفتشی جلب ايتكي قرار لاشدير دق .
بحريه مزك اصلاحي ايچين اولجه جلب ايتديكمز انكليز هيئت اصلاحيه سنه غايت
واسع بر ساحه مساعي بخش ايدرك بوهيئتدن اعظمی استفاده به باشلادق . حتی كنديسيله
پك زياده حسن مناسبت تأسيس ايتديكم انكليز سفيری سير لوئی مالهت ، انكليز
آمرالانك بكا قارشى پك زياده متشكر اولديغی وشمدی تورك دونماسنك ترقيسندن
اميدوار اولديغی سويله مشدی .

ترسانه لر يمزك اصلاحي انكليز شركتلرينه حواله ايتدك . بوشركتلر استانبولده كي
مجلس اداره لری رياسته سير آدام بلوق كي اوتهدن بری تورك — انكليز دوستلغينك
مروجلرندن كچين بر ذاتي كچيردك .

انكليز شركتلريله بحريه نظارتی آراسنده عقد اولونان مقاوله به نظارتجه حرفياً
رايت اولونديغندن وايشلرك بر مجرای ساله كيزديكندن بحثله سير آدام بلوق دفعات
ايله بكا تشكر ايتمشدی .

نهایت ارميلرله ساكن ولايتلر يمزك امر اداره سنی انكليز مأمورلرينه توديع ايتك
ايسته ديكمز حالده روسيه طرفندن دوچار اولديني ماناعتدن طولاني انكلتره نك جواب
ردينه معروض قالدق . انكلتره حكومتنك بو طرز حركتی سير لوئی مالهت بيله پك
زياده موجب حيرت وحدتی اولمشدی .

انكلیز لرك سیاسی فرقہ من حقندہ کی عدم توجہی سفير سابق سیر چہرار لاوتہر زمانئدہ باش ترجمان فیچ موریس ایلہ آتشیہ میاتر تیریلک یابدقلری انترقہلرہ حمل ایتدی کمزدن سفير جدید سیرلوئی مالہت کلیر کلمز باخصوص محمود شوکت پاشا علیہنہ یاپیلان سوء قصدہ بالفعل اشتراک ایتدکری تدقیقات ایلہ ثابت اولان بویکی انتریقانک استانبولدن اوزاقلاشدیرلملرینی پرنس سعید حلیم پاشا آچیقندن آچیغہ سفیردن رجا ایتش وپک یقین برزماندہ بو آرزونک تحصیل کورہ حکمزی مشارالیه وعد ایتشدی . فی الحقیقہ برآی صوکرآ بویکی آدام مملکت مزدن دفع اولوب کیتدیلر . و بزده پک نازک وجداً ناموسکار و خیرخواہ بولدیمز سیرلوئی مالہت ایلہ پک صیق و صمیمی مناسبات شخصیہ ادامہ سنہ باشلادق .

بوتون بوقویہ مناسبات خصوصیه تشبثاتندن مقصدم انکلیز لرك تورکلر حقندہ کی سوء نظری ازالہ ایتک و تورکیہ نك تقویہ سنہ معطوف اولوب صوک زمانلرہ روسیہ ایلہ عقد ایتدیکی ائتلافندن طولای دوچار تبدل اولان عصر دیدہ انکلیز سیاستنہ امکان اعادہ بخش ایتک ممکن اولوب اولمادیغنی تجربہ ایتک ایدی .

استانبولده سفير ایلہ سفارتخانہ یہ منسوب ویا مستقل برچوق انکلیز لرلہ سبق ایدن بومساعیدن باشقہ انکلیز - روس ائتلافنک اک شدید علیہدارلرندن و اوکا مقابل انکلیز - تورک دوستلغی مروجلرندن سیر طوماس بارقلہ یلہ ودها سائر انکلیز رجال مهمہ سیلہ مناسبات صمیمہ پیداسندن کری دور میوردق .

کرك حکومت عموماً کرك حکومتی تشکیل ایدن ذوات شخصاً انکلیز لرلہ رسمی و خصوصی مناسبات و معارفات تأسیسنہ ساعی بولوندقلری صرہ دہ فرانسز لرلہ دہ مقارنت تأمینہ چالیشمقدن برآن خالی قالمیورلردی .

ذاتاً اوتہ دیری ژاندرمہ مرک تنسیقی جنرال بومان اسمندہ کی فرانسز جنرالنه تودیع اولنمشدی . بو جنرالک دائرۂ صلاحیتی توسیع اولوندیغنی کی اوزمانہ قدر حدود تنسیقیہ دن خارج بر اقدیرلمش اولان جبل لبنان ژاندارمہ سنک تنسیقی بیلہ ؛ فرانسز لرك موجب ممنونیتی اولور ملاحظہ سیلہ ؛ بو جنرالہ حوالہ اولونمشدی . مملاک عثمانیہ یوللرینک انشاسی بر فرانسز شرکتنہ تفویض ایدلدیکندن برچوق فرانسز مهندسی نافعہ نظارتی خدمتنہ آلمش و بونلرک عددرینک تزییدی بیلہ دوشونیلمشدی .

امور مالیه مرک اصلاحی ایچین اولجہ قبول ایتدی کمز اصلاحات مالیه قومیسونہ دها واسع بر صلاحیت ویردک و هیچ بر قانون مالیزک اشبو قومیسوندن کچمہ د کجہ مجلس مبعوثانہ تقدیم ایدلمہ سنہ اعتنا ایتدک .

مالیه مأمور لریمزی دائمی بر تقش و مراقبہ آلتندہ بولوندیر مق و بو سایہ دہ مأمورین مومی الیہم آراسندہ حس وظیفہ و مسؤولیتک حکمران اولسنی تأمین ایتک

ایچین مأمورین مالیه مفتش عمومیلکنی موسیو ژولی اسمنده کی بر فرانسه تودیع ایتدک .
 اوزمان انکلیز ، فرانسه دوستلغی هر نه بهایه اولورسه اولسون قازانغه سعی
 ایدیوردق و بو سعی اوقدر عمومی ایدی که اگر امکان متصور اولسهیدی ؛ اعتماد
 اولونسون که ؛ اردومزک تنسیق ایشی بیله بر فرانسه هیئت اصلاحیه سنه تودیع ایتمکدن
 چکیمیه جک ایدک . فقط بو بزم ایچین امکانمزدی . اولاً ؛ اوزدو ضابطامزدن بر
 چوقدری آلمانیده اکمال تحصیل ایتش متباقیبی ده کاملاً آلمان اصول حربیه توفیقاً
 تعلیم و تربیه ایدلشدی . متخصصلرجه انکار اولونه میه جق حقایقندر که بر اردونک
 کرک تنسیقاتی و کرک تعلیم تربیه سی بر کره معین بر پرنسب داخلنده اجرا ایدلیمی
 اونک قولای ، قولای و با خصوص محاذیر عظیمه یی موجب اولمقسزین بشقه بر پرنسبیه
 توفیقاً تنسیقنه امکان یوقدر . ثانیاً ؛ محمود شوکت پاشا مرحوم زمانده بزه بر هیئت
 تنسیقیه کوندرملری آلمانلردن رسماً رجا اولونمش و اونلرده بو رجامزی قبول
 ایتدک لریخی تحریراً بیلدیرمشلردی . آتیلش اولان بو خطوه یی کری املق قطعاً
 جائز اولامازدی . اساساً بزم ایچین هیچ بر سوء نیت بسله مهین بر حکومتی بزه فئالق
 یاملری مأمول اولان دیگر حکومتلری ممنون ایتک ایچین ضمناً تحقیر ایتک اک جاهلانه
 و قیمت ناشناسانه بر حرکت عد اولونه بیلردی . بناءً علیه اوردو حقیقده کی مقرر امزی
 تبدیل ایتمکی هیچ دوشونمده ک و لیان فون ساندرس هیئت اصلاحیه سنک ورودندن
 صوکر ا ظهور ایدن کورولتیلرده هیچ پاپوچ براقادق .

استقراض مذاکراتی ائساننده فرانسلرک طلب ایتدک لری بر چوق منافع مادییه
 قبول ایتمکده کی مقصدلریمزدن بری ده فرانسه افکار عمومیه سنی لهمزه قازانمقدن
 بشقه برشی دکلدی .

مختلف تپیده سفائن حربیه مالک اولمق اک بویوک محاذیر فنیه دن معدود اولدوغی
 حالده فرانسلری ممنون ایتک ایچین هاوردستگاهلرینه آلتی مخرب و قوروزو فابریقه سنه
 ایکی تحت البحر سپارش ایتدک .

فرانسه جبل طویلرینک قروپ جبللرینه فائقی الماهر طویلیق متخصصلریمزدن
 حسن رضایاشانک تدقیقاتیه تظاهر ایدنجه فرانسه بر چوق جبل طویلری سپارش ایتدک .
 بحریه طیاره مکتبی تأسیسی فرانسه متخصصلرینه حواله ایتیمینی قرارلاشدیردیغیمز
 کی فرانسه شرکتلرندن برینه اون ایکی دکز طیاره سی اصهار لادق .
 نهایت فرانسه - تورکیه دوستلق جمعیتی نامیه استانبول وپارسله متقابل مرکز
 عمومیلری بولنان بر جمعیتک تشکیله دخی تشبث ایدرک بو تشبثده موفق اولدم .
 بو جمعیت استانبولده بم وپارسله خارجه ناظر اسبق موسیو قروپنک ریاستی
 آلتنده بولونا جقدی .

جمعیت استانبول تشکیلاته عائد نظامنامه لر مؤسسین نامی ویردیکم بر هیئت معرفتیه قلمه آلدی . بوهیئت فرانسه و تورکردن پک چوق ذوات داخل بولنیوردی . جمعیت نظامنامه سی تنظیم و داخلیه نظارته اصولاً بیاننامه سی تقدیم ایدلا کدنصکره بک اوغلنده « اونیون فرانسه ز » صالوننده مراسم تأسیسیه سی اجرا و مختلف شعباتی ایچون لازم کلن انتخابات اجرا اولوندی .

جمعیت غایه تشکلی اوقدر واسع ایدی که تشکیلات نظامنامه سی حقیله تعقیب و تطبیق اولنورسه برایی سنه ظرفنده فرانسه ز - تورک مناسباننده شایان ممنونیت بر صلاح حصوله کلمه سی امکانسزدی .

مع هذا بوتون بوتون بوشبثاندن مقصدیمز حیاتی منفعتلریمزک استحصالنه تشبث ایتدیکم صرده فرانسه مطبوعات و افکار عمومیه سنک و اولنره مستنداً فرانسه سیاستنک لهمزده انکشاف ایتمنی تأمیندن عبارت اولدیغی هر فرصتن استفاده ایله سفیر موسیو بومیاره سویله مکدن کری طورمازدم .

۱۹۱۴ سنه سی تموزی واسطنده ایدی ، نه کی روسیله ایله اولدیغی تخطر ایتیه یورم . برکون موسیو بومیاریله ایله سفارتخانه ده کوزوشورکن دیدی که :

« سزک فرانسه ز - تورک محادثی حقنده بوراده صرف ایتدیکم مساعی نظردقی جلب ایتش اولدیغندن سزکه دها یا قینندن طانیشمق و سزی فرانسه کتله سنه دها طانیتمیرمق ایچین فرانسه حکومتی سزک فرانسه زیارت ایتیه کزی آرزو ایدیور . عجباً فرانسه دونماسنک تموز ظرفنده ایفاسی نیتنده بولوندیغی بحری مانورلرده بولنق اوزره حکومت متبوعه سزی دعوت ایده جک اولورسه ؛ بو حکومت عثمانیه جه ممنونیتله تلقی ایدیلریم ؟ بونی صدراعظم پاشدن استمزاج ایتک نیتنده ایسه مده اول امرده سزک موافقتکزی آلمق ایسته دم . »

شاید صدراعظم پاشا موافقت ایدر و مساعدت سنیه شرفعلق بیوریلرسه مع المنونیه کیده جگمی سویله دم .

برقاج کون صوکر موسیو بومیار فرانسه حکومتنک دعوتی رسماً باب عالی به تبلیغ ایله مشدی

نام او کونلرده معهود [سرایوه] جنایتی ده وقوعه کلمش بولنیوردی .

پارسلده نه یولده برلسان قوللا مقناغم لازم کله جگمی ، خارجیه ناظری ایله کوروشدیکم صرده نلردن بحث ایتمکلمک مناسب اولاجغی صدراعظم پاشا حضر تلیله دیگر آرقداشلردن صوردم . « مسلك سیاسیمز سزکده معلومکنز اولدینی ایچین تظاهر ایده جک فرستلردن بالاستفاده فرانسه دوستلغنه ویردیکم اهمیتدن و علی الخصوص بزم ایچین بر مسئله حیاتیه اولان آطه لر مسئله سنک بر حل قطعی به اقترا نی ایچین فرانسه

سیاستندن پک بویوک استفادہ لر بکلمہ مکده اولدیغمز دن بحث ایدرسکمز . بالخاصہ خارجیه ناظرینک نظر دقتی بونازک مسئلہ اوزرینه جلب ایتمکے چالیشیرسکمز . « دیدی . استانبولدن یاتمہ ایکی بحریہ ضابطی آلارق حزیران نہایتندہ پارسہ متوجہاً حرکت و تموزک ایلک کونلرنده مواصلت ایتدم .

دها اولجہ پارسہ کلملرینی یازدیغم واصف و رؤف بکلری اوراده بولدم . رؤف بکے سلطان عثمانک سرعت و انداخت تجربہ لرینک اجراسی حقندہ بعض تعلیمات ویردیکم صرمدہ انکلیزلرده غریب برحالت روحیه مشاهدہ ایتمکده اولدوغنی و عاداتا سلطان عثمانک تأخیر ختام و تسلیمی ایچین هر کون بر بشقه بهانه ایجاد ایتمکده بولونقلرینی خبر ویردی . بوکا مقابل بزمده غایت متیقظ داورانہرق بر آن اول کمی بی تسلیمہ موفق اولمقلغمز لازمکده چکی جوابی ویردم . انشآت شرکتی کمینک اون درت طوپندن ایکسینک زمان معینہ قدر یرینه قونیله مایه جغنی سویله مش ایدی . مذکور ایکی طوپک بالاخرہ استانبولده یرلرینه قونیله سیله جکنه و بناءً علیه تجربہ لرک ایکی طوپ نقصان اولارق یاپیلیمسنه موافق ایتدیکمہ دائر یازدیغم جوابی ده رؤف بکے ویردرک و شفاهی برچوق تعلیمات دها اعطیا ایدرک کندینسی انکلتزیه اعاده ایتدم . و واصف بکی یاندمہ آلیقویدم .

پارسده یالکیز ایکی کون قالدقدنصو کره لیون و مارسیلیا طریقہ طولونه عزیمت و اوراده بکامنتظار اولان فرانسز قوای بحریه باش قوماندانی آمیرال « بوئہ دولابه ریر » ملاقی اولارق قوماندان سفینه سی اولان « آمیرال قوربه » دره تنوطنه را کب اولدم . اولطیف « قوت دازور » ده اوچ کون اوچ کیجه دوام ایدن متعدد بحریه مانورہ لرینک خاطره سی هیچ اونودامیه جغم .

پک مرد واسکی بردکزی اولان آمیرالک حمده بسله دیکی مسافر پرورلک حقیقهٔ هر دلرؤ تخمینک فوقندہ ایدی .

اوچ کون صوکرادونما اخراج قوتنک قرده اجرا ایتدیکی بر رسم کچیدی متعاقب آمیرالدن مساعدہ استحصال ایدرک شمندو فرله عودت ایتدک . درت ، بش کون دوام ایدن متعدد طوپ و تفنک فابریقه لری ، تحت البحر ، انشآت دستکاهلری زیارتلرندن صوکرادو پارسہ دوندک . ۱۴ تموزدن اول هاور دستکاهلرینی زیارت ایتدیکده اونوئتمه دق .

موسیو ویویانی ایله خارجیه نظارتندہ ایکمنجی ملاقاتمز ائشانسندہ ایدی ، بردنبرہ برطور مهم طاقینه رق بکا دیدی که :

« پاشا حضر تلری ! سرکله پک مهم مسائل اوزرینه تعاطی افکار املندہ ايسه مده بو صرمدہ مجلس مبعوثانده جریان ایتمکده اولان مذاکرات بوتون فکریعی اوقدر

اشغال ایدیورکه بشقه بر زمین اوزرینه ممکن دکل کله میورم . رئیس جمهور ایله برابر روسیه بر سیاحت یاپمه من الزم . سوسیالیستلر بوکا مانع اولقی ایچین سیاحت مصرفنه متعلق تنکیلف قانونی رد ایتدیرمک ایستیورلر . بو بوندن متولد نامتناهی تقرطات ! خارجیه نظارتی امور سیاسیه مدیری موسیو مارژوری به تعلیمات لازمه یی ویردم . سزکله برمودع ملاقات قرارلاشدیرارق اوزون اوزادی به کوروشمسنی رجا ایتدم کندیلی طرفندن مراجعت وقوع بوانجه اسعاف ایتمکزی رجا ایدرم .

آرزولریمک نهایت تحصیل ایتمک اوزره اولدیغنی آکلامش وپک نمون اولمشدم . نهایت موسیو مارژوری خارجیه نظارتی طرفندن مهماندارلغمه تعیین ایدلمش اولان امورشرقیه مدیری واسطه سیله برمودع ملاقات طلب ایتدی . خارجیه نظارتنده کندی بوروسنده کوروشمک هرشیئدن اعلا اوله جفی جوابی ویردم . ومعین ساعتده موعده ملاقاته کیتدم .

موسیو مارژوری نیم فرانسز - تورک دوستلغنی تقویه ایچین صرف ایتدیکم مساعینک بوتون فرانسه حکومتی وافکار عمومیه سنجه کال شکران ایله کورولدیکنی وشمدی به قدر ایکی ملت وایکی حکومت آراسنده تحصیل ایدن سوءتفهملرک بوسایه ده برطرف اولمق امکانی بولنه بیله جکنی سویله مکه باشلادی . بردن بره لاقیردینی کسه رک دیدمکه : « دیرکتور افندی ! مساعده ایدرسه کز سوزی اوتیه بری به دولاشدیرمقدن زیاده دوغرودن دوغرویه مقصده کلهم . بیلورسککزکه عثمانی ایمراطورلقی متمادی تجاوزهانه اوغرامق یوزندن پک ضعیف دوشمش و صوک بالقان محاربه سندن مجالس برحاله حقیقه رق ازروپاده کی ملککنک همان کافه سنی ، اطه لرندن برچوقلرینی ضایع ایتشدر . شمدی بزبوعیف درمانسز حکومتی تداوی ایتمک ، اوکایکی برحیات ویرمک ایچین بوتون موجودیتزله چالشیورز . فقط بعض احوال وارکه بزم تشبثات مداواتکارانه مزنی تأثیرسز براقیور . ایشته بو احوالی برطرف ایتمک بزم بو کونکی الک مهم وظیفه مزنی تشکیل ایدیور .

یونانلیلرله آرامزده منازع فیه اولان اطه لر مسئله سندن بحث ایتمک ایسته یورم . سز یونانلیلر حقنده کی محبتکیز واونلردن آتیاً امید ایتدیککز منافع دولایسیله یونانلیلری دائماً صیانت ایتکی موافق حکمت سیاست تلقی ایدیورسککز . فقط موسیو مارژوری ، خریطه یی آچوب تدقیق ایده جک اولورسه کز کورم جکسککزکه بزوکون فرانسه یه یونانستاندن ده ا زیاده لازم اولاجفز . اعضاسندن بولوندیغم حکومت عثمانیه دیورکه :

« فرانسز وانکلیز سیاستنک مقصدی مرکزی ایمراطورلقلری برچلیک چنبر ایچینه آلمقدیر . بوچنبرک جنوب شرقی قسمندن ماعدا هر طرفی اتمام اولومشدر .

بوصوك قسمك اتمام اولوناماسنه سبب توركيا ايله بولغارستاندر . اكر توركيا ائتلاف
مثله كيرسه بالقانلرده منفرد قالاچق اولان بولغارستان دخی همه حال بوقومينه زونه
كيرمك مجبوريتنده قالير

بناء عليه بوجليك چنبرك اتمام ايدلمنى ايتيورسه كز يونانستانله بزم آرامزده
آطهر مسئلهسى ايچين برصورت تسويه بولو كز . متعاقباً بزي ده دائره اتفاقكزه
آلارق روسيه دن بلكه ديكمز مدهش ضربلره قارشى بزي صيانت ايديكز . پك
آزبرزمانده ترقيا تمزى تأمين ايدرك شرقة قوى برمتفقه مالك اولوكز !

بن ظن ايديورمكه سرايوه جنايتى بر دنيا حربى انتاج ايدجك ماهيتى حائرر .
بويله زمانلرده بوكى تدابيرك اتخاذنده التزام سرعت شرطدر . »

تكليف هر درلو شبه وترددن آزاده ايدى : آطهر مسئلهسى ايچون يونانلرله
آرامزده برصورت تسويه بولمق ، توركيا ايله اتفاق ايدرك آلمانياه شرق يولى
بوسبتون قايماق .

موسيو مارژورى بر مدت دوشوندكدن صوكرا آطهر مسئله سنك حلى حقنده
نه كي برصورت تسويه تصور ايتديكمزى صوردى . مثلاً ؛ ايتاليان اعاده ايديله جك
اولان « دوده قاهر » آطهر ينك ده علاوسيله عموم حكومت عثمانيه حاكميتى تحتنده
مختاريت اداره بخش ايتك ، بوتون وارداتى آطهر لك عمرانه صرف ايتك ، اهالى
محمليه ي خدمت عسكر يه دن معفو بولونديرمق وسائر كى برحق منافع ويريله بيله جكنى
سويله دم .

نهايت ديدى كه :

« آطهر مسئله سنك صورت حلى حقنده كى تكليفاتكزى شايان تأمل كور يورم .
وبو اساسات دائره سنده مسئله نك حل قطعى به ايصال ايديله بيله جكنى ظن ايددم .
مركزى ايمراطور لقلر ايچون تصور ايتديكمز چليك چنبرى پك كوزل كشف
ايتمشكز . فقط سركله براتفاق ويا ائتلاف سياسى يابه بيلمه من ايچين متفقمك بوكا
موافقت ايتمى لازمدر كه بونك قابل اولوب اولميه جنى شمه لى . مع هذا حكومت
عثمانيه نك بودفعه كى تكليفى غايت صريح وبارز . رئيس جمهور ايله قاينه رئيسك
پترسبورغ زيارت لرنده بنده كنديلرينه رفاقت ايدجكم . مطالعاتكزى متفقرلر يزه
ابلاغ ايدرم . اونلرله مشتركاً ويره جكمز قرار اوزرينه سفير يزه تعليمات مقتضيه
ويريرز . شيمديك مع التأسف فرانسه حكومتى هيچ برمنفرد تشبده بولونه ماز .
جوابك باشند صاومه لى پك آشكار كورونيوردى . پك اعلا آكلا يوردمكه
فرانسه بزم روسيه نك نچه سندن قور تولامزه امكان موجود اولمادى قناعته در .
وبزه هر نه مقابلنده اولورسه اولسون معاونت ايتك ايسته ميور . فرانسه سياحتم اناسنده

دائماً بکا رفاقت ایتش اولان دوستم موسیو ژورژ دهیمون اوکون آقشام اوزری، ملاقاتدن نمون اولوب اولمادیغمی صورمشی. بالطبع تفصیلات ویرمکدن اجتناب ایدرک: « بوقدر بویوک برانکسار خیاله اوغرایاجغی هیچ امید ایتدزم ». دیدم.

۱۹۱۴ تموزینک ۱۸ نجی کونی پارسدن استانبوله عودت ایدرکن ژورژ دهیمون ترمنده آله بر مجموعه ادبیّه طوتوشدیردی.

اسمنی اونوندیغم بوجمعهده نام مستعار قولالانان برفرانسز محرری تقریباً شویله دییوردی:

« جمال پاشا پارسه کلدی. بحر سفید دوتیماسی مانوره لرنده بولوندی. رسمی و غیر رسمی محافل کنديسني آلقیشلادی. لهژیون دونورلهده تلطیف اولوندی. بونلرک هبسی پکاعلا. فقط جمال پاشانک هرشیدن زیاده س—ودیکی وطنی ایچون فرانسه حکومتی مادی اولارق نهلر وعد ایتدی؟ بزم بیلدیکمزه کوره جمال پاشا اک حرارتلی تورک وطنپورلرندندر. شخصه معطوف آلقیشلردن هیچ بری بو وطنپورره مملکتی حقنده استحصال ایتک ایسته دیکی منافعدن صرف نظر ایتدیره مز. اگر جمال پاشا بودفعه کی زیارتدن مملکتی ایچون هیچ برشی استحصال ایتهدن عودت ایدیورسه استانبوله کیدر کیتمز فرانسه نک خوشنه کیتیه جک تشبثاده بولونماسندن طولانی کنديسته داریلغه هیچ حقمز اولامز. »

فرانسز محرری نه قدر دوغری سویله یوردی.

موسیو مارژوری ایله جریان ایدن مکالمه می و بوندن حاصل ایتدیکم تحسسانمی صدر اعظم پاشا ایله دیگر آرقاداشلره ایضاح ایتدم.

آلمان — تورک اتفاق

آلمان — تورک اتفاق شمدی به قدر هرکسک ظن ایتدیکی کبی حرب عمومی اثناسنده عقد اولومادی.

کرچه امضا مسئله سی ۲ آغستوس ۱۹۱۴ ده واقع اولدی ایسه ده مذاکراته حرب عمومیدن اول باشلاندى.

مذاکراته نه زمان و کیمک تشبیه [Initiatif] باشلانیش اولدیغنی تا معاهده نک امضا اولوندیغی کونه قدر بیلیمه یو دم. فرانسه دن عودت ایتدیکم کونردن برنده ایدی طلعت بک بکا دیمشدی که:

« پاشا! آلمانیا زه شو وشو شرائط داخلنده بر اتفاق تکلیف ایتسه نه دیرسک

قبول ایدر میسک ؟ ایشته کوردک که فرانسه دن خیر یوق . فرانسه اولمادیغنه کوره
آلمانیایی ده رد ایدر میسک ؟ . »

در عقب جواب ویردم : « تورکیه یی منفرد وضعیتدن قورتاراجق اولان بویله بر
اتفاق در عقب قبول ایدرم . » دیدم .

۲۳ تموز کونی عید ملی مناسبتیه لوند چقلدکننده اجرا اولونان بویوک رسم
کچیدده آلمان سفیری بارون فون وانکنهایم یانمه صوقولارق :

« نصل ، جمال پاشا ! بک آاز برزمانده آلمان ضابطانک استحصالنه موفق
اولدقلری خارقه انکیز نتایجی کوردیکیزمی ؟ ایشته سزه برتورک اوردوسی که دنیانک
اک معظم اوردولردن تفریق ایدیلهمیه جک برظواهره مالک . بوتون آلمان ضابطانی
تورک نرفته کی قوه معنویه نکه هر درلو تخمینک فوقنده اولدیغنی تصدیق ایتکده
متفقدلر . بویله بر اردویه مالک اولان بردولتک متفق اولمق اک بویوک موفقیتلردن
عد اولونه بیلیر . »

ملتم واردوسی حقنده کی تقدیرانندن طولایی سفیره تشکر ایدرکن آلمان - تورک
اتفاقنه عائد مذاکرادن ذره قدر خبرم یوقدی .

برقاج کون صوکره ، ظن ایدیورم که جمعه کونی ایدی ، آقشام اوزری شیشلیده کی
اویمک اوکنده اوتوموبیله بینمک اوزره ایکن عثمان بک غازیونسک کوشه سندن
انور پاشانک قوناغنه کیدن جاده صاپان بر اوتوموبیل ایچنده انور پاشا ایله طلعت
وخلیل بکلری کوردیم . اوتوموبیل ماصلاق طرفندن کلیوردی . بونلرک بو وقت
نره دن کله بیله جکلرینی دوشوندیم . صدراعظم پاشانک یکی کویده کی یالیسندن باشقه
برردن کله مزلردی . آرقاداشلرک بدن کیزلی بعض مذاکره وتشبشلی اولدیغنه اثر
فکریمه برشبه دوشدی . اوزمانه قدر هیچ بویله برشبه تولید ایده جک بر حادشه
قارشیسندن قالمادیم . کیده جکم یره کیدوب عودت ایتدکن صوکره انور پاشایه
تلفون ایتدم . کچ وقت نره دن کلدکلرینی صوردم . بر آاز وقت کچیرمک ایچین
صدراعظم پاشایه اوغرا دیغنی واوراده خلیل وطلعت بکاره تصادف ایدرک برلکده
عودت ایتدکلری جوابی ویردی . فقط جوابک طرز تلفظندن ثم التدارک اولدیغنی
ذهانی حاصل ایتدم . وشبه لرم ده ا زیاده آرتدی . ایرتسی کون بحریه نظارتنده
بولنیوردم . صدراعظم پاشانک یکی کویده کی یالیسندن برانجمن وکلا مجتمع اولدیغندن
اورایه کلمکلکم رجا اولوندیغنی یاورم خبر ویردی . همان اوتوموبیله بینهرک شیشلی ،
زنجیرلی قویو ، استنبه طریقیله حرکت ایتدم .

آیاس آغا کوشکی حیزالنده بولوندیغم صرمده اوقدر شدید بریاغموره طوتلدم که
روزکارک ویاغمورک شدندن اوتوموبیل ایله ایبرله مه نکه امکانی قالمادشدی . استانبول

افقی بوقدر شدید و بورالی یا غموری چوقدنبری کورمه شمدی. تکرار بحریه نظارته عودتله استمبوطه بینرک یکی کویه کیتدم. صدر اعظم پاشانک یانه کیرر کیرمز :

« زرده قالدیکز جمال پاشا؟ آرقاداشلر بکله دیلر، بکله دیلر شمدی کیتدیلر. اوتوموبیل به حرکت ایتدیکیزی بحریه نظارتندن خبر ویردکری ایچین یولده بورا اثناسنده رقتضایه اوغرا دیغکزدن بیلر قورقدق. هر نه حال ایسه مادامکه کلدیکز، آرتق مراقیده جک برشی قالمادی دیمکدر. شمدی سزه غایت ممنون اوله جفکیز بر حوادث بره جکم. باقالم نه اولدیغی کشف ایده بیلر جکمیسکرز دیدی.

برآز دوشوندم. بالطبع برشی کشف ایده مدم ایسه ده شمدی به قدر کیزلنش ولان اسراره واقف اوله جغمی آکلادم. « کچن کون بن یوقکن انور پاشا، لغت و خلیل بکارله قرارلاشدیرلش برشی اولسه کرک. فقط نه اولدیغی تخمین ده میورم. » دیدم.

« آلمانیا حکومتی بزه اتفاق تکلیف ایتدی. بزده بونی منافع مملکته موافق تلقی تدیکمزدن بو کون اتفاقنامه بی سفیر وانکنهایم ایله برابر امضا ایتدک. نصل ممنون لیدیکزمی؟ » دیدی.

هیچ حاضر لاندیمغیم بو خبرک اهمیت قارشیسنده مبهوت قالمشدم. « شرائطی نفع کته خادم ایسه شایان ممنونیت بر حادئه سیاسیه عد اولونا بیلیر. » دیدم. « حقوق مساویه اساسنه مستند و هر ایکی طرفک منافعی کافل، شمدی به قدر هیچ بر عثمانلی کومتک عقدده موفق اوله مادیغی شکلده بر مقاوله ! » دیدی و خصوصی بنه سنده دوغرو یورومکه باشلادی. بر لکده کیردیکمز اوطه ده ماصه سنک اوکنه طور دی. کلیدی بر کوزدن برقاج ماده دن عبارت معاهده نامه بی چیقاردی. بوم، ایکی مستقل دولت آراسنده حقوق متساویه اساسنه مستند پک کوزل معاهده اتفاقیه اولدیغی کرردم.

« یا آوستریا؟ » دیدم. « آلمانیا ایله عقد ایتدیکمز معاهده نامه موادینی کندی و متک غیناً قبول ایتش اولدیغنه دائر سفیر پاللاوینچی ده آرقاداشلر بورادن کدن برقاج دقیقه صوکر و سزک و رودیکزدن یارم ساعت اول بر مکتوب کتیردی. نه او مکتوب بوراده دیدی و کوستردی. « یا ایتالیا؟ » سؤالی ایراد ایتکدن بیی آلامادم.

« هنوز آلمانیا حکومتی بزم اتفاق مثلث غروپنه داخل اوله جغمزه دائر ایتالیا به آچامش اولدیغندن اوندن شمیدیک بر خبر یوق. أولا آلمانلر زمینی حاضر لایه جقلر کرا ایتالیا ک دخی آوستریا کبی بر وثیقه سیاسی ایله اتفاقری قبول ایده جکنه شبهه ایتیورز ! » جوابی ویردی. اولدقجه اوزون بر مذاکره محتاج اولان

بوتشبی شمدی به قدر نیچین صاقلادقلرینی سورمقدن منع نفس ایدمدم ، بواش بالذات کندیلی اداره ایتدیکنی وحتی قطعیت کسب ایدنجه به قدر دیگر آرقداشلره هیچ برشی آچادیغنی واونلرکده آنجق بوکون خبردار اولدقلرینی ایما ایدر بعض سوزلر سوبله دی . وعلاوه ایتدی :

« حتی جاوید بکک حالا خبری یوقدر . اونیده دعوت ایتدم . شمدی یولده بورایه کلنجه اوکده دیگر آرقداشلره وسزه اولدیغنی کبی معاهده نامه یی کوستره جکم بوتون وکلانک بواشدن خبری اولوب اولمادیغنی صوردم . » وکلا ایچنده بوتشبی عظمتمندن اورگه رک بو مهم دولت سرینک وقتندن اول شیوعنی موجب اولایله جا تظاهراته سبیته توسل ایدمک ذوات بولندیغنی ایچین کافه سنی خبردار ایتک ایسته مد یالکیز شیخ الاسلام افندی حضر تلربله خلیل وطلعت جاوید بکلر وانور پاشا ایله واقفسکیز . دیگرلری واقف دکدرلر . ابراهیم بکله شکری بکی طلعت بک خبرد ایدمک ومتباقیسی بوسره آگاه اولمایه جقلردر معلوم یا بوقدر نازک بر مسئله ده هر در تدابیر احتیاطیه یی اتخاذ ایتک بزم ایچین بروظیفه در . پک اینی اما ، هر حقیقی اوکر ندیکه حالدله حالا مطالعه کزی سوبله میورسکیز ! » دیدی .

« جناب حق مملکت حقنده نتایج نافعہ استحصالنه خادم ایتسون . الخیر فی ماقع دیدم . بشقه هیچ برشی علاوه ایتدم . مع هذا جداً الک مهم بر حادثه تاریخیه دی اولان بویه بر معاهده اتفاقیه یی عقده موفق اولدیغندن طولانی صدراعظم پاشایی تبر ایتکی اونوتادم .

حادثه نک بویوککی نی درین دوشونجه لره سوق ایدیوردی . دیه بیلیم که اوکیه صباحه قدر دوشوندم . وضعیت عمومی سیاسیه یی کوزیمک اوکنه کتیره رک بوکا نظر دولتک اختیار ایتسی انساب اولان خط حرکتک نه اولایله جکنی آراشدیریورد . چونکه ؛ شمدی به خاطر وخیالنه کتیره دیکم بر حادثه قارشیشنده بولونیوردم . هر درلو ظواهره نظر آک قریب بر آتیده اتفاق وائتلاف هیئات دوله سی آره صد مصادمه مده شهیه ابتدار اولونمق محقق ، بویه بر زمانده اگر بز هیچ بر طرفدن باغلی بولونماز ایسه ک منافع مز هانکی طرفله برلکده یورومکی ایجاب ایدر سه او طر میل ایتک امکاتی الده بولوندرمش اولوردق . حالوکه بز دها شمیدین قرارمز ویرمش ، پارتیزی اختیار ایتشمز . بناء علیه سربستی اجراءآت الیزدن چیقمش . بار اختیار ایتدیکمز پارتی منفعت ملیه مز ایچین موافقمی ؟ بر آرز دها بکله مش اولسه یا طرف دیگرک دها نافع ، دها مؤثر تکلیفاتنه تابع اولامازمی ایدک ؟ وبو تکلیف قبول ایتک صورتیه نفع ملیکه دها خادم بر ایش کورمش اولزمی ایدک ؟ شمدی به قدر بزده دائماً فرانسه ایله خوش کچنمه یی توصیه ایدن ، ظاهری دوسه

سیاستی ابدال ایله برابر فعلی و حقیقی هیچ بر معاونت کوسترمه مش اولان آلمانیه اعجابا دن طولایی بوسره ده بزمه عقد اتفاق ایچین استعجال کوستردی؛ باخصوص اوپله معاهده که دولت علیه نی آلمانیا و آوستریا ایله مساوی حقوقه مالک تلقی ایدیور . یله بر فداکارانه بویکی ایمپراطورلق نهدن طولایی راضی اولدی ؟

ایشته بو بر سورو سؤال ذهنی اشغال ایدیور ، بونلری ناصیل حل ایده جگمی یلمیوردم . نهایت قرار قطعی می شو صورتله ویردم .

دنیا ده هیچ کیمسه نك انکار ایده میه جکی حقیقتلردندر که روسیه ، عثمانلی بر اطور لغتک خصم جانیدر و استانبولی آلتق الک باشلیجه املیدر . بوملدن روسیه ی زکچیر مک امکالنیزدر . چارلق ، برلین معاهده سی نتیجه سنده استانبوله صاحب لامیه جغنی آکلایجه کوزینی هندستانه دیکدی . انکلین سیاستنک اینجه لکلری به سنده کندیسنه اوپولک قیامش اولدیغی کورونجه اقصادی شرقه توجه ایتدی . یات آرتوره قدر اوزاندینی آیانی ژاپونلر طرفدن قیریلنجه آل قانلر ایچنده کری کلدی . شمدی آرتیق عصر دیده کعبه آمالنه توجه ایتمکدن بشقه چاره نجات رمه وز . وبوتون حرصیله ایکی بچق عصرلق شکارینه ، زواللی تورکیه یه صوک می یامیغه حاضر لانیور ، بولدیغی کندیسنه معارض اولمقدن زیاده بوندن صوکرا افق بوانه جقلردر . قریم سفرنده کی احوال برلین قونفره سی انتاج ایدن احوال کون بالکلیه دیکشمشدر .

مصره حاکم اولان انکلتره ، بصره کورفرینه اقتصاداً نصب نگاه ایتش اولان انیایی ، استانبوله و علی العموم آناتولی به کوز دیکمش اولان روسیه دن زیاده بر عد ایدیور . بناء علیه مه زوپوتامیا (الجزیره) یه مقابل استانبولی روسیه الهه ایم ایتمکدن چکنمز . فرانسه ایسه سوریه ده کندیسنه ممانعت ایدلمه مک شرطیه تورکیه نك یممه مخافت ایده جکلردن دکلدرد . متفقلرینک تورکیه ده کی منافعیله کندی ارزولرینک ق ایتدیکنی کورن روسیه ایچین تعقیب ایدلمه جک الک اساسلی سیاست ممکن اولدینی تورکیه یی منفرد براقق و دائماً منفعتی انتاج ایده جک تدایره توسل ایتمکدن عبارت ر . ایشته فرانسه ده موسیو مارژوریدن ده دوغروسی بالواسطه ویویانیدن آلدیغم ب ردک یکانه سببی بودر . وانکلتره ایله فرانسه بزم حقمزده روسیه نك مقصد زولریتی تطمین ایده جک خط حرکتدن باشقه برشی تعقیب ایده مزلر .

آلمانیدن بر منفعت بکله مدیکمز ایچین روسیه یه فارشی برمسند و واسطه مدافعه ک ایتک اوزره مراجعت ایتدیکم فرانسه دن ایشته الک قطعی جواب ردی آلم . نزمیه ، روسیه نك ارزولری خارجنده بر حرکتده بولونامیه جغنی شرقی آناتولی ق ایچین ایسته دیکمز مأمورینی ویرمه مکله اثبات ایتدی . باخصوص عثمانلی

ایمپراطور لغنک حائر اولدینی (خلافت اسلامیہ) عنوانی صوک سنہ لردہ کندیسنی پک زیادہ قور قوتدیغندن بوایمپراطور لغنک سقوطی و خلافت اسلامیہ نامنک انکیز حاکمیتی آتئندہ بولونان برقطعه ده ساکن قدرتسر برشخصه انتقالی کندیسنی ایچین الکچوک آرزو ایدیلہ جک شیلردندی . بو حقیقت نجه مجهول اولمادینی حالده روسیه طرفندن برتجاوزہ دوجار اولما مقلعمر ایچین انکلتزه ایله فرانسه نك معاونتی تأمین مقصدیه فرانسه یه مراجعت ایدیثم منحصرأ بشقه برچاره سلامت کورده مکدن انبعث ایدیوردی .

بن بویله محالات ایله اشتغال ایدوب دوریورکن دیمک آرقاداشرم غایت مهم و صریح برتکلیف قارشیسندن بولونمشلر : اتفاق مثک غروپله ، دها دوغروسی آلمانیا ایله اتفاق .

ترکیه بوندن بش آلتی آی اول منحصرأ بالقان سیاستی نقطه نظرندن وضعیت منفرددن قورتلوق و برهیئت متفقہ حالنده جهانہ کوزوکمک ایچون بوغار اتفاقدن پک بویوک امیدلر بکله مکده ایکن اونی بیله شمدی یه قدر استحصاله موافق اوله مدیغمز برصرده آلمانیا کی قوی الشکیمه برایمپراطورلق بزه حقوق متساویه اساسنه مستند براتفاق تکلیف ایدیور .

اگر بویله برتکلیف قارشیسندن بالذات بن - که ائتلاف دولتلری هیئتنه متمایل سیاست تعقیب ایدیوردیم - بولونمش اولسه ایدم رد ایتمک قوتی کئندمه کورده جکمی ایدم ؟ و باخصوص بویله بر جواب رد موافق کار و تحمل تلقی اولونه بیلیرمی ایدی غایت سالم و ساکن بر فکرله بردفمه دوشونلسین تورکیه یه قارشی ایکی هیئت دولیه نك وضعیتی نهدر ؟

ائتلاف هیئت دولیه سندن انکلتزه :

مصری بالکلیه تحت حاکمیتنه آلق . مهزوپوتامیای محقق ، فلسطینی ممکنس اله کچیرمک ، عموماً عربستان شبه جزیره سی اوزرنده یالکیز کئندی نفوذینک جریاتی تأمین ایتمک ایستیور ؛ فرانسه :

سوریه یی همه حال اشغال ایتمکی سنه لردن بری پروگرامنه قویمش ، الک جزئی فرصتلردن استفاده ایله بواملنی استحصال ایتمک فکرندهدر ؛ روسیه :

دلیل ایسته میه جک قدر تورک دشمنی ؛

بونلرک هیچ بریسی عثمانلی ایمپراطور لغنک خیرینه معطوف اولسه کرک ؛ اتفاق هیئت دولیه سنه کلنجه :

اوستريا ايله ايتالياك آرتق توركيدان ايستيه جڭلري قلامش و بودولته ياپيله جڭلري
اك صوك فناقلردى ياپهرق اوندن آلرني چكمشلر . اولسه اولسه ايتاليا ائتلاف
هيئت دوليه سنك امللرينه قارشى بعض فكر لر بسليله بيلير [آنطاليه و فنيكه سواحلى كي].
آلمانيا ، هر كيم نه ديرسه ديسين توركيه نك قوتلى اولمشنى اك زياته ارزو ايدن
بردولتدر . آلمانياك منفعتى منحصرأ توركيه نك قوتلى بولنسييله تأمين اولنه بيلير .
آلمانيا توركيه ني بر مستملكه كي آلينه كچيره مز . بوكا نه وضعيت جغرافيه ونه ده
آلمانياك وساطلى مساعدر . بناء عليه آلمانيا كنديسنه بر بازار داد وستد اولان
توركياك ائتلاف دولتلى آراسنده تقسيم ايدلمه سنك اك بويوك مدافيدر .

باخصوص توركيه اورته دن قالدقنى كون آلمانيا ائتلافك معهود چليك چنبرى
ايچنه قطعياً كرمش اولور . اليوم كنديسى ايچون شرق جنوبى جبهه سى آنحق توركيه
سايه سنده آچيقدر . بناء عليه بودمير چنبر ايچنده بوغولماق ايچين يكانه چاره توركيانك
پارچالانماسنى تأميندن غبارتدر .

ايشته برلىنى صرف آمال استيلاكارانه و ديكرى منفعت خصوصيه مستند نيات
حسنه بسله ين دولتلردن مركب ايكي هيئت اتفقيه دن ايكنجيسى بى حقوقده
ووظائفده كنديسنه مساوى عد ايدرك بزه اتفاق تكليف ايدىور ، بو اتفاق رد
اولونه بيليرى ؟ بركره بواتفاق سايه سنده بالقان حكومات صغيره سندن هيچ برى
بعدا بر هيئت معظمه اتفقيه نك اعضا سندن اولان بردولتك امور داخليله سى حقنده
كورولتى قوپارمغه جسارت ايدم . وبى راحت بيراقير .

ثانيا ؛ بر حرب عمومى يه برتيجه ويره مكم ايچين هيئت ائتلافيه ني تشكيل ايدن
دولتلرده بزه آل اوزاتمازلر . باخصوص المصيانك بتون علماسى بتون ارباب خدمت
وصنابى توركيه نك ايستديكى شكلده توركيه يه دخى خدمت ايدر . مملكه آز زمانده
بر طريق مسعود مدنيتيه كير . وينه بك آز زمان ظرفنده قايتولاسيون بلاسندن
استخلاصن تأمين ايدمش اولور .

كرچه بواتفاق بى بر حرب عمومى ظهورنده ائتلاف هيئت دوليه سى علمنه حربه
داخل اولمغه مجبور طوتبور ايسه ده كر حرب عمومى ده ايش اون سنه ايچين تأخر
ايدم جك اولورسه بز بوغازلى وسواحل سائره ني اوصورتله تحكيمه موفق اولور ،
اوردومزى اودر جهلرده تقويه ايدر ، مملكتمزى اودر جهلرده اعمار ايدركه آرتيق
بويله بر حربه آتيلمقنن هيچ چكمنه يز .

فقط يا حرب عمومى برايكى هفته ويا برايكى آي ظرفنده ظهور ايدىور بر رسه
بوكونكى ضعف حالزده انكلكتره وروسه و فرانسه يه قارشى حربه داخل اولق بزم
ايچين بك مضر اولمازى ؟

عجبا آلمانیا حرب عمومینک پک یقین اولدیغنی نظر دقته آلارق بزمه علی العجله
اتفاقه قرار ویرمیش دکمیدر ؟

بونده هیچ شبهه یوق ! تورکیه کی عصرلردن بری برعصر ضعف واختلاف
تلقی ایدلمش اولان بردوگله حقوق متساویه اساسنه مستند و اتفاق مثلت شرائط اتقا-
قیه سی دائره سنده براتفاق عقد ایتمک راضی اولق ایچین آلمانیا کندی علیهنده کی
استحضار اتدن پک زیاده اورکمش اولملی وهر نوع تداییره مراجعتله تقویه موقع لزومی حس
ایتملی . یوقسه منحصر آتورکک ألاکوزی ، عثمانلی ایمراطورینک خاطری ایچین تورکیه کی بر
یوکی اوموزلرینه تحمیل ایده جک ایشنی بیلیر برحکومت تصور اولنه ماز . حرب عمومینک
پک قریب بر آتیده ظهوری بزم ایچین برسوء طالع عداولونه بیلیر ، فقط کار و ضرر موازنه-
سنده کارخانه سی پک طواغون کور و نه ن بوتشبدن کری چکلمک ملک و ملت ایچین هر حالده خیرلی
برایش اولماز . ایشته آرقداشلیمک یرنده اولسه یدم بویله دوشونور و طبقی اونلر کی دورانه رق
بواتفاق کمال شکران و انهماک ایله قبول ایدردم . مع هذا معاهده اتفاقیه بلکه بعض
قیود و شروط احتیاطیه درج ایتدیرمک چالیشیردم . مثلاً ؛ شاید حرب معاهده اتفاقیه نک
تاریخ و امضا تعاطیسندن اعتباراً ایکی سنه کچمزدن اول ظهور ایده جک اولورسه تورکیه
اتفاق مثلت هیئت دولیه سنه قارشلی لطفکار بیطرفلق وضعیتی محافظه ایدرک یالکیز
اوردوسنک قسماً سفر برلکنی اعلان ، بوغازلردن سفائن تجاریه و حربیه نک مروری
منع ایتمک صورتیه معنا معاونت ایتمک مجبوریتنده قلاجنی و حرب عمومی ایکی سنه دن
زیاده دوام ایتدیکی تقدیرده بوایکی سنه نک نهایتنده اتفاق دولتری لهنه حربیه اشتراک
ایده جکی واکر حرب عمومی اتفاق عقدندن ایکی سنه صکره ظهور ایدرسه تورکیه نک
شرائط اتفاقیه احکامنه درعقب تابع اوله جنی طرزنده بعض احکام قبول ایتدیرمک
ایستردم . فقط بونک آلمانیا طرفندن قبول ایدیلوب ایدیه جکی بالطبع شمیدن
کسیدرهم .

بوتون بومطالعائی درپیش ایتدکدن صوکر ا صدراعظم پاشایه س-ویله دیکم « الله
خیرلی ایتسون » سوزینی دها بویوک برقطعیتم ایمان ایله تکرار وضعیت جدیدیه تی تقدیر
و قبول ایتدم .

بوايضاحاتم حکومت عثمانیه نک آلمانیا ایله نه زمان و نه صورتله اتفاق ایتمش اولدیغنی
کوستردیکی جهته آمریکا سفیری مورغتاوا ایله روسیه سفارتی باش ترجمانی ماندلشتامک
استناد ایتدکلری حوادثلرک نه قدریا کلش و سوقاق دیدی قودیلرینه مبتنی اولدیغنی کوستریر .

آور و پاده حرب عمومینک ظهوری و عثمانلی اوردوسنک سفر برلکی

و قناکه آوستریا نوطه سنه صربستان طرفندن ویریلن جوابک غیر کافی کور و لمه سندن

اوستريانك برقم سفر برلكنه مقابل روسيه ده عمومى سفر برلك اعلان ايتدى متعاقباً
آلمانيا و فرانسه دخى سفر برلكلارنى اعلان ايتديلار آرتق حرب عمومى يه داخل اولمق
اوزره اولديغيمزه هيچ شبه قلاماشدى .

۱ - آغستوس - ۹۱۴ كوني آلمانيانك روسيه يه اعلان حرب ايتمسيه باشلايان
حرب عمومى يه بزم دخى در عقب داخل اولماز دها مر كى قوروماش اولان معاهده
اتفاقيه مقتضاسندن ايدى . بز ، شرائط اتفاقيه موجبنجه حرب مسيبلرني آرامق
صلاحيتى حائر دكلك ، آلمانيا و اوستريانك بوتون قوتلرله حرب ايتمكه مجبور
اولدقلى رى بحاربه دوليه يه بزه بوتون قوتملره اشترك ايدجكلك .

فقط بن بزم حرب اشتر اكمزك ممكن اولدوغى قدر تاخر ايتسنى بوتون موجوديتله
ايتيوردم . او كونلرده همان هر كيجه پرنس سعيدحاي پاشانك يكي كويدكى ياليسنده
اجتماع ايدن مجلس وكلا ده - پرنسك رياستى آلتنده انور پاشا ايله طلعت خليل و جاويد
بكر و بتمله بعضاده ابراهيم بكدن ترك ايدردى - نقطه نظريمى ايضاح ايتدم . اول
اوردومزك سفر برلكنى اتمام ايتهدن حرب عمومى يه داخل اولماز آلمانيا ايچين
برفانده يى تاامين ايتمه مكمله برابر بزم ايچين اتخار اولوردى . چناق قلعه ده واستانبول ايله
روسيه حدودنده هيچ برنفر يميزيله بولونمديغى بيلن انكلتره و فرانسزلرله روسلر
بر طرفدن چناق قلعه ايله قره دكز بوغازينه و بر طرفدن ارضروم اوزرينه آنى بر هجوم
ترتيب ايدرلر و برياندىن استانبولى اشغال ايدرك ديكر طرفنده ارضروم اوزرندن
سيواسه و آناطولينك كوبكنه دوغرو ايلرله جك اولورلر سه عثمانلى اوردوسى
حربك صوكنه قدر سفر برلكنى اتمام ايدمز ودها ايلك كونلرده حكومت عثمانيه نك
موجوديته نهايت و يرلش اولور . ايضاحاتمى پك مصيب تلقى ايدن آرقاداشلر نقطه
نظر يمزك اصابتى آلمانيا سفيرينه ده قبول ايتدردكلىرندن مجلس وكلاجه بالما كره حكومت
عثمانيه نك حزب عمومى ائناسنده يى طرف قالاغجى و فقط بيتر فلغه هرايكي هيئت دوليه جه
تماماً رعايتى تاامين ايچين اوردوسنى حال سفر برى يه وضع ايدجكنى اعلانه قرار
ويردك . و قرار يمزى در عقب اجرا ايتدك .

هيئت وكلا آراسنده آلمانيا ايله اتفاقزه و او كا قارشى تعهداتمه واقف اولمايان
ذوات دخى اوردونك عمومى سفر برلكنك اعلاى قاعده حزم و احتياطه موافق
تلقى ايتملردى .

سفر برلك اعلانندن ايكي ويا اوچ كون صوكرا بن بحريه نظارتى كاكان عهدمه ده
قالمق اوزره ايكنجى عثمانلى اوردوسى قوماندانلغى در عهده ايتشم .

آغستوسك برنجى ويا ايكنجى كوني انكلتره بحريه نظارتى صوك تقسيطنى يارم
ساعت اول و يرلش اولان سلطان عثمانه عثمانلى بانديره سنك كشيده سنه مانع اولمش

و كرك سلطان عثمانه و كرك سه رشاديه به آمارغو وضع ايتش ایدی . بو آیم خبری االدیقم کون حس ایتدیکم حزن و المی بوتون حیاتهده اونو تملغم امکان خار چنده در انکلیز بحر سفید قوماندانی آمیرال سیردور و بهك استانبولی زیارتی ائساننده کی وصایای خالصانه سی (!) ، آرمسترونغك کمینك انشا آتی تأخیر ایچین ایجاد ایتدیکی بیک درلو بهانه لر تامایله نظر مده پیدای صراحت ایتدی و بو کیملری ضبط ایتك انکلیز لرك اوتنه دنبری مقصدی اولدینی نجبه تماماً تظاهر ایتدی . انکلتزه حکومتی کر چه کنیدی حال حربده ایکن کندی ترسانه لر نده در دست انشا اولان کیملره آمارغو وضع ایتك صلاحیتینی حائز ایهدهده بودفه بزم کیملره آمارغو قویه جنی زمان انکلتزه هنوز حال حربده دکلدی . حتی اوردو و دو تناسنك بيله سفر برلکنی اعلان ایتمه مشدی . بو حادثه نك مناقشه سی اوزمان اوزون اوزادی به دوام ایتش و انکلیز لرك خطاسی کندی دیپلوماتلری طرفندن دخی تصدیق ایدلش اولدیغندن بونلری بوراده ایضاحه لزوم کور میورم . مع هذا بو حادثه اوردو مرکز عمومی سفر برلکنی اعلان ایتسنی محق کوستردی و عمومی سفر برلکمزی بی لزوم کورن ائتلاف سفر اسنه قولایجه جواب ویرمک دکمزی تأمین ایتدی . حتی آتیده عرض ایده جکم طرزده مرمریه داخل اولان غوبن و بره سلاوک بودخولنه حکومت عثمانیه بی حقلی کوستردی .

غوبن و بره سلاوک چناق قلعه دن مروری و استانبوله ورودی

تورکیه نك آلمانیا ايله اتفاقنه آرزوق واقف اولان و فقط حکومت عثمانیه نك شمذیلک بی طرفلغی اعلان ایتش اولمی اسبابنه واقف اولمایان بعض آلمان ضابطانی و بالخاصه لیان فون ساندرسك یاورلری بعض ناخوش تظاهراته قیام ایده جك قدر مناسبه سز لکلر کوستریورلر و حکومتك هان حربه کیرمه مه سنك یکانه مسبی بن اولدیغمی ظن ایدرك بک قارشی ایچین ایچین برکین وعداوت بسلیورلردی . بالطبع حقمده اوافق بر حرمتسز لکه بيله جسارت ایده مدکلری ایچین بو حسبی عداوتلری بن هیچ آ کلاما مارلقدن کلیوردم .

برکون پرنس سعید حلیم پاشانك یالینسده ریختیم اوزرنده بولنیوردق . روسیه دن کلان و بر جوق فرانسز سفر برلینی (Mobilisés) حامل اولان بفرانسز واپوردی قره دکز بوغازنی - مرمریه دوزغو - مرور ایدیوردی . ریختیم اوزرنده بولنان آلمان ضابطانی و سفارتخانه منسوبینی آره سنده واورك حامل اولدینی یولجیلردن بحث اولنیوردی . آره لر نده بولومان لیان پاشانك یاورلرندن بری بکا ایشیتدیره جك وجهله یوکسك سسله :

« ايشته عثمانلى بحريه ناظرى پاشا حضرتلى بو واپورك چناق قلعه دن مرورى منع ايده جك اولورلر سه زم غرب جهه سنده كي آرقاداشلر يمز لاقول درت بيك فرانسز نفر دن قور تولمش اولورلر . بو يك فائده لي تشب آتخق بحريه ناظرى پاشا حضرتلى نك آئنده در . » ديمشدى .

بالطبع بن هيچ ايشتمه مز ليك دن كلدم . و واپور يولنه دوام ايتدى .
 ۸ اغستوس كوفى آلمان آتاشه ناولى قايتن هومان بحريه نظارته كلدى . انكليز دونماسى طرف دن تعقيب ايدلمكده اولان آق دكز آلمان مفرزه بحريه سنك چناق قلعه يه دوغرو چكيلمكده اولديغنى و آلدقلى معلومانه كوره غوبنك كومورى بولونما ديغ دن بحريه نظارته عائد ده و لردن بش آتى بيك طون كمورك كند يلرينه تعويضا و يرلسنى رجا ايتدى . همان تلفونله صدر اعظم و انور پاشا لره طلعت بكك مطالعه لرى صوردم . موافقت ايتمكلم جوانى ويرديلر . دريجه ده و سندن اومقدار كمورك اعطاسى امرى ويردم و واپورك تحميلة ياردم ايتك اوزره بر بحريه عمله مفرزه سنى دريجه يه سوق ايتدم . واپور بش آتى ساعت ايجنده تحمیل اولنه رق آطه لر دكز ينه تحريك اولوندى .
 ۱۱ اغستوس كيجه سى ينه بر معتاد پرنسك باليسنده اجتماعز مقرر دى . طلعت جاويد و خليل بك لره بن ده اول كمشك . متعاقباً واصل اولان انور پاشا كنديسنه خاص اولان سا كن طوريله كوله رك « براو غلمر دنياه كلدى » ديدى . بالطبع بون دن برشى آكلاماشدق . بى چوق مراقده براقايه رق « غوبن ايله بره سلاو بوصباح چناق قلعه او كنه كلش وانكليز دونماسى طرف دن تعقيب ايدلمكده اولديغ دن بحثله بوغاز دن مرورى نه مساعده ايدلسنى طلب ايتمش . بر متفق دولته عائد سفائن حريه يي محق بر تهلكه دن وقايه ايجون بو طلبه موافقت ايدلسى امرى ويردم . و كميلر شمدى بوغازك برى طرفنده بوغاز استحكاماتنك تحت حمايه سنده بولونيورلر . فقط بزده بونك نتيجه سى اوله رق بر مسئله سياسيه قارشيسنده قالمش اولدق . بو كيجه بومسئله يه عائد بر قرار و برمك لازم كليور . » ديدى .

مسئله جدا يك نازكى . طرفين محاصميندن برينه منسوب ايكي سفينه حريه عثمانلى صولرينه التجا ايتمشدى . بى طرفلق قواعدينه توفيقاً زم يا يكرمى درت ساعت طرفنده بوسفائ حريه يي قره صولر يمزى تركه اجبار و يا خود بوتون اساحه سندن تجريد ايده رك برليمانده اقامت ايتدير مكه مجبور ايدك . حال بوكه بز حقيقتده آلمانيانك متفق اولديغ مز دن سفائن مذ كوره يي دشمنه تسليم ايتمكله مساوى اولان برنجى شق اختيار ايده مز دك . بوهم منافعه مزه وهم وظائف مزه مخافندى . ايكنجى شقه ايسه آلمانلرك يانشا ياجقلى محقق دى . بو حالده يكرمى درت ساعت صو كر مؤتلفين بو حر كتمزى Casus belli عدايدرك بزه اعلان حرب ايده بيليرلدى . كر چه ايركج

بو حاده وقوعه كله جك و بر حربه اشتراك ايد جكد . فقط اردومزك وضعيتي بو اشتراك ممكن اولديني قدر تأخيريني آمردى .

او صروده فرانسز وانكليز سفيرلرى كمال تلاشله صدر اعظم پاشاني زيارته كلديلر و آلمان سفائن حربه سنك بوكون چناق قلعه بوغازندن ايجرييه داخل اولدقلىنى وحتى بر جوق فرانسزلى حامله دون صباح استانبول ليانندن حركت ايدن و چناق قلعه يه مواصلت ايتمش اولان مسازرى واپوريني تحرييه جرأت ايتدكلىنى ، بو حركتى حكومت سنيه نك اعلان ايتديكى بيطر فلغه مغاير بولدقلىنى بيلديرديلر و كمال شددتله پروتستو ايتديلر .

براينكى ساعت مذاكره دن صوكرا كميلرك موقه ظاهر آ تسليحانندن تجريدنى آلمانيا حكومتندن رجا ايتمكه قرار ووردك . طلعت و خليل بكر انجنمن و كلانك بو قراريني سفير وانكهنيا يه تبليغ ايتمك اوزره طرايه ده كي سفارتخانه يه كيتديلر . بر ساعت صوكرا عودت ايدرك سفيرك بوكا قطعياً راضى اولمديغى و كرچه حكومت عثمانيه نك بي طرفلق شكللى آلتنده شمديلك حربه دخولنك تأخيريني اولجه قبول ايتمشلر سه ده آلمان سفائن حربه سنك بو ضرورى التجاسى اوزرينه وضعيتك بالكليله تبدل ايتديكى قناعتنده بولونديغى و شايد بو حادته ائتلاف دولتلىله حكومت عثمانيه آرمه سنده انقطاع مناسبات وحتى اعلان مخاصاتى انتاج ايدرسه بونى حادثاتك ضرر وزيان طبيعيسنه عطف ايدرك قبول ايتمك مجبور يئنده بولنديغى مزى افاده ايتديكى بيلديرديلر .

انور پاشا سفيرك بومطالعاتنه اشتراك ايدسيور و فقط بن هر نه اولور سه اولسون بوكا بر چاره تسويه بولار ق شمديكى حالده حربه كيرمكدن توقى ايتمك مجبور يئنده اولديغى مزى ادعا ايدسيوردم . صدر اعظم پاشا ايله جاويد بك دخى بنم فكر يمه اشتراك ايدسيورلردى . نهايت ايچمزدن بريسي شويله بر تدبير تكليف ايتدى :

« آلمانلر بواينكى كمى بي ده اول بزه صاتمش اولامازلرمى ؟ چناق قاعه يه كلشلىرى كميلرى بزه تسليم مقصدينه ابنا ايتديريله مزى ؟ » ديدى .

هر كس كنيش بر نفس آلدى . ايشى بر تسويه دوستانه يه ايصال ايد جك بر زمين بولونمشدى . بر مدت صوكرا سفير وانكهنيا يى برنسك ياليسنه دعوت ايدرك بوتكلى درميان ايتمكه قرار ووردك . انور پاشانك ياورلرندن برى سفارتخانه يه كوندرلدى . بر چازيك صوكرا سفير يالى يه كهشدى . وقت كيجه ياريسى كچيورلدى . صدر اعظم و طلعت بكله سفير اراسنده بر ساعت قدر حرارتلى بر مذاكره دن صوكرا همان او كيجه بر لينله مخبره ايدرك صباحه قدر جواب موافقت استحصالى وعدى الئدى . فقط بز بر ليندن بر جواب موافقت ورود ايدنجيه قدر صدر اعظم پاشانك قوناغنى ترك ايتمكه . نهايت صباحك ساعت در دنده كميلرك توركيه يه صاتيلمش اولديغى اعلان ايتمكه صلاحيتدار

اولدیغمه، شوقدرکه امیرال شوسونک عثمانلی خدمت عسکریه سنه قبول ایدلمی شرط اولدیغنه دائر جواب موافقت کلدی .

بوصایتیش کیفیتی حقیقی دکل ظاهری ایدی . ایمراطور حرب دونماسنه عائد سفائی انحق رایخشتاغک مو فقیته صاته بیه جکندن بیع قطعینک حربدن صوکر ارایخشتاغدن آنه حق قراره تعلیق ضروری اولدیغی سیدریلیوردی . بوصورتله شو ظواهر امکانی بولونمش اولدیغندن ایشک تفرغاتی بحریه نظارتجه اتمام اولونمق اوزره صباحک ساعت بشنده انجمن وکلا داغیلدی . اوه عودتله برمدت اویودقدن صکره بحریه نظارتنه کیتدم وهان کوبن وبره سلاوک حکومت عثمانیه جه المانیان صاتین النش ومذکور سفینه لک دونکی کون چناق قلعه یه مواصالت ایتمش اولدقلرینه دائر غزته لره رسمی بر بیاننامه ویردم . سلطان عثمانله رشادیه نک انکیزلر طرفندن مصادره سنه مقابل ایشته شمدی دیگر ایکی کمی الدله ایتمش اولدیغمه دائر پک حرارتلی مقاله لر نشر ایتملرینی منتسبین مطبوعاتدن رجایتدم .

فقط ایشک اک نازک جهتی الآن عثمانلی درنماسی قرماندانی صفتیه دونماده بولنان امیرال لیموس ایله انکیز ضابطائی دونمادن کور و اتوسرجه کری چکمکدی . ایرتسی کون امیرال دن برراپور آلدیم . بویه ایکی یکی سفینه آلدله ایتدیکندن طولای حکومت عثمانیه یی تبریک ایدیور و کمیلر درعقب کندی قومانداسنه کوندرلدکری حالده دونمادن تقریق ایده جکی ضابطان و مرتبات سائرهی نهایت بر آی ظرفندن بوصوک سیستم کمیلری اداره یه مقتدر بر حاله کتیره بیه جکنی سویلیوردی . امیرالی دعوت ایدرک بوبابده مذاکراته باشلادم . آلمان امیرالی ایله کمیلرک غرباتی پک یورغون اولدقلرندن نه زمان کمیلری تخلیه ایده جکلری پک ده معلوم بولونمادیغندن شمیدلک بو کمیلر ویریه جک مرتبات و ضابطانک لیستهلرینی تنظیم ایله اشتغال ایتلرینی رجایتدم . تصادفات حسنه دن اولارق درت بش کون صکرا امیرال دن قیصه برمکتوب الدم . بومکتوبده دوغرو دن طوغرویه صدراعظم پاشایه انکیزجه اولارق تقدیم ایتدیکی راپورک بر صورتی بکا کوندرمن اولدیغی سویلیوردی . راپوری ترجمه ایتدیردم . دونانمازک واردومزک حالی ایلری سورهرک حکومت عثمانیه نک قیطی بی طرفلق محافظه ایتسی لازمکله جکنی ویکی کلن کمیلری اداره خصوصنده کتساب ملکه ایده بیلمک ایچین عثمانلی ضابطان و مرتباتک لا اقل اوچ بش سنه لک بر تعلیم و تربیه محتاج اولدقلرینی درمیان ایدیوردی . هان امیراله بر جواب یازدم . کندلیسی امور بحریه نک اصلاحنه مأمور اولمق اعتباریه طوغریدن طوغریه عثمانلی بحریه ناظرینک معینده بولندیغی و بناء علیه راپورلرینی آنحق بحریه ناظرینه تقدیم ایده بیه جکنی، فقط راپورلرینک یالکیز اصلاحات بحریه یه انحصار ایتسی شرط اولوب قوای بحریه مزک

احوالندن بحث ایله طرز سیاست حقنده حکومت عثمانیه اراءه طریقه صلاحیتدار اولدیغنی بیلدیردم .

ایرتسی کون امیرالدن پک قیصه بر جواب کلدی .

« امر نامه کردن وضعیت حقیقهنی کشف ایتدم . بعدما اراءه بیوریلان خط حرکتدن انحراف ایتمه جکمی عرض ایدرم . شوقدر وارکه بوسرده پک زیاده بورولمش اولدیغمدن ؛ راحتسزلغندن طولانی طرایه ده بر صیفیه ده اقامت ایتمکده بولونان قیزمک یاننده ؛ بر مدت استراحت ایتمه کلیمکه مساعدده بیورلمسنی رجا ایدرم . » دیوردی .
رجاسنی اسعاف ایتدیلمکی ، انحق کندیسنی دونانماده بولتمدیغنی حالده دیگر انکلیز ضابطانیه چرخجی و سائر نك دونماده بولونمسی عثمانلی مرتباتیه ارده لرنده اختلافات تولیدینی انتاج ایدمیهل جکمدن ضابطان مومی الیهانک ترسانه جه خصوصات سائرده استخدام ایدلمک اوزره دائره بحریه به اعزاملری ایجاب ایده جکمی بیلدیردم . ایرتسی کون امرم اجرا اوله رق دونماده انکلیز ضابطان و مرتباتندن هیچ برکیمه قالمادی .
بوننی متعاقب امیرال شوسون پاشانک دونمای عثمانی برنجی قوماندانی عنوانیه خدمت سلطنت سنییه داخل اولدیغنه دائر اراده سنییه نشر اولوندی . برقاچ کون صکراده « یاووز » و « مدلی » اسملرینی آلمش اولان کوبن و بره سلاواستانبول لیمانه کلهرک عثمانلی سنجاغنی کشیده وموده آچیق لرنده دیرله دیلر . برقاچ کون صوکر ا هکبه لی آطه ده اجرا اولونان قایق یاریشلری وسیله سیله یاووز ومدلی نك ده داخل اولدیغنی عثمانلی دونماسی ارطغرل یاطمیه یاریش محلنی تشریف بیورمش اولان ذات حضرت پادشاهینک حضور لرنده بر رسم کچید اجرا ایتدی . او کونلر استانبولده خلقک نشئه و سروری جداً تصورک فوقنده ایدی . حکومتک استحضارات حریه سندن هرکس امین بولنیور و المانیا ایله اوستریانک غلبه سنی ارزو ایتمه ن هیچ بر مسلمانه تصادف ایدلمیوردی .
خلقک تمایلات دوستانه سی المانلری جداً سونیدیریور ، انکلیز ، فرانسیز ، روسلری ایسه حد تلندیرد کجه حد تلندیریوردی .

انکلیز ، فرانسیز و روس سفیرلریله بعض مذاکرات خصوصیه

کوبن و بره سلاوک مرمریه دخولندن صوکر ا بز بالطبع بوغازلری قیام شدق . بر یاندن بو معاملهنی بر طرف دنده بو ایکی المان سفینه حریه سنده الان المان مرتباتی بولونماسنک بی طرفلغه مغایرتی ایلری سورهرک انکلیز و فرانسیز سفیرلری رسمی و خصوصی ده مارشلر یاقمدن بر آن خالی قالمیور لریدی . اتفاقزدن بی خبر اولان ائتلاف سفراسی بو ایکی کمی و موجود برحق المان ضابطانی سایه سنده المانلرک بزى همه حال

بر حربه سووروكليه جكركيني ادعا ايديسورلر و بزم بي طرفلغمز ايچين يكانه چاره بوكميرك المان مرتبتندن تجریدی و المان هیئت اصلاحیه سیله مذکور مرتباتك المانیایه اعاده سندن عبارت اولدیغی سویلوورلردی . جدائی طرف اولسه ایدك بزم یاپه جغمز ایشده بوایدی . فقط بزم بی طرفلغمز منحصراً وقت قازانق ایچین اعلان ایتیش ، حربه کیرمك ایچین اردونك سفر لرلکینی اتمام ایتسنه انتظار ایدیسوردق .

بوصرده انجمن وکلاینه وقت قازانق فکریله انکلز سیرلوئی ماله ته بنم و فرانسر سفیری ایله جاوید بکك پك صیق برتماس محافظه ایتمک لکیزه و اتقاق حقنده کی شهرلرینی در عقب ازالیه ساعی بولونقلغمز قرار ویردی .

طراییه ده قامتگاهنده برکون آقشام اوزری کندیسیله کوروشورکن سیرلوئی ماله ت : « جمال پاشا ! حکومت عثمانیه بیطرفلغی حقیقتاً وصوکنه قدر محافظه ایچین نه کی منافع تأمیننه راضیدر ؟ » دیدی .

حکومت عثمانیه نك حقیقی بیطرفلغندن شبهه ایتمه مکله برابر بوسؤالی صدراعظم پاشایه عرض ایتك مجبوریتنده اولدیغی بیلدیردم .

انکلز و فرانسرلرک دائره اتقاقه کیرمك ایچین نه کی شرائط در میان ایتمه مزاججاب ایده جکنه دائر صدراعظم پاشا ایله برقاج ماده قرارلاشدره رق یازدق . بوماده لر ؛ بالعموم قایتولاسیونلرک الغاسی ، یونانلیرک غصب ایتدیکی آطه لرک اعادسی ، مصر مسئله سنك حلی ، روسلر طرفندن امور داخلیه قطعاً مداخله ایدلماسی و شاید روسلر طرفندن بر تجاوزده دوجار اولورسه ق انکلز و فرانسرلر طرفندن بالفعل ممانعت اولونسی و سائره کی برطاق شرائطدن عبارت ایدی که سیرلوئی ماله تك بونلری لوندیره نقل ایتیش اولدیغی بزحربه داخل اولقدن صوکرانشر اولونان انکلز ماوی کتانبنده کی تلغرافنامه دن آکلادم . اوچ درت کون صوکران سیرلوئی ماله ت برر ؛ برر جواب ویریوردی : قایتولاسیونلرک قسم عدلیسنك الغاسی شمدی موضوع بحث اولامازمش ، آنجق اقسام مالیه سندن بعضیلر سنك شمیدین الغاسنه دیگر متفقلری راضی اولق شرطیله ، انکلتره موافقت ایدمیلیرمش ؛ یونانلیرله آرا مزده کی آطه لر مسئله سنی زمانه تعلیق ایتك دهاموافق اولورمش ؛ مصر مسئله سنك صورت حلنه شمیدین یاناشمق تهلکه کی اولاجغندن بوتك حرب عمومیدن صوکرایه بر اقلیمی انسب ایش ؛ روسلرک تورکیه یه شمیدیلرکونایت تجاوزلری اولمایوب اساساً حکومت عثمانیه نك تمامیت ملکیه سی دیگر دول ممضیه مثللو انکلتره و فرانسه نك دخی تحت ضمانده بولوندیغندن بوجهندن پك زیاده آمین اولقلغمز لازمکیرمش ؛ شو قدر وارکه اگر بز آرزو ایدرسه ک بوضمانی تقویه ایدمك وجهله برسند سیاسی اعطاسنه حاضر بولنیورلرمش . آنجق بوتون بومنافه مقابل زده روس سفانته قارشی بوغازلری هیچ بر زمان و هیچ برهانه ایله قاپامافه

مجبوراً و ملقغمز و بونقطه مهمه حقهده کی روس آمالی تطمین ایتمکلکمز ایجاب ایدرمش . بزم هیئت ائتلافیه لهنه حربیه کیرمکلکمزی قطعاً ایسته میورلر و بونی منفعتلرینه مغایر کوریورلرمش ؛ بزدن ایسته دکاری شی قطعی بی طرفلغمزک محافظه سی ، آلمان مرتباتیه هیئت اصلاحیه سنک آلمانیا به اعاده سی ، چناق قلعه بوغازینک سیروسفائنه درعقب کشادی ایله بعدما قطعاً قیادلیه جغنگ تعهد ایدلسی ایش و بوکا مقابل تمامیت ملکیه مزک محفوظیتنه و مالی قایتو لاسیونلر ده تعدیلات اجراسنه دائر انکلتز فرانسه و روسیه باب عالی به برسد ویره جکلرمش .

بنجه جواب پک صریح ایدی . بزم کندیلر یله برابر حربیه کیرمکلکمزی ائتلاف هیئت دولیه سی ایسته میوردی . بونک سبی نه اولایلیر ؟ زیرا بزاونلرک متفق اولارق حربیه کیره جک اولورسه ق روسیه نیک کوز دیکدیکی استانبوله وضع ید امکانی اورته دن قالقاجقدی . بوکا روسیه قطعاً راضی اولاماز و بناء علیه فرانسز و انکلیزلر ده یاناشمازلردی ، مقصدلری صراحتاً شوایدی :

« تورکیه بی شمذیلک بزه مضر اولاجق تدابیر اتخاذه دن منع ایدلم . روسلر بو حرب عمومی ائناسنده بزمه تماسی غائب ایتمه سونلر و بو سایه ده بزحربی قازانه لم ؛ اوندن صوکرآ روسیه نیک آرزوسنه توفیقاً استانبولی روسلره و یرمک و عربستان ایالتلرنده اصلاحات طلبی نامی آلتنده مختاریتئر تأسیس ایتک و اونلری تحت حمایه و نظارتزه آلق کوچ برشی دکدر . »

بو ایضا حاتمذن آکلاشیلیورکه ایلك اتفاق تکلیفم پارسده ناصل ونه صورتله رده دوچار اولدیه سنکلیز قانالیله یاپدیغم ایکنجی اتفاق تکلیفی ده عیناً و صورتلره دایدلدی . انکلیز و فرانسز سیاستی تعقیب ایتمه مش اولدیغمزدن دولای بزى حماقت ودها دوغروسى جنایتله اتهام ایدنلره صورارم ؛ بزى ایسته مین دولتله اتفاق نه صورتله ممکن اولایلیردی که بزه اتفاق ایتش اولالم ؟ دینلیورکه بی طرفلغمزی محافظه دها اولاولوردی . بوغازلری سیروسفائنه سربست بولوندیرمق شرطیله دکلمی ؟ او حالده روسیه بو حرب عمومیدن او یله بوبوک برظفرله چیقاجق ایدیکه حتی حربک نهایتی بیه بکله میهرک استانبولک و شرقی آناتولینک اشغالنه امکان بولاجقدی .

« هم بوغازلری قپایلم همده بی طرفلغمزی محافظه ایدلم . » دینله جک اولورسه بوکا نه عهداً حقمز واردی ، نه ده انکلیز و روسلر مساعده ایدرلردی . فعلی تضییقات اوقدر چابوق باشلاردی که بالهایه « حربک صوکنه قدر بوغازلری و استانبولی تحت اشغالزده بولوندیرلمده بعدالحرب ینه سزه اعاده ایدرز . » طرزنده ادهالر باش کوستیر و بالفعل اجرا ایدرلردی . خلاصه بزم ایچین ایکی چاره نجات واردی : یا ، انکلیز و فرانسزلره متفقاً مرکزی امپراطورلقلر علیه نه حرب ایدرک بو سایه ده روسلرک

بزه قارشی بردها تجاوز ایدمه ملرینی تأمین ایتک یاخود مرکزی ایمپراطورقلقلره
متفق اوله رق روسلرک شدید بر مغلوبیته دوچار اولسنه چالیشمق. فرانسیز و انکلیزلر
اتفاقیزی رد ایدرک بزی دشمن جانمک خیر و منفعتنه بوغازلری آچیق بولوندرمق شرطیله
بی طرفلغه دعوت ایدیورلردی. مرکزی ایمپراطورقلقلرایسه خصمیزی ایزه بیله جک
بر قدرت مهیه ارائه ایتمکله برابر بزی خصمیزک مستفید اولامیه جفی تدابیر اتخاذه مجبور
اید جک وجهله دائرة اتفاقنه آلیورلردی. بو سایه ده بلکه خصمیزک اضمحالی
مأمول. یالکیز براحتال وارکه شاید مرکزی ایمپراطورقلقلر مغلوب اولورلرسه بزم
ایچین پک وخیم برعاقبت محقق. اولیله آما شاید ائتلاف دولترینک ایستدکری طرفلر
بوغازلری آچیق بولوندرمق شرطیله بی طرف قالا جق اولورساق خصمیزک غالبیت
قطعیه سی و بالنتیجه بزم حیامنزه نهایت ویرلمه سی ده غیر وقابل رد و جرح حقایقندن.

بناء علیه کیم نه دیرسه دیسون روسیه نک غالبیتی نتیجه سنده بلامدافعه ذلیل و حقیر
روس و انکلیز و فرانسیز ظلم و قهری آلتنه دوشمکدنسه مرد و جسور ملتله
یا قیشیر بر قهرمانقله قاننک اقصوک دامله سنه قدر چارپشهرق نتیجه ده یا غالبیت قطعیه ی
احراز ایله ابدیاً قورتلوق و یاخود «بوتون وارم الیدن کیندی برناموس مستتنا» دیمک
حق قازانه رق شهامت و ناموسکارقله باشلایان پرشان و شرف بر تاریخ ملی به ینه شهامت
و ناموسکارقله نهایت و برمک نجه اولادر. بویالکیز نجه دکل مملکتک اکثریت
عظیمه سنجه ده اولاکور و لیدیکی ایچین درت سنه دوام ایدن حریمز اثناسنده چناق قلعه
مدافعه سی، سلمان پاک مدافعه سی، کوة الاماره محاصره سی، نجره مدافعه لری، مدینه
مدافعه سی کی الکبویوک ملتوک بیله تاریخ مخضر تلیرینی تزیین ایدمه بیله جک نجه خوارق
حادثات یاراتمغه موفق اولدق. بالطبع بو مطالعاتم مدافعه ناموس ایچون بدل حیاتی
الزم عد ایدن فداکاران و ناموسکاران ملتله عائددر. حیاتلرینی اوچ بش کون ده
ادامه ایدمه بیلمک ایچین هر درلو ذلت و مسکنته تحمل ایتمکدن چکنمه یین عجزه و
بیچارکان بوسوزلریمک قیمتی تقدیر ایدمه مزملر. سوءطالع سوقیله شمعی اوغرا دیغمز
وضعیت ایلهمی مال بولمش مغربی کی فرصت اتخاذا ایدرک «ایشته بی طرف قالسه ایدک
هم اوقدر آدم اولمزدی هم ده بو فلا کته اوغرامازدق» دیمک صورتیله برده فرط
کیاست ابرازینه قیام ایدرلر. اولنره قارشی ویره جکمز جواب «مدافعه ایدرک
اولمکله بلامدافعه اولمک ارمسندک کی فرقی تقدیر ایتمه یئرله سوزیمز یوق!» دیمکدن عبارتدر.

انکلیز و فرانسیز سفیرلریله بو طرزده جریان ایدن تماسلریمز آره سننده بعض
کولونج محاوره لریمزه اولمشدی.
برکون سیرلوی مالته ایله قنوشورکن انورپاشانک آلمانلر طرفندن تماماً قازانلش

اولديغنه أمين اولديغنى و پك يقين برزماده آلمان ضابطلرى وبالخاصه كوبن و برمسلاو واسطه سيله اعلان حربى ايجاب ايده جك بروقه احداث ايده جكلرىنى سويله مشدى .
قايتنه ده بى طرفلق فكرىنك غاب اولدينى و بناء عليه هيچ بر تهلكه بولونمايغنى
طرزنده جواب ويزيركن ديديكه :

« خير ، جمال پاشا ، آلدانوورسكز . بن امينم كه بو آلمانلر مقصدلرينه نائل اولمق
ايچين برضربه حكومت يامقندن بيله چكمنزلر . مثلاً سزى حبس ايدرلر ودها كم بيلير
نملر ياپارلر . »

پك ساده دلانه بولديغم بو سوزلره قارشى ينه برطرز ساده دلانده جواب ويزمى
اولمق ايچين كولهرك ديدم كه :
« اويله برشى حس ايتديكم آنده اتخاذايده جكم تدبيرى بن چوقدن دوشوندم .
اوزمان بحريه ناظرى صفتيه چناق قلعه يي انكليز و فرانسوز و نمانسه آچار ، حال اختلالده
بولونان دونمانك تاديبنى اوكا حواله ايدرم . »

پك شايان حيرتدر كه اوذكى انكليز ديپلوماتى بو سوزلر يمه ايناندى . او قدر كه بو
معناسز محاوره يي خارجيه نظارتنه نقل ايتمش اولديغنى بالاخره ماوى كتابندن او كرندم .
روس تورونجى كتابنك ۴۰ نومرولى وثيقه سى ۳۱ آغستوس تاريخندن اعتباراً
ايكى هفته ظرفنده آلمان مرتباتى غوبن و برمسلاو سفينه لرندن اخراج ايده جكمه دائر
سفير موسيو دو كيرسه تاامينات حتى ناموسم اوزرينه سوز ويزمى اولديغى سويليورسه ده
موسيو دو كيرس اكر بالان سويله ميورسه مطلقاً آمرينه خوش كورونمك ايچين بو
تعبيرى قوللانمشدر ديمك ايستورم .

حرب عمومى يه صورت دخولز

بوون بوظواهر ك ياننده ديكر بر چوق حقيقى مساعى واردى . انجق و كلانك
هر كچه كى اجتماعنده آلمان-عثمانلى معاهده اتفاقيه سنك متممى اولمق اوزره بر چوق
شير قرار لاشد يريلوردى . بونلر ك تصديقى آلمانلردن طلب ادييوردق .
بزم اك زياده آرزو ايتديكمز شى بولغارلر كده بزمه برلكده حرب عمومى يه
داخل اولمىنى تامين ايتمكدى . امضاي هايون ايله موشح عثمانلى - آلمان معاهده
اتفاقيه نسخه سى قرار كاه عموميه آلمانيا ايمپراطورينه توديع ايدلدىكى زمان بو اتفاقدن
طرفين ايچين پك بويوك يمن و خير اميد ايتمكده اولديغى سويله ين مشار اليك بشوش
برچهره ايله :

« شمدى سزه كوزل بر حوادث ويزم . بولغار قرالنك بمله متفق اولديغنه دائر

اولان مکتوبی بو صباح جبمه قویدم . « دیمش اولدیفنی برلین سفیریمز محمود مختار پاشا حضرتلری یازمشلردی .

بوخبر بزم ایچون جداً موجب ممنونیتدی . زیرا بش لئی آی اول بزمه قرار- لاشدیردقلری مذاکرات اتفاقیه دائر بولغارلردن حرف واحد ایندیلمیور و بوحرب عمومیده ائتلاف دولتلیله توحید مساعی به قرار ویرلرله بزم ایچون پک بویوک برنلاکت انتاج ایدیهیلر جکلینه شبهه ایدیلوردی . فقط حرب عمومینک ظهورندن بری بر ایکی ای کچدیکی حالده الان بولغارلرده بر اثر حرکت کورولمه مکده اولسی بولغارلرک بزم کی آلمانلری ده آلداتمش اولدقلری ظنی تولید ایتکه باشلامشدی .

پک صیق کوروشمکده اولدیغمز بولغار سفیری موسیو طوشف نتیجه قطعیه حقنده امنیت بخش بر قناعت حاصل ایتهدکجه بولغارستانک حربه داخل اولسی دوغرو اولیاجنی نظریه سنی مدافعه ایدیور و بونظریه خارجه حقیقمقدن توقی ایدیوردی . کرچه آلمانلر بدایه بزم سفر برلکمزی اتمام ایدنجهیه قدر محافظه بی طرفی ایدرک حرب عمومی به ممکن اولدیفنی قدر کچ داخل اولمازیه راضی اولمشلر ایدیهده بالاخره دوچار اولدقلری مارن مغلوبیتی اوزرینه فرانسهیه تجاوز ایدن اوردولرینی برپارچه کری چکه رک تعرضدن مدافعهیه کچمکه مجبور اولملری و روس اردولرینک برطرفدن شرقی پروسیانی آلت اوست ایدرک مظفرانه ایلملرک باشلاملری و بینه روس اوردولرینک فالجیحایی استیلا ایتمی وضعیترینی بالکلیه تبدیل ایتمش اولدیغندن برطرفدن مهم بر مقدار روس قوتلرینی قافقاسیا داخلنده و دیگر طرفدن ینه مهم برانکلز قوتی مصرده توقیف ایدیهیلرک اولان بزم، حربه دخولزی آرتیق قطعاً ایسته مکده باشلامشلردی . سفیرک معاهده اتفاقیه نی ایلمری سوردرک هر کون کرک صدراعظم پاشا نزدنده کرک زلر نزدنده اجرا ایتدیکی تشبثات کرکی کی صیقلاشمشدی . اوصرمده اوردو مزدخی سفر برلکشی اکیال ایتمش و بوتون قول اردولر داخلنده بولوندقلری اوردو قوماندانلر نرینک امر ایدیه جکلری استقامتده حرکت ایدیهیلرک بر حال انتظامه کیرمشلردی . قطعات متادیا تعلیم و تربیه ایله اشتغال ایتدکلری کی هان هر کون استانبول واسکدار جهتلرنده فرقه و قول اردو مانورلری اجرا ایدلمکده باشلانمشدی .

انور پاشانک قوماندان هیئتلرینی کنجلاشدیرمک صورتیه موقع تطبیقه قویدوغی اصلاحات عسکریه نک جداً مصیب برتدیر اولدیفنی تمامیه تظاهر ایدیور و بویوک جزء تاملرک نسوق الجیش و تعبیه قواعدینه واقف کنج قوماندانلر آئنده حرکت قابلیتی احراز ایلدکلری کوریلوردی .

آلمانلر بونتیجه یی کوردکجه آلهه بو قدر منتظم بر قوه عسکریه وارکن بونلری

همان موقع استفاده به قیام بده آلمان و آوستریا لیلرک مغلوبیتنه اوزاقدن سیرجی قالمق قطعاً جائز اولامیه جنئی سویلیورلردی .

بوراده اوفق بر استطراد یا بمقلغمه مساعده بیورولسون ، اوگونلرده استانبولده هر آغزده برسوز دوران ایدیوردی .

انور پاشا آلمانلره اتفاق ایدرک روسیه به اعلان حرب ایتمه من خصوصنده اصرار ایدیورمش ؛ بن ایسه بی طرفلقدن قطعاً چیقماق فکرنده ایتمش ، مناقشه من اوقدر ایلرله مش که حتی مجلس وکلاده انور پاشا بکا قارشی طبانجه چکمش و فقط بن اوندن اول داورانه رق کنندیسی آیاغندن یارالامش . الک غیری بویالانک سفیر مورغنتاؤک بیه خاطرانه کیرمش اولمیدر . قوجه سفیر !... محضاً دیدی قودیلرینه مستند مطالبات شخصیه سنی بر کرده بو حقیقتلری اوقودن صکره کوزدن کچیر برسه عجبا یوزی قزارماه جقمیدر ؟

بن کندیسنه خبر وبریم که کرک عبدالحمیدک اداره کیفیه سنه نهایت ویرمک ایچین اختلاجی کبی چالیشدیغمز زمانلرده کرک اختلالدن صوکرکی مساعیمز ائناسنده ونهایت ناظر صفتیه تشریک همت ایلدیکمز صره لرده نه انور پاشا ، نه طلعت پاشا نه بن ونه ده دیگر رفقای مساعیمزدن هیچ بری دکل یکدیگری مزه قارشی طبانجه چکمک حتی عزت نفسمزی رنجیده ایده جک اک اوافق بر معامله ده بیه بولنما مشدرد . بز سفیر مورغنتاؤک ایناندی بی و بشقه لر نی ده ایناندر مق ایسته دیکی کبی قرا کلقلردن کلش انسانلر دکلز . کیمیز عسکری دارالفنونلرنده اکمال تحصیل ایتمش ، رچو قلمیز تورکیا و آوروپا دارالفنونلرندن اجازنامه آلمش اولدیغمز و حتی سفیرک ادعا ایته دیکی کبی هیچ بر زمان پوسته موزعی اولماش اولان طلعت پاشا بیه منتظم بر تحصیل ابتدائی و تالی کوردکن صوکرک سالانیک حقوق فاکولته سندن اجازنامه آلمش اولدیغندن بزدن آپاشلره خاص اولان حرکاتک صدورینه امکان یوقدر .

فی الحقیقه اوردومزک سفر برلکنی حربه داخل اولما مزه مانع کبی کوسترمک امکانی آرتیق قالمامشدی . اوزمان پاره مسئله سی ایلری سورولدی . گرچه قایتولا سیونلر بقانون موقتله الفا ایدلمش ایسه ده بوندن همان استفاده امکانی یوقدی . بر طرفدن کومروک وارداتی عادتاً ربع درجه سنه ایتمش ، اعشار وارداتی ده کاملاً اوردویه تخصیص اولونمشدی .

حکومتک فرانسه دن استقراض ایته دیکی پاره نک ایلک تقسیطی آنجق سنه نهایتنه

قدر مصارف عادیّه دولتی یا قاپاتابیلیر ، یا قاپاته مازدی . بناءً علیه پاره مسئله سنک لزوم حلی ده آلمانله تکلیف ایدلدی .

تشرین اولک اون برنجی کونی طرابیه ده کی سفارتخانه ده برخصوصی اوکله طعامنه مدعو اولدیغنه دائر وانکنهایمدن بر دعوتنامه آلام . سفارتخانه یه کلدیکم زمان صدراعظم پاشا طلعت و خلیل بکری و انور پاشایی ده اوراده بولدم . اوصرده آلمایا سفارتی مستشارلغنه تعین ایدلمش اولان فون کولمان ده موجود ایدی . بیکدن سوکرا سفیرک دارالمساعیسنه چکلک .

پاره حقیقه کی تکلیفاتمزدده آلمایا طرفندن قبول ایدلمش اولدیغنی وانکنهایم نشوش برچهره ایله سویلیور و برطرفندن ده « آرتق بوندن سوکرا باشقه برمانع ایجاد ایتمه » معناسنی اشراپ ایدر طرزده یوزیمه باقیوردی . اوکون سفارتخانه ده بر معاهده اتفاقیه امضا ایتمش اولدیغیمزه و سائریمه دائر کسب قطعیت ایتمش اولان قناعت عمومیه بالکلیه خلاف حقیقتدر . اولجه عرض ایتدیکم وجهله ذاتاً معاهده اتفاقیه حرب عمومینک اعلانی صرهلرنده عقد ایدلمش اولدیغندن بوکون بوکا دائر پاییله حق بر ایش یوقدی .

ایرتسی کون انعقاد ایدن انجمن وکلاده وضعیت عمومیه اوزون اوزادی یه مناقشه و تدقیق اولندی . انجمنده باشلیجه ایکی تکلیف تظاهر ایدیوردی .

۱ — همان حرب عمومی یه داخل اولمق ؟

۲ — دها آلتی آی محافظه یطرفی ایتمک کمز لزومه آلمانلری اقتناع ایچون خلیل بک ایله ارکان حربیه عمومیه رئیس ثانیسی حافظ حق بی آلمان قرارگاه عمومیسنه کوندرمک .

بوایکنجی فکری جاوید بک مدافعه ایدیور برنجی فکری ده نظار سائر متفق بولنیورلردی . صدراعظم پاشا ایلاک دفعه اوله رق متردد برطور طاقینمشدی .

او صرده انور پاشا غوبه نایله بره سلاوک قره دکیزه چیمالرینی منع ایتمکده آرتق دوام ایدیمه چکنی ، زبرا امیرالک غایت محق برچوق اسباب عسکریه سردایتمکده بولندیغنی درمیان ایتدی . فقط بوا یکی سفینه نک دیکر عثمانلی سفائی ایله برابر قره دکیزه چیمعاسی محقق بزم حربیه دخولمزی انتاج ایده بیلیردی . برکره ائتلاف دولتلری غوبه ن و بره سلاو سفینه لرینک عثمانلی سفینه سی اولدقلرینی قبول ایتمه کلرینی و بناءً عامیه عثمانلی بایراغنی و عثمانلی مرتباتی حامل اوله رق دخی بوغازلردن چیمه حق اولورلر ایه درعقب دشمن معامله سی کوره چکلرینی آچیقندن آچیغه اخطار ایتمش لردی .

بناءً علیه روس دوتماسنک دخی غوبه ن و بره سلاوی فنا بروضعیتده یاقالیه حق اولورسه درعقب هجومدن کری دورمایه جنی محققدی .

هرهانسکی بر ملاحظه مبنی اوله رق روس دونماسی غوبن وبره سلاوه هجوم ایتمه سه یله بزم حربه داخل اولمقغمزی پک زیاده آرزو ایتمکده بولن ان آیرال سوشون بالذات روس دونماسنه ویا روس لیمانلرینه هجوم ایتک صورتیه بزی حربه سور وکلیه بیلردی .

خلیل وحافظ حق بکلرک بر آن اول برلینه کوندر یله لرینه و دونمایه عائد مسئله نك باش قوماندانلق وکالتنک تحت مسئولیتنه ترک ایدلمه سینه فقط حربه میدان ویردجک احوال دن تمامیه توقی ایدلمک قرار ویرلدی .

آمیرال سوشونک قره دکزده دشمن دونماسیه کند ی یئنده تشرین اولک یکر می طقوزنجی کونی جریان ایدن احواله دائر ویردیکی راپور موجبجه اک اول روسلر طرفدن تشبث ایدلیدیکنی قبول ایتک مجبوریتنده بولندیغمز اجرا آت بحربه نتیجه سنده روسلر و بالنتیجه انکلیز لرله فرانسزلر حکومت عثمانیه یه اعلان حرب ایتدیلر .

عثمانلی دونماسنک قره دکزده روس دونماسی طرفدن دوچار تجاوز اولماسی اوزرینه دونما مضر طرفدن اوده سا ، سیواستوپول ، تهئودوسیا و سائر کبی لیمانلره و روس سفائن حربه و تجاریه سنه تجاوزانده بولندینی حوادثی استانبوله کلیر کلز صدر اعظم سعید حلیم پاشاده غایت غریب برحالت روحیه مشاهده ایدیلدی . مشارالیه کویا آلمانلر بزی حربه سور وکلیه جکلر ندن کندیلری بومسئولیته قطعاً اشتراک ایتک ایسته مزلمش . او کونلر بایرام اولمق مناسبتیه یالکز یالیده اجتماع ایدیوردق . سعید حلیم پاشا دونما نك بوتجاوزی حربه سببیت ویردجک اولورسه محقق صورته استعفا ایده جکنی سویلیوردی . آلمانلره عقد ایتدی کمز اتفاق کندیلری اعضا ایتش وونک تولید ایتدیکی هر نوع مجبوریتلره توسل ضروری اولدینی حقنده برقاج کون اول ویریلن قراره کندیلیده اشتراک ایتش اولدق لری حالده بواحوالک نتایج طبیعیه سنندن اولان بر حادثه نك ظهوری اوزرینه استعفا ایده جکلرینی در میان ایتملری قطعاً غیر قابل تجویز اولدینی جدی رلسان لایق له مشارالیه افاده اولندی . بوا فادانک غیر قابل رد و جرح منطقی قارشو سننده بر جواب شافی بولامایان پرنس نهایت نتیجه طبیعیه یی قبول ایتدی واستعفا دن واز کچدی .

روسیه و فرانسه وانک لرتنک حکومت عثمانیه یه اعلان مخاصمات ایتدکلری کون مجلس وکلا باب عالیده صورت فوق العاده اجتماع ایتشدی . سعید حلیم پاشا آمیرال سوشونک ویردیکی راپورده ذکر اولنان وقایعی تکرار ایدمک روس دونماسنک قره

دكزده بولنان سفائن حربيۀ عثمانيه به تجاوز ايتسي اوزرينه دونماي هايونك دخي روس دونماسني تعقيبۀ مجبور اولديغني وبالنتيجه اودهسا وسيو استپول وسائرہ كي روس ليمانلرندۀ بولنن سفائن حربيۀ و تجاريہ به قارشئ استعمال سلاح ايتديكني وبونك نتيجه سي اوله رق اولار روسيۀ دولتنك ومتعاقباً فرانسه وانكلترۀ دولترلرنيك حكومت عثمانيه به اعلان مخاصمات ايتديكلريني ، كر چه حكومت عثمانيه ادامۀ مناسبات ومنع مخاصمات ايجون قره دكزده مشترك تحقيقات اجراسيله اول امرده هانكي دونمانك تجاوز ايتديكي تظاهر ايدرسه او دونما قومانداننك شخصاً مسئول ايدلمه سي تكليف ايتش ايسده روسيه حكومتى طرفدن كمال شدتله رد اولنديني و بناءً عليه حكومت عثمانيه مكده كنديسي روسيه وانكلترۀ وفرانسه حكومتلريله حال حربده عدايمكه مجبور اولديغني وكيفيتك بامضبط عرض عقبۀ عليا قلنمسي ضروري اولديغني بيان وبوكا نظر آ وكلانك فكر و مطالعـلريني سربستجه بيان ايتدلينده علاوه رجا ايتدي .

اك اول تلغراف ناظري اوسقان افندي سوزايتسيه رك : كنديسي اساس اعتباريله محاربـلر كـ عليه داري اولديغندن حكومت عثمانيه مك حربـه داخل اولماسني تصويب ايدن بر قرارنامه به وضع امضا ايدمه چكني و بناءً عليه نظارتدن استعفايه مجبور اولديغني وشوقدركه شايد پوسته وتلغراف نظارتى مديريت عموميه به قلب ايديله چك اولورسه مديرومومى صفى ايله ده بوايشي ايفا ايدمه چكني سويلى .

متعاباً زراعت وتجارت ناظري سليمان البستاني افندي سوز آلـه رق « صلح بين الملل » جمعيتى اعضاسندن اولماسي اعتباريله عموماً حربـلر كـ عليه داري اولديغندن كنديسيده معـالـئـسـف استعفايه مجبور اولديغني بيان ايتدي .

نافه ناظري چورو كسولى محمود پاشا قاينده ، حقنده اعتماد سزلق كورمكده اولديغندن باحت برقـاچ سوزدن صو كرا مستعفى عدايدلمه سني رجا ايتدي .

جاويد بك اوكون مجلس وكلاده بولنيوردى . فقط كنديسيده استعفا ايتمه كـ قرار ويرديكني طلعت بك سويله مشدى . استعفا ايدن ناظرلر مجلس وكلاي ترك ايتديلر . متباقى ناظرلر كه صدر اعظم سعيد حليم پاشا ، شيخ الاسلام خيرى افندي ، حربيۀ ناظري انور پاشا ، داخليۀ ناظري طلعت پاشا ، بن ، عدليه ناظري ابراهيم بك ، معارف ناظري شكرى بكـدن عبارت ايدك ، عنايت صمدانيه ، امداد روحانيت پيغمبريه به و ياورى صالح شهربارى به كووه نـهـركـ حال حربـي قبول ضرورى اولديغنه دائر بر مضبطه تنظيم وعقبۀ شهربارى به تقديم ايتدك .

رمدت صو كرا اجتماع ايدن مجلس مبعوثان واعيان دخي حال حربـي عظيم را كثريله تصويب وقايدنيه بيان اعتماد ايتش اولماسنه كوره حكومتك سياست خارجيه سي مظهر تصويب اولمش ديمك اولور .

اثنلاف دولتلیله حال حربی قبول ایتدی کمزه دائر اولان مضبوطی تنظیم ایتدی گمز
کون اسکدار جه تنده ایجادیله چاملیجه وارن کوی آراسنده بر قول اردو مانورده سی
پایدیریوردیم . بر طرفده آلمانلی میر آلائی نیکولای بک قومانداسنده کی اوچنچی
فرقه و دیگر طرفده میر آلائی محمود کامل بک قومانداسنده کی بشنچی قول اردو
بولونیوردی . بر کون و بر کیجه دوام ایده رک نهایت صباحه قارشلی فجر ایله برابر
اوچنچی فرقه طرفدن مدافعه ایدیلن چاملیجه ته سینه اجرا قلنان هجوم ایله نهایت
بولان بومانورده یی متعاقب اردو قوماندائی صفیله حرکتی تنقید ایچون چاملیجه ته سی
اوزرینه طولانی دیرت فرقه نک بالعموم ضابطانه حال حرب خبری ویردی کم زمان
شاهد اولدیغم تظاهرات و طنپورانه و آرزوی شدید مجادله یی هیچ بر دقیقه کوزمک
اوکندن کورتورده میه حکم . بودرت فرقه نک افراد و ضابطانیده افراد ملت عثمانیه دندی .
بولنرک اوزمانکی نشئه و سرورینی کورمه یوبده حرب عمومی یه داخل اولمغی ملت ایسته مدی
دیگه جسارت ایتک اکر دنائتدن ایلری کلمیورسه خیانت ویا حماقتدن نشئت ایدیور

..

پرنس عباس حلیم پاشا نک نافعہ نظارتی و احمد نسیمی بک زراعت نظارتیه
داخل اولدیغی قاینه ده مالیه نظارتی و کالتی طاعت بک، پوسته و تغراف نظارتی و کالتی
شکری بک در عهده ایدرک باشقه تعدیلات اجرا اولمادی .

دردنجی اردو قوماندانلی

حال حربه دخولزدن بش اون کون صوکر ا انور پاشا بر کون بی قوناغنه دعوت
ایتمشدی . اوصره ده آیاغنده چیقان بر جبانن طولانی پاشا یانا قده یاتیوردی . دعوتنه
هان ایجاب ایتدم . وضعیت عمومی حقه ده بر قاچ کلمه تعاطیسندن صوکر ا دیدی که :
« عزیزم جمال پاشا ! سویش قتالی اوزرینه بر حرکت تعرضیه ترتیبی صورتیه
انکلیزلی مصرده اشغال ایتک و بوسایه ده غرب جهه سینه سوق ایتکده اولدقلمری
بر جوق هند فرقه سنی مصرده آلیقویغنه مجبور ایتکله برابر چناق قلعیه بر قوه اخراجیه
سوقلرینه مانع اولمق ایستیوردیم . بونکچون بر ایکی آیدن بری سوریه ده بعض
استحضار اده بولونیوردیم . میر آلائی مرسیلی جمال بک قومانداسنده کی سکزنچی
قول اردویی بو وظیفه یه تخصیص ایتدم . آلمانلر بویه بر حرکتک اجر اسنه صوکر درجه ده
اهمیت عطف ایتدکر ندن هیئت اصلاحیه مأمور ارکان حربیه قائممقامی فون قره س
بکی ده منحصر آقان سفری استحضاراتیه مشغول اولمق اوزره سکزنچی قول اردو

ارکان حربیه ریاسته تعیین و شامه اعزام ایدم . بر طرفدیده بدو یلردن قوه معاونه وجوده کتیر مک وظیفه سیله یاورم سواری بیکیشیسی ممتاز بکی ، اعیاندن عبدالرحمن بک و تدقیق مؤلفات شرعیه مجلس رئیس شیخ اسعد شقیر افندی و دها سائر عرب اکابرینی سوریه کوندردم . دردنجی اردو قوماندانی فریق ذکی پاشا حاضر تلی یالکیز سوریه و فلسطینک مدافعه سیله و سکنجی قول اردو قوماندانی میر آلائی جمال بک کندی قول اردوسنک سفر برلکئی اتمام و قبال سفرینی احضار ایله مشغول اوله حقدی . فقط ذکی پاشا حاضر تلی دکل بوسفری اجرا ایتک ، سوریه نک برحتمل دشمن اخراجنه قارشئی تأمین مدافعه سی ایچون بورادن باشقه قوتلر کوندریله سنی طلب ایتکه باشلادی . سوریه دن آلدیغمز خبرلر اوراده احوالک بک قاری شیق اولدیغی و عرب اجتلاجیلرینک اجرای فعالیت به باشلادیغی کوستریور . بناء علیه دوشونوردمکه ذات عالیکیز برفداکارلق اختیار بیورسه کزده دردنجی اردو قوماندانلغی درعهده ایتسه کز ، هم قبال سفرینی احضار و اجرا ، همد سوریه ده اسایش و امنیت داخله یی تأمین بیورسه کز ، بیله هم ، تکلیفه حسارت ایده می می ؟ »

همان جواب ویردم :

« بنم قابلیت اجرا ایتمه مک زرده وطن ایچون دها مفید والزم اولدیغنه قناعت حاصل ایدرسه کز اورابه کیدوب ایفای وظیفه ایتک بنم ایچون الک مقدس وظیفه در . بناء علیه تکلیف ایتدی که کز دردنجی اردو قوماندانلغی کمال شکران و انهماک ایله قبول ایدر و بر ایکی کون ظرفنده محل مأموریت به حرکت ایدرم . »

جوابدن صوکه درجه نمون اولان انور پاشا ایله قونوشدقن و اردو قوماندانلرینک قانوناً حائر اولدقلری سربستی به تماماً صاحب اولقی و بحریه نظارتی کماکان عهده مده بولونه رق غیایمده وکالتی کندینی درعهده ایتک و نظارت امورینک تنسیق و اصلاحاته متعلق مسائلده بنم رأی و موافقم استحصال ایدم که بجه برشی پایلما مق اساسلرینی قرار لاشیدردقنصوکر آیریلدم ، وهان مکتب حربیه ده کی ایکنجی اردو قرارگاهنه کیدرک باش قوماندانلق وکالنتک امریه اردو قرارگاهندن رئیس ایله برنجی ، ایکنجی و اوچنجی شعبه مدیرلری و دها بعض ضابطائی مستصحباً دردنجی اردو قوماندانلغی درعهده ایتک اوزره شامه حرکت ایده حکمدن کمال سرعتله استحضاراته ابتدار اولنماسی امرینی ارکان حربیه رئیس میر آلائی فون فراقه ن برغه ویردم . درت بش کرن ظرفنده استحضاراتمی اکمال ایده رک تشرین تانینک یکر می برنجی کونی حیدر پاشا استاسیونندن سوریه به متوجهاً حرکت ایدم .

استاسیوندن حرکتدن اول تشیعه کلش اولان ذواتدن بری ملتک بدن بیوک خدمتله بکله دیکنه وک یاقین برزمانده ظفر خبرینه منتظر بولدیغنه دائر مؤثر برنطق

ایراد ایتدی . بالطبع بوظیفه مقابله ایتک لازم کلدی . وظیفه مک علویتنی فقط مشکلات فوق العاده سنی مدرک اوله رق حرکت ایتدیکمه و بکا تودیع اولنان وظیفه ایجاباتندن اوله رق بن ومعیتمه ویریلن قهرمانلر قناله یاپه جغمز هجومده موفق اولامیه رق جسدلر منی قناله دوکه جک اولور سهق آرقه ده قالا ن و طنپور لرك قتالی جسدلر من اوزرندن کچه رک اسلامک مال صریحی اولان مصری انکلیز متسلطلرینک النذن قورنار مالری ایجاب ایده جکمه دائر بر مقابله ده بولندم . شیمدی خبر آلیورم که مخالفین کرامدن برچوقلری اوزمانکی سوزلریمی اشهاد ایده رک :

« جمال پاشا سوریه دن نه یوزله عودت ایتدی ؟ هانیا یا انکلیزلری مصر دن طرد ایدجک یا خود اوله جکدی ؟ نهن اوله دی ؟ » کبی علیهمده برچوق سفسطلر ایراد ایدیورلر مش . آتیده حکایه ایده جکم حرکاتدن استدلال ایده بیلیر لکه بن قتال سفرنده اولمه مک ایچون هیچ برتدیرمه مراجعت ایتدم . فقط جناب حقک اولدورمک ایسته مدیک قولی کیمسه اولدوره من . بن ده اولمدم . کیم بیلیر سلامت وطن اوغرنده بعدما توسل ایتکدن کری طور میه جغم برچوق مجادلات اشناسنده دهانه کبی فلاکت و عتابلره معروض قالمق ایچون یاشایه جغم . فقط بوذوات کرام نه ایسته یوزلردی ؟ اوزمان اوچم غفیره قارشى :

« افندیلر بن انکلیزلری مصر دن طرد ایتک وظیفه سیله سوریه یه کیدیورم آما بزم وسائطمز بوظیفه یی ایفایه کافی دکلدنر . بناء علیه بن هیچ برشیته موفق اولامیارق ملول و محزون استانبوله دونه جکم . سزده شیمدی اوفلاکت کونلر نه انتظار آبوراده کوز یاشلری دوکمه کله مشغول اولکیز . نه یاهلم مقدر بویله ایش ! »

دیکلکیمی ایسته یوزلردی . خایر ، افندیلر ! بینه آتیا اثبات ایده جکم که عالم اسلامه اک عفو اولماز ضربه یی ایتدیرمش اولان شریف حسینک خروچ خانتکارانه سی اولماسه ایدی بن انکلیزلری فعلاً مصر دن طرد و دفع ایده مزسم بیله فلسطین و سوریه داخلنه برآدیم آتالریته مساعدده ایتمز و یوزیکلرجه انکلیز اردوسنی مصر ده تشیته موفق اولوردم .

شریفک اختای بونتیجه مسعوده دن بزی محروم ایتدی و عرب - تورک ایکی قردهش مسلمان ملت بربرندن تفریق ایده رک برنجیسنی انکلیز و فرانسزلرک یداسارته آتدیگی کبی ایکنجیسنی ده خونخوار دشمنلرله امیدسز بر مجادله یه کیرشمکه مجبور ایتدی . قریباً بو حقایقی بوتون وسائطی ایله اثبات ایده جکم .

استانبول دن حرکت مزدن اوتوز آلتی ساعت صوکر اقونیه یه مواصلت ایتشدک . والی عزمی بکک همتیه قونیه اها لیسنک پک حرارتلی استقباله مظهر اولدم . بو وسیله دن بالاستفاده

مولانا جلال الدين رومى حضرت تليزىنىڭ مرقىد مباركلارنى زيارت ايتىدىم . اوصرىده ولدچاي افندى حضرت تليزىلە مەعارفە پيدا ايتىدىم . كىندىلىرى بىر كوكلى مفرزەسىلە مەسىر سفيرىنە اشتراك ايدەك اولورلر ايسە حضرت مولاناڭ روحايتىندىن اردومك مستفید اولە جغنى سوق كلام ايله سويلەمشىدىم . فى الحقيقە بىم حر كىمدىن بىر مدت صوكرامشارالىە ، مولوى كوكلى طابورى نامىلە بىر قوۋە عسكرىيە تەرتىب و سوريە كەشلىرىدەك ولدچاي حضرت تليزىنىڭ بوفدا كارلقلرى جەداً تەقدىرە سزادر . مشارالىە بوسفر يوزىدىن بىر جىگر پارەسى ، سەنەلجە بىر بىر ياشادىغى . حرمى غائب ايتىش و كىندىسى صحتجە پك زىادە مضطرب اولمش بولندىغى حالەدە اوزون مدت سورىدەدە بىكار قاقىدىن كرى طور ماماش و معيتە آلدىغى تورك كىنجلەردىن ، اردو ، خصوصات مختلفەدە پك چوق خىدمەتلەر كورمىشدر .

..

تورك غزەتچىلىرىنىڭ ك ناموسىكارلاردىن اولدىغىنە بوتون موجودىتمە قانع اولدىغىم احمد راسم بىكدە استانبولدىن بىلە بىر بىر حرىكت ايتىش و بىرچى قىتال سفيرىنىڭ ائشاي اجراسىندە قىرار كاهك ايكىنجى قەدەمەسىندە بىرالسبەيە قەدە كىلدىكى كىي اوندىن صوكرامە بىر مدت قىرار كاه ايله بىر بىر قەدەسە قالمش و اخىتار ايتىدىكىم سوريە سىياسىتى قەندە اوزمانلر « اردونىڭ سىياسىتى » نامى آلىندە پك مەم مقالەلر يازمىشدى . رفاقتلاردىن دائىما ذوق و نىشە دويدىغىم بو ذاقى بۇرادە ذىكر ايتەدىن كچەمىيە جىكم . بالقان محاربەسىندىن صوكرامە سىلايك باش شەپىندىرلىكنى شايان تەقدىر بىر مەم و حىمىتە ايتا ايتىش اولان مىصرلى فوآد سىلىم پك افندى ايله داخلە نىظارتى مامورلاردىن مىصرلى دوكتور فوآد پك دىخى كوكلى اولەرق قىرار كاهە التىق ايتىلاردى . فوآد سىلىم پك قىرار كاهك مىصر امورى شەبەسى وظيفەسى طبقى بىر موزىف ضابطى كىي بىيوك بىر حىس اطاعت و وظيفە پورورى ايله ايتا ايتىش و اردو كىندىسىندىن پك مەم استفادەلردە بولمىشدر . عائەلجە ظەهور ايدىن مەذرت كىندىسىنى قىرار كاهى تركە مجبور ايتىدىكى زمان جەداً بىيوك بىر حىزن و تاثير دويمىش ايدىم . بالاخرە سىلطنەت سىنەنىڭ اسوچىرە سفارتى بىيوك بىر كىاستە ايتا ايتىش اولان مشارالىە فوآد سىلىم پك افندىلە كذا اردو يە مەم معاونتلر اراز ايتىش اولان دوكتور فوآد بىكى دائىما بىر حىس شىكران ايله ياد و تىخىر ايدە جىكم .

..

قونىيەدىن صوكرامە مواسىلت ايتىدىكىمىز (بوزاتى) دە ھىچ دورما يارق اوتوموبىللارلە (طرسوس) . حرىكت و اورادىن شەمىندوفىرلە آطنەيە مواسىلت ايتىدىك . دىرت ، بىش سەنە اول والىك ايتىدىكىم بو ولايت مەركىزىندەدە اھالى طرفىدىن پك بىيوك بىر نىشە

و سرور ايله قبول ايديلدم . كيجه ي اوراده كچيردك . بر هفته دن برى ياغان ياغمورلر
آطنه اوواسنى چامور درياسى حالنه قويىشدى . حالبوكه اوزمان آطنه ايله حلب
آراسنده كي شمندوفر آنجاك طوپراق قلعه استاسيوننه قدر كمش و اورادن اوتوسى
انشا ايدلمه مشدى .

كرچه اسكندرون — طوپراق قلعه خطى انشاآتى اتمام اولونمش ايسه ده ياغان
ياغمورلر درت يول خذالزده خطك برچوق اقسامى بوزمش اولديغدن اسكندرون
ايله مواصله منقطع اولمشدى .

بناء عليه شمندفرله طوپراق قلعه يه ويا مصطفى بك استاسيوننه قدر كيتمك واوراده
اوتوموبيللرى ترمندن ايندوروب ممكن اولور ايسه اوتوموبيلله اولامازسه آتله اسكندرونه
واوردان حلبه كيتمكى قرارلاشديردم . و صباخلين بك ايركن آطنه دن چيقدم .
اوردونك آناتولى ايله يكانه طريق مواصله سى اولان بوزاتى — طرسوس يولنده
بك چوق بوزوقلقلر اولديغى كورديكمدن بونلرك كمال سرعته تعميرنى و بعض بك
ديك اولان يوللرك وارييانلرله تحفيفى والى ولايت اسماعيل حقي بكدن رجايتمشدم .
آطنه دن حر كتدن برايكى ساعت صوكرامواصلت اينديكمز مصطفى بك استاسيونندن
اوتوموبيللرله حيوانلرى ترمندن ايندريدك . موجود ايكي اوتوموبيله بينه رك هنوز
اونوش ، يكرمى خطوه مسافه قطع ايدرايمه ز اوتوموبيللر كاملا چاموره صاپلانديلر .
بوصورتله يوله دوام امكانى اولماديغى آكلار آكلاماز آتلي مزه بينه رك و اوتوموبيللر
ماندارلرله چاموردن چيقاريلوب اسكندرون استقامتمده زى تعقيب اينديرلمه سنى ياورم
يوزباشى صلاح الدين آفندى يه امر ايدهرك حر كت ايتدك .

اوچ درت ساعت صوكرام درت يوله كلدك . درت يول اسكندرون كورفرى
ساحلنده بويوك ومهم بركويدر . كنديسنه بك يقين ديكر بش آلتى كويك اورته سنده
وهان كاملا آرمنيلرله مسكون اولوب پورتقال باغچه لريله مشهوردر . آطنه ولايته
تابع عمرانيه قضاسنك مركزى اولان بوكويه ديكر بش كويك اورته سنه مصادف
واسع بر آچيقلقده برمنتظم قصبه تأسيسنى وقتيله آطنه واليسى بولنديغم زمان تصور
ايتش وقصبه نك پلاتنى آلمان مهندس لريله تنظيم اينديرمشدم . فقط برنتيجه يه ايصال
ايدمه دن ولايتدن انفصال اينديكم ايچين بوتش بشمده ديكر بر چوقلرى كجى دها
جين حالنده ايكن ئولمشدى . خلاصه ، ۱۹۱۰ و ۱۹۱۱ سنه لرنده برچوق دفعه لر
كلش اولديغم وكنديلريله بك بويوك معاونت لرده بولنديغم بوكوى اهلالي سى نى برجم
غير ايله استقبال ايتديلر . بزه برپارچه يمك ييديرمك ايچين بك زياده اصرار ايدن
اشرافى محزون ايتمك ايسته ميكدن غروب شمسه قدر اوراده قالدم . اجرا اينديكم
تحقيقات اوزرينه درت يول استاسيونندن برعادى درمزينه ايله حر كت ايدهرك

اولورایسم ایکی ساعتده اسکندرونه موصلت ایدم جکمی و حالبوکه آتله آنجاق آتی
ساعتده وارا بیلجکمی آکلادیغمدن ارکان حربیه رئیس یله برابر دره زینه یه بینه رک
اسکندرونه کیتمی ترجیح ایتدم .

بوزوق برخط اوزرنده ایکی اوچ دفعه ثولوم تهله کسکی کچیره رک دشمن سفائنک
دولاشدیغی بر ساحلک تام کنارنده یاغور آلتند دره زینه یله احرا ایتدیکم اوسیاختی
قطعاً اونونامام . شدید بر فیرطینه دن صوکر کاه ویکاه صیریلان بولو طرلر آلتندن
چقان قرق غریب بر صورتده آیدینلاندیغی ده کزده اوزاقدن بر دشمن سفینه سی ،
بر نقطه کورونیور و بو منظره قلبمده کی حرارتی برقات داها تشدید ایدیوردی .

أوت ، امین اولیکزکه خصم لریمک نه قدر قوتلی و غنود اولدیغی بیلیمه یوردلکدم .
فقط محافظه حیات ایچین باشقا چاره بولامادیغمدن طولای کندی یلر یله چار وناچار
چار پشیمغه مجبور اولدیغمز بو دشمنلرک کسر قدرتی ایچین هیچ بر واسطه یی اهل
ایتمه جکمه یمن ایتشدم . وایشته بر طرفدن بومیشاق درونی یی تحظر ، دیگر طرفدن
شیمدی یه قدر مصادف اولدیغم موصله مشکلاتی درپیش ایدرک درعه ده ایتدیکم
یوکلک پک آغیر اولدیغی تقدیر ایدیور و بوسبیله مرارت قاییم آرتیوردی .

خلاصه بعضاً اون بش ، یکر می متره طولنده قسمنی برالایه استناد ایتکسزین
معلق دوران و بعضاً صولر ایچنده بوزن ده میرلر اوزرنده دره زینه یله ایکی ، اوچ
ساعت ، سیاحت ایدرک اسکندرونه موصلت ایتدک . دیگر ارکان حربیه ضابطانی
آنحق بزدن دورت ، بش ساعت صوکر کاه یلیمشلردی . اوکیجه یی اسکندرونده
کچیردک .

اجرا ایتدیکمز تحقیقاته نظراً اسکندرون - حلب شوشه سنک حال حاضری
اوطوموبیل مروینه مساعد دکلدی . حلب وحوالیسنی ودها طوغریسی بوتون
شمالی سوریه ایله اورفا ، دیاربکر موصل طرفلری یی بحر سفیدک الک مهم اسکله سی اولان
اسکندرونه ربط ایدن بو یکانه یوکل بیله اوطوموبیل مروینه مساعد اولیمه حق
برحاله بیر اقلیمه سی جداً آغلانه حق اهل و تسبیدن باشقه برشی دکلدی .

بغداد ولایتدن عودت ایتدیکم صیره ده آراهه ایله کچدیکم بو یوکل طرف طرف
تعمیراته باشلانلدیغی کورم شدم . بوتعمیرات طرق عمومیه شرکتی طرفندن اجرا
ایدیلوردی . ۱۹۱۲ اغتوسندن بری ایکی سنه یی متجاوز بر زمان ظرفنده بونک
اتمام تعمیراتی هر حالده ممکن اوله ییلردی . مشروطیت دکل آ ، مقدسیت اداره یی
کتیرسه ک بوروقراسیدن قور تولد قجه هیچ برایش پایلیمه سی امکانی اولمایان دوائر
دولتک ایجاد ایتدیکی بیك دورلو مشکلات بو تعمیراته مانع اولمشدی .

اصل غریبی تعمیر ایدم دیرکن اسکیدن موجود بولان افساحی ده بالکلیه بوزمشلردی .

چونکه موجود شوسه‌نك بوتون طاشلارنى چىقارمشلر ويكىدن تدارك اولانان طاشلار له برابر يولك ايكي طرفنه شريدكى ايستيف ايتمشلردى . بوايكي ييغىنك اورته سنده طوپراق چوقور ايسه ياغان ياغمورلردن طولاي كاملا طولارق عادتاً برقتال شكلى اكتساب ايتمىدى . ايشته ۱۹۱۴ سنهسى تشرين ثاينسده اوزرندن او طومويل ايله كچمكه موفق اولامديغم اسكندرون حلب شوسه سيدة بو حالد ايدى . بالمجبوريه بركيجه بيلانده قالمق و ايرتسى كون قسماً عربيه و قسماً آت ايله سياحت ايتك صورتيله قاطميه قدر يولمزه دوام ايتدك . قاطمه استاسيونى بغداد شمندوفر خطنك حلبدن اول ايكنجى استاسيونيدر . حلب - اسكندرون شوسه سنك اك اول بغداد خطنه النصاق ايتديكى نقطه اولمق اعتباريله بوراده بر منزل نقطهسى تأيس اولمىدى . فقط عربيه ايله استاسيونك اللى متره مسافه سنه قدر كمش اولديغىز حالد استاسيونه قدر تعقيب ايتك ممكن اولاماديغى واللى متره مسافه ني كيجه زيفيرى كى برقارا كلقدن نفرلرك صرتنده استاسيونه كيتك مجبوريتنده قالدېغىزى سويله يه جك اولور سه م وظيفه دارانك درجه فعاليت وهمتى تقدير ايدى بيليرسكنز .

او آنده بالقان سفرى اثناسنده كى قرق كليسا - ادرنه و قرق كليسا - پيكار حصار - ويزه - سراى شوسهسى كوزومك اوكنه كلدى ، او شوسه لرك ده ايكي طرفنه بويله شريد كى قرمه طاشلر ييقلمش و اوزته سنه دولان ياغمور صورلندن طولاي شوسه بر آرق شكلى آلمىدى .

ياربى ! او شوسه اوزرندن يورويه مدكرى ايچون تارلار له صاپمغه مجبور اولان باطاريه لر مزله مهمات و ارزاق عسكريه مزك جامورلر صاپلانوب قالدېنى مناظر سفيله و مهيجهسى ايكي سنه دن برى حالا كوزمك او كندن كيتمزن شيمدى بنم قومانداسنه مأمور اولديغم اردونك مدخللرنده عىن حالى كورمك نه قدر اسف انكيز ايدى . « ايشته ، ديدم ، بنم اردومى مادر وطنه ايدن يكانه خطم واصله . بوكا نظر آسنك يابه جق چوق ايشلرك وار . تدابير عاديه ايله بوايشلرك كورولمسنه امكان يوق . اك شديد مرحتسز و نزا كتنسز طمارلركى آياغه قالدېر مليسك ، اك يوكسك موقعلرى اشغال ايدنلرده بيله اولسه ، تضادف ايدى جكك تنبلك واهالكارلغه قارشو اك شديد ضربه لركى اينديرمكدن چكىنمه مليسك ! »

اردومك منطقه سنده تنبلكدن اثر براقايه جغه دليل اولمق واهالكارلرك اوغرايه . جقلى معامليه بر مثال تشكيل ايتك اوزره برى استقبال كمش اولان ذوات آرمنده كى وظيفه دارانه خيلى چيقشدم . نهايت بر ساعتك بر دمير يول سياحتندن صو كرا حبله مواصلا ايتدك . حلب ، سفر برلكنى موصل وحواليسنده اكال ايتش اولان اون برنجى قول اردونك افرادى ، وقسم متباقيسى عرب اولمق اوزره اكثيرت عظيمهسى

کرد ایدی . قول اردونك بفرقه‌سی حلبده دیگر فرقه‌سی حماده اقامه اولمش بولنیوردی . حلبده ایکی اوچ کون قاهره قطعاتی تقیش ایتدم ، فخری بکک جداً خارق‌العاده دنیله بیله‌جک درجه‌ده ابدال ایتدیکی مساعیه رغماً همان بوتون آلائی و طابور قوماندانلریله کوچوک رتبه‌لی ضابطانندن قسم اعظمک عثمانلی اردوسنک مزیتاً و عرفاناً ایکنجی ، اوچنچی درجه ضابطانندن اولملری حسیله کرك فرقه کرك قول اردونك مستقل قطعاتی پک‌ده شایان ثمنونیت برحاله دکلدی . برستفر بر قول اردوده بولنسی لازم کلن بوتون مالزمه و اشیا کمال ایدلمش واکلی امیدیه قالمش ایدی . چونکه قول اردونك سفر برك منطقه‌سی اولان موصل وحوالیسنده اساساً برقول اردویی تجهیز ایدمیله‌جک مالزمه‌یی بوله‌یلمک امکانشیدی .

حلب - اسکندرون شوسه‌سنک تعمیریه برابر اصلاحیه‌دن قاطمه استاسیونه قدریکی ربول انشا ایدلمسی والیسندن رجا ایدرك حماده‌کی فرقه‌یی تقیش ایتک اوزره اورایه کیتدم . حماده‌کی فرقه‌ده حلبده‌کی فرقه‌دن فرقلی دکلدی . مقصدم شامه وارمزدن اول بوتون سوریه‌نک اقنصام شمالیه‌سی برک ره سریعاً کورمک و بواقسام حقنده بر فکر عمومی حاصل ایتکدی . حماد صو کرا حص طریقله طرابلس شامه کیدرك اوراسی‌ده کوردکن صو کرا عینی کونده حصه عودت و کیجه‌یی اوراده کچیردم . و صاحب‌الین ریاق طریقله شامه حرکت و مواصلت ایتدم . بوتون کچیردیکم شهرلرده اهالی طرفندن فوق‌العاده تظاهرات و طنزورانه ابراز اولنیور و عثمانلیله کمال مربوطیت اظهار ایدیلیوردی . پک اعلا کورویوز و آکلیوردم که اولادعربک قسم کلیسی خلافت اسلامیه‌نک بو استخلاص حربنده جدی فداکارلق ابرازندن کری دورمیه‌جقدی . بو حالت روحیه‌دن استفاده ایتک ، وجدانلرینی دوشمانه صائمش اولان خائنلرک تسویلاتندن باروت قدر قابل اشتعال بو محیطی قورومق بئم ایچون بوظیفه ایدی .

شامه تاریخ مواصلتم اولان ۱۹۱۴ سنه‌سی کانون اولی ابتداسندن سوریه‌دن بالکیه مفارقم تاریخی اولان ۱۹۱۷ سنه‌سی کانون اولی ابتداسنه قدر تام اوچ سنه دوام ایدن سوریه مأموریتیم اثناسنده اردویه ، اداره مملکته ، سوریه وعلی‌العموم عربستان سیاست داخلیه‌سنه ، اختلالر تسکینه ، اعاشیه ، اعمار ملکه عائد متنوع خصوصات ایله اشتغال ایتمش اولدیغندن بواچ سنه‌ک وقایع و حادثاتی روزنامه طرزنده کونی کونه یازمقدن ایسه هریری آرزوق یکدیگرینه مربوط و بربرینک بسبب تولدی اولقله برابرهریری آیری آیری مباحث کی تلقی ایدمیله‌جک اولان بو حادثاتی متفرق بختلرده حکایه ایتکی خاطر اتمک دهها سهولته تعقیب ایدمیله‌یلمی ایچون موافق تلقی ایتدم . مع هذا مقصدم بر تاریخ حرب یازمق دکل بروقیه سیاسیة نشر ایتک اولدیغندن اردونك حرکات و اجرا آتیه متعلق خصوصاتی بی‌لزم تفصیلدن اجتناب ایدرك یا لکن خطوط عمومیه‌سندن بحث ایدم‌جکم . اردو قرارگاهی دردنجی

اردونك حرڪات حربيہ سنہ متعلق حرب جريدہ لڳي غايت منظم برصورتہ ترتيب وازکان حربيہ عموميہ به تقديم ايتش اولديغدن بالاخرہ بولنرہ مراجعتلہ برتاربخ حرب يازمسي پك قيمتي ارکان حربيہ رئيس اولان ميرآلاي فوآد بکدن رجا ايده جکم .

برنجي قتال سفری استحضاراتی

شامہ مواصلت ايتديکم کون رياقده استقبالہ کلش اولان سکزنجي قول اردو قوماندانی مرسینلی جمال پاشا قول اردوسنک مأمور اولدینی قتال سفرینک طرز اجرایی حقندہ کی حرکات حربيہ لایحه سیلہ اوزمانہ قدر یاپیلش و آتیا یاپیلہ جق اولان ایشلرہ متعلق امرلر، جدوللر وخریطہ لک برصورتی حاوی بیوک بردوسیہ ی بکا ویرمشدی . ارکان حربيہ رئيسی فون قرہ سده عینی دوسیہ نک آلمانجه نسخہ لڳي ارکان حربيہ رئيس فون فرائقه نبرغه تودیع ایتشدی . شامہ « داماسکوس پالاس » اوتلندہ تأسیس ايتديکم قراکامہ کیر کیرمزاینک ایشم بودوسیہ ی کال دقتلہ تدقیق ومطالعہ ایتک اولدی .

سکزنجي اردونك تکلیف ايتديکی سفر پلانی خلاصہ شویله ایدی : قول اردونك موجود اوچ فرقه سندن یالکزیکر می بشنجی فرقه ایله دیگر ایکی فرقه دن دوشیرمه صورتیلہ آلینه جق افراد وضابطاندن مرکب بر آلايی قتال سفرینه تخصیص ایتک، استانبولدن بالخاصہ مصر سفری ایچون کوندریلہ جک اولان سکزنجي واوتجی فرقه لری اردو قوماندانلغنک تنسیب ایده جکی شکلده قسماً قتال سفرینه وقسماً کریلرک محافظہ سنہ حصر ایتک، فقط ہر حالده قتال سفرینه چوق قوت تخصیص ایتمک . بوفکر عمومی حرکات حربيہ نک جریان ایده جکی سیناچولنک احوال طبعہ سنہ نظر آ پک موافقدی .

بن سوریه به کلدیکم صرہ دہ وضعیت عمومیہ شویله بر حالده ایدی : بیکباشی ممتاز بک قوماندانندہ کی عربان کولکلی مفرزه سی « العریشی » اشغال ایتش واورایہ یرلشمشدی . تشکیلات مخصوصہ به مربوط کولکلیلردن مرکب بر مفرزه دہ از میرلی اشرف بک قومانداسیلہ سیناچولنک ہان مرکز بنہ مصادف قلعة النخلی اشغال ایتش بولنوردی .

عقبہ دہ قائم مقام موسی کاظم بک قومانداسیلہ بر نظامیہ مفرزه سی بولنیور و بئر السبع دہ یکر می یدنجی فرقیہ منسوب بر آلايی چولده کی قوتلرک استنادنی تشکیل ایدیوردی . یکر می بشنجی فرقه کاملاً شامہ بولنیور و فرقه قوماندانی ارکان حربيہ قائم مقامی علی فوآد بکک [بالاخرہ حرب عمومی اثناسندہ فرقه و قول اردو قوماندانلقرندہ

خدمات مبرورہ سی سبق ایتش و میرلوالغہ ترفیع ایدلش اولان اسماعیل فاضل پاشا زاده علی فواد پاشا [قومانداسی آلتندہ مقامی تعلیملرلہ اشتغال ایدیوردی . سکرنجی قول اردو سینا چولنک وضعیتی نظر دقہ آلہرق اردویہ وداہا طوغریسی قوۂ سفریہ قنالہ طوغری حرکت امری ویرلمزدن اول چول داخلندہ کریدن ایلری یہ طوغری منزل تشکیلاتی یاہق الزم اولدیغی پک کوزل تقدیر ایتش وچول منزل مفتشلیکی نامی آلتندہ برمفتشلاک احداث ایدہرک بولنک باشنہ یکرمی اوچنچی فرقہ قوماندانی ارکان حربیہ قائممقامی بہجت بکی کچیرمشدی . کرک برنجی قنال سفری اثناسندہ کرک اوندن صوکرہ ایکنچی سفرك استحضاراتیلہ اشتغال اولندیغی اثنادہ بوتون چولہ شایان تقدیر خدمات مبرورہ سی کورولش اولان بہجت بکی ہر زمان ایچون حرمتلہ یاد ایدہجکم .

بو چول منزل مفتشی چول داخاندہ بئراسبعدن قنال اوزرندہ کی اسماعلیہ وضع اولنہجق برخطک اوزرینہ تصادف ایتک وہر بری یکدیگردن تقریباً یکری بش وناہت اوتوز کیلومترہ مسافدہ بولنق اوزرہ منزل نقطہلری انتخاب ایتک وہر بر منزل نقطہسندہ صو تدارک ایتک واورالرہ کوندیلہجک ارزاق بئراسبعدہ احضار ایدہرک ویریلہجک امری متعاقب بوللری منزل نقطہلرینہ کوندیمک ، ہر بر منزل نقطہسندہ برر خستہخانہ تأسیس ایتک وخلاصہ بوخط اصلی اوزندہ منزل تأسیساتی وجودہ کتیرمک ایچون استحضارات ایلہ اشتغال ایدہجکدی . بوندن باشقہ قلعة النخل والعریش نقطہلری دخی برر اساس منزل قوماندانلی نقطہسی اتخاذ اولونہرق اورالردہ اجتماع وقانالہ تحریک ایدیلہجک اولان جانبدار قوتلرینک ہر نوع ارزاق وذخائرینک بورالردن سوقی مقرر دی .

سکرنجی قول اردو قوۂ سفریہ قسم کلینک بئراسبعدہ اجتماع ایدہرک وادی العریش ابن جفجافہ استقامت عمومیہ سیلہ اسماعلیہ اوزرینہ حرکت ایتسنی یعنی ساحلدن ممکن اولدیغی قدر ارزاق اولسنی والعریش ایلہ قلعة النخلدن حرکت ایدہجک ایکنچی درجہ قوتلرلہ قسم کلینک جناحینک تأمیننی تکلیف ایدیوردی . بوتکلیف پک موافقدی . بزم اساس منزل خطلمز دکزدن اوقدر ارزاق اولمالی ایدیکہ انکلزلر دونمالرینک آتشلریلہ بومنزول نقطہلرینی تخریب و آپانسز اجرا ایدیلہجکلری پک اہمیتسز دہارکا نلرلہ بومنزوللری بوسبوتون محو ایدہمہ ملی ایدیلر .

بوگونکی فکر عمومیہ یہ کورہ فون قرمس بالذات اجرا ایتدیکی براستکشاف نتیجہسندہ بئراسبع ، الخلاصہ ، الحقیقہ ، وادی العریش ، ابن ، برنجی الجز اصفجافہ ایکنچی الجزائی منزل نقطہسی اولہرق انتخاب ایتش وبورادہ آرتہزین قویولری آچدیرمغہ اوکمزده کی کانون اول وکانون ثانی آیلرندہ یاغاجق یاغفور صولرینک بیریکمہلرینی تأمین

ایده جک وجهله بندلر انشا ایتدیرمکه الحاصل بر منزل ایچون لزومی اوله حق هر بر درلو مالزمنه نك بورالزاده حضارینه توسل ایتشدی .
سکزنچی قول اردو دیوردی که :

افراد وضابطان ایچون نظامی مواد اعاشه نك چولده نقلی و قنال اوکنه قدر ایصالی ممکن اوله میه جغندن « چول تعینی » نامی ویردیکمز برمواد اعاشه لیسته سنك قبولی لازمدر .

بو لیسته موجنبجه افراد و ضابطانه چولده ویریه جک مواد اعاشه نك ثقات عمومیه سی برکیلوی کچمیه جک ایدی . انواعی ایسه پکسماد ، خورما وزیتوندن عبارتدر . بالعموم افراد وضابطان کونده یالکمز برماطره صو صرف ایده جکلردی . بو حسابا کوره یکریمی بشنچی و اونجی قرقلرله بعض کولکلی قطعاننك قناله قدر حرکتی ایچون مختلف قطعانك کوچوک و بیوک آغرقلرلندن ماعدا منحصرأ ارزاق و صو قافله لری وجوده کتیرمک اوزره اون بریک، دوهیه احتیاج اولدینی غایت جدی حسابات نتیجه سننده میدانه چیقاریلشدی .

بوتون بو وسائطه مالک اولدقدن صوکراده قوه سفریه قنال اوکنه کلدکدن اعظمی درت کون ظرفنده یا قنالی مرور ایده رک قارشی طرفده کی انکلیز قوتلرینی طرد و قوتله قناله یرلشمی و یاخود کریسی کرییه عودت ایتلی ایدی . زیرا قناله الی کیلومتره مسافده کائن ایکنجی الخبرا نقطه سننده کی طاتلی صو بیریکتتسی قوه سفریه یی آنجق اون کون اداره یه کافی اولوب اوراده کی صویک ختامندن صوکراده قوه سفریه قنال اوکنده صوسز قاله جق و مشهور بی اسرائیل فلاکتندن دهها مدهش بر فلاکت ایچنده محو و بریشان اوله جقدی .

قوه سفریه نك کاملاً بئراسبعده اجتماع ایدرک اورادن اعتساراً هپ بردن قنال اوزرینه یورومسی امکانی ده موجود دکلدی . زیرا بو مجتمع قوتك ارزاق و صوینی دوه لرله تشکیل اولنان منزل قوللرینك برکونده نقل ایتمه سنه امکان یوقدی . اوحالده طابورلرله بطریقه لر برر کونك فاصله لرله یکدیگرینی تعقیب ایدرک چول داخلنده یورویش یا به جق و قناله یکریمی بش اوتوز کیلومتره مسافده کائن بر نقطه ده قوه سفریه صوک تحمینی اکیال ایدرک اوندن صوکراده قنالاك انتخاب ایدیه جک نقطه لرینه هجوم جبری اجرا ایدیه جکدی .

سکزنچی قول اردونك تکلیفنه نظراً ایکی قدمیه آریله جق اولان قوه سفریه نك بوجه آتی قوتلردن ترکب ایتمه سی ایجاب ایدردی .

برنجی قدمه :

یکرمی بشنچی نظامیه فرقه سی ؛ یکرمی اوچنچی و یکرمی یدنجی فرقلردن

دوشيرمه صورتيله تشكىل اولمش برآلاي بش سريع آتشلى خجرا بطريه سى ايكي سريع آتشلى جبل ، براون بش سائيمتر ملك سريع آتشلى ابوس بطريه سى بر سواري آلاي ، درت هيچن سوار بولو كي ، مقدار لري بيك بشيوزره وارن كوكللي عربان آتلىلري برآنده اوچ طابوري نقل ايده بيله جك قابليتي حائز كوپرو جي پونتلري ، آتلي استحكام بولو كي ، تللي تلغراف مفرزه لري وسيار خسته خانه لوله ، صفيه بولوكلري وسائر جمعا اون ايكي بيك آتليوز قرق ايكي نفر ، دو قوزيوز آلتش سگنر بيكي ، ۳۲۸ ماندا .

ايكنجي قدمه :

طوبخچيسى و سواري بولو كي وسائر قطعات معاونه سياه اونجى نظاميه فرقه سى . شامه مواصلمدن صوكره باش قوماندانلق وكالتندن آلدېغم بر تلغرافنامه حجاز فرقه عسكريه سى دخى دردنجي اردو قوماندانلقنك امرى آلتنه قويمش وبو قولى دخى قنال سفرينه اشتراك ايتديرمك اوزره سوريه يه جلب ايتمك ويا محلنده براقق شقلىرنك اختيارنده بى سربست بيراقش اولديغندن آله بيله جكي نظاميه و كوكللي قطعاتى مستصحباً معانه كلمسنى والى وقوماندان ميرآلاي وهيب بكه يازمشم .

ايشته وهيب بلك كتيه بيله جكي قوت دخى قوه سفرينه نك ايكنجي قدمه سنه علاوه اولونه جقدى . بالاده عرض ايتديكم اون بريك دوه يالكز يكر مى بشنجى وايكنجي فرقه لرله اونلرك نظام حربنه داخل قطعاته مخصوص اولوب حجاز فرقه سندن قوه سفرينه يه التحاق ايده جك قوت ايچون لزومى اولان دوه لر حجازدن بر ابرجه كتيه بيله جكدى . انكليزلرك رسى راپورلري برنجى قنال سفرى ائناسنده كي قوتى قرق بيك نفر راده سنده كوستريور سده اونجى فرقه دخى داخل اولوق اوزره بو قوت قطعاً يكر مى بش بيكي تجاوز ايتيوردى . قوه سفرينه نك برنجى قدمه سى سگنر نجى قول اردو قوماندانى جمال پاشانك امرى آلتنده بولونه جق وايكنجي قدمه اردو قوماندانلقنه مربوط اوله جقدى .

ايشته شامه كلديكم زمان اردونك چول وفلسطين وسوريه داخلنده كي وضعيتى يوندن عبارت بولونيور و قنال سفرى ايچون ده سگنر نجى قول اردو قوماندانى بالاده كي خصوصاتى تكليف ايتيوردى . اردو مركزى اولان شامدن تشكىل اولونه جق بر عمومى منزل مفتشى بو اوزون منزل خطلرينك اداره سنه مقتدر اوله ميه جغندن بالخاصه فلسطين داخلنده كي وساطى ادخار وارديه سوق ايله اشتغال ايتمك اوزره قدسده دخى بر مستقل منزل مفتشلى احداثى سگنر نجى قول اردونك جمله تكليفاتندن ايدي .

بو تكليفاتى پك جزئى تعديلات ايله كاملاً قبول ايتمشم .

آنحقی سکزنجی قول اردو سفرك اجرا ایدیه بیلیمی ایچون باشلیجه محتاج اولدینی. دومرك تدارکنه شیمیدییه قدر موفق اولامادیغنی و تدارکی امکاتی ده کورمیدیکنی کمال تأثرله علاوه و بیان ایدیور و یکی اردو قوماندانک نظر دقتی بالخاصه بونقطه یه جلب ایدیوردی. قول اردو قوه سفریه نك محتاج اولدینی اون بریک دوه دن اوچ آیده آنحقی ایکی بیک قدر دوه تدارک ایده بیلیمش و بو خصوصده هر طرفدن نامتباهی ممانعتلر قارشوسنده قالمش ایدی.

سوریه و حجاز کی یوزبیکلره و بلکه ملیونلره دوه نك موجود بولدینی بر ساحه داخلنده اون اوزبش بیک دوه نك ناصل اولوبده تدارک اولونه مادیغنه تعجب ایدنلر چوق بولنور ظن ایدرم. اودواته شیمیدین خبر ویره مکه اونلرک ظن ایتدکری کی دکلدر. چونکه هر کوردیکمز دوه یوک طاشماز و یوک طاشیه سیله جک دوه لرك مقداری او یله یوزبیکلره بالغ اولماز. دردنجی اردونك تاریخ حربی یازلدینی زمان بوتون تفضیلاتیه ذکر ایدیله جک اولان بومباحنی لزومندن فضله تشریح ایتمک ایسته میورم. یالکمز شوقدر شیئ سوله مک ایسته میورم که بر آی ظرفنده احتیاطیه برابر اون درت بیک دوه نی تدارک ایدنجه یه قدر چکدیکم مشقتک درجه سنی بن بیلیم. مع هذا نتیجه ده موفقیت بنده قالدی و سکزنجی قول اردونك سفر پلاننده تثبیت ایتدیک دوه لر وقت معینده اتمام اولونه بیلدی. بوضرده تا ابن السعودک نجد طرفلرندن ده دوه کتیرتمش اولدیغی سوله یه جک اولور سه م مشکلاتک درجه سی آکلاشمش اولور ظن ایدرم.

سینا چولنده یاقمق ایسته دیکمز بومشکل حرکات عسکریه نك یکانه مستند الیهی صومستله سی ایدی بوجولی یا غمور موسمنک خارجنده دکل قوه عمومیه سی یکریمی بش بیکي تجاوز ایده جک اولان بوقوه سفریه ایله قطع ایتمک، حتی بیک نفرک مفرزه بی یله سوق ایتمک امکانی یوقدی. چولک یا غمور موسمی ایسه کانون اول و کانون ثانی آیلرندن عبارت اولدیغندن یا حرکتی بو ایکی آی ظرفنده اجرا و یا خود تا ایرتسی سنه نك عینی آیلرینه قدر تأخیر ایتمک ضروری ایدی.

سفرك همه حال اوسنه ظرفنده اجرا ایدلمسنى قرارگاه عمومی شدتله طلب ایدیوردی. بناء علیه سکزنجی قول اردو قوماندانیه ارکان حربیه رئیسک تکلیفاتى عیناً قبول ایدرک وسائط اجرائییه اعداد ایله حرکتی اجرا ایتمک قرار ویردم.

کانون اولک ثلث اخیری اثناسنده قوه سفریه نك رنجی قدمه سنی بئال سبع طرفلرند ه اجتماع ایتدیرمکه باشلام. کانون ثانی ابدالرنده جبل لبنانک زخله قصبه سنده تجمعی الکمال ایتمش اولان اونجی فرقه بی محلنده تفتیش ایتدکن و طوغریدن طوغرییه اردو قرارگاهنه مربوط اولان مذکور فرقه قوماندانه قدس و بئال سبع اوزرینه زمان

و صورت حرکتی حقهده ایجاب ایدن تعلیقاتی ویرد کدن صوکر کانون ثانی ابتدائنده اردو قرارگاهی قدسه نقل ایتدم .

اوصرده شریف امیر حسین پاشا ایله مخبره باشلامش و امیرک مخدوم لرندن بریسنی برقوه معاونه ایله حجاز فرقهسی قوماندانه ترفیق ایتمهسنی و حتی بالذات کندیسنگ قوماندانی درعهده ایدم رک اردویه التحاق ایتسنی رجا ایتشدم .

ایلك تلغرافه غایت نازکانه جواب ویرمش اولان شریف حسین مخدوم لرندن علی بیکی حجاز والدینی وهیب بک رفاقیله تحریک ایده جکنی بیلدیرمش ایدی .

فی الحقیقه شریف علی ، وهیب بک قوتیه مکدن حرکت ایتدی . فقط مدینهیه کلرکلز باباسندن آلدینی امر موجبجه مدینهدن ایلری وهیب بک رفاقت ایتیه جکنی سویله یه رک مدینهده قالمش و محافظ بصری پاشانک ایشنه مداخلیه باشلامش ایدی . تثبیت اولنان سفر پلانی موجبجه قوه سفریه نک برنجی قدمهسی کانون ثانیئک اون دردنچی کونی قناله متوجهاً حرکت ایتدی . اردو قرارگاهی دخی کانون ثانیئک اون بشنچی کونی بئراسبعی ترک ایدرک قسم کلی بی تعقیماً ایلروله مکک باشلادی .

پیشدارک بئراسبعدن حرکتندن اعتباراً تقریباً یکرمنجی کونک نهایتنده برنجی قدمه نک مرکز قولی قناله اون بر کیلومتر و مسافده کائن بر نقطهده کاملاً اجتماع ایتش و العریشدن اعتباراً قاطیه استقامتنه ایلروله مکده بولنان صاغ جناح قولی دها اول قنطره قارشوسنه و عقبه دن قلعه النخله کلمش اولان صول جناح قولی ده عینی زمانده سویش مواجهه سنه مواصلت ایتش بولنیورلردی . ایکنجی قدمه بی تشکیل ایدن اونجی فرقه نک ایلك قطعیان ایکنجی الحیرا نقطه سنه یتشمش ، مکدن مدینهیه قدر بورویه رک و اورادن معانه قدر شمندرله کلمش اولان وهیب بک قومانداسنده کی حجاز قوه سفریه سی ده قلعه النخله مواصلت ایتش ایدی .

بوبرنجی قنال سفرینی اجرا ایتش اولان عثمانلی قوتی تشکیل ایدن ضابطان و افرادک ابراز ایتدیکی مساعی وفدا کارلق جدأ هر دورلو تقدیرلره سزادر . بیک دورلو محرومیتلره قاتلانله رق طویلرینی و باخصوص قتالی مرور ایچون یکانه واسطه لری اولان کوپریچی قایق لری بالذات جر ایدرک اوچوز کیلو متره نک برقوم دریاسی ایچنده نقل ایتمه چالیشهرق ایلروله ین بوقهرمانلری کمال تعظیم ایله یاد ایتک بئم ایچون اک مقدس بروطفه در . عرب و تورک عنصرلرندن مرکب اولان اردوده الکرین برحس برادرانه حکم فرما اولیور و هرکس دیکرینک یوکنی تخفیف ایچون کندیسنی فدا ایتمکدن چکنمیوردی . عربلرک قسم کلیمک مقام خلافته قارشواک درین برحس مربوطیتله باغلی اولدقلرینه بوبرنجی قنال سفری اک علوی برمالدر . کاملاً عربلرندن ترکب ایدن یکریمی بشنچی فرقه ایله بوتون منزل تشکیلاتی وظیفه لری جدأ جانسپارانه

ایفا ایتدیلر . بو وحدت حس واملی آتیا دوچار تفرقه ایتیش اولان شریف حسین حقنده کی غیض و کینم هیچ برشیلله تسکین اولونه مایه جقدر .

تام مهتاب زمانه تصادف ایدن بوسفر ائناسنده یوروشلر عموماً کیجه وقتی اجرا ایدلش اولدیغندن قمرک صولغون ضاسیله نیم منور پایانسز چولک اورته سنده ایلری، دائماً ایلری آتیلغه چالیشان طاوورلرک آرمسندن یوکسه لن « آل بایراق قاهره اوزرنده یوکسلین ! » ترانه سی قلبی حزن ایله ممزوج برامیدظفرله دولدیر یوردی . باش قوماندانندن اڤسوک نفرینه قدر یالکیز آلتی یوزاللی غرام پکسماد و بر مقدار خورمالیله زیتوندن باشقه برشی یه مهن، ممکن اولدیغی قدر آرزو ایچمک ایچون جبر نفس ایدن بو اردو امین اولیکز که پک بویوک امیدلرله ایلروله یوردی . هر کسده قتالک مطلقاً کیجه جکی وقارشو ساحلده یرلشیله جکی وبو صرمده مصر وطنرورلرینکده اختلال ایدرک انکلیزلرک قتالده کی وسائط مدافعه سنک مکملیتی اعتباریله بو سفرك ظفرله نهایت بوله جغنه بن احتمال ویرمه مکله برابر بوتون قوه سفریه یه برایمان موفقیّت بخش ایتمک ایچون هر کیجه یول بویجه تصادف ایتدیکم قطعانه پک قریب اولان ظفردن، بوظفرك علوتندن بحث ایدیوردم .

نهایت قوه سفریه نك قوه اصلیه سیله صاغ وصول جناح قوتلری بالاده عرض ایتدیکم منطقه ده تجملعاری اکیال ایتدکدن سوکرا (۲۰ - ۲۱ کاون ثانی ۲ - ۳ شباط) کیجه سی مرکز قولیله اسماعیلیه یه بر باصقین تعرضی اجرا ایدلمسنه قرار ویردم : و صاغ جناح قوتی قطره یه ، صول جناح قوتی ده سویشه عینی زمانده برنمایش باصقینی اجرا ایده جکلردی .

کیجه قارا کلخی باصار باصار بوتون هجوم قوللری قتال اوزرنده کندیلرینه تخصیص اولنان مرور نقطه لرینه طوغری تقریه باشلادیلر و نهایت فجردن پک آرز زمان اول مرور حرکتیه ابتدار ایدلدی . بوتون امیدم انکلیزلری غافل اولایه رق هیچ اولمزرسه ایلک حمله ده بش آلتی بیک نفرلک بر قوتله اسماعیلیه نك جنوبنده کی قتال اقسامی آلدی ایتمکه و متعاقباً اوتجی فرقه یی ده امرار ایدرک اون ایکی بیک نفردن عبارت بر قوتله قتالک قارشو ساحلنده یرلشمکه و ممکن اولورسه اسماعیلیه یی آلدی ایدرک غربه ، شماله و جنوبه قارشو ساحلنده مدافعه موضعلری ایله شهر یی درت بش کون ایچون آلدی بولوندرمغه وبو مدت ظرفنده سکزنجی فرقه نك ایلری یوریشنی تسریع ایدرک اسماعیلیه کی قوتی اون کون ظرفنده یکریمی بیک وایلیسنه ابلاغ ایتمکه معطوف ایدی .

اوصرمده مصر وطنرورلری ده بو عثمانلی اردوسنک اسماعیلیه یی ضبط ایتیش اولمسندن جسارت آله رق عموماً اختلاله تشبث ایده جک اولورلرسه ایشته هیچ امید ایدلمهن بر زمانده اڤ ابتدائی وسائط وپک جزئی بر قوتله مصرک استخلاصی میسر اولمش اولوردی . اردو قرارگاهنک دشمن حقنده استحصال ایتدیک معلومات دشمنک

پالکز قنال بوینده اوتوؤش بیک نفرلک بر قوتی اولدیغنه و تکمیل مصرده لاقلا بوزاللی بیک نفرلک انکلز قوتلری بولوندیغنه دائر ایدیسهده ایکی بوز کیلو متره دن فضله بر طوله مالک اولان قنالک مدافعه سی ایچون هر نقطه ده بو قوتی بولوندرمق ممکن اولامایه جغندن اکر انکلزلرک هیچ امید ایتمه دکلری بر نقطه دن بر باصقین ایله قنالی مرور قابل اولورسه بلکه ده نتیجه ده الله ابدیله سیردی .

مع هذا بن بو حرکتی منحصرأ بر فکر نمایشه اجرا ایدیور و قنالده کندهیلرینی راحت بر اقایه جغمزی انکلزلره آکلا تمق و بناء علیه مصرده بویوک بر انکلز قولی تثبیت ایتمک امیدله یایوردم .

یوقسه الک بیوک سفائن جریبه دن طوتیکزده زرهلی تره نلره ، و هر نوع وسائط مدافعه یه مالک اولان انکلز اردوسی کی فعال و جسور بر اردو طرفندن مدافعه ایدیلان لاقلا یوز متره عرضنده کی درین بر قنالک بزمکی کی وسائط موجوده سی قنال اوکنده آنجق درت کون قدر قاله ییلمسنه مساعد اولان بو اون درت بیک تنفکی بر قاق جبل بطاریه سی و یالکز برتک ابوس بطاریه سندن مرکب بولان و قنالی کچمک ایچونده بش اون کورچی پونطونندن باشقه برشیء اولمایان بر اردو طرفندن جبرأ مرور وضبط ایدیله جکنی جدی بر ملاحظه ایله هیچ بروقت خاطر و خیاله کتیرمدم . حقیقت بومرگزده اولقه برابر کرک قرارگاهه و کرک قطعاً تمه او یله قناعتلر ویردمکه هیچ بر فرد بورنجی قنال سفرینک منحصرأ بر نمایشدن عبارت اولدیغنه دائر هیچ برشی حس ایتمه دی و هر کس اعظمی فدا کارلق ابرازنده بر دقیقه خالی قالمادی .

اگر بنجه منحصرأ شدید وجدی بر نمایشدن عبارت اولان بو حرکت خارق العاده بر طالع سایه سنده منتج موفقیت اولورسه بوئده اسلامک و عثمانی امپراطورلغنک خلاص قطعیمی ایچول بر فال خیر عد ایدنک متشکر قاله جغمز پک طیبی ایدی .

هجوم قولنک قناله تقرب حرکتی مع التأسف بر آز کجیکمش اولدیغندن پونطونلرک قناله تنزیله مروره تثبیت ایدلیکی زمان عادتاً فجر باشلامش و اجرا آنمز انکلزلرک کوزی اوکنده جریان ایتمشدی . در عقب مرور نقطه سنه طوغری سوق ایدیلان انکلز وسائط مدافعه سی اوچ دانه سی مستثنا اولق اوزره پونطونلریمزی کاملاً تخریب ایتدی و ایلک حمله ده قارشو ساحله کچیره بیلدیکمز آلتی بوز قهرمانی تقریه یه امکان بوله مادیمزدن اونلرده انکلزلر الینه اسیر دوشدیلر . بوسره ده انکلز زرهلیلری و معاون قروازورلری ، زرهلی تره نلری ایله قوه سفریه نک ضعیف طو یحیی آرهنده شدید بردوئللو باشلادی . اوکله یه طوغری ابوس بطاریه مزک آتشیله بر انکلز معاون قروازورینی تخریب ایتمشدک . اوصیره ده اونجی فرقه دخی ایکی آلا یله محاربه منطقه سنه داخل اولدیغندن بو قوتدن استفاده ایتمک اوزره اونده سکرنجی قول اردو قومانداننک امرینه ویرمشم .

آرتق نجه وضعيت تماميله تعين ايتش وقوه سفريه نك نمايش مقصندنه تماماً استحصال موفقيت ايتديكنه وفقط قتالي كچمك واسماعيليه ضبط ايتك امكاني قطعياً موجود اولماديغنه قناعت حاصل ايتشدم . اردو قرارگاهي قتالك اوچ يچق كيلومتره شرقنده بر قوم تپه سي اوزرنده بولتيور وبوتون بحاربه قرارگاهك كوزي اوكنده جريان ايديوردى . طيارلر واسطه سيله قرارگاهك موقعي تخمين ايتش اولان دشمن ، حرب سنفائنك ۲۴ سانتيمترلك مرميلرندن برچوقلرني قرارگاه هديه ايتمكدن كرى قالماشدى .

نهایت اوكلدن صوركا ساعت اوچه طوغرى آوجي خطندن يعني قتالك شرق ساحلندن آنجق يدي سكزيوز متره مسافده بولان سكزنجى قول اردو قومانداني جمال پاشا ايله اركان حربه رئيسي فون قرمس بكي زديمه دعوت ايتدم . بنم اركان حربه رئيسم ايله حرركات حربه شعبه سي رئيسي بيكباشي علي فوآدبك دخي برابرده ايديلر . داه اول سكزنجى قول اردو قوماندانندن آلدیغم بر راپورده بوكون آفشامه طوغرى طوبچيمزله آتش تفوقی استحصال ممكن اولورسه يارين علي الصباح بر هجوم جبري ايله قتالي كچمكه تشبث ايتك نيتنده اولديغني بيلدير ميوردى .

بوراپورى اساس اتخاد ايدرك قول اردو اركان حربه رئيسي صفتيله وضعيتي نه صورته محاكمه ايتديكني فون قرمس بكدن صوردم . عموميتله وضعيتمزي ايضاح ايدرك اولجه قول اردو قوماندانندن آلدیغم راپورده تكليف اولنان فكري تكرر ايتدى . جمال پاشاده عيني مطالعه ده بولندي . « قتالي مرور ايچون بردها تشبثده بولنق وسائط مروريه نك وجودينه متوقفدر . حالوكه شيمدي به قدر بكا كوندرديك كچك مختلف راپورلرله نظراً پونطونلر مزدن آنجق اوچ دانه سي قالمش ، يوزه رك قتالي كچمك تشبثي غير ممكن . احوالده بوفكر كزي نصل تطبيق ايدميه جكز ؟ » ديدم . كرك جمال پاشا وركرك فون قرمس افاده مك طوغريلغني تصديق ايله برابر قوه سفريه نك عودت ايتمه سي لزومي ، تكليفه جيسارت ايدميورلردى . قتال سفريه يي ايكي يچق آيدنبري حمالي بر مساعي ايله احضار ايتش ، بومدت ظرفنده هيچ بركون بيله اك اوافاق راستراحت ايتمكي دوشونمه مش وبوسفري كنديسي ايچون عادتا برايدال اتخاد ايتش اولان فون قرمسك بوكونكي عدم موفقيت قارشوسنده عادتا بيوك بر ياش وتورده دوشديكي واولومى يكانه مدار خلاص تلقى ايتديكي كوزوليوردى . ديدى كه : « فقط ، پاشا حضرتلري ، بن ظن ايديورمكه قوه سفريه نك بوكونكي وظيفه سي كاملاً قتال اوكنده اولمكدن عبارتدر . »

اونك اوزرينه غايت ساكن برطور آلهرق جواب ويردم . « اولاشوراسي نوزلجه آكلاشيلسين ، كه بن سزلى بر حرب مجلسي تشكيل واتخاد ايدمكه قرارك

مسئولیتارینه تشریک ایتمک فکریله جلب ایتهمدم. اردو قوماندانی صفیه امرایده جکم حرکتک بوتون مسئولیتلرینی کندیمدن باشقه کیمسه ک تحمل ایتسنه مساعد ایدهم. سزی دعوت ایتمکدن مقصدم برنجی خطده بولان قطعاتک احوال عمومیه سنی ووسائط موجوده ک درجه قابلیت آ کلامق ایدی. ویردیکیز ایضاحات ایله ا کلامک آرتق برشی یایمق امکانی قالمامشدر. دها برکون قتال اوکنده قالمق حقیقه قوه سفریه ک کاملاً محو اولسنی انتاج ایدم جکدر. بوقوه سفریه حکومت عثمانیه ک سوریه و فلسطینی عندالاقضا مدافعه ایچون تخصیص ایدم یله جکی قوتلرک مقدار اعظمی سنی تشکیل ایدر. بوقوتی هر درلو تهلمکدن وقایه ایتمک واونک قدرتدن حربک صوکنه قدر اعظمی استفاده لر تأمیننه چالیشمق نم ایچون دهایوک بروطیه در. بناء علیه بوکون آقشامه قدر موقعلریمزی محافظه ایدم رک دشمنله طویجی دوللوسنه دوام ایتمک وقار اقلق باصار باصار قطعاتی دون آقشام ترک ایتدکری اردوکاه موقعلرینه قدر کری چکمک واورادن صوکر ایواش یواش برالسبعه قدر عودت ایتمک بنجه مرجحدر. فون فرانقه نبرغ ک شیمدی بواساس داخلنده اردو امرینی یازیکیز! دیدم. اتخاذ ایتدیکم قراک منطوق وایجابات حاله درجه مطابقتی تقدیر ایدم جمال پاشا ایله فون قرمس وفون فرانقه نبرغ تمامیه مطمئن لیدیلر.

تام اوصرده کویا اردو مدیرانک مهم برشی مذاکره ایتمکده اولدوقلرینی آ کلامش کبی دشمن کوچوچک غروپمیزک اوکنه، آرقه سنه، صاغنه، صولنه مرملرینی دوشورمه ک باشلادی. سزی تبدیل موضعه مجبور ایتدی. نهایت علی فوآد بکک علی العجله قلمه آلدینی امری امضا ایتدم و جمال پاشا ایله فون قرمس بکینه برنجی خطه کیتیدیلر. بزده آقشامه قدر اردو قراکاهنده انتظار ایتدک.

عدم موفقیتک قطعات اوزرنده پک فنا برسوه تأثیر حاصل ایتهمسنی تأمین ایچون بعض تدابیره مراجعت ایتمک الزم ایدی. اونک اوزرینه براردو امری نشر ایدرک بالعموم قطعاتک وظیفه لرینی پک ناموسکارانه وحمیتپورانه ایفا ایتمش اولدقلرینی وبو دفعه کی حرکتز ایله مقصد قتال علیه برکشف تعرضی اجرا ایتمک و دشمنک وسائط موجوده سنک ماهیتی وبو وسائطه قارش قنالی جدأ ضبط ایدم بیلیمک ایچون بزم نه کی وسائطه مالک اولماز ایجاب ایدم جکنی آ کلامقدن عبارت اولدیغی و بو مقصدی تمامیه استحصال ایتدیکمزی و بناء علیه آرتق بیهوده تلفات ویرمکدن ایسه وسائط مکمله تدارک ایتمک اوزره معمورهیه دونمک اولا اولدیغی و بو حاله کوره عزیمت اثناسنده ابراز اولنان فداکارلغک عودت اثناسنده دخی عیناً کوسترله رک مالزمه مزدن اک اهمیت سزینک بیه ضیاعنه میدان ویرمه مک مقتضای ناموس اولدیغی بیان ایتدم.

۱۵ کانون ثانی - ۹۱۵ ده - قناله متوجهاً برالسبعی ترک ایتمش اولان اردوکاه

نام بر آي صو كرا ۱۵ - شباط - ۱۹۱۵ ده بتكرار بئالسيه عودت ايتشدی .
 قنال ايله بئالسيه تقريباً مساوی مسافه ده بولنان اين نقطه سندن قناله قدر هيچ
 برمنزله هنوز تلغراف خطی تمديد ايديله مش اولديغندن قرارگاه عمومی برهفته مدتله
 بندن هيچ بر خبر آلاماش و پك زياده مراق ايچنده قالمشدي . و مع التأسف بر
 مناسب تسرك و يردیكي بريالان حوادی صحیح ظن ايدن و چول داخنده تلغراف
 خطوطی تأسيس ايله مشغول اولان اردو تلغراف مديرينك بلا لزوم تلاش واستعجالی
 نتیجه سی اوله رق اسماعيلیه نك ضبط ايدلیکی حوادی تا استانبوله قدر انتقال ایتش
 اولديغندن متعاقباً واصل اولار عكس حوادثك پك فنا تأثير حصوله كتيرديکی
 اكلامشدم . مع هذا مقصد اصلينك كشف تعرضیدن عبارت اولديغنه وسائره دائر
 اردو قرارگاهنك هر طرفه كوندردیكي تعميم ازاله تأثراته خیلی يارديم ايتشدی .

حقیقی سوبله مك لازم كليرسه بو برنجی قنال سفرینی اجرا ايتديكمز زمان هيچ
 كيمسه قنالک نه صورته مروری قابل اوله جغنی بيلمیوردی . بويله بر كشف تعرضیه
 جداً محتاج ايدك . همه حال هجوم جبری ايله كچلمسی ضروری اولان قنالی مرورايچون
 نه كي وسائط ایستر ؟ دشمن سفائن حربه سنك كوزی او كنده بو مرور حرکتی
 قابل اجرا میدر ؟ هيچ اولمزسه شرق ساحلنده قوتله يرلشوب اوزون منزلی طوپرله
 قنالنن قلیه و تجار سفائنك مروری منع ایتك ممكن اولمازی ؟ بزم ايچون اك نافع
 بر صورتده اختيار اولونه حق پلان بو دكلیدر ؟

ایشته بو مختلف سؤالره جواب ویره بيلمك ايچون بو كشف تعرضی جداً
 ضروری ایدی . و بو سایه ده هم احوال لایقيله اكلاشلدی همده انكليزلر چناق
 قلعه تعرضی بزم بو تشبهنك نتایجنه انتظاراً تأخير ايتديلر و بوندن بشقه ده هيچ بر
 زمان ايكیوز الی بيك نفردن آز قوت بولوندير مامغه مجبور اولديلر . بو مطالعات
 تماماً اظهار ایدر كه برنجی قنال سفری كندیسندن منتظر اولان مقاصدی تماماً تأمین
 ایتش و بناء عليه صرف اولنان امكار بوشنه كیتمه مشدر . قنال او كندن كری چكیلير كن
 اردو قرارگاهنده حرکات شعبه سی مدیری بيكباشی علی فوآد بكه اصل قنال سفرينك
 اجراسی ايچون نه كي قوتلر ونه جنس طوپچی مالزمه سييله سائر مالزمه فييه محتاج
 اولديغمز ده دائر بر ديره كتيف ویردم و بو اساس داخنده بر مفصل راپور حاضر لامسني
 امر ایتدم . قطعاتك آرقه سنی آلق فكريله اين نقطه سنده اقامت ايتديكم درت بش كون
 ظرفنده علی فوآد بك لایحه سنی اتمام ايتدی . ارکان حربه رئيسيه برلكده بردها
 تدقیق ایدرك مطابق قالدقن صو كرا بكا توديع ايتديلر . اوافق تفك تعديلات ايله تصدیق
 ايتديكم بولا يچه بی شيمدی ياننده اولمادیني ايچون بورايه درج ایدمه ديكمدن طولاي
 نه قدر متأثرم . اكر اونی درج ایدمه بيلمش اولسه يدم بو كشف تعرضیدن نه مهم

استفاده لر ایتش اولدیغمیزی انکلیز ارکان حربیه سی پک کوزل آکلار وقهرمان اسیرلریمزی قاهره سوقاقلرنده تشهیر ایتک ونشر ایتدیکی راپورده رسمی برلسانه یاقیشایه جق الفاظ عامیانه ایله اردوئی تزییفه قالقشعق کبی بیاغیلقلرده بولندیفی ایچون بلکه حیا ایدردی ، فقط انشالله استانبوله عودت ایدرسم اثریمک بوتون بونقصانلرینی اتمامه جالیشه جغم .

برنجی قنال سفری اثناسنده کی ضایعاتمز بروجه آتیدر :

ضابطان : ۱۴ شهید ، ۱۵ یارملی ، ۱۵ غائب

افراد : ۱۷۴ شهید ، ۳۶۶ یارملی ، ۷۱۲ غائب

انکلیزلر رسمی راپورلرنده بزم ضایعاتمز بروجه آنی کوستریورلر :

۱۰۰۰ شهید ، ۲۰۰۰ یارملی ، ۱۵۰ اسیر

حقیقی ضایعاتمزله انکلیزلرک ادعالری قارشولاشدیریلنجه انکلیز راپورینک واقعه عدم مطابقتی تظاهر ایدر .

چول قوماندانلی

قنالدن عودت ایدرکن بوندن صوکر چولده نهلریایلق لازم کله جکنی تمامیه تشیت ایتش اولدیغم کی چولک نه صورتله اشغالی ایجاب ایده جکنی ده دوشونمشدیم . وقطعی قنال سفری ایچون چولده یاییله جق ایشلر منحصر آ منزل تشکیلاتندن عبارت ایدی . منزل نقطه لرند کی تشکیلات نه قدر مکمل اولورسه اولسون اره لرند امنیتلی طرق اتصالیه اولمادقجه بوتشکیلاتک ادامه سنه و قنال اوکند مههم بر اردونک اوزون مدت توقف ایتسنه امکان بولونامایه جغندن بئرانسبعدن اعتباراً اسماعلییه طوغری چول داخلنده هر نوع عربه و اوتوموبیللرک مرورینه مساعد و منزل نقطه لرینی یکدیگرینه ربط ایدر برشوسه انشایی وبوشوسه یه موازی وینه عینی استقامتده برده شمندوفر ایشندن باشقه هر منزل نقطه سنده صوقویولری حفرایتک ، خسته خانه ، آنباروساثره کی منزل مبانیسی انشا ایتک ایجاب ایدردی . ایشته بوتون بوانشآت ایچون قرق الی بیك عمله نک چولده استخدامی ضروری ایدی . فقط اگر بو عمله پوسته لری مدافعه سز بیراقیله جق اولورسه سیار وجسور انکلیز سواری وهیمنلی مفرزه لری طرفندن هر زمان راحتسز ایدیله جکلری شهه سز اولدیغندن چولی پک امین بر صورتده قوتله اشغال ایتک مقتضی ایدی . احوالده چولک محتلف نقطه لرند اقامه ایدیله جک اولان بو مفرزه لره قوماندانلر ایتک ، وطوغریدن طوغرییه اردو قرارگاهنه مربوط اولوق اوزره برچول قوماندانلی احداثی لزومه قرار ویردم وبوقوماندانلی فون قره س بکه تکلیف ایتدم .

قنال سفرنی کندیسی ایچون براید آل اتخاژ وچولک مشکلاتیه مجادله ایتیمی الیوک مدار تسلی تلقی ایتیش اولان فون قرمس تکلیفی بلاردرد قبول ایتدی. بوسورتله چولده یکدیگرینه غیر مربوط ایکی تشکیلات وجوده کتیرلدی که بریسی منحصرأ منزل مؤسسانک و طرق اتصالیه نک انشاسنه مأمور چول منزل مفتشدکی و دیگر بری بوانشا آتی دشمن تجاوزاتندن وقاییه وآره صره قناله قدر کشف قوللری کوندر مرک دشمنک تشبثاتندن متدایاً خبرلر استحصاله مأمور چول قوماندانلی ایدی. چول قوماندانلغک مرکزی شمذیلک اینده بولونه جق و باشلوجه مفرز لر این، العریش و قلعه النخل نقطه لرینه اقامه اولنه جقدی. چول منزل مفتشدکی قرار کا هی ده بئرالسبعده بولنه جقدی. بو ترتیبته عائد اوامر و تعلیماتی ده عائد اولان ذواته اعطا ایتدکن صو کرا بئرالسبعه واورادن قدسه عودت ایتدم. اوچ درت کون صو کره یکر می بشنبجی فرقه ایله اونجی فرقه بئرالسبعده اجتماع ایتیش اولدیغندن قطعاًتمک هیچ بر فلا کته اوغرامق سزین چولی مرور و قناله قدر عزیمت و بر محاربه ویردکن صو کرا ینه سالمأ بئرالسبعه عودت ایتیش اولدق لری اثبات ایچون قدس اشرافندن برچوقلرینی بئرالسبعه دعوت ایتدیکم کی قدسده بولنان متفق و بی طرف دولتر قونسولوسلرینی ده دعوت ایدرک اولنرک مواجهه سنده قطعاته بر رسم کچید اجزا ایتدیردم. اوزمان هنوز حربه داخل اولماش بولنان ایتالیا قونسولوسینی ده موجود بولنیوردی.

کمال افتخار له سویله یه بیلیرم که عمومیتله ایکی آی دوام ایدن بوبرنجی قنال سفرندن عودت ایتیش اولان قطعات چولده هیچ بردوکوتی ویرمه مشدی. قنال اوکنده کی محاربه ده شهید اولانلر له قنالی مرور ایدرک دشمن اله اسیر دوشنلردن ماعدا هیچ بر نفر کیده قلامش و صوسزلقدن، آچلقدن مضطرب اولان هیچ بر فرد کورولمه مشدر. منزل قوللری وظیفه لرینی اوقدر جدیتله ایفا ایتمشلردر که هیچ بر منزل قولنک نقطه مطلوبیه معین حرکت جدولنده ارائه اولنان ساعتدن صو کرا داخل اولدینی کورولمه مشدر. الک مهمی شودر که کافه سی سوریه لی، فلسطینلی عرب افرادندن مرکب اولان بومنز قوللری افرادندن هان هیچ برینک فرار ایتدیک و یا خود براخته تصدی ایلدیک و اقع اولما مشدر.

چولده قوماندا و منزل ایشلرینی بالاده عرض ایتدیکم طرزده تنظیم کی پک طولانی اولان اردو منطقه سنده امر و قوماندا امورینی بروجه آتی تثبیت ایتیش ایدم: قدس و عکا سنجاقلرینی احتوا ایدن فلسطین منطقه سنده « قدس منطقه سی

قوماندانلغی « نامی ویره رک بو قوماندانلغه سکنزنجی قول اردو قوماندانی جمال پاشانی تعیین ایتدم .

غزه و بئر السبع قضالری بونقطه دن خارج بولونه جق و چول منزل مفتش لکنه تابع ارله جقلردی . بیروت و لایتک اقسام وسطیه و شالیه سیله سوریه ، حلب و اطنه و لایتلرینک تشکیل ایتدیکی منطقه ده کی قطعات عسکریه قوماندانلغی « دردنجی اردو قوماندان و کیلی « عنوانیه اون اوچنجی قول اردو قوماندانی فخری پاشایه تودیع ایتدم . واردو قرارگاهی قدسده تأسیس ایدرک منحصر آ ایکنجی قنال سفری استحضار ایتله اشتغاله قرار ویردم .

سکنزنجی و اونجی فرقه لر طوغریدن طوغریه اردویه مربوط بولنیورلردی . ایشته ۱۹۱۵ سنه سی شباطی نهایتلرنده دردنجی اردونک وضعیت عمومیه سی بویه ایدی . ایکنجی قنال سفری ایچون محتاج اولدیغیز قطعات اصلیه و معاونه ایله هر نوع مالزیه و مهماتک جنس و مقدارینه دائر تنظیم ایتدیکم مفصل لایحه یی اردو ارکان حربیه رئیس فون فرائقه ن برغ بکه تودیع ایدرک استانبوله کوندردم . عثمانی قرارگاه عمومیه سی لایحه یی عیناً قبول ایتمش و فقط بومهم تثبیت ایچون برچوق آلمان طوپنجی قطعاتیله قطعات فنیه سی طلب ایتمکده اولدیغمدن آلمان قرارگاه عمومیه سی بو ایشه لایق اولدی ایهیتی عطف ایتمده دی و ناحق یره پک چوق زمان ضیاعنه میدان ویردی .

اردو قرارگاهی قدسده تأسیس ایتدکن صوکرالک مهم اشتغالاتم امیر مکه شریف حسین پاشا ایله ابن الرشید و ابن السعود کی امرای عربی بو حرب اثناسنده خلیفه اردولرینه اعظمی معاونت ابراز ایتمکه تشویق ایتک نقطه سنه معطوف ایدی . هر بریسی ایله مخبریه کیریشدم . بو مخبراتم اثناسنده بالخاصه شریف حسین پاشادن آلدیغم مکتوبلری نشر ایتدیکم زمان بو ذاتک نه قدر ایکی یوزلی اولدینی بوتون جهان اسلامیت نظرند تظاهر ایده جکدر . امیر ابن السعود کرچه طوغریدن طوغریه معاونتده بولنمادی . چونکه انکلز لره پک یقین اولدیغمدن اوکا عظیم قناللری دوقونه بیلیردی . فقط اردویه دوه کوندرمک و باخصوص اورالر کلن انکلز قوماندانلرینک سوریه یه اخراجته مساعد ایتک کی پک قیمتی مظاهر تکر ابراز ایتدی . امیر ابن الرشید ایسه سفرك تا نهایتنه قدر مقام خلافته قویاً مربوط ناموسکار بر مسلمان اولدیقنی اثبات ایتدی . شریف حسینک پادقلمی ایسه بالاخره حکایه ایده جکم .

اوصرده بنغازی یه کچمک اوزره استانبوله کلمش اولان نور پاشانک قاردشی نوری بکی بیروندن برقاچاقچی قایینی ایله محل مقصودینه کوندردم . بورایه شونی ده علاوه ایتک ایسترم که وهیب پک قومانداسیله مکه دن کتیرتمش

اولدیغم قوت تا سوبش یقینه ایلروله مش ایدی . عمومیتله عودته قرار ویردیکم زمان بو مفرزه یی دخی بتکرار معانه قدر کری چکدم ؛ و وهیب بک اوصرده ایکنجی اردو قوماندانلی ایله استانبوله کیتمش اولدیغندن مفرزه سنی قائم مقام نجیب بک قومانداسیله یینه مکّه به اعاده ایتمش ایدم . بونی سویله مکدن مقصدم شریف حسینک اختلالی اوراده کی قوتی بلالزوم آلمش اولدیغمه حمل ایتدکلرینی ایشتدیکم بعض بوش قافالیره جواب ویرمکدن عبارتدر .

اوصرده متفقین دو تناسی چناق قلعه یی جبراً مروره تشب ایتمش بر چوق ضایعات ایله پوسکور تلمشدی . اوزمان انور پاشایه یازدیغم بر تلغرافنامه ده دشمن دو تناسنک چناق قلعه یی مرور ایتسنه قطعاً امکان اولمادیقی حقنده کی قناعتمی ایضاح ایتشدم . بو قناعتمی ظن ایدرسه م طلعت بکده یازمشدم . بو اشعار اتدن مقصدم ارقداش لریمک قناعتلرینی تقویه ایدرک اونلرک قوه معنویه لرینی تقویه فکرینه مبتنی ایدی . اوصرده امین ایدم که استانبوله هر کس دشمن دو تناسنک افشامه صباحه سرای برونه مواصلت ایده جکی قناعتنده بولنیوردی . بلکه بو قناعت ارقداش لریمکده ایمان و قناعتلرینی ترلزله کتیره ییلردی . بونک حاصل ایده جکی مضرت هر دورلو تخمینک فوقنده اولدیغندن وضعیت عمومیه یی خارجدن کورن و محاکمه ایدن بر ارقداش صفتیه کندیلرینه بو قناعتلریمی یازمشدم و انور پاشا بالاخره بکا دیمشدی که بو اشعار اتمک کندی قناعتلرینه توافق ایتسه سی اعتباریله معنا حسن تأثیری اولمشدی .

دشمنک بویجری تعرضدن صوکر ا برده قره یه عسکر اخراجی صورتیه چناق قلعه یه شدید بر تجاوزده بولونمسی احتمالی موجود اولدیغندن استانبول حوارینده کافی درجه ده پیاده قوتی اجتماع ایتدیرمه لزوم کوردیکنی و بناء علیه سکزنجی و اوونجی فرقه لرک استانبوله کوندرلمسنی انور پاشا رجا ایتشدی . در عقب نقطه نظری قبول ایدرک بو ایکی فرقه یی کری کوندردم .

متعاقباً دشمن کلیولی شبه جزیره سنه عسکر اخراج ایدر ایتمز انور پاشا یکریمی بشنجی فرقه لک دخی استانبوله کوندرلمسنی ایسته دی . اونی ده کوندردم . اون اوونجی قول اردونک فرقه لرندن برینی بغداده و دیگرینی ده بتلیس طرفلرینه کوندرمک کلکی طلب ایتدی . بو طلی ده اجرا ایتدم . اردو منطقه سی داخلنده نه قدر سریع آتشلی طوب بطریقه سی و ماکنه لی تفنک موجود ایسه کافه سنک چناق قلعه یه کوندرلمسی امرینی ده ایضا ایتدم . و نهایت اویله بر حاله کدمکه بوتون اردو داخلنده اطنه حلب سوریه ، لبنان ، فلسطین منطقه لرینه علی العموم چوله موجود بولنان قطعات اون ایکی طابوره انحصار ایتدی و بوتون اردو و منطقه سنده نه برتک سریع آتشلی بطاریه ونده برتک ماکنه لی تفنک بولوکی قالمادی . بوراده ایکی طابور ، افرادی کاملاً

سوريه لی و فلسطينی عربلردن عبارت بولونیور و تورک قطعہ سی اوله رق شامده بولنان کوکلی مولوی طابوری ایله اردو قرارگاهی ایچون دوبریجه کوکلیلردن تشکیل ایتدیکم بریاده بلوکندن بشقه هیچ برشی بولونیوردی .

عربلرک اختلال ایتیه جکری و ناسک اکثریتک خائله یوز ویرمه یه جکری حقندکی قاعتمک درجه متاتنه بوندن دها بویوک بر دلیل ایسته منظرن ایدرم .

بوندن صورکا ۱۹۱۵ سنه سی نهایتنه قدر جریان ایدن اک مهم حادثات عسکریه ارمیلرک توسل ایتدکری زیتون واورفه اختلالرینک منتظم قوه عسکریه سوقی وعلی الاصول تأدیندن عبارتدی . ۱۹۱۵ سنه سنه علی العموم اعمارات و تحکیمات سنه سی نامی ویرسه سزادر . آتیا ایضاح ایدم جکم وجهله کرک چوله و کرک مملکت داخلنده پک چوق یوللر و شمندوفرلر انشا اولونمش وچول منزل نقطه لری هر نوع تأسیساته مالک اوله رق میدان چیمشلدی . بوندن بشقه هر درلو احتمالاته قارشی مرسین ، طوپراق قلعه ، درت یول ، اسکندرون سواخلنده تحکیمات اجراولندی کبی طرابلس شام ، بیروت ، حیفایا فیه قارشی پایله بیهلجک بر دشمن اخراج حرکتنه قارشو لبنان داخلنده و قارمل جبالیه کریرلنده وعلی العموم فلسطین داخلنده درت بش خطدن عبارت تحکیمات وجوده کتیرلشدی .

بالطبع استانبوله کوندرلمش اولان فرقه لرک رینه سوریه و فلسطین ، حلب واطنه داخلنده برطاقم یکی فرقه لر تشکیل اولنمش واونلرک تعلیم و تربیه لری ده اردونک باشلوجه اشتغالاتی صره سنه کچمشدی .

۱۹۱۵ سنه سی اغستوسنده عراق حرکات عسکریه سنک علیهمزه جریان ایتکده اولدیغی نظر دقته آلان انور پاشا اورانک اداره ملکیه و عسکریه سنی درعهده ایتکلمکی بندن رجا ایتشدی . اوصرده سوریه و فلسطین داخلنده عرب اختلالجیلرینک تشبثات خفیه سی میدان چیمش و سوریه فلسطین اموری پک زیاده تراکت کسب ایتمش اولدیغندن بوراسنی ترک ایدرسهم بوراده دها بیوک فناقلر ظهور ایتیمی احتمالی اولدیغی ومع هذا بونقطه نظریمی قبول ایتزسه بغداده حرکتنه حاضر اولدیغی جواباً بیلدیردم . مطالعاتی تصویب ایدن انور پاشا خطه عراقیه عموم قوماندانلغی مشیر غولس پاشایه تکلیف ایتدی و مشارالیه طرفندن قبول ایدلسی اوزرینه کندیسنی اورایه کوندردی .

بالاده عرض ایتدیکم وجهله [۱۹۱۵] سنه سی علی العموم ایکنجی قنال سفری استحضاراتیه کچمشدی . مع هذا اردونک صرف ایتدیکی مساعی نسبتده المان قرارگاه عمومیسنک بوسفره عائد استحضاراته پکده اهمیت عطف ایتهدیکنی حس ایتدیکمدن بوخصوصده انور پاشانک لایقی وجهله نظر دقتی جلب ایتک ایچون

تشرین ثانی ظرفنده استانبوله قدر برسیاحت اجرا ایتدم وایکی هفته قدر استانبوله قالدقن صوکر ا تکرار شامه دوندم . بوسیاحتمدن پکده بیوک برنتیجه استحصال ایدمه مشدم .

انکلیزلرله فرانسزلر چناق قلعه یی تخلیه ایدرک کری چکدکدنصوکر ا آرتق استانبوله سربست قالمش اولان انورپاشای چوله یایدیغم استحضاراتی برآی العین کورمک اوزره سوریه یه دعوت ایتدم . مشارالیه ۱۹۱۶ شباطی اثناسنده سوریه و فلسطین ایله سینا چولنده اوزون برسیاحت انکشافیه اجرا ایتدی و متعاقباً کندیسیله برابر مدینه منورمینی زیارت ایتدک . بوسیاحتمز اثناسنده اوزمانلر اردو قرارگاهنده بولنان شریف فیصلده بزه رفاقت ایتشدی .

انورپاشا چول منزل تأسیساتندن فوق العاده ممنون اولمشدی . هر نه قدر قتالی کچهرک انکلیزلری مصردن طرد ایتک ممکن اولسه بیله قتالک شرق ساحلنده قوتله یرلشمک و اوزون منزلی ضویرلر تعبیه ایدرک قالدن سفائن تجاریه نک مرور و عبورینی منع ایتک قابل اوله جغه برلکده قرار ویردک .

او تاریخلرده بنم اک بویوک املم شریف حسینک پک آشکار بر صورتده کورونم تمایلات اختلالکارانه سنک کسب قطیعت ایتمه سنه چالیشمقدن و شریفی مخدوملرندن بری قومانداسیله فلسطینه بر قوه معاونه کوندرمکه اقناع ایتکدن عبارت ایدی . بواساسلر اوزرنده شریف فیصل ایله متمادی مذاکره بولنیور و بر طرفندنده شریف حسین ایله نازکانه مخبره لر ایدیوردم . آتیا عرب اختلالنک مبحث مخصوصنده حکایه ایده جکم وجهله بو اوزوجی مساعیدن هیچ برنمره استحصال ایدمه دم و نهایت ۱۹۱۶ سنه سی حزرانک ایکنجی کونی شریف حسینک اختلالی قارشوسنده قالدیم . بو اختلال قتال سقرینه اساسلی برضربه ایندیرمشدی .

دها برنجی قتال سقرینک فردای اجرا سنده ۱۹۱۵ سنه سی مایسی اثناسنده « مانچستر غورادیان » غزنه سنده بر مقاله اوقومشدم . بو مقاله ده دنیلوردی که : شرقی بحر سفید اردولری باش قوماندانی مصرده پک بیوک برسوق الجیش خطاسی ارتکاب ایدیور . بو خطا ، مصری مدافعه ایتک ایچون سویش قتالی برصولی خندک کی تلقی ایتک و انکلیز قوای مدافعه سنی بو خندک کریسنده بولوندرمقدر . حالبوکه بزم ایچون مدافعه اولونه جق شی مصر دکل سویش قتالیدر مصرک بزه اهمیت سویش قتالنه غربدن وقوع بولاجق بر تجاوزی منع ایده جک برخط وسیعه اولمسنده در مصرک وضعیتی قتاله نظر آ شو صورتله تعین ایتدکدن صوکره قتالی شرقدن وقوع بوله جق بر تعرضه قارشو مدافعه ایچونده سینا شبه جزیره سنه و حتی فلسطینه اولان احتیاجمز تظاهر ایدر . بزم قوماندانلریمز و رؤسای اداره مز شمعی یه قدر

تورکری غایت عاجز و مصر اوزرینه تجاوزه غیر مقتدر عدایدیورلردی . فقط بو قناعتلرینک نه قدر یاکلاش اولدیغی و کچن کانون ثانی اثناسنده اون بش یکر می بیك نفرلک برتورک قوتنک اوچیوزاللی کیلومتره طولنده کی سینا چولنی بیوک بر انتظام ایله قطع ایدرک قنال اوکنه کلمش وحتی پک ابتدائ و سائط ایله آلتی یوز نفری قنالک بری طرفنه کچیرمش اولمسیله ثبوت بولمشر .

تورککریک شیمدی بزه خبر ویریلن حامی استحضاراتی برایکی سنه یه قدر پک مهم ثمرلر ویره بیله جکندن اوزمان تورکریک شیمدیکی آلتی یوز نفر یرینه بلکه اون بیك حتی یکر می بیك نفرلک بر قوتی بر هجوم جبری ایله قنالک غرب ساحلنه کچیرمک اوراده قوتله یرلشمکه موفق اوله بیلورلر سه بزم قناله موصلاتمن اوزمان نه حاله کلمش اولور ؟

حتی تورکریک قنالک غرب ساحلنه کچمکه موفق اوله مسهلر بیله شرق ساحلنده قوتله یرلشهرک اوزون منزلی طویلر تعبیه ایدرک قنسال موارداتی منع ایده بیلرلرکه بونک تولید ایده جکی عظیم محاذیری عجبا بزم قوماندانلری بزم نهدن کورمک ایسته میورلر؟ بناء علیه بز قنالک شرقه قارشو مدافعه سی ایچون مصر داخلنده قاله یی پک زیاده محذورلی تلقی ایدیور و بهمه حال و سائط مدافعه مرکز سینا شبه جزیره سنه نقل ایدلمسی الزم عدایلورز . بومقاله بنی صوک درجه لرده ایقاز ایتمش و بوتون ۱۹۱۵ سنه سی طرفنده فلسطینک دکزدن بر تجاوزه معروض قالمی احتمالنه قارشو (ده بارکانه) اک زیاده مساعد مواضعک تحکیما بیله اشتغالنه سبب اولمشر .

بن پک اعلا حساب ایدیوردمک انکلیزلر فلسطین علیه قردن بر حرکت تجاوزیه اجراسنه تشبث ایده بیلیمک ایچون بز نصل فلسطین ایله قنال آرسنده منزل تأسیساتی یاغنه مجبور ایسه ک اونلرده قنال ایله فلسطین آرسنده عینی تأسیساتی وجوده کتیرمکه و قنالی شمندوفرله فلسطینه ربط ایتمکه مجبور ایدیلر . بوتون ۱۹۱۵ سنه سی طرفنده قنالک شرق ساحلنه هیچ برانکلیز قطعه سی کچمه مشدی . آره صره سیار هجین سوار مفرز لری قناله الی آلتش کیلومتره مسافده کائن تقاطعه قدر کلور و فقط بر قاچ کون صوکر ا بتکرار قنالک قارشو ساحلنه کچورددی .

قنطره و اسماعیلیه نک قارشوشونده و قنالک شرق ساحلنده اک اول کوریلان انکلیز کوپری باشی تحکیقاتی ۱۹۱۶ سنه سی کانون ثانیسی نهایتنده کورولمش ایدیکه شریف حسینک اختلال ایدم جکنه دائر انکلیزلره یازدیغی صوک مکتوبک تاریخیه توافق ایتمکده در . بوندن پک اعلا استدلال اولونه بیلرکه انکلیزلر شریف حسینک اختلالندن تماماً امین اولمادقجه قنالک شرق ساحلنه کچمکه و دها طوغریسی فلسطین علیه بر حرکت استیلاجویانه اجراسنه قرار ویرمه مش لردی . اونلر پک اعلا امین ایدیلرکه

شریفك اختلالی بزی خطه حجازیه ده بعض تدابیر تحفظیه اتخاذینه مجبور ایده جك و سوریه و فلسطینه تخصیص اولنان قوتلریمك طاغیدلسنی موجب اوله جقدی . بوندن باشقه شریف حسین یدیه عربانه یاپه جقلری نقدی معاونتله عربانك بزم علیه مزه قیامی تأمین ایده جك و بوده بزم بالکلیه ضعفمزی انتاج ایله یه جكدی .

۱۹۱۶ سنه سی نیساننك برنجی کونی ۳۰۰ نومرولی آلمان طیاره بلوکی ایلك فعلی معاونت اولق اوزره بونی متعاقباً ۱۲ و ۱۵ نیسان تاریخلرنده ۱۰۰۵ سانتیمتره لك ایکی آوستریا صحرا اوبوسی بطریقه سی دخی بئراسبعه کدیلر . انکلیزلر طرفندن قنالک شرق ساحلنده اجرا ایدلمکده اولان کوپری باشی تحکیمانیله شمندوفر و سائر انشآاتی بوتون تفرعاتیه کشف ایده بیلیمکلمزه بو طیاره مفرزه سنك پك زیاده یاردیمی اولمشدر .

شریف حسینك اختلالی اوزرینه فخری پاشای مدینه قوماندانلغنه تعیین ایتیش و اوراده ۱۵ - ۱۶ طابور پیاده و بر خیلی جبل بطریقه سنندن مرکب بر قوت تحشیدینه مجبور اولمشدم . بوتون روحله حقنده ابدی برحس حرمت و حیرت بسله مک مجبوریتده بولوندیغم فخری پاشا هر طرفدن کندیسینه خصم عناصر و مؤثرات ایله محصور قالش اولدینی حالده بو قوتله ۱۹۱۶ سنه سی حزیرانی ابتداسندن ۱۹۱۸ سنه سی کانون اولی نهایتنه قدر تام ایکی بمحق سنه ظرفنده جدآ خارقه لر ابداع ایدرك او مبارک مرقندبی انکلیز و فرانسز طوپچیلری و هر نوع صنوف معاونه سیله تقویه ایدلش اولان قوتلی شریف حسین قطعاتنه و عربان عاصیه یه قارشى مدافعه یه موافق اولمشدی . حتی بو قوت ۱۹۱۷ سنه سی تشرینلرنده یالکزیش آتی طابوره انحصار ایتیش و اوسنه نك کانون نایسنده معانك شریف فیصل طرفندن ضبطندن صوکره مادر وطنه هیچ براتصالی قالماش اولدینی حالده دخی ینه ثبات ایدرك متارکدن اوچ آی صوکره یه قدر مدینه یی یدحماستنده محافظه ایده بیلمش ایدی .

مدینه ایله معان اره سننده کی شمندوفر خطنك محافظه سنه و مدینه نك اردو ایله مواصله سنی تأمینه مأمور اولان اوچ بش طابورق تورک قطعاتنك ابراز ایتدیکی شجاعت و منات هر درلو تقدیرلرک فوقنده در . مدینه دن معانه قدر امتداد ایدن بیک کیلو متره یی متجاوز بو خط اوزرنده کی مدافعه نك روحی تلقی ایتدیکم ذوات فخری پاشادن صوکره مدینه محافظی پاشا و قتيله اشقودره قلعه سنك مدافعه سننده تمیز ایتیش ارکان عسکریه مزدن میرلوا جمال پاشا [عربلر بوذاته برای تفریق « جمال پاشا ثالث » یعنی « اوچنجی جمال پاشا » نامی ویرمشلردی] . میرآلای نجیب بك و بالاخره ارکان حربیه قائممقامی کمال بك و سائره کی ذواتدر . بو برآو وچ عسکر شریف حسین اولادلرینه قان قو صدورمش و هر طرفده کی تشبثلرینی قانلی ضایعات ایله عقیم بیراقغه

موفق اولمشدر . اودرجه ده که مکدن تامعانه قدر بوتون عربان حال اختلالده اولدینی وسواحل انکلیز وفرانسز مفرزه لر یله تقویه اولونمش ، قطعات شریفیه ایله طوتولمش بولوندینی خالده ۱۹۱۶ سنه سی جزیرانندن ۱۹۱۷ کانون اولی نهایتنه قدر مدینه نك سوریه ایله اتصالی دوچار انقطاع اولاماش وتره نلر آز چوق انتظام ایله کیدوب کلمکه موفق اولمشدر .

فقط بریاندن مدینه نك وبرطرفدن مدینه دن معانه قدر اولان قطعاتك اعاشه سی جیخانه وسائر نك یتشدیرلسی ایچون حجاز جهته حصرایتدیکمز فدا کارلقلر بالطبع سینا وفلسطینه تخصیص ایتمکلمز ایجاب ایدن فدا کارلخی یاری یاری به تنزیل ایتش و بناء علیه سینا جبهه مزك ایسته دیکمز قدر کوتلی اولماسنه مانع اولمشدر .

۱۹۱۶ سنه سی نیسان نك یکرمنچی کونی فون قره س بکک ایکی طابور پیاده ، برجل بطریه سی برکوکلی هین سوار آلای ایله قاطبه استقامتنده پادینی برباقین حرکتی موفقیتیه نتیجه لنش و برانکلیز سواری آلای قوماندانلری وتکمیل ضابطانیه برابر کاملاً یداسارتمزه دوشمشدر که بوقعه قطعاتمزك قوه معنویه سی پک زیاده آرتیرمشدر . اوصیره لرده استانبولدن اوچنچی پیاده فرقه سی ایله بر مقدار آلمان ماکنه لی تفنک قطعاتی وایکی آوستریا جبل ابوس بطریه سی دها سینا جبهه سنه التحاق ایتشدی . انکلیزلر بو ائنده قطره ایلر وسنده کی برکوپری مواضعی ده ازیاده تحکیم ایتش وصول جناحلری دائماً دکره مستند اولمق اوزره «رومانی» قویولرینه وقاطبه قدر صنوف ثلثه دن مرکب مفرزه لرینی ایلر لتشدی . بوراده ده انکلیزلر اساسلی تحکیمات یاسورلردی . قوه سفریه قوماندانلغی یکیدن درعه ده ایتش اولان فون قره س قطعاتك بومتادی انتظار یوزندن آرتق اوصانغه باشلامش اولدقلرینی در میان ایدرک رومانی علیه بر حرکت تعرضیه اجراسنی تکلیف ایتشدی .

فلسطینی مدافعه ایچون استناد ایده بیله جکمز یکانه قوت اولان قوه سفریه یی تهلکیه قویماق شرطیه بویه بر حرکت موافقت ایدم جکمی جواباً بیلدیردم . بوایکنچی قال سفرینه مأمور اولان قوت بروجه آتی ایدی :

اوچنچی پیاده فرقه سی (بهری اوچ طابورلی اوچ پیاده آلای ، بر سواری بلوک ، ایکی جبل بطریه سی ، راستحکام طابوری)
برماکنه لی تفنک طابوری (سکر بلوک)

۲ آوستریا ابوس بطریه سی ؛

۱۰ سانتیمتره لک بر آلمان صحرا بطریه سی ؛

۱۵ سانتیمتره لک بر صحرا ابوس بطریه سی ؛

۲ طیاره طوب طامی

جمعاً ۱۰,۰۰۰ محارب .

۱۹۱۶ سنه سی تموزی نهایتندہ باشلايان بوحركت قاطبہ ورومانی او كنده قوہ سفریہ نك دوچار اولدینی عدم موفقیتله نتیجه لندی . اوندن سو كره انكیزلر غایت جسم آتلی و عین سوار قطعاتیله قوہ سفریہ بی خطوه خطوه تعقیب ایدرك العریشه قدر كری چكلمه مزی انتاج ایتدی . نهایت ۱۶ كانون اولده العریشی دخی تخلیه ایدرك اسکی فلسطین - سینا حدودی اوزرنده كائن خان یونسدن الحفیر خطنه قدر چكلمه مجبور اولدی .

انكیزلر شمندوفرلینی خارق العاده برسرعتله انشا ایدیورلر وعادنا كونده ایکی كيلو متره لك تیمور یولی وجوده كتیریورلردی . نهایت شباط اواسطنده فلسطین جبهه سی تفتیشه كلش اولان اور پاشا وفون قرمس بلكه بالماذا كره غزه - تل الشریعه - بئر السبع خطنك قطعی جبهه مدافعه تشكيل ایتسنه قرار ویردك . وقطعات موجوده ایله بو خطنك مدافعه سی فون قرمس بكه تودیع ایتدك . برطرفدن حجاز اختلالی ، وبرطرفدن درزیرله عربان سائرهنك دائماً نظر دقتده طوئلسی لازمكلن احوال مشكوكه سی اردو قرارگاهنی شامدن آیرلماغه مجبور ایدیوزدی .

..

برنجی غزه مدافعه سی

۱۵ مارت ۱۹۱۷ دن اعتباراً غزه - تل الشریعه - بئر السبع خطنه چكلمش اولان عثمانلی قطعاتی آتیده کی قوتی حائر بوانیوزدی :

غزه ده :

۲۷ نجی فرقه یه منسوب ۷۹ نجی واون آلتنجی فرقه یه منسوب ۱۲۵ نجی پیاده آلایرلیله ایکی آوستریا جبل ابوسى وایکی عثمانلی سریع آتشلی صحرا بطریه سی و ۱۰ سانتیمتره لك آلمان اوزون صحرا طوپ بطریه سی ۱۵ سانتیمتره لك عثمانلی ابوس بطریه سی وایکی آلمان ویش آلتی تورك ماكنه لی تفنك بولوکی ؛ جمعاً ، اوج بیک بشیموز تفنك .

جماهده :

اوجنجی پیاده فرقه سی : [طقوز طابور پیاده ، آلتی سریع آتشلی صحرا بطریه سی ، درت ماكنه لی تفنك بولوکی ، اون بش سانتیمتره لك برسرع آتشلی صحرا ابوس بطریه] جمعاً بش بیک تفنك .

تل الشریعه ده :

یکرمی ایکنجی قول اردو قرارگاهیه اون آلتنجی فرقه نك ایکی پیاده آلائی
و فرقه یه منسوب طوخیلار . جمعا ، بش بیک تفنك
بئراسع ده :

اوج آلائی اوچنجی سواری فرقه سی ؛ جمعا ، بشیوز قلنج
بونلردن بشقه الی اوچنجی فرقه نك ایکی آلائی رمله یه کلمش و بونك یالکیز بری
غزیه طوغری یوروش حالده بولنیوردی .
جنرال مورده ۱۹۱۷ تشرین ثانیسنده نشرایتدیکی راپورنده برنجی غزه محاربه سی
اثناسنده کی عثمانلی قوتلرینك آتیده کی مقداره بالغ اولدیغی یازیور :

غزه ده :

اوچنجی پیاده فرقه سی یله ایکنجی پیاده آلائی ؛ یکرمی درت ما کنه لی تفنك ؛
(۱۵۰) میلیمتره لك ایکی آلمان آغیر صحرا بطریه سیله ۱۰۵ میلیمتره لك اوج آوستریا
صحرا اوبوس بطریه سی ؛ بش سریع آتشی صحرا بطاریه سی .
جمعا ؛ اون بیک تفنك .

تل الشریعه ده :

اون آلتنجی پیاده فرقه سی [جمعا آلتی بیک تفنك ، ۱۶ ما کنه لی تفنك ، درت
صحرا بطریه سی] و اوچنجی سواری فرقه سی [درت صحرا طوبی ، درت اوبوس
ودرت ما کنه لی تفنك]
رمله ده :

الی اوچنجی پیاده فرقه سی ؛

قدسده :

الی دردنچی و ۶۷ نجی پیاده فرقه لری .

حیفاده :

۲۷ نجی پیاده فرقه سی

شوراسنی غایت قطعی اوله رق بیان ایدم که انکلیز لربو قوتلری آنجق کندی خیالخانه لرنده
تصور ایتشلردر . اکر انکلیز جنرالنك عثمانلی قوتلری حقنده استحصال ایلدیکی
معلومات هب بوقیلدن ایسه وسائط استخباریه سنك کندیسنی پك زیاده آلداتمش
اولدیفنه هیچ شبهه ایتسون . انکلیزلرک برنجی غزه هجومی کمال موفقیتله طرد ایتمش
اولان عثمانلی قوتلری بالاده عرض ایتدی کمز وجهله من حیث المجموع اون سکزیبک
نقره آنجق بالغ اوله بیلوردی .

انکلیز اردوسی ایسه یه جنرال مورمیک راپورینه نظراً قطعات آتیه دن ترکب
ایدیوردی .

برنجی خط : [ایکی (O)]

جنرال سیر فیلیپ چتوود Sir Philip Chetwode قومانداسنده : آتلی ازاق
فرقه‌سی [Anizac Mounted Division] ایله جومری [Jeomanry]
سواری فرقه‌سی و دیگر بر سواری فرقه‌سی ایله الی اوچنچی پیاده فرقه‌سندن و بر جوق
ما کنه‌لی تفنک بلو کندن مرکب ایدی .

ایکینچی خط قوتلری ایسه هچین سوار فرقه‌سی ایله الی ایکینچی و دردنچی
پیاده فرقه‌لرندن و بر جوق آغیر طوپیجی بطریه‌لریله ما کنه‌لی تفنک بلو کاردن ترکیب
ایدیوردی .

بورقلره کوره انکلیزلر برنجی غزه محاربه‌سنده اوچ پیاده و اوچ سواری فرقه‌سیله
بر هچین سوار فرقه‌سنه مالک اولدقلری کی بحر آدونمارلی ده محاربه‌باشترک ایدیوردی .
کافه‌سی جنرال سیر شارل دوبل Sir Charles Dobell قومانداسنه تودیع
ایدلش اولان بو قوتله انکلیز شرقی بحر سفید قوای عسکریه‌سی باش قوماندانی جنرال
موره‌ی غزه - بئرالسبع خطنه تعرض ایتمک قرار ویردی .

واون ایکی بیک تفنکدن عبارت اولان الی اوچنچی پیاده فرقه‌سی جبهه‌دن غزه‌یه
تعرض ایتمک آتاق و جومری سواری فرقه‌لریله دیگر بر سواری فرقه‌سی ده غزه‌ی
شرقدن احاطه ایدرک غزه و حمامه غروپلری آرسنه کیرمک و نهایت غزه‌ی شمالدن
دخی قوشاتهرق بالکلیه منفرد براقعه مأمور اولملریدی .

۲۵ مارت کیجه‌سی تعرضه مأمور اولان برنجی خط قوتی ایلری حرکت‌باشلادی .
۲۶ مارت صباح ساعت سکرزدن اعتبار آده سواری قوتلری غزه‌ی تمامیه احاطه
ایدرک شهرک هر طرفله مواصله‌سنی قطع ایتدی .

الی اوچنچی پیاده فرقه‌سنی متعاقب الی دردنچی فرقه‌نک برلوا سیله دیگر بر قاق
آلای ده صباح ساعت اونده غزه اوزرینه سوق اولندیلرک بوضو رتله غزه‌ده بولنان
اوچ بیک بشیوز تفنکک عثمانلی قوتنه قارشلی بر یجق پیاده و ایکی سواری فرقه‌سندن
زیاده بر قوت کوندلش اولدی .

غزه بومهاجماته تورک و عرب افرادندن مرکب اولان غزه مدافعلرینک قهرمانلغی
سایه‌سنده یکریمی ذرت ساعت مدتله مقاومت ایتدی .

بو قهرمانلر انکلیز فرقه‌لرینه قارشو غزه‌نک هر قاریش طو پراغی خطوه بخطوه
مدافعه ایدرک و هر ته‌ی ایکی اوچ دفعه ضایع واسترداد ایله یبرک ثبات ایتدیلر . اوکون
اوکله‌دن صوکر اجماعه‌دن حرکت ایدرک انکلیزلرک کریلرینه طوغروایلروله‌ین اوچنچی پیاده
فرقه‌منز ایرتسی کون انکلیزلر اوزرینده تأثیرینی کوستیر کوسترمنز انکلیزلرک بویوک برعدم
انتظام ایله رجعت ایتدکلرینی کورمکه موفق اولدی . تل الشریعه‌دن حرکت ایدن اون آلتینچی

فرقه ایله بئالسیبعدن حرکت ایتیش اولان سواری فرقه سی ایسه بوتائیری تشدید ایتشدی . اطناب کلادمن اجتناباً اعطای تفصیلاتدن صرف نظر ایدیورز . یالکیز شوراسنی ذکر ایتهدن کچه مه یه جکز که $\frac{۲۶}{۲۷}$ کیجه سی غزه به برچوق امداد قطعانک کلش اولدیغنی انکلیز جنرالی رسمی راپورنده ایما ایدیورسه ده ۲۷ مارت صباحی انکلیز لر رجته باشلایجه یه قدر غزه به برتک تقریبه داخل اولما مشدر .

۱ برنجی غزه مدافعه سی عثمانلی تاریخ حاستنده پک مستشار بموقع احراز ایده جک بر حادثه جنکاورانه در . وایشته بور آووج قهرمانک اوکونکی ثباتیدر که انکلیزلری بوخط اورنده ۲۷ مارت ۱۹۱۷ دن تشرین ثانی ۱۹۱۷ به قدر سکز آی توقفه ووجه به طقوز پیاده وبرچوق سواری فرقه سی ایله ایکی هین سوار فرقه سی سوفه مجبور ایتشد .

غزه غروپی مدافعه سنک النبوک قهرمانی یوزیکرمی بشنجی پیاده آلای قوماندانی بیکباشی خیری افندیذر . صوک درجه محویتکار اولان ظواهری هیچ برشی وعدایتمه ین بو کزیده انسان الکمشکل احوال اره سنده متانت وسکونت دمی محافظه ایدرک پیدرپی باشنه کچدیکی آلایک طابوریه « منظار تپه » نامیله شهرت بولان برتیه یی ایکی دفعه انکلیزلرک لندن آلمش ، اوچنجی استردادنده بردها ترک ایتمه مشدر . بو هجوملر اثاسنده آلمان ماکنه لی تفنک بلوکی قوماندانلرندن ملازم قوردیه Cordier دخی صوک درجه قهرمانلق کوسترمک وفات ایتیش وعلی الخصوص آوستریا بطریه لری قوماندانی اولان بوزباشی شوالیه تروچقووسکی اک کزیده قهرمانلره لایق برصورتده طوب باشنده وفات ایتشد .

انکلیز جنرالی مورده ی رسمی راپورنده بزم ضایعاتمزی سکزیبک یارملی وشهید اوله رق کوستریورسه ده غزه ده بوانان عموم قوتمزحتی آشچی وخسته باقیچی وسایس کبی صفدن خارج افراد بیله داخل حساب اولونسه یینه بومقداره بالغ اوله مایه جغندن جنرال مورده ی بورقی زهدن چیقارمش اولدیغنی بردورلو اکلایه میوردم . حقیقت حالده بزم ضایعاتمز بوجه آتی ایدی :

ضابط : ۱۰ شهید ، ۱۲ یارملی ، ۱۴ غائب ،
افراد : ۲۷۶ شهید ، ۷۴۴ یارملی ، ۵۷۱ غائب ،

انکلیزلرک ضایعاتی ایسه یینه کندی اعترافلرینه کوره درت بیک نفر دن عبارتدی . بوکا کوره غزه قهرمانلرندن هر بری برانکلیز نفری اولدیر مشدر دیمک اولور .
۲۷ مارت آقشام اوزری شامدن حرکت ایدرک یکرمی سکز مارت صباحی تل الشریعه به واورادن غزه به کلد . محاربه ده قهرمانلقلری کوریلان ضابطان وافرادی تلطف ایدرک قدسه عودت ایتدم . ایکی کون صوکر بزم جبهه به اون آلتنجی فرقه نک بعض اقسامی

داخل اولمشدى . انگلیز لرك ۲۷ مارت آقشام پك پریشان بر حالدہ كندى سپرلرینه چكلمش اولملری انگلیز افرادینك قوه معنویه لرینك بوزو قلغه علامت عد ایدن فون قرهس اوجنچی واون آلتنجی فرقه لرك بعض اقسامی ایله انگلیز لرك یانلرینه بر تعرض اجراسنی تكلیف ایتدی . موفقیت حالنده بوندن استحصال ایدیله چك منافع پك بویوك اولمقله برابر عدم موفقیت حالنده آرتق فلسطین و سوریه یی مدافعه ایدله چك بر قوت آلدله قالمایه جق وهر اینس حل ایدلمش اوله جقدی . بزوكی تهلكیلى تجربه طالع اوبو نلرندن دیگر جهه لریمزده شیمدی یه قدر پك چوق ضرر لر كورمش اویغمزدن شیمدی عینی تجربه یی كندى جهه مده تكرار ایتك هیچ ایسته میوردم . نیم ایچون اوزمانه قدر غایه سینا چولی داخلنده قوه سفریه یی بر تهلكیه قویما مقدی . چول ایله معموره نك فصل مشترکی اولان غزه - و بئر السبع جهه سنه چكلكدن صوكره اتخاذ ایتدیكم قرار ایسه بوجبه یی قطعاً ترك ایتمه مك و عثمانی قوتلرینك كافه سنی بر خط اوزرینه بیغهرق انگلیز لرك بونی تجاوز ایدیه یلمه سنه هر حالده مانع اولمقدی . بو خطك اك بویوك فائده سی صاغ جناحك دكره وصول جناحك چوله مستند بولونه رق هر حالده چویر بلمه سی امکانك بولونامسی ایدی . بوندن بشقه بو خط الیمزده قالدیجه انگلیز لر دائماً چول داخلنده قاله جق بزایسه آز چوق معموره صایله ییلن یرلرده بولونه جقدق .

خلاصه غزه - بئر السبع خطی الیمزده بولوندیجه انگلیز و عرب جهه لری آره سنده وحدت تأسیسی ده ممكن اوله مایه جقدی . بناء علیه بوجبه یی تهلكیه قویایله چك حرکاتردن توقی ایتك اك عاقلانه بر سوق الجیش ایدی بومطالعه یه مستنداً فون قرهسك تعرض تكلیفی رد ایتدم .

انگلیز لرك اون بش بکرمی کونه قدر ایکنجی بر غزه تعرضی ده ا اجرا ایدله چك لرینه هیچ شبهه یوقدی . بناء علیه کریدن کن قوتلرله جهه مزى تقویه ایدرك بوايکنجی تعرضی ده موفقیتله طرد و دفع ایتمه چالیشمق بزم ایچون الزمدی . صوك زمانده الیمزه کچن قوتلرله غزه - تل الشریعه حمله سی اوفق تفك فاصلهلر مستتناً اولمق اوزره بر خط متصل حالنده تحکیم ایتشدك .

انگلیز لر ایکنجی تعرضه بر حیلله ایله باشلامق ایسته دیلر . ۱۴ نیسان کونی تل الشریعه ده کی تل سز تلغرافی مرکزیمز بر انگلیز تل سز تلغرافی چالمشدى . بوشفره لی تلغرافنامه بزم تلغراف ضابطمزل ملازم ستیللر Stiller طرفندن حل اولوندی . انگلیز شرق اردوسی قوماندانلی طرفندن فلسطین انگلیز اردوسی قوماندانلغه خطاباً یازلمش اولان بوا مرده نیسانك ۱۷ کونی غزه یه بر تعرض اجرا اولونه جغی فقط اصل تعرض قرهده یاپیلامیه رق ۱۷/۱۸ نیسان کیجه سی صباحه قارشى غزه نك کریسنده کی آسقالون موقعنه اخراج اولونه جق بریاده فرقه سی طرفندن غزه نك کریلرینه توجیه

اولونه چی وایشته اوزمان جهه دن دخی تعرضه ابتدار ایدلک، لازم کله جکی در میان ایدیلوردی. اول امرده حقیقتندن شبه ایتک ایسته مدیکمز بو خبرک بزى احتیاط عمومیمزک موقعی تبدیل ایتکه مجبور ایتک مقصدیله اختیار اولونمش بر حیلده دن عبارت اوله جغه قانع اولدق. وجهه ده کی قوتک ترتیبات عمومیه سنه قطعاً دو قونمایه رق یالکیز بر تدبیر احتیاطی اولق اوزره یافه کریلرنده بر اقدیغم بر اوافق مفرزینی آسقا لون استقامته سوق ایتکله اکتفا ایتدم. برنجی غزه محاربه سندن ایکنجی غزه محاربه سنه قدر کذران اولان یکریمی دوت ساعت ظرفنده بزه التحاق ایدن قوت آنجق ۲۰۰۰ تنه کله ملاک اولان اوچنجی فرقه نك ایکی آلائی ایدی.

انکلیزلر ایسه برنجی غزه محاربه سنه اشتراک ایتش اولان پیاده و سواری فرقه لرینک قادرو نقصانلرینی ا کمال ایله برابر ایتش در دنجی پیاده فرقه سنی دخی بوجهیه سوق ایتشلر و بناء دوت پیاده و دوت سواری فرقه سندن عبارت مهم بر قوت تحشید ایتشلردی.

۱۷ نیشان صباحی باشلایان شدید انکلیز تعرضی ینه غزه ایله اولنک صول جناحنده کی الی اوچنجی فرقه جهه سنه توجیه اولونمشدی. اوجهیه مصادف قوتک آلتی یدی مثلی بر قوتله اجرا ایتدکری بو هجوم اثناسنده انکلیز لر سکیز تانق استعمال ایتشلر و انکلیز دو نهمایه ده محاربهیه اشتراک ایدرک غزه یی بر آتش و دمیر یا غموری ایچنده بو غمه چالیشمشدی.

محاربه ۱۷ و ۱۸ و ۱۹ نیشان کونلرنده صوک درجه شدتیه دوام ایتش و انکلیز لر جهه مزى یارمق ایچون بوتون قدرتلرینی صرف ایتمکدن کرى قالماملردی. فقط تورک نفرینک شجاعتی انکلیز ککینه فائق اولدنی بودفعه ده ثابت اولمش و انکلیز لر همان همان هجوم ایتدکری جهه ده کی تورک قوه مجموعه سنه مساوی مقداره یدی بیکی متجاوز مقتول و یارملی و یردکدن صوکر ۱۹ نیشان آقشام اوزری اسکی سپرلرک کریسنه چکیلیمکه مجبور اولمشلردی. هجومه اشتراک ایدن سکیز انکلیز تانقندن اوچی جهه مز اوکنده حتی سپرلریمز ایچنده قالمشدی. عثمانلی تاریخ حماستی ترین ایدمک درجه ده علوی اولان بو اوچ کونلک مدافعه نك تاریخی بویه ایکی سطرله حکایه ایدیه جک شیلردن دکلدر. بو باده کی تفصیلاتی بشقه فرصتله راقهرق بوایکنجی غزه مدافعه سنک نتایجندن بحث ایتک ایسترم.

انکلیز لر هیچ امید ایتدکری حالده یدکری بوشدید ضربه نك تأثیری آلتنده عادتاً آلیقلا شمشلردی. هر زمان طوغری حرب راپورلری نشر ایتدکرینی ادعا ایدن انکلیز لر بودفعه حقیقه هیچ توافق ایتمین غایت مغلق افاده لی قیصه بر راپورله اکتفایه مجبور اولمشلردی. فقط چناق قلعه عدم موفقیتنه برده فلسطین عدم موفقیتی علاوه

ایتمک انکلیز نفوذینک شرقده ابدیا سقوطی قبول ایتمک دیمک اوله جغنی پک کوزل تقدیر ایدن انکلیزلر ۱۹۱۷ صوکه بهار وقیش موسملری ائناسنده بهمه حال موفقیته برهجوم دها یایمق ایچون بوایلک بهار زیار موسملری ائمال تدابیر ایله امرار ایتمکه قرار ویردیلر وغزه اوکنده ایکی دفعه مغلوب ایدلمش اولان جنرال مورینی تبدیل ایدرک رینه صوکه درجه فعالیتی وفوق العاده احتیاطکارلی ایله غرب جبهه سنده تمیز ایتمش اولان انکلیز جنرالی « آلانی » یی تعیین واعزام ایتمشلدی . « جنرال آلانی » بوجبهیه تعیین ایدلدیکی زمان هر تورک نفرینه مقابل لاقول درت انکلیز نفری تحشید ایتمه کجه هجومی تکرار ایتمه جکنی سوله مشدی .

انکلیز کبر وعنادینک بوقراری ویره جکنه هیچ شبهه ایتیمور، فلسطین جبهه سنک صوکه درجه تقویه وتحکیمی ایچون هر دورلو وسائطه مراجعتدن کری دور میوردم . فلسطین جبهه سنه نه قدر قوت تخصیصی لازم کله جکنه وجبهه دهکی فرقه لر ی زمان زمان دیکشدریمک ایچون کریلره طوغری زمره قاچ فرقه اقامه ایتمک ایجاب ایده جکنه و هر درلو احتماله قارشى سوریه ده ویا حلبه ده نه قدر قوتلر بولوندریمق مقتضی کورولدیکنه دائر قرارگاه عمومی به اوزون اوزادی به معروضاده بولونمشدم .

مایس نهایترینه طوغری باش قوماندانلق وکالتندن برتلغراف آلدیم . دیوردی که : « بغدادی استرداد ایچون قوه کافیه سوق ایتمک امکاتنی تدقیق ایچون « جنرال فانتقهاین » حلب اوزرندن موصل و فرات وادیسنه طوغری برسیاحت تبعیه اجراسنه طرفندن مأمور ایدلمشدر . بو سیاحتده کی مقصدی ستر ایچون قدسه قدر کیدوب سزى زیارت ایتمسینه ده کنندیسینه توصیه ایتمدم . حقنده تسهیلات ابرازینی و حسن قبولنی رجا ایدرم . »

فلسطین و سوریه صحنه لرنده ظهوری پک مشئوم حادثاته مضدر اولان جنرال فانتقهاینک عثمانلی امپراطورلغنه نه بیوک فناقلر یایمیش اولدینی حقنده آتیا ویره جکم ایضاحات ودرمیلن ایده جکم مطالعات دها سهولتله آکلاشیله بیلیمک ایچون اول امرده ۱۹۱۷ مایسی ائناسنده عثمانلی حرب جبهه لرنده کی وضعیت عمومی نی ایضاح ایتمکی مناسب کوردم .

قفقاس جبهه سی

۱۹۱۷ ابتدالرنده روسیه ده ظهور ایدن اختلال برطرفدن ارزنجان و طربزونه ودیکر طرفدن بیتلیسک بری طرفلرینه قدر آناطولی شرقی ولایتلریمزى استیلا ایتمش اولان روس اردوسنک انتظامی بالکلیه اخلاص ایتمش وحتی نیشان ظرفنده مصطفی کمال پاشا قومانداسنده کی ایکسجی اردو بیتلیس وموش حوالیسنی روسلردن استردادده موفق

اولمشدی . بناءً عليه مذکور جبهه بولنان ايکنجی اردولردن دهامهم جبهه لری ایچون بعض فرقه لک تقریق ایدلسی امکانی واردی .

عراق جبهه سی

کوة الاماره جبهه سنده مغلوب اولان اردومز نهایت بغدادی دخی ضایع ایتش وبر طرفدن کرکوک ، دیگر طرفدن هیته قدر چکلمکه مجبور اولمشدی . بواردو ایچون جانلانیق وانکلیرلی عراقدن طرف ایتک امید قلعیا موجود اولمامقله برابر انکلیرلر ده بغداددن دهامهاله وغرب شمالیه طوغری حرکات جدیده اجرا ایتلری احتمالی پک یوقدی .

استانبول وازمیر حوالیسی

غرب جبهه سنده حرکاتک جدأ کسب اهمیت ایتدیکی ، رومانیا لیرلر کلیأ دوجار فلاکت اولدقلری ، غزه اوکنده انکلیر اردوسنک ایکی دفعه مهم عدم موفقیتلره اوغرا دیفی ، روس اردوسنده عظیم براختلاک ظهور ایتدیکی برصرده ائتلافیونک چناق قلعه ویازمیره « ده بارکان » یاهرق یکی رجبه دهامه ایدنه قیام ایده جکلری پکده شایان قبول احتمالاتدن دکلدی . بناءً عليه استانبول وازمیر حوالی سنده کی قوتلردن دخی مهم جبهه لری ایچون استفاده امکانی واردی .

غالیجیا ، رومانیا وبولغار جبهه لرنده بولنان فرقه لری مزک استردادی زمانی ده آرتق تامیله کمش عد اولونه بیلیردی .

ایشته بن بواحوالی نظر دفته آلهرق حکومت عثمانیه نک ال نازک والک شایان اهمیت جبهه سی اولان فلسطین جبهه سنک غیر قابل ضبط بر صورتده تقویه سی ایچون قابل استفاده بوتون قوتلرک فلسطین ، مرکزی وشمالی سوریه یه سوق ایدلسنی وبوعظیم قوتی اعاشه ایچون وسائط محلیه کافی اولمادیغندن شمال ولایتلردن یاردم اولومسنی شدتله طلب ایتمکده ایدم .

..

حزیران اثناسنده انور پاشا فلسطین جبهه سنی زیارت ایتدی . ترتیبات تدافیه دن پک زیاده ممنونیت ابراز ایتمکله برابر انکلیرلرک صاغ جناحی کریرینه بر حرکت تعرضیه اجراسی حقنده کی فکرندن واز کچمه مشدی . نهایت دیدی که :

« بن بوصرده بشقه برشیئله اشتغال ایدیوردم . اردو قوماندانلردن بعضلرینه حبله دعوت ایتدم . اولرله بواساسی استشاره ایتک ایستیورم . فکرم بغداد اوزرینه بر حرکت تعرضیه یاقیق وبغدادی استرداد ایتمکدر . ایکنجی اردو قوماندانی مصطفی کمال پاشانک قومانداسنده بریدنجی اردو تشکیل ایتک وبواردو ایله خلیل پاشا قومانداسنده کی

آلتنجی اردویی ییلدیرم غروپی عنوانی آلتندہ براردو غروپی قوماندانلغک امرینہ ویروب بغداد اوزرینہ تحریک ایلک املندہ سم . هانکی جہلردن هانکی فرقه نرک آلتمی لازم کله جکئی فلان کاملاً تثبیت ایتدہ . ییلدیرم غروپی قوماندانلغی ایچوندہ آلمانیا بزه جنرال فاتقہ پانی ویردی . ظن ایدیورمکه بووظیفہ فی حسن ایفایده بیلہ جکدر .

اول امرده بوکا قارشى هیچ سسیمی چیقارمہ دم ویک چوق دوشونمکه باشلام . برقچ کون ضوکرہ برلکدہ حلبہ مواصلتمزدہ قافقاس اردولری غروپی قوماندانی عزت پاشا ایله آلتنجی اردو قوماندانی خلیل پاشایده اورادہ بولدق . ایکنجی اردو قوماندانی مصطفی کمال پاشا دها اولجہ شامہ کلش و فلسطین جہہسنی بزمہ برابر زیارت ایدرک برلکدہ حلبہ عودت ایتمش ایدی . بودرت اردو قوماندانلغک باش قوماندان وکیلی ریاستندہ اجتماع ایتمی شیمدی یه قدر بزدہ کورولمش شیلردن دکلدی . بن بالطبع فلسطین جہہسنک اهمیتندن وپاش قوماندانلق وکالتنک هرشیدن زیاده بو جہہیی تقویہ ایدہ جک اسبابہ توسل ایتمی لزومندن بحث ایتدم و بغداد سفری اجراسندن ایسہ حلبہ بر مهم قوت اجتماع ایتدیریلہرک بوقوتک احتیاج حس اولندیغی آندہ ایستہ نیلن طرفہ سوق ایدیله بیلہ جکئی سویلہ دم .

و دیدمکه : « اگر حلبہ بویله براردو اجتماع ایتدیریلہ جک اولورسہ شاید روسلر ایکنجی اردو جہہسنی تضیق ایدرلرسہ اورایہ معاونت اولہ جئی کبی انکیزلر بغداددن فرات ویا دجلہ بویجہ ایلریلمکہ توسل ایدرلرسہ اونلرہ قارشى مقابله ممکن اولور . هله اک زیاده قورقیدیمز بر » آٹنہ دہ بارکائی « فکریخی اشتلاف دولتیرینہ بالکلیہ ترک ایتدیرمش اولورز . بوسوک بهار ایچون غزہ جہہسنہ بر هجوم حاضرلنی یاپدق لیرینہ هیچ شبهہ ایتدیکم انکیزلر حلبہ بویله براردونک هراحتاله منتظر آ موجود اولدیغی کورورلرسہ بوتعرضدن بلکدہ صرف نظره مجبور اولورلر . خلاصہ بغداد حرکتی تہلکلی کوریورم . »

باش قوماندان وکیلی کمال جدیتله جواب ویردی :

« قرارگاه عمومی بو بغداد حرکتہ قرار ویردی . آلمانیا دن اک مقتدر برجنرال آلدی . بوندن باشقہ سبکبار وکزیده آلتی آلمان طابورندن و بر چوق ماکنہ لی تفنک وسائرہ قطع اتندن مرکب بر آلمان فرقه سی ایله بعض آلمان طویجی بطریہ لریک معاوتتی دہ تأمین ایتدی . بناء علیہ بو حرکتدن صرف نظر ایتمہ نک امکائی یوقدر . »

متعاقباً عزت پاشا سوز آلہرق هیچ اولمزسہ برفرقہ نک اولسون حلبہ هر درلو احتمالہ قارشى بر اقدیرلسنی تکلیف ایتدی ایسہ دہ اوده جواب رد آلدی .

بالکیز بغداد حرکتی ایچون اوزمانہ قدر دوشونولن فکر طابورلری حلبدن

صو کرا تکر تکر فرات بویتدن آشانی دوغری ایندی رەك رمادیە حذالزنده اجتماع ایندی رەكدن عبارت اولدیغی حالده عزت پاشا ك و بزم درمیان ایندی رەكمز محاذیر شایان قبول کورولەر ك اولاحبله طرابلس آره سنده اجتماع ایند کدن صو کرا طولیجه سوق فکری اساس اعتباریله شایان التفات تلقی ایدلدی .

حرب عمومییه داخل اولدیغمز زماندنبری سوق الجیشجه اختیار اولنان خطالری کوزیمك اوکندن کچیریوردم . اولاقارصی ضبط ایتك فکریله ۱۹۱۴ کانون اولنده پاییلان صاری قالمش تعرضی قافقاس اردومزك کاملاً محویته سبب اولمش و بردها عینی قدرت و قوتی حائر اوله رق تشکیل ایدیله مه مش اولان بوار دو ارضرومی مدافعهیه مقتدر اوله مه یه رق او مهم موقعك روسلرالینه کچمسنی انتاج ایتمش ایدی . بالاخره دشمنك جناق قلعه دن چکامسنی متعاقب توسل اولنان ارضروم استرداددی حرکتی - که دیار بکر ویتلیس طرفلر زنده اجتماع ایندی ریلن ایکنجی اردو ایله ارزنجان ایلریسندە بولنان اوچنجی اردو طرفندن اجرا اولنش ایدی - هیچ بر فائده یی مفید اولما مقله برابر ارزنجانك دخی سقوطنی و دشمنك سیواس ایله ارزنجان آراسنه قدر ایلر یلسنی موجب اولمشدی .

کوة الامارە ده کی انکلیز اردوسنك اسارتدن صو کرا عراق اردوسندن بر قسمنك آلینه رق ایرانده فتوحات اجرا سنده مأمور ایدلمی نتیجه ده بغدادك سقوطنه سبب اولمشدی . ایشته شیمدی ده قدس و علی العموم فلسطین تهلکه ده ایکن صو ک قوتلریمزك بغداد استردادینه تخصیص اولومس قس و فلسطین و بلکه بوتون سوریه نك دشمن استیلا سنده معروض قالمسنی موجب اوله جقدی .

بوا حتمالات بر بدهات فنیه قطعیتله کوز اوکنده دورور کن بو بغداد تجاوزی فکرینك ناصل اولوب ده قرارگاه عمومیده دو غمش اولدیغنه بدورلو عقل ایردی رە میوردم .

بو حبل اجتماعنی هیچ اونوما یا جغم و اوکون دهابیوک شدت و قطعیتله اصرار ایتهدیکم دن طولانی کندی می عفو ایدمه یه حکم . مدت مأموریتیم اثناسنده استعفا می ایجاب ایندی رە جک بر ایکی حادثه ظهور ایتمش ایسه بو حبل اجتماعی شبهه سز بونلر ك اك مهمی ایدی . واوزمان استعفا می دوشونمده دکل ، بونی دوشونمش اولدیغمه عزت پاشا شاهددر . باش قوماندان وکیلنك حلبدن انفکا کندن صو کرا فلسطین جهه سنی برای زیارت دعوت ایتدی کم مشارالیه ایله بوباده اوزون اوزادییه مداوله افکار ایتمشك .

دردنجی اردو منطقه سنك حائر اولدیغی عسکری و سیاسی اهمیت فوق العاده حسبیله بواك نازک زمان اثناسنده بورانك اداره سنی ترکه قیام ایتمک کم مملکت ایچون دهابیوک فلاکتی موجب اوله جغنی مشارالیه اصرار ایله درمیان ایتمش و اووقت حقمده

بك بيوك التفاتلر بذل ايدمرك سوزيه يني قطعياً يراقام قلمى توصيه بيورمش ايدى . فقط يلميورم ، استعفا نقطه سنده اصرار ايتش واسه ايدم قرارگاه عمومى نك قرار يني تبديل ايتديره بيليرى ايدم ، يوقسه بواصرار يمي نازه ويا حادثات محتمله يه قارشى انديشه مسؤليت عطف ايدرك يني فدا و فكلر يني تعقيبده اصرار ايدرلر مى ايدى ؛ ايكنجى احتمال دهها زياده وازد ايدى ، ظن ايدىوردم .

او آندن اعتبار آفات نهري اوزرنده وبالخاصه طرابلسده بعض استحضار اتده بولونمغه و بر جوق صالار تدار كنه مباشرت و طرابلسدن اعتبار آفات بويجه منزل تاسيساتى يالتمغه غيرت اولوندى . بالطبع بوتون بو استحضارات فلسطين جهه سنك ضررينه واوكا حصر ايلمى الزم اولان وسائلك تنقيصى صورتيه ياپيليوردى . انكليزلرك كوني كونه تعقيب ايتديكم استحضاراتنه نظراً جدى و قريب بر تهلكه ايچنده بولونديغنه حقيقه قانع اولديغم فلسطين جهه سنه دهها واسع فداكارلقده بولمق لازم كله جكنه دائر قرارگاه عمومى يه سبق ايدن اشعار اتمك كافى درجه ده تاثير ايمه ديكنى كورونجه بلكه بر فائده حاصل اولور ملاحظه سيله مدلل و مفصل بر ايكي تلغرافنامه ايله صدراعظم پاشايه مراجعت ايتشدم .

تلغرافلر يمك برنده : « شيمدى بغدادى قورتارلم ديه اوغراشير كن بك قريب بر آتیده قدس ويا شامى قورتارم قلمه مغبول اوله جغمزدن چوق قورقيورم ! » ديتشدم . صدراعظم پاشادن جواباً اولديغم تلغرافده : « بغدادك استردادى ايچون تشبثات جديده بولتمغه مجلس وكلاجه قرار و يرلمش و صوك آلمانيا سياحتم اثناسنده بوسفرى اجرا ايتك اوزره جنرال فانتهاينك حكومت عثمانيه خدمتنه و يرلمشى طرفدن رجا ايدلمش اولديغنه كوره شيمدى بوتشيك تأخيرى ايچون بيم مداخله ده بولتمقلمغه امكان يوقدر . فلسطين جهه سنه تخصيص ايتديك كز قوتلر مسئله سنه كلنجه بوده اوردو قوماندانلرندن بر بله ناش قوماندان وكيلى آراسنده صرف فى و مسلكى براختلاف اولمى اعتبار يله بوايشه بيم قاريشم قلمغمدن بر فائده تحصيل ايدم جكنى ظن ايتيورم ! » ديتلمشدى . نهايت وضعيتى دهها زياده ايضاح ايتك و فلسطين جهه سنك معروض بولندينى تهلكه عظيمه يي بر كره دهها شفاهاً ايضاح ايتك اوزره آغستوس واسطننده استانبوله كيتدم . مقصدم بيلديرم غروپنه تخصيص ايديلن قوتلرك شام ايله حلب آراسنده اجتماع ايتديريله سنى و حتى بر قسمك فلسطينه كونده ريلهرك هر دورلو احتمال قارشى سينا جهه سنه كى قوتك احتياط عمومى سنى تشكيل ايلمى و بو سايله تشرى ثانى ويا كاكون اوله قدر انكليزلرك بر هجوم قطعيسى واقع اولورسه فلسطين جهه سنك يارلمه سنك ازاله اولونه بيله جكنى و عكس حالده ايسنتينيرسه كانون ثايندن وشباطدن صوكر ا دخی بغداد

سفری یاپیله بیله جگنی ممکن اولورسه ا کلاته بیلیمک و بو زمان طرفنده فرات منزل خطنک پک مکمل برصورتده تأسیس ایدلمش اوله جغنی اثبات ایتک ایدی .

اوزمان « ییلدیرم غروپی قوماندانی مشیر فون فائقهین پاشا » عنوانی آلمش اولان جنرال فائقهین ایله اونک ارکان حربیه رئیس و بنم ارکان حربیه رئیسمله قرارگاه عمومی ارکان حربیه رئیس بر وزارت پاشا موجود بولوندیغی حالده انور پاشانک ریاستی آلتنده بر مجلس حرب عقد ایتدک . اول امرده انکلیزلرک استحضارانه و اوکا قارشی بزم قوتلریمزک حالته دائر ارکان حربیه رئیس میر آلائی علی قوؤد بک مفصل ایضاحات ویردی . بو وضعیت کوره نه قدر قوته ونه کی مالزیمیه محتاج اولدیغی ده بن ایضاح ایتدم و بناء علیه بغداد سفرندن صرف نظر ایدلمک عثمانلی منافعی مقتضاسندن اولدیغی درمیان ایدلم .

بونی متعاقب انور پاشا ایله فون فائقهین آرسنده آلمانجه بر مکالمه باشلادی . بالطبع برشی آ کلامیوردم . یالکیز مکالمه بزم فلسطین جبهه سنه عائد خریطه اوزرنده جریان ایتدکه اولمسنه نظر آ و آره صره انکلیز جبهه سنک کریرلی اشارت ایدلمکده اولمسنه و بعض تعمیرات عسکریه نک فرانسیزجه اوله رق استعمال ایدلمسنه کوره یینه معهود فلسطین جبهه سنده اجرایی بروقتلر تصور اولنهرق بنم اصرارم و مخالقم اوزرینه بالکلیه ترک ایدلمش اولدیغی ظن ایتدیکم حرکات تعرضیه دن بحث ایدلمکده اولدیغی آ کلامیوردم . بوفکرک اک شدید علمداری شیمدی انور پاشا کورونیور و فائقهین بویه بر حرکتک فوق العاده فائدملی اوله جغنی درمیان ایدیوردی .

بالاخره انور پاشا طرفندن ترجمه اولنمی سایه سنده آ کلامشدم که فون فائقهین انکلیزلر فلسطین جبهه سنده موجود بولندقجه بغداد سفرینک اجرایی امکانی اولامیه جغنی حقیقتی تسلیم ایتمش و بناء علیه ییلدیرم اردوسنه اول امرده انکلیزلر علمنه شدید برضبه ایندیررک اونلری قناله قدر طرد ایتک وظیفه سنک ویرلمی و اوندن سوکرا یواردونک بغداد اوزرینه کوندرلمی ایجاب ایده جگنی ادعا ایدیوروش . فلسطین جبهه سنده یاپیله جق ایشه کلنجه خفیر ایله دکز آرسندن طولایشله رق انکلیزلرک کریرلینه تعرض ایتدکن عبارت ایتمش . انور پاشا بوکا اعتراض ایدیور و فلسطینده کی قوه حاضره نک مدافعه ایچون کافی اولدیغندن بحثله اورایه باشقه قوتلر تخصیصنه احتیاج کورمه دیکنی و بناء علیه بغداد سفرندن صرف نظر ایده میه جگنی درمیان ایدیوردی . بن نه برنسک ونه ده دیکرینک فکرینه اشتراک ایدیوردم . اولا بغداد سفرینه بالکلیه معترضدم و بو سفره تخصیص ایدلکارندن طولانی تموزدن بری حلیله اجتماع ایتدکه اولان فرقه لرک بر آن اول فلسطینه ایندیرلمه یرک آیلرجه زمان کچیرلمسی پک مضر و صوک درجه وخیم تلقی ایدیوردم .

ثانياً، تکميل ييلديرم قوتلری تخصیص اولوندينی حالدہ انکلیز استحضاراتہ آنحق مقابلہ ایدہ بیلہ جکمزہ قانع اولدیغم فلسطین جہہ سندنہ چولدن انکلیزلر اوزرینہ بر تعرض اجراسنی جنایت عدا ایدیوردم . انکلیزلر موضعلرینی ویانلرینی او قدر مکمل بر صورتلده تحکیم ایتشلردی که یوموضعلر اوزرینہ بر تعرض ایدہ بیلکم ایچون بزم اردوده برتک نمونہ سی بیلہ بولنمیان بیک درلو وسائط تعرضیه احتیاج واردی . تانقلر ، اوزون منزلی آغیر طویلر ، تل اور کولرینی تخریبه مخصوص آلات وادوات، مخنق غارلر ، آلو ما کینهلری و غیرهم و غیرهم .

بوتعرضمزلک عادتا یوزده طقسان بش احتمال ایله عدم موفقیتہ اقتراستی متعاقب مقابل تعرضه کچه جک اولان انکلیزلر تعرض قوتلریمزلک قسم اعظامی اسیر ایدہ . جکلرندن بوندن طولانی قوه معنویہ سی صوک درجہلرده بوزولہ جق اولان مدافعه موضعلریمزه یابہ جقلری تعرضده دخی موفق اوله رق فلسطین جہہ سنی بالکلیه تارومار ایدہ بیلرلردی .

حالبوکه قطعاً شہہ ایدیلہ بیلہ جک حقایقندن ایدی که فلسطین جہہ سسنہ طوقوز پیاده و اوج سواری فرقه سی ایله برچوق قطعات فنیہ بیغمش اولان انکلیزلر ۱۹۱۷ صوک بهاری اواطنده ونهایت موسم شناسندنہ جہہ مزہ صوک و قطنی تعرضلرینی اجرا ایدہ جکلریدی . وحتی بوتعرضلرینی یالکسز بردفعہ بیه حصرا یتہ بیک طبق غرب جہہ لرنده نمونہ لرنی کوردیکمز طرزده آیلرله دوام ایدہ جک برحرکت تعرضیه ابتدارایله جکلریدی . بناء علیہ بزم ایچون اک عاقلانہ تدبیر انکلیزلره پک عظیم ضایعاتہ مال اولہ جق اولان بوبویوک تعرضلرک نتیجہ سسنہ انتظار ایتک و عنایت حقله اونلری کاملاً طرد ودفعه موفق اولورسہ ق اوزمان کریدہ بولندیرہ جغمز تازہ قوتلرله مغلوب انکلیز فرقلری اوزرینہ قیصہ مسافہ لی بر مقابل تعرض اجرا ایتکدن عبارت ایدی . بوترز حرکت بزہ پک بیوک فائده تأمین ایتزدی . فقط هر حالہ فلسطین وسوریه یی عظیم برتہلکندن وقایہ ایدہ جک اک مدبرانہ ودور اندیشانہ برپلان اولوردی .

بم تکلیفمہ کوره اتخاذ اولونہ جق یکانہ پلان شو ایدی :

- ۱ — بغداد سفرندن بوصول بہار وقیش موسملرنده صرف نظر ایتک ،
- ۲ — بوتون ییلدیرم فرقلرینی فلسطین ، شام ، حما وحلبہ اجتماع ایتدیرمک ،
- ۳ — انکلیز قوتلری قویہ اولوندقجہ بوییلدیرم فرقلرینی پیدرپی فلسطینہ ایندیرمک ،
- ۴ — فلسطین جہہ سندنہ ایکنجی خطده بولونہ جق فرقلرک مقدارینی برنجی خطده کی فرقلر هر اون بش کونده برتبدیل ایدیلہ جک وجهلہ تثبیت ایتک ،
- ۵ — اوچنجی خط اوله رقده مهم براحتیاط عمومی بولندیرمق ،
- ۶ — متعاقباً انکلیز تعرضلرینہ بو وضعیتده انتظار ایدہ رک حکومت عثمانیہ نک

یکانه قابل استفاده اردوسی اوله رق اولان بواردونی قطعاً تهلکیه صوقامق .
 بویه بر حرکت ایچون ییلدیرم غروپی قوماندانک قرارگاهیه برابر فلسطینه کیتسنه
 قطعاً لزوم واحتیاج یوقدی . اوچ سنه نی متجاوز بر زماندن بری بوجهه ده بولنش ، ایکی
 غزه مدافعه سنی بالذات محاربه خطنده اداره ایتش اولان فلسطین جبهه سی قوماندانی
 فون قره س پاشا برنجی و ایکمنجی خط فرقه لرینه قوماندا ایدر واحتیاط عمومی
 فرقه لری طوغریدن طوغری به بنم امرمه تابع اوله رق اداره اولونوردی .

حالبوکه ییلدیرم غروپی فلسطینه اینه جک اولورسه مذکور غروپه منسوب اولان
 یدنجی اردو قرارگاهیه ده مذکور جبهه یه اینه جک وقطعاً غیرقابل تفریق اولان فلسطین
 جبهه سنی ایکی مستقل اردو جبهه سنه تفریق ایتک لازم کله جکدی . باخصوص کافه سی
 اجتماع ایتدکن صوکر مقدار ی الی ، آلتش بیک سونکویه آنجق بالغ اوله ییله جک
 اولان برقوتی ایکی اردو ، سکزر طقوز وبلکه اون قول اردو و بیلم قاج فرقه یه
 آیرمق قدر کولونج برشی اوله مازدی . بوتون بواردو وقول اردو قرارگاهلرینی تشکیل
 ایدن کنج قیمتلی ضابطان فرقه لرده کی ضابط نقصانی اکال ایتک اوزره جبهه یه
 کوندلش اولورسه البت دهامفید ایش کورورلردی .

فقط مشیر فالغنهان پاشانک مقصدی باشقه ایدی . مشارالیه اولاپک خفیف
 مشربانه برصورتده قابل اجرا تلقی ایتدیکی بغداد تعرضنک غیرممکن اولدیغنی شیمدی
 آکلایجه کندیسنی پک کولونج برموقعه دوشورمش اولدیغنی کوردی . وبووضعیت
 مشکله دن قورتولمق ایچون برچاره دوشونیوردی . انور پاشانک فلسطین جبهه سنده کی
 انکلیز لره بر تعرض اجرا ایتک حقنده اوچ درت آی اول تصور ایتدیکی فکری
 کندیسنی ایچون مدار خلاص تلقی ایتدی و انور پاشانک بالاخره بنم اصرارم
 اوزرینه ترک ایتدیکی بوفکری ایلری سورمه رک : « جمال پاشا بوحرکتی قابل اجرا
 کورمیور اما بنهم ممکن وهمده فائده لی تلقی ایدیورم ! » ادعاسنه قیام ایتدی .
 اگر انور پاشایی اقناع ایده بیلیرسه کندی و طننده کی دشمنلری نزدنده کوچوک
 دوشمکدن وبلکه ده تقاعده سوق اولونمقدن قورتاره ییله جکدی .

فقط انور پاشا نه فلسطین جبهه سنه قوت سوق ایتدیکی ونده بغداد سفرندن
 واز کچمکی قبول ایتده دی وقرارنده ثبات ایتکده اولدیغنی بیانیه مجلس حربه نهایت
 ویردی . اساساً برآبی متجاوز بر زماندن بری حلبده یدنجی اردویه منسوب بعض
 قطعات اجتماع ایتکه باشلامش ویدنجی قول اردو قوماندانی مصطفی کمال پاشا قرارگاهنی
 حلبده تأسیس ایتشدی . بوقتولرک فلسطین جبهه سی ایچون حیات درجه سنده الزم
 اولدیغنه ایمانم قدر قانع ایکن بونلرک بلا لزوم حلبده اوطورمقده اولدیغنی کورمه ک
 بنم ایچون غیر قابل تحمل بر حادته تشکیل ایدیوردی . بناءً علیه مجلس حربده

انور پاشا طرفندن اصرار ایله بیان ایدلمش اولان مطالعه و قراره رغماً بوقوتلرک بلا افاته وقت جنوبه ایندرلمسنى تحریر آ طلب ایتمکده دوام ای دیوردی .

اوکونلرده بیلهم نه دن طولای آلمانیا ایمپراطوری طرفندن غرب جهه سنى زیارت ایتمک اوزره بر دعوت مخصوصه آلدی . آلمانیا سفارتی مستشاری قونت و الدبورغ - که اوصرده مصلحت کذارلق وظیفه سنى ایفا ای دیوردی - ایمپراطورک بودعوت مخصوصه سنى رسماً خارجیه نظارتیه ابلاغ ایتمدیکی کبی بکاده ایمپراطور حضرت تلینک سلاملریله برابر تبلیغ ایتمشدی . عینی کونده آوستریا ایمپراطوری حضرت تلی طرفندن دخی آوستریا جهه سنى زیارت ایتمک ایچون مدعو بولوندیغمه دائر آوستریا سفارتنک تبلیغاتى آلدی . مساعدۀ سینه نک استحصالندن سوکره اولا آلمانیا به کیتدم . ویلهلمسها فنده دوتما یی زیارت و اورادن « بایرن » زرها سیله قوقسها فنه عزیمت ایتمکدن سوکره کیله کیتدم . پرنس هازری فون پرویزن حضرت تلی طرفندن بک زیاده حسن قبوله مظهر اوله رق ترسانه لری وفه زبور غده کی مکتب بخریه یی کزدم . پرنس حضرت تلیله برابر بر چوق تحت البحر تجر به لرند بولندم و اورادن هامبورغه و آسنن ده کی قروپ فابریقه سنه ده اوغرا قدن سوکرا قروپخنده کی آلمان قرارگاه عمومیه سنه کلدی . قرارگاه عمومی به مواصلت ایتمدیکنز صباح آلمان قطعاتنک « ریغا » به داخل اولدیغی خبرینک واصل اولدیغی کوندی . قرارگاهده هرکس سوک درجه نشئلی ایدی . اوکون بکا کندی ایله « پورلومریت » نشاتی اهدا ایتمش اولان ایمپراطور حضرت تلی جداً بشوش و مسعود کورونیورلردی . فقط یالکنز بن ظاهر آ نشئلی وکولر یوزلی کورونمکه چالیشمقله برابر ایچمدن قان آغلایه جق قدر محزون و کدرلی ایدم .

بو حزن و کدریمک سببی قروپخنده مواصلتمله برابر انور پاشادن آلدیغم رشیفه رملى تلغرافنامه ایدی .

بو تلغرافنامه ده انور پاشا دیوردی که :

« فون فانتها ین ایله بر قاج دفعه ده ما کوره ن سوکره فلسطین جهه سنه ده کی انکلیزر علیه ییلدیرم غروپنی تشکیل ایدن قوتلرله بر حرکت تعرضیه اجراسنه قرار ویردم . بوحرکتک اسباب اجرائیه سنى تأین ایتمک اوزره فون فانتها یی فلسطینه کوندردم . بو حاله کوره فلسطین جهه سنه دخی مشارالیه ک قومانداسنه ویرلسی ضروریدر . بناء علیه کندیبی طرفندن ویرله جک اوامرک اجراسی لزومنی فون قردس پاشایه ابلاغ ایتمکزی رجا ایدرم . »

بو تلغرافنامه بنم ایچون الک الیم برضیه ایدی . آلمان جنرالی کندی مقصدینه نائل اولمش و بنم وطنمک نامتناهی ضرر کوره جکی منحوس پلانی قبول ایتمدی مشدی .

انور پاشایه عیناً شو تلغرافی یازدم :

« آلمانلرک باشنه بروردون فلاکتی کتیرمش اولان جنرال فانقهاین بزم باشمزمده بر فلسطین تعرضی بلاسی کتیره جکدر . »

باشمزمه کله جک فلاکتلری نه قدر کوزل کشف ایتمش اولدیغمی بالاخره نه قدر الیم بر صورتده آکلادم . دوشمه مک ایسته دجه ده آکلاشلماز تدبیرلره توسل ایدرک کنیدیسیله برابر کنیدی و طنداشلرینی و اولنرک متفقیریی ده اوچوروملره سور و کله بن بذات بجه قدسک ، بوتون فلسطینک و تکمیل سوریه نك ضیاعنه یکانه سیدیر . فانقهاینک یاقمق ایسته دیکی بو حرکتک بوتون مضراتی اوکون مارشال هیندنبورغه و جنرال لوده ندورفه آکلایمغه چالیشدم . مارشال هیندنبورغ بو قدر اوزاق مسافه دن بو حرکتک مضرت و فوایدینی تقدیر ایتمک مشکل اولمقله برابر حقم اوله جغنی ظن ایتدیکنی سوبله دی . جنرال لوده ندورفده عینی مطالعه یی در میان ایله برابر بعضاً دشمنی کنیدی ایسته دیکی طرفه دکل ، بزم ارزوایتدیکمز نقطه یه توجیه و هجومه مجبور ایتمک ایچون آنک اوزرینه بر تعرض اجراسنک فائده لی اوله جغنی سوبله یه رک بئله که جنرال فانقهاینک بو مطالعه یه مستنداً بر حرکت تعرضیه اجراسنه قرار ویرمش اوله جغنی فکرنده بولوندیغنی بیان ایلدی . مع هذا کنیدی طرفندن بر مداخله نك مضر اوله جغنی و استانبوله عودتده انور پاشا ایله کوروشه رک مېشله یی حل ایتمکدن بشقه چاره اولمادیغی علاوه ایتدی .

قروچیاخذن صوکره بروکه ، زه بروکه ، اوستاند طرفلرینی و قرارکاهی قورترده بولنان دردنجی المان اردوسی جهه سنی دولاشدقن صوکره برلینه و اورادده ویانه طریقیله استانبوله عودت ایتدم .

استانبوله یکیدن مذاکره باشلادیغم انور پاشایی قرارندن واز کچیرمکه مقتدر اوله میانجه استغفای نظر دفته آلام . تا معان حدالینه قدر توسع ایتمش اولان عرب اختلالی در میان ایدرک اکر شیمدی سوریه دن انفکاک ایده جک اولورسم بواختلاک پک یقین بر زمانده شامه انتقال ایده جکینی و بوضوئله وطنک محقق بر فلا کته اوغرایه . جغنی در میان ایدرک بومضر نیتدن واز کچمک کلکی انور پاشا اصرار ایله رجا ایتدی . پاشانک در میان ایتدیکی محذور حقیقه وارد ایدی .

آنحق بزم شدید سیاستم سایه سنده اختلاله جسارت ایده مین درزیلرله معانک بری طرفنده کی بدویلر ، باخصوص شامده تأثیراتی کرکی کبی احساس ایتدیرمکه باشلامش اولان عرب اختلالجیلر در عقب قیام ایده بیلیرلر و فلسطین اردوسنک اتصالاتی قطع وهرنوع وسائط اعاشه سنی یغما ایده رک کاملاً دوچار اسارت اولسنی موجب اوله بیلیرلر دی .

بنم ایچون یکی بر فدا کار لعه قاتلانمقدن باشقه چاره قالماشدی. سوریه و فلسطین داخلنده بنم وضعیتیم ایله جنرال فائقهائیک وضعیتنی تمامیه تثبیت ایدمک بر صورت تسویه قرار لاشدیرمغه مجبور اولدم. بو صورت تسویه کوره جنرال فائقهائین ییلدیریم اردولری غروپی قوماندانی عنوانیه بو اردو غروپنه منسوب یدنجی اردو ایله فلسطین جبهه سنده انکلیزلر علیهنه بر تعرض اجرا سنه مأمور اوله جقدی. بالطبع او زمانه قدر بنم قوماندانه تابع اولان فون قره س پاشا قومانداسنده کی فلسطین جبهه سی قطعاتی ده بو تعرضک احضار واجرا ابدلیکی مدته منحصر قالمق اوزره موقه ییلدیریم غروپی قوماندانک امرینه ویریه جکدی. و کرک ییلدیریم غروپنه تابع اردولرک و کرک فلسطین جبهه سی قطعاتک اعاشه و تجهیز و سائطی بنم طرفدن اکال اولونه جقدی. جنرال فائقهائین سوریه و فلسطینک مقامات ملکیه سیله هیچ بر مناسبتده بولمیه جق و اداره ملکیه ایله یالکیز بن تماسده بولنه جقدم. شریعه نهرینک شرق ساحلنده کی عرب قطعاته قارشنی اجرای حرکات ایدن قطعات بنم امریه تابع اوله جق و یافه دن اعتباراً شماله طوغری بوتون ساحل مدافعه سی و مملکتک امنیت داخلیه سی بکا تابع اوله جقدی. بو اعتبار ایله بنم عنوانم دخی «سوریه و غربی عربستان اردولری عموم قوماندانی» اوله جق و اردولر غروپی قومانداننی صلاحیتی حائر بولنه جقدم. ا کر جنرال فائقهائینده حسن نیت اولسه یدی بو صورت تسویه سوریه و فلسطینک قوماندان و اداره ایشلرنده هیچ بر قاریشیقلی انتاج ایتمز و هرشی استکیسی کی جریان ایدردی.

بغداد سفری فکر یله حلبده بوشی بوشنه بر یچق ایکی آی قدر وقت کچه مش اولان فرقه لرک فلسطین جبهه سنه پک کچ داخل اولمش بولنملری محذور عظیمی هیچ بر شیدله قلافی ایدیه مه مکله برابر هیچ اولماز سه سوریه نک اوچ سنه لک اداره داخلیه سنده هیچ بر تحوّل حصوله کلمزدی.

فقط فون فائقهائیک مقصدی بالکلیه بشقه ایدی: هر نه صورتله اولور سه اولسون بر کره فلسطینه داخل اولدقدن سوکرا بیک دورلو وسائطه مراجعت ایدرک بنی چکلمکه مجبور ایتک و سوریه داخلنده بنم مقامه قائم اولمق.

آلمان جبهه سندن استانبوله غودت ایتدیکم زمان یدنجی اردو قوماندانی مصطفی کمال پاشا ایله جنرال فون فائقهائیک آرمه سی آچیلمش اولدیغنی خبر آلمشدم. اسبانی تدقیق ایدنجه مصطفی کمال پاشانک تمامیه حقلی اولدیغنی ا کلام.

مصطفی کمال پاشا اردو قوماندانلغنه عائد صلاحیتلرنی تمامیه محافظه ایتک ایستور، حالبوکه فون فائقهائین حتی قول اردو قوماندانلرینه قارشنی یله یاپیله میه جق صورتده یدنجی اردو امورینه مداخله ایتک قالفیشوردی. مثلاً مصطفی کمال پاشا کندیسنه تخصیص

ایدلش اولان منطقه داخلنده کی عربان امورینه طوغریدن طوغری به مداخله ایتک ایسته ن فائقه بانه بوک صلاحیتدار اولدیغنی وبوایشلر آتجق اردونک وظیفه وصلاحیتی داخلنده بولوندیغنی درمیان ایدیوردی . علی الخصوص فائقه بانه عربانک احوال روحیه لرله قطعاً قابل توفیق اولمیان بعض مذاکرات واجر آتک منافع وطنه درجه مضرتی تقدیر ایدن مصطفی کمال پاشا آلمان جنرالنک اقتداری خارجنده کی ایشلرله اشتغالنه قطعاً مانع اولمق ایستیور وبوبابده اردو قوماندانلغنک کندیسنه بحش ایتدیکی صلاحیته استناد ایدیوردی .

ایشته تشرین اول واسطنده استانبولدن حلبه کلدیکم زمان سوریه ده کی وضعیت عمومی بو مرکزده ایدی . مصطفی کمال پاشا ایله اوصرمده اوزون اوزادی به مذاکره لرده بولونق . جنرال فائقه بانه مملکتک باشنه من طرف اهل صولک بر بلا اولمق اوزره خلق وایجاد ایدلش اولدیغنه قرار ویردک . مصطفی کمال پاشا بو آدمک معیتنده قطعاً خدمت ایدمه به جکنی آکلاپور ، بنده جنرال فائقه بانه سوریه ده بولوندیغجه اوج سنه ظرفنده اوراده تأسیس ایتدیکم نفوذک دوچار زوال اوله جغنه وبوندن مملکت ایچون غیر قابل ازاله مضرتلر تکون ایدمه جکنه قانع بولنیوردم . باری فلسطین جهه سنده کی حرکاتک اداره سنده ابراز اقتدار ایدمه جکنه امین اولسه ایدک ، دیگر قصورلری عفو ایدمه جکدک . فقط کرک بنله وکرک مصطفی کمال پاشا ایله سبق ایدن فی مذاکره لری اثناسنده اولیه عقللره حیرت ویره جک فکر ومطالعهلر درمیان ایدیوردی که بو کیدیشه اهل صولک امیدکده زواله یوز طومقده اولدیغنی کوریوردق .

نهایت مصطفی کمال پاشا ایله جریان ایدن براینکی آجی مخبره دن صوکره مصطفی کمال پاشا اردو قوماندانلغندن استعفا ایتدی واستانبوله عودت ایتدی . کندیسندن صوکره بنده همه حال استعفا ایدمه جکمی وانجق اوصرمده سوریه به کله جکنی بیلدیرمش اولان انور پاشانک ورودینه انتظار ایتدیکم مصطفی کمال پاشایه سویله دم . قرارم پک قطعی ایدی . فقط متعاقباً شامه کلمش اولان انور پاشا اوقدر رجا ایتدی ، بیروت ، سوریه وحلب والیرلی عزمی ، تحسین ویدری بکلر اودرجه ایله اوستمه دوشیدیلر که دها برمدت ایچون سوریه بی ترک ایتمه مکه مجبور اولدم . مصطفی کمال پاشا بو حرکتمدن طولانی بکا کوچنمشدی . فط بالاخره کندیسنی اقناع ایتدم که اوزمانکی وضعیت بی صولک بر فدا کارلغه دها اجبار ایلشدی . مع هذا برآی صوکره قدسک منحصراً فائقه بانه خطایی یوزندن ناحق یره سقوطی آرتق بنده امکان مقاومت برافادای واستانبوله عودتمی موجب اولدی .

تشرین اولک نهایتلرینه طوغری ایدی ، دشمن غزه جهه سنی متبایاً بومباردمان ایتمه باشلامشدی . کویا دشمندن اول داورانوبده چول داخلندن دولاشه رق

انكلیزلرك كریلرینه برهجوم توجیه ایده جك اولان فاقنهاین جنابلری هنوز یوز اللی ایکی یوز ضابطدن مرکب عظمتلی قرارگاهیه حلبده بولنیوردی .

دها اول فلسطین جبههسته سوق ایدلمش اولسه لر ایدی ، شیمدییه قدر فریح فخور یرلرینه واصل اولمش و جبهه یی طایه رق دشمنه شدنه مقاومت حاضراشمش بولونه جق اولان فرقه لر حلبدن اعتباراً یافه واورادن ناصره اوزرندن غزیه دوغری قره دن یورووش یاقمقله مشغول ایدیلر . پك حزئی بر قسمی شمنه دوفرله هنوز یرلرینه واصل اولمش بولنیوردی . نهایت مشیر پاشا حضر تلری جبهه یه عزیمته قرار ویره ییدیلر ودر عقب یوله چیقیدیلر . فون قره سك بیك درلوا اعتراضه رغماً جبهه ده کی احتیاطلرك موقعلر نی آلت اوست ایتمك صورتیه ترتیبات تدافیه یی بر باد ایتدیلر وخیل الرحمن صر تلرندن تل الشریعه استقامته وغزیه جبهه سنی یارمش اولان انكلیزلرك کریلرینه تعرض ایده جكم دیهرك عسكرك قوه معنویه سنی بالکلیه بوزدیلر و برکت ویرسین که ایکی اوچ سنه دن بری اوجبه ده بولونه رق هر طرفی قاریش قاریش طائمش اولان قوماندانلرك سکونت دملری ونم دها اولجه رجعت خطلری اوزرنده احضار ایتدیردیکم مدافعه موضعلری سایه سنده اوراده طول کرم ایله یافه آره سنده و طاعلق اقسامده خلیل الرحمن ایله قدس آره سنده دشمنی توقیف ایده ییدیلر . بزم ایچون حیات ممات درجه سنده حائز اهمیت اولان غزه — بئر السبع جبهه سنك بو صورت فجیه ده دوچار ضیاع اوله سنك یکانه مسبب مسئولی کندیسنی اولدیفی خالده مشیر فون فاقنه این درت سنه دن بری عثمانلی اردوسته پك بیوک خدمت لر ایفا ایتمش وباخصوص فلسطین جبهه سنده خارقلر ایجاد ایتمش اولان قره س پاشایه اسناد خطا ایتمکدن و اردومزك الك کزیده امراسندن اولدیغی بنی حیرتله القا ایده جك قهرمانلق و تدابیر مصیبه سیله اثبات ایتمش ارکان حربیه میر آلائی رأفت بکی جبانته اتهامدن چکینه دی .

رأفت بك بزم ضابطمز اولمانی اعتباریه بن کندیسنی محافظه ایتدم . فقط زوالی قره س پاشا بونجه فداکارلقلرینك صوك مكافاتی اوله رق فاقنه اینك اتهاماتی آلتنده جبهه ده کی قوماندانلقدن عزل اولوندی وفاقنه اینك قرارگاهنده کندیسنه اطاشه امورنده معاونته مأمور ایدلدی . مع هذا كرك بنم اشعاراتم و كرك فون قره سك غایت مدلل ومفصل راپوری فاقنه اینك خطالرینی میدانه چیقارمق ایچون کافی ایدی .

او صر ده انور پاشا علی العجله استانبولدن سوریه یه کمش و فلسطین جبهه سته قدر برسیاحت اجرا ایتمش ایدی . شامدن مروری اتناسنده فاقنه اینك غیر قابل عفو تعیه خطالرینی برر برر کندیسنه تعدا ایده رك بوذاتك بزی جدی برفلاکته سور وکله ییله جکنی و احوال حاضرده داخلنده فون قره س بوجه دن چکلمکدن ایسه

فائقه‌هایك چكلمه‌سی وفون قره‌س پاشانك محمده ابقاسنی و یاخود هیچ اولماز ایسه فائقه‌هایك رینه ییلدیرم غروپی قوماندانلغنه مصطفی کمال پاشانك کوندریله‌سی رجا ایتدم . برآرملق بونك قبولنه امکان اولمادیغنی و آلمانلر طرفندن معاونت ماده‌یه مظهر اولق ایچون بر آلمان جنراللك فلسطين جبهه‌سی قوماندانلغنده بولماسی لازم كله جكنی سويله‌دی .

فائقه‌هاین جبهه‌ده اوغرا دیغنی مغلوبیتی هیچ كندی اوزرینه آلمایه‌رقینه اوست برده‌دن آتیور ونم ایشلریمه مدخله‌یه بيله جرأت ایده یلیوردی . او قدر كه نابلس متصرفزی تحقیر ایتمكدن، والیرله آمرانه اشعاراتده بولمقدن بردقیقه خالی قالمیوردی . طوغریدن طوغریه كندی قرارگاهنه مربوط اولق اوزره اوتده بریده تشكیل ایتدیكى آلمان منزل نقطه‌لری قوماندانلری فون فائقه‌هایندن یوز بولهرق مأمورین ملكیه‌مزه وحتی ضابطامزه بد معامله‌لرده بولمغه قیام ایتشلردی . خلاصه فائقه‌هایك وجودی سوریه‌ك اوزمانه قدر آلیشدیغنی احوال اداره‌نی بالكلیه آلت اوست ایده‌جك برشكك آلمشدی . بونلری كاملاً انور پاشایه حكایه ایدرك بو شرائط داخلنده بنم سوریه‌ده قالمقلم ممكن اوله‌میه جغی، بنم تمادی مأموریتدن فائده رینه مضرت تكون ایده جكنی آكلاتدم .

خلاصه دییوردمكه: «اكر سوریه‌ده سلامت اداره ایسترایسه كز یابن یافائقه‌هاین! ایكیمزدن برینك بورادن نری آلتنی و تكمیل ایشلرك یالکیز بر قوماندا آلتنده توحیدی اقتضایدر . غزه - بئر السبع جبهه‌سك سقوطی اوزرینه فلسطين جبهه‌سی ايله معان حوالیسندكه عرب جبهه‌سی بر خط متصل حالنه كمشدر . هله یاقینده قدس دخی انكلیزلرك آلنه كچه‌جك اولورسه بوايكي جبهه‌ی یكدیكردن تفریق ایتنه‌ك امکانی اولماز . اوحالده فلسطين جبهه‌سك بر قوماندایه و عرب جبهه‌سك اوندن بالكلیه مستقل ديك بر قوماندایه تابع طوتولماسی نه عقله نه‌ده فنه توافق ایدر .

معان جبهه‌سك دخی فائقه‌هاینه اعطاسی حالنده بنم سوریه‌ده‌كی وظیفهم بر منزل مفتشلكی منزله‌سنه ایزكه هر حالده اوچ سنه‌ك خدمتدن صوكر بو حقارتی بكاروا كورمزسكز . شاید فائقه‌هاینی بورادن چكه‌جك اولورسه كز فلسطين جبهه‌سی قوماندانلغنی مصطفی کمال پاشایه و عرب جبهه‌سی قوماندانلغنی‌ده مرسینلی جمال پاشایه - عربلر برای تفریق بو عنوانی ویرمشلردی - تودیع ایدرم . بنده عمومك قومانداسنی درعه‌ده ایدرم . شاید بونك اجراسنه امکان یوقسنه اوزمان بن غایت ماهرانه بر صورتده بدایتاً هیچ كیمسه‌یه سزدیرمیه‌رك بورادن كویا لمصلحة استانبوله كلیم وبالاخره استعفا ایدرك بالكلیه چكیلیم .»

فائقه‌هایك قوماندادن اسقاطی آلمان قرارگاه عمومیسيله اوزون اوزادی‌یه مخبریه

محتاج اولدیغنی، مصطفی کمال پاشا ایسه استانبوله ورودنده زیاده جه خسته نشن اولدیغندن کندیسینک بر مدت ایچون جدی استراحته محتاج اولدیغنی و اخیراً بیلمم هانکی مأموریت رسمیه ایله آلمانسیاه کیتمش اولان ولی عهد سلطنتک رفاقیته اوروپایه کوندر دیکنی و بناءً علیه فلسطین جبهه سی قوماندانلغنک کندیسینه ویرلمه سی قابل اوله میه جغنی و کندی فکر نجه بنم سوریه ده قالمقلم فوق العاده موجب فوائد ایسه ده بن مادامکه عکس مطالعه ده بولنیوردم، بعض کونا تدابیر مخصوصه اتخاذ ایتک شرطیه ایسته دیکم زمان استانبوله عودت ایده بیله جکمی و شوق قدر که امر و قوماندانی کاملاً فائقه یان در عهده ایتسه بیله امور ملکیه یه مداخله سنه مساعده ایتک و علی الخصوص عربان ایله و علی العموم عرب سیاستیه اشتغاله مأذونیت ویرمک ایسته مه دیکندن بو خصوصاتک شمیمدی یه قدر طرز سیاستمی تمامیه آکلامش اولان بر ذاته تودییی لازم کله جکمی سوبله دی و متعاقباً استانبوله عودت ایتدی .

اوصره ده هنوز قدس سقوط ایتمه مشدی . قدسی مدافعه یه مأمور اولان قول اردونک قوماندانی میرلوا علی فؤاد پاشادن آلدیغم معلومات خصوصیه کوره جنرال فائقه یان قدسک مدافعه سی طرفداری دکلدی . فکرجه بوندن بیوک خطا و عثمانلی سلطنتت حقوقنه بوندن بارز اخانت تصور اولونه مازدی .

فائقه یان بلده مقدسه نک مدافعه سی مقامات مبارکه نک طوب مر میرلیه خراب اولمسنی انتاج ایده جکندن بوکا قطعاً راضی اوله میه جغنی بر مکالمه اشناسنده علی فؤاد پاشایه سوبله مشدی . بوندن ده کولونج بر فکر اوله مازدی ، قدس شهری صلیبیون زماننده اوله اسلاملر طرفندن صلیبیونه قارشو و صو کره مؤخر آ بو صو کره کیلر طرفندن صلاح الدین ایوبی یه قارشو مدافعه ایدله مشمی ایدی ؟ اون برنجی واون ایکنجی عصرده قابل تجویز اولان برشی نصل اولیورده یکر منجی عصرده جائز اوله میوردی ؟ شاید قدسده کی مقامات مبارکه نک خراب اولماسی لازم کلیورسه خرسیتیان اولان انکلیز اردوسنک بوشهره تجاوزدن و شهر اوزرینه طوب انداختندن توق ایتمه سی ایجاب ایدزدی . هر حاله بز شهرک ایلرو سنده مدافعه یی اختیار ایده جکمز ایچون شهره ادابت ایده جک اولان مر میرلر بزه دکل ، انکلیزلره عائد اوله جقدی . بناءً علیه بو مطالعاتدن بحث ایتمه یه رک قدسک سوق الجیشجه جائز اولدیغنی اهمیت فوق العاده یی ایضاح ایله بو موقعک دشمن الله دوشمه سی ایچون فوق العاده اعتنا ایدلمسنی و آلدیغم معلوماته کوره قدسده کی قوت پک جزئی اولدیغندن اورانک همان بر فرقه قوتله تقویه سنی و طرفدن دخی بر جوق محاذیرینه رغماً عرب جبهه سندن تصرف اولنان بر سواری آلاینک قدسی تقویه ایتک اوزره همان یوله حیقار لدیغنی بر شفره لی تلغرافنامه ایله فائقه یان پاشایه یازدم .

ویردیکی جوابده سواری آلاینک کوندر لمسندن طولانی تشکر ایدیور و حالاً

قدس قوتی شهرک مدافعه سی ایچون کافی کوردی کنی سویلیوردی. قدس الدن چیقار سه
 قدس - عمان یولی دشمنه کشاد ایدله حکندن غایت متثبت اولدینی بالتجربه ثابت
 اولان دشمن سواریلرینک سریع وجسور برحر کتله عمانه قدر ایروله یه جلدنی و بو
 صورتله عربلره قارشو معانده محاربه ایدن قوتلریمزک کاملاً محو اوله جغنی و اونی متعاقب
 عرب اختلالنک درزیرله و حوران و بلدکده شامه انتقال ایدرک بوتون فلسطین
 اردوسنک منزل خطلرینک تهلمکده کیره حکنی درمیان و قدسه هیچ اولمزسه شمدیلک
 بر ویا ایکی پیاده آلاینک و بر ایکی بطریه آغیر طوچینک کوندرلسنی بردها رجا
 ایتدم . بورجامه جواب بیلله ویرمه کنزل ایتهدی ونهایت ۹ کانون اولده انکیلزلر
 پک یورغون اولان عسکریمزک غفلتدن بالاستفاده یادقلمی . باصقین حرکتیه
 سیاست ، سوق الجیش و حتی تعبیه جه فوق العاده حائز اهمیت اولان اوموقی عادتاً
 بلامشکلات ضبط ایتدیلر . قدسی ترک ایدرک قدسله « ارنجه » ارمهنده کی صرتلرده
 طوتونه ییلمش اولان علی فوآد پاشادان اوصباح آلدیغم بر تلغرافنامه ده بدیخت عثمانلی
 قوماندانی بکاشویه یازیوردی :

« قدسک مدافعه سنه مأمور اولدیغم کوندنبری بونجه اصرار و تآکیدلریمه سزک
 طرفکزدن بلا اشعار کوندرلش اولان سوارلی آلایندن بشقه ییلدیرم غرونی
 قوماندانلغندن حتی رطابور بیلله قوه امدادیه آلامادیغمن قطعاً تبدیل ایدله میهرک
 هفته لرحه برنجی خط سپرلنده قالمغه مجبور اولان زواللی عسکریمزک دوچار اولدینی
 فوق العاده یورغونلقدن استفاده ایدن انکیلزلر بوصباح بر باصقین حرکتیه اوکوزل
 قدسی اشغال ایتدیلر . هر حالده بوسقوطک مسئولیتی کاملاً فائقه این پاشایه عائددر ! »
 علی فوآد پاشا جداً طوغری سویلیوردی . فقط ارتق بنده ده تاب اوطاقت
 قالمشدی . او زمانه قدر استانبول سیاحتمده کی حقیق مقصدیمی ستر ایده جک
 تدابیری اکمال اتمش اولدیغمن فائقه اینلر و امثالی النده ابدیاً ضایع اوله جغه او
 دقیقه دن اعتباراً قطعاً قانع اولدیغم فلسطین و سوریه یی بویه الیم بر حال کشمکشده
 براققدن متولد حزن و الم تأثیریه ترهنده ایکی ساعتدن فضله هونکور هونکور
 آغلاویه رق کانون اولک اون ایکنجی کونی استانبوله متوجهاً شامدن حرکت ایتدم .
 یته تکرار ایدیورم که قدسک سقوطی مسئولیتی منحصر آفاقه این پاشایه راجعدر .
 قدسی تقویه ایچون النده کافی قوتی اولمادیغنی قطعاً ادعا ایده مز . زیرا قدس بر
 اوکسوز چوجوق غریب لکی ایه کندی ضعیف قوتنه ترک ایدیلدیکی صرمده فائقه این
 جنابلری طول کرمه طاغیر ارمهنده مقابل تعرضلر اجراسی صورتیه چوجوق
 اویونجاغی طرزنده بعض حرکتلر یاپور و یورغونلقدن جانی چیقمش اولان زواللی
 تورک عسکرینی ناحق یره اولدور یوردی . بزم او زمانکی وضعیتمز ایسه قدسی

صول جناحز ایلروسنده بر نقطه استناد کی قوتله طوتهرق طاغلرله دکر آر سنده
قطعی و پک مستحکم بر خط مدافعه اشغال ایتمی و مدافعه قطعیه حالده قلمی استلزام
ایدیوردی .

قدسی اوچ سنه دبری بن پک کوزل تحکیم ایتش واپک طاشلق اولان اراضی
داخلنده لغملرله قایلری تحریب ایدرک بر خطدن عبارت سپرلر و طویچی موضعلری
ایله محفوظ محللر وجوده کتیرمش ایدم . بویله بر موضع مستحکم صول جناحز
متناسنده بولوندقجه دشمن بوموضع ارقه سنی و یرمک اصل اردونک طاعلق اقسامندن
یانلری چورمکه جرأت ایده مزدی . او حالده دائمًا و قوتله دکره استناد ایتمی
لازم کلن صاغ جناحز قارشى توجیه ایده جکی تعرضلر غزه - بئر السبع جهه سنده
اولدینی کی اوزون مدت توقیف اولونه بیلیدی . قدسی اشغال ایتدکجه دشمن
معان طرفلرنده کی غرب جهه سیله تعبییه توحید حرکاته مقتدر اوله مازدی . بوتون
بوفوائد قدسک سقوطیه آلت اوست اولدی .

کرچه قدسک طرز سقوطی ، اصول تعبییه سنک سقامتی فائقه یانک بیلدیرم غروپی
قوماندانلغندن قالدیرلمسنى انتاج ایتش و بنم استانبوله مواصلتمدن اون کون صوکره
بومشئوم آدم دخی استانبوله کلش ایسه ده بو تدبیر هر حالده پک کچ قالمشدی .

هیچ لایق اولمادینی بر عاقبت فجیعه یه دوچار اولان زواللی فلسطین جهه سی
اوندن صوکره منحصر آجواد پاشا ، مصطفى کمال پاشا ، فوزی پاشا ، علی فؤاد پاشا ،
رأفت پک ، سابق ارکان حربیه رئیس علی فؤاد پک ، سواری میرالای اسعد پک
وسائر کبی تورکلکک مدار افتخاری اولان و هریری بو حرب عمومی اثناسنده
عثمانی امپراطورلغنک اعاده شرف و اقبالی اوغورنده خارقلر ایجاد ایتش بولنان تورک
اوغلی تورک قوماندانلرک همت و جنکاورلکلری سایه سنده ده سکر طقوز آی عینی
خطی محافظه و بر آراق عماره قدر ایلروله مش اولان انکلیر سواریسنى تار و مار
ایتمک موفق اولمش ایسه ده هر حالده غروب قوماندانلغی طرفندن بر حسن اداره یه مظهر
اوله مامشدی . فائقه یانی استخلاف ایدن مشیر لیمان فون ساندروس پاشا کرچه خلوص
نیت صاحبی بر ذات ایدیسه ده سوریه کی غایت قاریشیق مسائل سیاسیه جلوه گاه اولان
بردار الحراکنده باش قوماندانلق ایفا ایده یله جک بر تجربه محلیه صاحب اولمادیغندن
بالخاصه اعاشه مسائلنده قطعاً موفق اولامیوردی . ۱۹۱۸ سنه سی ابتدالرنده سوریه
ایشلرینک فوق العاده بوزوق کیتمکده اولدیغندن بحشله بیلدیریم اردولری غروپی
قوماندانلغی ایله اورایه عودتمی انور پاشا بندن رجا ایتشدی . کرچه احوالک درجه
فوق العاده بوزولمش اولمسندن طولای بنمده ایش یاپه بیلیمکلکم امکانی
قالمش ایسه ده پاشانک بورجاسنى ده قبول ایتدم . مع هذا بو قرار هنوز قطعیت

کسب ایتمه دن ۱۸ ایلولده انکلیزر بیوک بر سواری قوتیه عثمانلی جبهه سنک اووا قسمی یارمش و غروب قرارگاه عمومیسنک خبری اولمان تا ناصریه قدر ایلوله مش اولدقلرندن علی العجله قرارگاهدن فرار ایدن غروب قوماندانلی ایله اردو قوماندانقلری آرمسند کونلرجه اتصال قلامش ونهایت اردولرک پریشان بر حالده عکا - درخاطنه چکلمسی انتاج ایش ایدی . صوکره خبر آلمکه لیمان پاشا امر و جبهه سنی پک ضعیف بر فرقه یه حواله ایشک و بونک کریسنده هیچ بر احتیاط بر اقامق و تکمیل قوتلری طاغلق اقسامه چکمک کی عظیم بر تعیه خطاسی ارتکاب ایتدیکندن انکلیزر بو جرأتلی سواری مانورده سنه قرار ویرمش و غروب قوماندانلی قرارگاه عمومیسنی صباحه قارشى قوناقلرنده کیجه لک انتاریسیله باصدیرمشدر .

۱۸ ایلولده نابلس اوکنده دوچار اولدیغمز بو مغلوبیت نتیجه سنده بوتون سوریه عربلری اعلان عصیان ایش و مصطفی کمال پاشانک صوکره غیرت و همتلرله چکلمکه چالیشان زواللی اردو نهایت ۲۷ تشرین اولده حلبی دخی تخلیه یه مجبور اولمشدر . ۳۰ تشرین اولده عثمانلی حکومتی دول ائتلافیه ایله عقد متارکه ایتدی .

بن ادعا ایدیورمکه اولا ، بغداد استردادى فکری طوغماسه ایدیده ، بوتون قابل استفاده قوتلر فلسطین جبهه سنه تخصیص اولونسه ایدی ، ثانیاً فائقه این فلسطین اردوسنک باشنه کچمه ایدی، ثالثاً فائقه این بونجه تعیه خطلری ارتکاب ایتسه ایدی، غزه - بئر السبع جبهه سی سنه لرجه الیزده قالیر و بناء علیه متارکه زمانده سوریه و فلسطین عثمانلی امپراطورلغنک تحت اشغالنده بولنوردی . عکسی ادعاده بولونانلرله فی مناقشه یه هر زمان حاضر م .

عرب اختلالی

شامه موصلنمده سوریه والیسی خلوصی پک بنمله غایت مهم مسائل اوزرینه مذاکراتده بولنق ایستدیکنی سوبله مشدی . همان اوکیجه دائره حکومتده برلشدک . فرانسز قونسلوسخانه سندن مصادره ایدلمش اولان پک مهم وثائق رسمیه یی بکاتودیع ایتدی . بو وثائقدن قسم کلیسی شامک و بیروتک و ده سائر شهرلرک اسلام اکابرینی اتهام ایشکده اولدیغندن بونلر اوزرینه هان تعقیبات اجراسی لازم کلوب کلمه یه چکنی کسیدیرمه مش اولدیغنی و قرار ویرمک ایچون بنم موصلتمه انتظار ایتدیکنی سوبله دی . وثائق مذکوره عرب اختلالچیلرینک فرانسز حمایه سی آلتنده و عادتاً فرانسه حکومتنک ترتیبات و تشویقاتیه چالیشمده اولدیغنی هیچ برشبه و تردده محل برافقسزین اثبات ایدیوردی . فقط بو خائنلر علیه درعقب تعقیبات قانونیه

اجراسنه باشلامق تأمیننه چالیشدیغمز توحید حرکات اسلامیه غایه‌سی نه‌لکه‌یه الفایده‌ییلردی . دشمنلریمز بوتعقیبات قانونیه اطرافنده اوقدر شدید بر پروپاگاندا اجراسنه توسل ایدرلردی که بزمله تماسلرینی غائب ایتمش اولان مصرکی ، هندستان کی ، جزایر وفاس کی اسلام مملکتلری تورک‌لرک برحس انتقام ویاخود توران عناصرینک تأمین تحکمی مقصدیه اکا برعربی احایه‌قیام ایتدکری نظریه‌سنه قانع اوله‌ییلرلرادی . حالبوکه منحصرآ عالم اسلامک اسارت اجنبیه‌دن تخلیصی مقصدیه توسل ایتدیگمز بو مجاهده عظیمه آئناسنده بوتون اسلام مملکتلرینک توحید مساعیسی الزم ایدی . بناء علیه بو وثائق شمیدلک یک کیزلی طوتمق ایجاب ایدم‌جکهنه قرار ویردک . یانکیز نیم شامه ورودمدن اول بعلبکللی نخله مطران پاشایه حائد وثیقہ مهمه‌یی دیوان حرب عرفیه تودیع ایتمش و دیوان حرب مرقوم علیهنده تعقیباته باشلامش اولدیغندن بو محاکمه‌یه دوام ایدلک ضروری ایدی . دیوان حرب نخله مطران پاشا حقتده مؤبد کورک‌جزاسی حکم ایتشدی . بالاخره بن قدسه کیتدکدن سوکره سوریه‌والیسی خلوصی بک نخله پاشانک شامده قالمسی محذوردن غیرسالم تلقی ایدرک دیاربکره نقلی امرینی استانبولدن استحصال ایتمش ونخله پاشا والی مشارالیهک امریه تحت الحفظ دیاربکره سوق ایدیلرکن جرابلس طرفلرنده لیلاً فراره تشبث ایتدیکندن محافظه‌سنه مأمور ژاندارملر طرفندن میتاً الده ایدلیکنی خلوصی بک یازمشدی .

شام فرانسز قونسوستانه‌سندن بولنان وثائق مجلس مبعوثان رئیس ثانسی امیر عبدالقادر زاده امیر علی پاشایی ، برادری امیر عمری ، سابق شام مبعوثی شفیق المؤیدبکی ، اعیاندن عبدالحمید زهراوی افندی‌یی ، درزی شیخ المشایخی محی الاطرش ، ملکیه مفتشلرندن عبدالوهاب الانکلیزی وشکری العسلی ، شام مبعوثی رشدی بک الشمعه‌یی والحاصل یک مهم اشرف واکبر عربی بلاتردد اتهامه کافی دلائل واماراتی حائز بولوندینی حالده ، بلکه بو حرب عمومینک جهان اسلام ایچون حیات و نجات مجادله‌سی اولدیغنه قانع اولمشلردرده ماضیده‌کی نیات و افعال جانیانه‌لرندن ندامت کتیر مشلردر ، ملاحظه‌سنده بولونه‌رق حقلرنده قطعاً برشی یاپیلماسنه بیوک برخلوص نیتله قرار ویرمشم .

عربلرک لسانلرینه وبعض کونا مساعدات داخلیه مظهریتلرینه ذاتاً اوتنه‌دنبری مخالف اولمادیغمدن عرب اختلاجیلرینک رؤساسندن اولدیغنی خاطر اتمک باش طرفنده عرض ایتدیگم عبدالکریم الخلیل زدیجه جلب وکندیسنه فوق‌العاده بذل التفات ایتمکه باشلادم . اونک واسطه‌سیله عرب اختلاجیلرینک آتشلیلرندن دو قور عبدالرحمن شهنبدری وپارس عرب قونقره‌سنک باشلیجه مرتبلرندن المفید غزته‌سی صاحبی عبدالغنی العریسی‌یی ومشهور المقتبس غزته‌سی صاحبی محمد کردعلی‌یی وسائر

اکابر اختلالیونی اطرافه طولیادم. بونله حکومتک نقاط نظرینی و بوحرب عمومیدن ظفرله چقیله جق اولورسه عالم اسلامک اسارت اجنبیه دن کاملاً قورتلسی امکانی استحصال اولونه جغنی آکلاتدم. کافه سی بلا اعتراض افاداتی تصدیق و نقاط نظرینی تصویب ایتدیلر و بوحرب عمومی ائسانسده سوریه و فلسطین عربلرینک بوتون موجودیتلرله حکومتهمه مطیع و منقاد قاله جقلرینی و هیچ بر مشکلات ایقاع ایتیمیه جکلرینی دینلری و ناموسلری اوزرینه یمین ایدرک تأمین ایتمکه باشلادیلر .

عینی زمانده عبدالکریم الحلیلدن باشلایه رق بوکون بوسوزم یابانه عرب اختلالجیلری وضعیت مالیه لرینک پک بوزوق اولدیغندن ، پاره یه اشد احتیاجلرندن بحث ایتمکه باشلادیلر . کرک عبدالکریم الحلیله و کرک محمد کردعلی و دوقتور عبدالرحمن شهبندر و باخصوص عبدالغنی العریسییه اولدقجه مهم پاره لر ویردم . بوندن صوکره بوذوات بنم الک حقیر بندکامدن اولدقلرینی و بنم تأمین موفقیتیم ایچون اللرندن نه کیرسه بلا افاته وقت یاپه جقلرینی سوله مکّه باشلادیلر .

اوصره ده مملکتی اولان حصه کلمش اولان مشهور اخلاقسزلردن دوقتور عزت الجندی بی شامه جلب ایتدم. مرقومک سوریه ده بولمنسی جدأ تهلیکه لی عدایدیوردم . زیرا ده اولدن نه قدر فساد اخلاق صاحبی اولدیغنی بیلدیکم بو آدم حقنده آله ایتدیکم وئائق کندیسنک انکیز پاره سیندن باشقه ایتالیان پاره سیله ده انجای مختلفه عریبه ده ایقاع اختلاله ساعی اولدیغنی او کرشمدم . « سوریه مسئله سی » نامی آلتنده درنجی اردو قوماندانلغم ائسانسده نشر ایتدیکم قیرمزی کتابه مندرج وئائق آتییه عیناً درج ایدیورم :

فرانسز سفیرینک شام قونسولوسنه مکتوبی

پک اوغلی ۲۷ کانون ثانی

فرانسز قونسولوسی

اوکله دن صوکره ساعت ۲

شفره حلی

ورودی ۲۸ کانون ثانی [اوکلین]

« ۳ » نومرولو تلغرافکنزک جوابیدر :

شهبه سز که اتحاد و ترقی فرقه سنک تکرار حکومتهمه عودت ایتسی عرب اهالی آره سنده بویوک برهیجان حصوله کتیرمکدن فارغ اوله مازدی . اتحاد و ترقی فرقه سی مقدما کندی حکومتی ائسانسده دولت عثمانیه نک توزک لشدرلمسنه بویوک برشدله چالیشمش ایدی . کامل پاشا قایینه سی ایسه برعدم مرکزیت اداریه مقصدینه معطوف برطاقم

اصلاحاتی امید آید بر مشدی . فقط عرب متحیزانی طرفندن نزدیکزده وقوع اولان
تشبثات و تبلیغات قیمت حقیقه سنی تقدیر ایتک ایچون ۱۹۰۸ سنه سندن بری سکوته
محکوم اولان اشبو عرب متحیزاننک الیوم بولونقلری وضعیتی ده نظر دقته آلمق لازم
کلیر . فی الحقیقه الیوم منفارندن عودت ایتیش و یا اولجه دوچار اولقلری احتیاط مجبوریدن
چیقمش اولان بو عرب متحیزاننک صوک آیلر اناسنده اتحاد و ترقی قومیته سی علیه
برعکس العمل حاصل ایده جک برسیاستله فعالانه بر صورتده مشغول اولدقلری نظر
دقته آلمق لازم کلیر . امیر عمر واسطه سیله سزه مراجعت ایدن انسانلر هر شیدن زیاده
کندی شخصی امنقلری دوشونن انسانلر اولدقلری ظن ایتک ایسته یورم . مع هذاینه
بونلری محبتله دیکله ملیسکیز . اشبو سوریه لی مسلمان و خریستیانلرک بزم خرخواه لغمه
اعتماد ایده بیله جکلرینی ییلملری حائر اهمیتدر . فقط فوق العاده اعتنا ایتلیسکیز که کنیدلرینه
قارشى کوستردیککیز علاقه دارلق اولنلری بر احتیاط سز لقدمه بولونغمه تشویق ایتمه سون .
دول معظمه نك آوروپای ترکیه متعلق مسائلک تسویه سی ایچون بودرجه بویوک مشکلات
ایچنده بولونقلری صروده آسیای ترکی مسئله سنک دخی موضوع بحث اولمسی موافق
دکلدر . بناء علیه سزه مراجعت ایدن مسلمان و عرب متحیزانی ایلله فوق العاده صمیمی
برتماس محافظه ایتمکله برابر سوریه لیلرک اشبو آسیای ترکی مسئله سنک کشادینه سبیت
ویزه جک بر تشبثده بولونملرینه مانع اولمقلغکیز لازمدر . زیر ابویله بروقه بزم حکومتتمزک
ومتفقلمزک سیاستنی حکومتتمزک آرزوسی ومتفقلمزک رضاسی اولمقسزین یکی بر بحریه
سوق ایده بیلور . اگر حادثات بعض مهم رجالک سزک قونسو سخانه کزه التجا ایتلرینی
ایجاب ایتدیر رایسه اولنلری قبول ایدیکیز . واکر مأمورین حکومت طلب ایدرلر سه
اولنلری تسلیمدن امتناع ایدیکیز و کیفیتی سفارته بیلدیردیککیز جوابی ویریکیز . »

۴ کانون ثانی ۱۹۱۳

شامه مواصلتی : ۴ کانون ثانی ۹۱۳ [۹۴۵۰ دن سوکره]

» ۱۱ نومرولو تلغرافکیزه جواب :

۱۴ تموز تاریخی توزیعاته توفیقاً عبدالقادر عائله سنه (۳۹۴۰) فراتق ویریکیز

امضا

» بومبار

فرانسه پروپاگاندا سی نهایت در جهده واسع و مرتب شکلدرده یاپیلمقدمه ایدی .

المفید صاحبی « عبدالغنی العربی » افاده سنده دیورکه :

» سیرالدن غورستک عودتی متعاقب [سیرالدن غورست انکلترة نك مصر مأمور سیاسی ایدی]

فرانسه مالیه ناظرى موسیو قایو سوریه کلدی. لبنانده پک بویوک احتفال کوردی. حتی فرانسه غزته لرنده اسم و مکان ذکر ایدلمکسین سویلندی نشر اولونان برنطقده (بزخلاصمزی فرانسه دن بکارز!) دیمشدر.

مولای حقیقک سیاحتکده فرانسه پروپاگاندا سنک اساسلی برتشی اولدیغنی شوایکی وثیقه بزه اثبات ایتدی.

سفر اتخانه ۹۲

۱۶ آغستوس ۱۹۱۳

قسم سیاسی ۷۲

خلاصه سی :

« مولای حقیظ » ک اتحاد اسلام حقنده فکری

و فرانسه یه مربوطیت حقنده بیاناتی

« ذات عالیکزک ۱۱ آغستوس و بنم ۱۵ تاریخی تلغرافه استناد آ عرض ایدرم که فرانسه یی شهرتدن دوشورمک ایچون « مولای حقیظ » ک مرورندن استفاده ایتمک ایسته یین سوریه لی اتحاد اسلام و انکلیز طرفدارلری آرزو ایتدکلری نتیجه یی آلد ایتکه موفق اولامه دیلر .

« مولای حقیظ » بیروتدن شامه کیتمکده ایکن « بعلبک » ه اوغرایه رق استاسیونده پک چوق ذوات طرفندن استقبال اولمشدر . « بعلبک » ده بولندیغی مدت طرفنده سابق سلطان هیچ کیمسه نک تصور ایدمه ییچکی برطرزده اداره کلام ایتمشدر . اتحاد اسلام حقنده کی برمباحثه کسب وسعت ایتمکده اولدیغی ائشاده « مولای حقیظ » صوغوق برطورله :

— « بونلر هپ خیال!.. فی الحقیقه عرب ملتلی عین دین ولسانه مالکدر . فقط یکوجود برملت تشکیل ایده مزلر، زیرا منسوب اولدقلری عرق، اوزرنده یاشادقلری طوپراق برکدر . چیچکلر، طاغیر، اقلیملر، منافع اقتصادیه وسائر کبی شیئرلر بشر کتله لرینی یکدیگرندن آیران آک مؤثر سبیلدر . بواسباب اوکنده عنیت دینه ولسانیه نک برحکمی اوله ماز . هوکره، کوچوک وضعیف ملتلر کنندی کنیدیغی اداره ایده مزلر . یاشایه بیلمک ایچون بریوک دولته انتساب ایتکه مجبوردرلر . برعرب ضرب مثلنک دیدیکی کبی : « بویوک بالیق کوچوک یوتار! » فرانسه بویوک کوچوک بوتون ملتلر طرفندن اعتقادات و عنعنانه حرمتکار اوله رق طاینمشدر . انکلیزلره توجهم اولقله برابر، بن محبتی فرانسه و فرانسلره ویرمشدر! » دیمشدر .

قونسولوس مولای حفیظک سیاحتی حقندہ ایکنجی بر مکتوب دہا کوندر مشدر.
بز آکلا یورز کہ اتحاد و نرق قایندہ سنک عرب قومی تورکشدیرہ جکی حقندہ کی
ادمارک و پروپاغاندا لک منبئی دہ فرانسز لردر .

فرانسہ سفارتی عمومی سفر برک صرہ لرنده پروپاغاندا سنی دہا اساسلی یامق ایچون
بر غزتہ تأسیسی تشبثانده بولون مشدر . بونی اثبات ایدہ جک و شیقہ یی دہ فرانسہ قونسولوس خانہ سی
اوراقی آرہ سندہ بولویورز :

بك و غلی : ۲۸ تشرین اول ۱۹۱۴

شام فرانسز قونسولوسنہ

« ... شامدہ بر عرب غزتہ سی نشر ایتدیرہ بیلیر میسکز ؟ بو غزتہ ایچون همان بر مدیر
مسئول ایله برادارہ مأموری بولہ بیلیر میسکز ؟ تخصیصات لازمه نہ مقدار اولہ جق ؟ ...
بومبار »

بوتلغرافہ قونسولوسک ویرمش اولدیفی جواب شودر :

شام ۳۰ تشرین اول ۱۹۱۴

استانبولده فرانسہ سفیرینہ ،

... هدف خصوصیلہ انکلتزہ در دہا کچنلر دہ اسمسز اولہ رق انتشار ایدن بر صرہ
رسالہ نک موضوعی انکلتزہ ایدی . ۲۴ تشرین اول تاریخی تلغرافکز اوزرینہ متعدد
دفعہ کوردیکم انکلتز قونسولوسی ، (زخاہ) دہ خفیاً طبع ایتدیرہ جکی رسالہ لرلہ بولرہ
مقابله ایتک ایستہ دیکنی سویلہ دی .

اصلاحات جریانی اثناسندہ بورادہ پک عواملا شمش اولان انکلتزہ نک دوچار هجوم
اولسنہ تعجب ایدلر . بو خلافت عربیہ تمایلندن استفادہ ایچون انکلتزہ طرفندن اجرا
اولونان فضلہ تضییقک تأثیریدر .

بواثناده تورکر بعض پروپاغاندا جیلر صاتون آلاق شرقدہ پک اہمیتلی اولان
(اتحاد اسلام) غزتہ جیلکنہ اجرای فعالیت ایتدیریورلر .

دوغریدن دوغرویہ بزہ قارشلی واقع اولاجق هجوملرہ قارشلی کندیمزی مدافعہ
خصوصندہ ذات عالیکزہ یاقیندہ جواب ویرہ جکم . ۲۱ تشرین اول تاریخی تلغرافدہ
بحث اولونان عرب غزتہ سنہ کنتجہ بو غزتہ ، همان قپاتیلما سی ایچون بز غایت مخترزانہ
مدافعہ ایدہ بیلہ جک (بویلہ اولسی مرجحدر) . رسالہ لر طبع ایتدیرہ ب کیزلیجہ توزیع
ایتدیرمک چارہ سنہ دہ مراجعت فکریہ کورہ پک موافقدر . شاید بورسالہ اصولی
موافق کورورایسہ کز مصارف ایچون شہری ۱۵۰ الی ۲۰۰ فرانلق تخصیصاتک قبولی
ذات عالیکزدن رجا ایدہ رم . »

المزده کی وثائق صولک سنه لرده فرانسز - انکلیر قابتنک شد تلندیکنه دلالت ایتمکده در .
انکلتره دولتک پروپاغاندا سی وسائر سی حقنده انکلیر اوراق رسمیه سی بولونما مقله برابر
فرانسز اوراقی بونقطه بی اولدقجه تنور ایتمشد در .

سیف الدین خطیب دییورکه :

« بر جوق غزته لر عثمانلی حسیات وافکاری نی دولت علیه دن انفکاکک بر امر واقع
اوله جنی اوزرینه حاضر لامقده ایدیلر .

اللامر کزیه جیلری حمایه ایدن انکلیرلر مشروطیتک اعلانندن صکره مکامار تنان
عزل اولنان شریف علی پاشا ایلله شیخ رشید رضایی خلافتک تورکلرده قلماسی ایچون
پروپاغاندا یایمق اوزره هندستانه کوندر مشلردی . بومسئله بی مصر و آمریقا غزته لر ی
یاز مشلردی . »

المفید صاحبی سیرالدن غورستک سوریه نک انکلتره لهنه ممالک عثمانیه دن آیرمق ایچون
پروپاغاندا یایمق اوزره سوریه کوندر لدیکنی سویله مشدر . فقط فرانسزلر بومساعی بی
دها اساسلی برصود تده بیلدیریورلر :

« شام فرانسز قونسلوسخانه سی

فرانسز جمهورتی

شا : ۱۳ شباط ۱۹۱۳

استانولده

فرانسز سفیری موسیو « بومپار » جنابلرینه

سابق بصره مبعوثی « سید طالب » ک شیخ المبارک ایلله برلشهرک عصیان بایراغی
چکدیکی ، عراق و کویت حوالیسی انکلیر حمایه سی آلتنه قویدقلری حقنده بوتون
سوریه ده اونیش کوندن بری برشایعه دوران ایتمکده در . نورکیانک اوروپاده باتمق
اوزره بولندی بی ائشاده آسپاده ده دوچار هجوم اولدیغنی کورن عرب ایمپرطورلنی
طرفدارلری ده شیمیدین رؤیالرینک قوه دن فعله چیقه جغنی تصور ایدیورلر . « سید
طالب » حقنده کی بوحوادثی مصر ایلله عراق آره سننده دوه تجارت یاپان وسنه نک بو
آیرنده بورایه کلن تجارتلرک کتیردکلرخی ظن ایدرم . شونی ده ذات عالکزه عرض ایلله کسب
شرف ایدهرمکه ، بودوماک آلتنده کی آتیشک - شاید واریسه - پک اوافق اولدیغنه
قانعم . نته کم ، حکومتک بورادن بصریه عسکر طوب کوندر دیکی حقنده کی (امیر طاهر) ده
داخل اولدینی حالده برطاقم اشخاص طرفدن اشاعه ایدیلن حوادث ده یاکلشدر . اولیه
دوشونیورمکه ، انکلیر حمایه سی آلتنده یکیدن تشکیل ایدمک « هارون الرشید » ایمپراطور لغنی
عربلرک کوزینه پارلاق کوسترمک ایچون انکلیرلر و مصر لیلر طرفدن ترتیب ایدلمش
برمانوره قارشیسندن بولنیورز .

اتحاد و ترقی قاینه سی بوانترقیه لره قارشو بی حرکت قلمدی .

عربستانی ، عراقی و عجم کور فزینک متباقی قالان سواجلنی ده آلدیده رک مصر ایله هندستانی یکدیگرینه برلشدرمک ایچون صرف مساعی ایدن اشخاصک برعضوی اولان (مقطم) ک سوریه به دخولنی منع ایتدی .

بوتون بوشایعه لر تکذیب اولندی . (بیروت) ده منتشر (اتحاد عثمانی) غرته سنک دونکی نسخه سنده تصادف اولنان برپارچه :

« مملکتنه عود ایتمک اوزره پورت سعیده کمی بکله مکده اولان رشید رجب افندی به ، مخدومی «سیدطالب» ک استقلال بایراغنی چکدیکی حقنده کی حوادث لک دوغری اولوب اولدینی (مؤید) طرفندن صورلش و مخدومیه تعاطی ایتدکری تلغراف لک مآله نظر آ بوشایعه لک قطعاً یا ککش اولدینی تبین ایتشد . »

بریتانیا حکومتی مأمورلری ک بو خصوصه نه قدر شدتلی تأثیر آتده بولنغه باشلا دقلرینی کوسترن شو وثیقه ده فرانسز خارجه نظارتنک اندیشه سی تماماً کوریورز :

محرمد

پارس — ۵ جزیران

خارجه نظارتدن

شام فرانسز قونسولوسی موسیو « اوتاوی » به

آسیای ترکیده اجرای فعالیت ایدن بعض انکلیز مأمورلری حقنده تونس فرانسز عموم مصلحت کدارلغندن کوندریلن نوطک برصورتی ذات عالی کزده تقدیم ایدیورم . اوراقک محرمیتنه فوق العاده اعتنا ایتمه کزی رجا ایدرم .

مسائل سیاسی و تجاریه مدیری و سفیر مرخصنک امریه

ناظر نامه

پ . دومارژری

تونس — ۲۸ مایس ۱۹۱۳

خلاصه سی :

شرقه انکلیز سیاستی

استانبول ، بیروت و مدینه ده اقامت ایتمکده اولان یری تونسلیلردن تونس حکومتنه کوندریلن مکتوبلرده انکلتزه حکومتی تمثیل ایدن بعض اشخاصک مدینه ده و مکده

اشراف ورؤسای دین ایله تماس ایدم رک قبله اسلام ایله انکلتزه آره سنده برمناسبت دوستانه تأمیننه صرف مساعی ایتدکلری بیلدیریلور .

بومکتوبلرک بیروندن کنلرلندن بریتانیا حکومتی مأمورلرینک شام از میرویر و تده انکلیز نفوذینی مظفر ایتک ایچون پک چوق اوغراشدقلری آ کلاشیلور وانکلیز پارلمنتوسنه منسوب بعض اعضالرک مملکت واهالی یی تدقیق ایتک اوزره کله جک یاز اورتیه سنه دوغری آسیا یه کلملرینه انتظار اولنه بیلیر . بوپولتیقه جلرک توصیه سی اوزرینه درک مقصدی خلافت عربیه یی احیا اولان پارسده کی مسلمان وخریستیانلردن مرکب «جمعیت» وجوده کتیرلمش اوله جق .

انکلیز مطبوعات و دیپلوماتلری طرفندن تشویق و لئان بوجمیت ، پروژلرینک تطبیقی تسریع ایچون یقینه برعرب قونفره سی اجتماع ایتدیرمه ک قرار ویرمش ایمش .
والحاصل ، لوندرمه ده بومقصده خادم برعرب غزته سی انتشار ایدم جک ایمش .

بووئیقه لر پک اعلا کوستررکه یمنده ، عسیرده ، حورانده ، بصره ده والحاصل انجای عربیه ک هر هانکی طرفنده براختلال ظهور ایتمش ایسه بونلرک کافه سی انکلیز ، فرانسر وایتالیان پازمه سیله صانون آلتش ماهیتمز انسانلرک تشویقات و اغوا آتیه وقوع بولمش بونک غایه سی منه حصر آ عثمانلی امپراطور لغتی بیک دورلو داخلی اختلاللر ایله ضعیف دوشورم رک چوروک برینا کی برکون آپانسز چوکر چوکمز هر برپارچه سی ایچون برحق تملک ادعا ایدرک اوپارچه لری یوتایلیمک امیدندن عبارت بولونمشدر .
واقع اولان دعوت اوزرینه شامه کلش اولان عزت الجندی یه حکومت عثمانیه ک تشبث ایتدیکی بو حرب عمومیده کی غایه یی ایضاح ایتدم و بوغایه اطرافنده بوتون امرای عربی طوپلامق اک برنجی امام اولدیغی سوبله دم . بناء علیه کندیسيله حسن مناسبتده اولدیغی بیلدیکم عسیر مدعیسی سید ادریسه یازه جقم برمکتوب مخصوصی کندیسنه کوتوروب کوتورمه جکنی صوردم . بالطبع هیچ شبهه سی موجب اولماق ایچون بالا یه درج ایتدیکم وئیقه لرک آلمه کچدیکندن بحث ایتدم . زیرا عکسی حالده بلکه اورک رک بر معتاد طریق حیه وفساده صابه بیلردی . ویردیکم خرجرا حک زیاده لکی کوزینی دولدیردیغندن درعقب تکلیفی قبول ایتدی . تصادفات حسنه دن اوله رق ایرتسی کونی صباحین بیروندن اسکندریه یه متی حرکت بر اسپانیول ویا ایتالیان واپوری بولندیغندن مذکور واپوره را ک اولمق وبر آفاق اول سید ادریسه مکتومی ایصال ایتک اوزه کندیسینی اوکیجه بیروته کوندردم . اوزماندنبری پک آزانسانلرده کوروله بیله جک درجه ده طینت ردیته صاحی اولان عزت الجندیدن بردها هیچ برخبر آلامدم ایسه ده سید ادریسی ده بو حرب عمومی ائنانسنده عسیر سنجانی علیه بر

کون حرکات خصمانه ده بولونما دیغندن مکتوبک حسن تأثیری کورولدیکنی ظن ایدیورم .

..

شامه ایلک کلدیکم کونلر اثناسنده بریاندن قتال سفری استحضاراتیه مشغول اولدیغم کبی بر طرفدن ده بوتون بلاد عربیه ده برغلان حمیت دینیہ تولیدینه چالیشیوردم . عبدالکریم الحلیل ، دو قنور عبدالرحمن شهنبدر و سائرہ کبی اختلا لیون عرب [که بونلرہ اصلاحیون نامی و یریلوردی] واسطه سیله برعمومی مسامرہ ادبیہ ترتیب ایتدیردم .

عربک شہامتہ ، عرب قومنک عطش تعالی و ترقیسنہ عائد برچوق نقطلر ویرلدی ، پک چوق قصیدہ لرائشاد اولندی . حتی وحدت آمال عربی ابلاغ ابدہ جک زمزمہ لریبلہ تخی اولوندی . « نحن جندالله شبان البلاد » ردیفی عرب زمزمہ وطنپرورانه سی بولوندیغمز بنانک طامنی چو کر تہ جک برشدتلہ یو کسلدی .

بونلرک کافه سنی تحسین و ترویج ایتدیکنی احساس ایتدیرم جک اوضاعہ علاوہ خاتمہ مراسمده سوز آلهرق اوزون برنطق ایراد ایتدم . بونطقمده عربک لسانہ ، لسان دینمز اولمق اعتباریلہ ، وقومنه هم دینمز بولونمق حسیله صو کدرجه حرمت و محبتمز اولدیغنی و آمال عربیه نک تطمین مقصدیلہ کچن سنہ آتیلمش اولان ایلک آدی ک تعاقب ایدہ جکنہ امین اولدیغنی سوبله دکدنصرکرا دیدم که :

« افندیلر ، بزم فرقه مزک عربلر حقنده موقع تطبیقه قویمق ایستدیکی پروغرام وقدر واسع مدرکه بونی سز تصور بیلہ ایدہ مزسکزر . مثلاً بن عرب و تورک ایکی قومک عینی خلیفه یه تابع مستقل ملت حالنده تأمین وحدتی ده مضر نورلردن دکلم . بوزایه وصول ایچون چوق چالیشمق ، آرامزده کی خائن دین و وطن مرانیلری طرد و دفع ایتک و دشمن پاره سیله حرکت ایدن ادانینک ایچمزدہ موقع بولاماسنی تأمین ایلک ایجاب ایدر . سزہ شوراسنی سوبله مک ایسترمکه استانبولده و تورکرله مسکون اقسام ممالک اسلامیه ده بوکون کوردیککزر تورکلک جریانته قطعاً مخالف دکلدر . پک اعلا بیلیرسکزر که شیمدی یه قدر ممالک عثمانیه ده بولغارلق ، روملق ، ارمنیلک جریانلری واردی . شیمدی ده بوکاعربلق جریانی علاوہ اولوندی . تورک کندیسنی اونوتمش ، حتی ملیتنی تلفظ ایتکدن اوتانیر اولمشدی . فکر ملی الخطاطی ، نہایت انقراض قطعی بی انتاج ایدہ بیلیردی . بوندن اورکن تورک کنجلیکی شایان تقدیر برانتباه ایلہ قیام ایتدی . تورکه تورکلکسی و اونک فضائل نامحدوده سنی ا کلامق جهاد ملیسنی اعلان ایتدی . شاعرلری ، خطیبیلری ، ادیبیلری اطلاق اسان

ایتدیلر . ایکی اوچ سنه دئیری بوساحده ، بذل مساعیه باشلادیلر . ایشته بوجریان خلافت عثمانیه نك تكمله قواسنه یارديم ایتدی . شیمدی کوردیککز اردومن وجوده کلدی . عادتا تصادفك بزه ویردیکی متفقلرله برابر عصر دیده دشمن دین علمیه اعلان جهاددن چکنمده دی .

«شیمدی سزه تأمین ایدرمکه تورکلك جریانی عربلق جریانك قطع ایدشانی دكل ، اونك برادری حتی لازم غیر مفارقیدر . تورك کنجی ، عربك ترقیسنی ، بوتون حقوق ملیه سنه صاحب اولمه سنی بوتون جانیله ایستر . تورك کنجك بو کونکی مساعیسی ، تورك ملتك حس ملیسنی او یانیدردق دصکر ، تورکی اوقومتق ، تورکی چالیشقان یایمق ، تورکی اسارتدن قورتارمق ، توركك صحتی اعاده ایتك ، توركك نفوسنی تزید ایتك ، معموریت ورفاهی آرتیرمق ، خلاصه تورکی یکرمنجی عصرده یاشایان ملتله آرمسند حقی حیاته مالک برعصر محترم و مبارک حالنده انظار عالمه عرض ایتك نقاط مهمه سنه معطوفدر . تورك کنجی بواساسلری تثبیت ایتدی ، بونلرك تأمین ایچون بیقمایه رق اوصافمایه رق چالیشمه غزم وعهد ایتدی . ایشته اونلردن بری اولق اوزره اونلر لسانندن سویلیورمکه سز ای عرب کنجلكنك کزیده مثلری ، سزده عینی غایه لرك تأمین ایچون چالیشیکز . عرب ایللرینك حرص استیلاسیله هر نوع فساد و حیلینی مباح کورن اجانبه صائلش اولان مخلوقلرك تزویراته اینانماییکز . كرك تورك کرکسه عرب کنجلكی سویله دیکم طرزده اوز سنه چالیشکز . اوندن صکره اطرافکزه باقیکز ، یکدیگریکزك قوجاغنه اوزمان آتیلکز و بردها آیرلامق عهد و میثاقیله « لحمك لحمی ، دمك دمی » سرینك ماصدق اولکز .

بن تورك و عرب کنجلكنه خطاباً شونی سویله یورمکه ، بویکی ملت بربرندن آبرلقلری آنده هرایکیسی ده محکوم زوالدر . اسلامك بویکی ركن عظیمی ارمسند تگون اختلاف انقراض قدرت اسلامی تولید ایدر . ونهایت اسارت عمومیه اسلام غیر قابل اجتناب اولور .

« یازیقدر ، افندیلر ، تورانی ، قحطانی ، نعمانی کی هریری ابلسانه برشیطتله دینمك و مبارک بوردیمزك خائ دشمنلری طرفندن ایجاد ایدلش برطاقم جریانلر سزلر ارمسند تولید اختلاف ایتسون . تورك و عرب یکدیگریکزی سویکز ، بربریکزه متقابلاً حرمت ایدیکزه عینی غایه معطوف خدماتکز مشر اولسون والا هرایکیکز ایچونده فلاکت انقراض و اسارت محققدر . »

بونطقم حاضرین اوزرنده فوق العاده حسن تأثیر حاصل ایتمش و ایرتسی کون علمادن ، اشرافدن برچوق هیئتلر قرارگاهه کله رك عرض تشکرات ایتشلردی . هله اصلاحیونك ممنونیتنه حد و پایان یوقدی .

• او کوندن صوکره شامده بوتون محلات اهالیسی طرفندن طوپلانه رق حکومته صداقتی متضمن نطقلر ویرلش و دشمن دین اولان انکلیز و فرانسزلره قارشی صوکره درجه یه قدر مدافعه حقوق اسلامه سی ایدیله جکی حقنده سنجاق آلتنده مصاحف شریفیه ال باصه رق یمینلر ایدلش ایدی .

براو کونلر شامده ، حلبده ، حماده ، حمصده ، بیرونده ، حتی جبل لبنانده کوردیکم تظاهرات دینییه کوزیمک اوکنه کتیریورم برده بوکونکی نتایجی درپیش ایدیورمده بونک مسیسی اولان شریف حسین ایله اولادینه لعنتلر ایتمکدن منع نفس ایده مدم .

..

عرض وایضاح ایتدیکم وجهله سوریهده تطبیق ایتک ایسته دیکم سیاست عفو و آمان سیاستی اولدینی کبی بوتون بلاد عربیهده بروحدهت حس وامل اوایاندیرمق ایچونده هر دورلو تداییره مراجعت ایتشدم . مثلاً بصره وحوالیسنی اشغال ایتش اولان انکلیزلر علینه تشکیلات مخصوصه نیک عثمانجی طابوری و دیگر براییکی فرقه ایله برابر مأمور ایدلش اولان سلیمان عسکری بک مرحومه اعظمی معاوتنده بولنلری حقنده بغداد والیکم اتناسنده کندیلرینه حسن مناسبتده بولوندیغم بغداد وکر بلا و نجف اشرافندن و خطه عراقیه مشایخندن بعضیلرینه مکتوبلر یازدیغم کبی ابن السعود و ابن الرشیده دخی اشعارات مخصوصهده بولوندم . ویمنده کی قطعاً منزله توحید مساعی ایتسی لزومنه دائر امام سید محیی مجید الدین حضرتلرینه ده بر مکتوب مخصوص کوندردم . بوا مرای عربک کافه سندن مقام خلافت عظمی حقنده کمال صداقت و مر بوطیتی و دشمن دین علینه آچیلان بو حرب مقدسده بوتون بلاد عربک عینی حسیات دینییه ایله متحس اوله رق مجاهده یه اشتراک لزومنی مصدق جوابلر آلم . حتی کندیسسیله مخبریه کیریشدیکم امیر مکه شریف حسین پاشادن دخی بعض مطولات ایله اغلاق ایدلش اولقله برابر عینی حس صداقتی مبشر مکتوبلر آلم .

عربلری بمنون ایده جک الک اساسلی تدبیر اونلردن تکالیف حربیه صورتیه برشی آلامقدن و هر آینه حق مالک بدلی پشیناً تأدیه ایتمکدن عبارت بولوندیغی بیلدیکم ایچون شامه کلیر کلز هر طرفه ایلیک ویردیکم امر بعدما سوریه و فلسطیندن و علی العموم دردنجی اردو منطقه سندن تکالیف حربیه صورتیه سند مقابلنده هیچ برشی تدارک اولونمایه رق اهالیدن کرک اعاشیه و کرک وسائله الباسیه و تجهیزیه دائر هر نه آلیزسه بدللرینک در عقب و پشیناً تأدیه ایدلسندن عبارت اولدی . اوصرهده ممالک عثمانیه نیک اقسام سائره سندن یالکز برسند مقابلنده هر نوع ارزاق و ذخائر آلیوب دورورکن سوریه و فلسطین داخلنده پشین پاره ایله تدارک ایدلسی بویوک بر مساواتسزلق و بناء علیه

عدالتسزك ديمك اولديني حالده بوني نظردقته آلامد وحتى اقسام سائرۀ ممالك عثمانيه دخي عيني اصولك تطيقي دوائر مركزيه توصيه وتكليف ايتدم .

اصلاحيون حزبنه بلاتردد بك چوق امنيت واعتماد كوسترييوردم . حتى بعلبك وبقاع قضايرينك جبل لبنانه الحاق طرفداري اولدقاريني وبونك ايچون قبل الحرب فرانسز قونسولوسنه يازي لان مضبطهيه وضع امضا ايتدكاري ني بيلديكم بعلبكلي «الحيدر» عائله سيله جبل لبنانك هرمل ناحيه سي دره بككري اولان حماده عائله سنك بعلبككه حص آره سنده رأس بعلبك دنيلان ايصسر براستاسيون جوارنده ترتيب ايتدكاري برناميش وطنپرورانيه يانمده يالكز برياورم اولديني حالده سوريه واليسي خلوصي بلكه برابر كيتمكدن چكئمنه دم . بونمايشك مرتبي عبدالكريم الحليل اولديغندن بعلبك وجبل لبنانك متواليري تزدنده عبدالكريمك تزويد نفوسي واهميتي ايچون كئنديسنه كمال اعتماد ايتكي مناسب كور مشدم .

خلاصه قتال سفريني اداره ايچون سيناجولنه عزيمت ايدم جكم زمانه قدر سوريه وبيروت ولايتلري داخلنده هرزويه كيتمش ايسه امصلاحيونى دائما يانمده بولونديردم واونلرده حقيقي وطنپرورلك وخليفهيه صداقت حساسرى اويانديرمق ايچون ديلك دونديكي قدر سويله مكدن كرى دورمادم .

..

اوزمانلر سوريه وبيروتده حكم سورهن قناعت عموميه جبل لبنان خريستيانلرينك اقشامه صباحه اختلال ايدم جكلرينه ذآردى . هر طرفدن بكا توصيه اولنان شيبى لبنان امتيازاتنك الغاسى ولبنان اهالى خريستيانيه سنه برياننامه نشريله اللرنده بولنان سلاحلرى حكومه تسليم ايتملرينك اعلاني ايدى . لبنانده اللى بيك قدر اسلحه جديده اولديغنى هر كس ادعا ايدسيوردى . بونلرك هيچ برينه قولاق آصدام . بويله برمعامله سوريه وفلسطينك اهالى خريستيانيه سنى شهبهره القا ايدم جك وحتى اختلال ايتك امللرى اولمسه سيله بونلرى زورله اختلاله سوق ايدم جكدى . چونكه بن امين ايدم كه سلاح تحريسي ايچون هر كيمي مأمور ايدرسه م ايديم ، مطلقا اولرك تحريسي وسيله سيله زنكين لبنانيلرك اوغرايه جقلرى مادي ضرورزيانك ايسه حد وحسابى اولمايه جقدى . بناء عليه لبنان اهاليسنه دخي برياننامه نشر ايدرك امتيازات قديمه لرينه كمال رعايت اولونه جغنى وكئنديلرينك هيچ كيمسه طرفندن راحتسز ايدلمهيه جكئنى اعلان ايتدم . بنى زيارت ايچون مارونى پطريقى [مونسنيور حويك] طرفندن كوندرلمش اولان اوچ مطران بوياننامه ايله مارونيلرك على العموم ممنونيت واستراحت قليه لرينى موجب اولديغنى ، بولطنى الى الابد اونو تايه جقلرينى وكئنديلرندن صداقتدن بشقه هيچ برحركت

کورمیه جکی بیان ایتشلردی . بطریق افندیڭ مکتوبی ده عینی مآله ایدی . یالکز جبل لبنان مارونیلرله درزیرلندن فرانسز وانکلزلره صوڪ درجه طرفدار اولدقلری و بناء علیه آلتدن آلتیه ایقاع فساد و تزویردن قطعاً فارغ اولمایه چقلری مصر آ بیان اولنان برقاچ ذاتی برتدیر احتیاطی اولق اوزره قال سفرینک ختامه قدر مسافره قدسه دعوت ایتکه راضی اولشدم . بو ذواتک قدسه بولوندقلری مدتجه بوتون مصارف اعاشه و سائرلری اردوجه تسویه ایتش و ایسته دکلی رلرده سربستهجه اقامتلینه مساعده ایلشدم .

بونلرک اسامیسی مأمورین دولت طرفندن دکل ، ینه سوریه و بیروتک اصلاحیونی ایله بعض جبل لبنان امراسی طرفندن تثبیت و تکلیف اولونش ایدی . بالطبع اجرا ایتدیکم تحقیقات خفیه و افیدیلرک صاغلام آفاقابی اولما دقلرینی میدانجه یقارمشدی که شیمدی لبنانده فرانسز حایه سی طلبی ایله وحدت عربیه اک بویوک ضربهلری ایندیرمکه اک زیاده مشغول اولانلرک بواشخاس اولدقلرینی غزته حوادثلرندن آکلادیغم ایچون انتخابده یانیلماش اولدیغمی تقدیر ایدیوردم .

* *

آمریقا سفیری مورغننه و کتاب معهودنده بنم شخضمدن بی ادبانه برلسانله بحث ایدرکن سوریه خریستیانلری حقنده مظالم ارتکاب ایتش اولدیغمی اوانامه دن ذکر و بیاندن چکینه یور . بوافندییه غایت قیصه بر صورتده جواب ویرمش اولق ایچون « افندی ! یالان سویلیورسک ! » دیمکه اکثفا ایتکه ده ممکن ایسه ده هر حالده حقایق تاریخیه دن بحث ایتکی مناسب کورویوزم .

۱۹۱۵ سنه سی کانون ثانیسنک اوچونجی ویا دردنجی کونی قدسه کلدیکم صرمده زیارتمه کلن متفق و بیطرف قونسولوسلر بکا بر مطبوع کتاب کوستره رک بو کتابک مندرجاتندن طولانی بالعموم عناصر غیرمسلمه ارسنده بویوک بر خوف و هیجان حکم فرما اولدیغمی و هر کس اقشامه صباحه اسلاملر طرفندن خریستیانلر علیهنه برقتل عامه توسل ایدلمسی احتمالنندن اورکدیکنی بیان ایتشلردی . کتابی اوقوتم . حکومتجه اعلان اولنان جهاد فی سبیل الهه استناد ایدرک کفار علیهنه قتال هر مسلم ایچون فرض عین اولدیغمی مفسر بر رساله اولدیغمی آکلادم . فی الحقیقه بعض جاهللری طریق صوابدن آیره بیله جک بر لسان ایله یازمش اولان بواثرک منع مضراتی ایچون در عقب بوتون سوریه اهالیسنه خطاباً اوزون بریانه نامه نشر ایتدم . بویانه نامه لری تا اک اوافق کویلره و ارنجه یه قدر کونده ره رک دیوارلره یاپیشدیرتم . خلاصه شویله دییوردم .

خليفة اسلام طرفندن اعلان اولنان جهاد اکبر دشمن دین و وطن اولان انکلز،

فرانسه و روسیه معطوفد. و حتی اوانلرک سلاح بدست مجادله ده اولانلرینه عائددر. بناءً عليه وطنلری، منفعتلری والحاصل هر شیئلری بزمله مشترک اولان غیر مسلم و طنداشلریز علیه ائک اوافق بر فکر تجاوز بسایه جک اولان اهالی اسلامیهی ائک شدید صورتده تجزیه ایده جکمه اعتماد ایدیکز.

« سلطنت عثمانیه نئک عاقبتی » عنوانلی اثر مشهورینک ۳۷۰ نجی صحیفه سنده بالاده ذکر ایتدیکم عربجه کتابک متنندن کمال اعتنا ایله بخت ایتش اولان معهود موسقوف دیپلوماتی ماندلشتام عجیانه دن ط لای بنم بیاننامه می ده ترجمه ایتک زحمتی اختیار سیورمیش؟ کرک مورغتساوه و کرک ماندلشتامه اخطار ایدرمکه فی الحقیقه اگر سوریه ده اسلاملر طرفندن خرستیانلر علیه حرب عمومینک ایستر بدایتنده ایستر اواسط و اواخرنده بر تجاوز وقوع بولسنی آرزو ایتش اولسه یدم بوندن قولای هیچ برایش یامش اولمایه جقدم. اگر بوتون حرب عمومی ائناسنده خرستیانلرله یهودیلره اسلاملر و درزیلر طرفندن هیچ بر تعرض وقوع بولامش ایسه بوصرف بنم هتم و بنم اتخاذ ایتدیکم تداییر سایه سنده ممکن اولمشدر. ماندلشتام کرچه کتاب معهودنده ارمیلره قارشو صالیورمش اولان کر دلرک سوریه ده موجود بولنما مسندن طولانی سوریه خرستیانلرینک قتل عامدن قور تولدیفی سویلیورسه ده هر حالده ماندلشتام بوسوزینه کنديسيده ایتانامشدر ظن ایدرم. زیرا پک زنکین اولان جبل لبنان و فلسطین خرستیانلرینک یاغما ایدیله بیله جکلری هانکی بدوی و یا مدنی سوریه لییه ازحق احساس ایتش اولسه یدم بن هیچ زحمت چکمکسزین بوامل در عقب تحصیل ایدردی. خیر افندیلر سزه تکرار ایدرم که بنم سوریه ده انسانلری ایسته یه رک اولدورتش اولدیغمه دائره رایکیکز کده کتابلر کزده سویله دیککز سوزلرکاملاً یالاندر. بونی برکون کله جک آمریقالی، انکلیز و فرانسز برچوق ناموسلی انسانلر امضالری تحتنده یازاقلری اثرلرله اثبات ایده جکلردر. فقط عجیبا او زمان سزلرک یوزیکز قیزار جقمی؟ هیچ ظن ایتیه یورم!

سوریه اسلاملر ده حکم سورن دیگر برقناعتده بو حرب ائناسنده جبل دروزک راحت دورمایه جفی قناعتی ایدی. مبعوثلردن، علمادن، اشرافدن حتی اصلاحیوندن برچوقلری بهمه حال دروز علیه بر ضربه شدید اورمقلغم لازم کله جکنی توصیه ده متحدایدیلر. حالوکه بن بوقناعتده دکلم. سوریه نئک اسلحاشور، ائک سهل الاشتغال برقومی کندييه دشمن ایتکدنسه اونلرله بر زمین ائتلاف بولهرق کنديیلرندن تأمین استفاده یه چالشمق نجه اولای ایدی. بناءً عليه هر طرفدن آقین آقین شامه کله رک مقام خلافت و سلطنت عظمایه صداقت و عبودیتلرینک عرضی بندن رجا ایدن جماعات

وطوائف مختلفه رؤسای مثل او درزی مشایخنک دخی شامه کلمری لزومنی والی ولایت واسطه سیله کندیله رینه ابلاغ ایتدیردم .

درزیلریمی کندی انترقه لری ایچون دائماً برآلت کی قوللانمق مسلکنی طوتمش اولان امیر عبدالقادر اوغللری درعقب میدانہ چیقیدیلر . اوصیره ده امیر علی پاشا امیراطورک دعوت مخصوصه سیله آلمانیا به کیتمدی . کندیسنه برایی انبایله برابر درت یولده تصادف ایتشدم . پدری امیر عبدالقادرک خاطره کزیننه الان صادق اولان جزایر عربلرینی فرانسه علیه اختلاله دعوت ایتک و جزایره کیدوب اوراده فرانسزلرک باشنه بر بلا چیقارمق وظیفه سنی مع الشکران قبول ایدجکنی کندیسنه خاص اولان آغیز غلبه لیکلیکی ایله بکا آکلا تمشدی .

بی زیارته کلن امیر علی پاشانک اوغلی امیر سعید دها حرب عمومیدن اول بالقان محاربه سندن سوکرا فرانسزلر علیه تشب ایتدیکی مجادلانی مثبت عریجه بر اتریله المهاجر غزته سنده نشر ایتدیکی مقاله لری کتیردی و کرک کندیسنک و کرک بوتون عبدالقادر عائله سنک دولت عثمانیه نک اک صادق بنده لری اولدقلرینی و خلافت اسلامیه نک اعاده شرف و شهامت نامنه قائلرینک صوک دامله سته قدر جالیشمقدن مال و جان بتون ماملکلرینی فدا ایتمکدن چکینمه به چکلرینی و طائفه دروز امیر عبدالقادر مرحومدن کوردکلری لطف و مروتک دائماً مننداری اولدقلری ایچون اونک اولاد و اخفادی حقنده دخی عینی مر بوطیتی ابراز ایتدکلرینی و بناء علیه اکر بن آرزو ایدجک اولورسهم بتون مشایخ و رؤسای دروزی برایی کون ایچنده شامه کتیره بیله جکنی والا معلوم اولان وحشت طبعلری مقتضاسنجه طرفدن و یاطرف ولایتدن واقع اوله جق دعوته اجابده تردد ایدجکلرینی صایدی دوکدی . آله ایتدی کمز و نائق ، امیر سعیدک موازنه عقلیه دن محروم بر در بدر اولقله برابر ، باباسی و عمو جه لر یله عمو جه زاده لرینه نظر آ عثمانلیغه دها زیاده مر بوطیت کو ستر مکده اولدیغنی اثبات ایدر ماهیتده اولدیغندن والی ولایت خلوصی بکک قناعته رغماً کندیسنی اداره ایتمکی اوزمانکی سیاستمه موافق تلقی ایدیوزدم . بناء علیه بر طرفدن ولایت معرفتیه رؤسای دروزی رسماً دعوت ایتدی کم کی بر طرفندن ده امیر سعیده بوبابده ابراز ایدجکی خدماتک مستوجب بمنوینت اوله جغنی سوبله مکدن کری دورمادم .

نهایت امیر سعیدک ادعاسنه نظر آ بیک مشکلات ایله ، حقیقت حاله نظر آ ، غایت بویوک بر سهولتله رؤسای دروز شامه کلدیله . و اوج بش کون قدر شامده قاله رق و برخیلی نمایشلرده بولونه رق بر معتاد « مال و جان و قان هر نه به مالکسه لر سیل دولت و ملتده جمله سنی فدا به حاضر و دولت علیه نک محافظه شان و شرفی نامنه بتون تبعه عثمانیه نک کافه سندن صادق » اولدقلرینی نامتناهی یمینلر و عهد میثاقله تامین ایدرک چیقوب

کیتدیلر . حرب ایچون وطائفه دن بر فائده ماده کوره جکمی قطعاً امید ایتیموردیم .
آنجق هر هانسی روسیه ایله اولورسه اولسون بر قیام عمومی به توسل ایده جنک اولورلر سه
نی پک زیاده مشغول ایده بیله جککاری ایچون کندیلرینی حسن اداره ایتکی آرزو
ایدیوردیم . بعضیلرینک ظن ایتدیکری وختی مصر غرتلرندن بعضیلرینک معهود
ماندلاشمک کتابنه مندرج براییکی مقاله ده ادعا اولوندیغی وجهله بن ایلان مارونیلرینک
اختلااندن قطعاً تحاشی ایتهم و اونلرک توسل ایده بیله جککاری هر هانسی عصبانی پک
چابوق تسکین ایده جکمه قانع ایدم . فقط جبل دروزک اختلااندن جدا چکینیردم
وبونک عدم وقوعی ایچون دائماً تدابیر اتخاذ ایتدم . بوتداییرمده اعظمی درجه ده
موفق اوله رق تا صوک زمانه قدر دروزک حکومت عثمانیه به قارشی صادق قالمیرینی
تأمین ایده بیلدم .

مع هذا بر حسن تصادف اثری اوله رق اوصرمده دروزک اک نافذ واک حریص
رؤسانندن یحیی الاطرش وفات ایتش ویرینه اوغلی سلیم الاطرش قائم اولمشدی .
یحیی الاطرش اجنبی انترقه لرینه آلت اوله رق دولت علیه نه بر چوق دفعه لر
اختلال ایتش وکرك دروزدن کرکسه حکومت عسکرندن پک چوق بابایکیتلرک
ناحق یره اولومنه سببیت ویرمشدی . شام فرانسز قونسولوسخانه سندن الده ایدمش
اولان وثائقه نظراً یحیی الاطرش فرانسز لر طرفندن صاوتن آلینمش وحتی آتیده درج
ایتدیکم ایکی وثیقه به نظراً مرقوم سوریه نک فرانسز طرفندن اشغالنه تشبث ایدیله سی
حائله درزیلر واسطه سیله فرانسه به معاونت ایده جکمی وعد ایتش اولدیغندن
حکومت جمهوریه کندیسنه رسماً سلاح کوندزمش ایدی .

اگر حرب عمومی بدایتده بو آدم حلول اجل موعودیه وفات ایتهمش اولسه یدی
او ائناده دولتک باشنه جدا پک بویوک غائله لر آچه ییلردی . بالاده نشر ایتدیکمز
وثیقه لر فرانسه نک تورکیه حقنده کی نیاتنه اک قاطع بر بره اندر ظن ایدرم (!) حسن
اوغلی سلیم الاطرش ایسه ساکن واولدقجه حسن اخلاق صاحبی برکنج اولدیغندن
کندیسنه وطائفه دروزه قارشو کوستردیکم حسن معامله دن فوق العاده متشکر قالمش
وتا نهایته قدر دولت حقنده حسن نیت ابرازندن کری دورماشدر .

رؤسای دروز ایچنده خیر دولت ایچون صرف مساعی ایتش پک چوق انسانلر
واردی . اگر بو حرب عمومیدن غالیته چیقمش اولسه ایدک بن امین ایدمکه دولت
بردها درزی قیامی قارشو سنده قالمایه جقدی . دروزک احتیاجات اجتماعیه سنی
اوقدر کوزل تدقیق ایتش اونلرک تأمین رفاهی کافل اوله بیله جک تدابیرک ماهیتی
اودرجه لرده تعیین ایتش ایدمکه بردقت برده تطبیقاتنه توسل ایدر ایتمز علی العموم
دروzk استجلاب ممنونیتلری ممکن اوله جفته امین ایدم . نسیب و عبدالغفار الاطرش

بکری رؤسای دروز آرسنده الك زیاده ایشمه یارامش اولانلر میاننده ذکر ایتمکه
مجبورم .

هر کیم نه دیرسه دیسون عرب اسلاملری اوزرنده علمای دینک نفوذی پک بویو کدر .
بونو پک اعلا بیلدیکم ایچون بر طرفدن اصلاحیون نامیله یاد اولنان بین الاهالی دینسر لکه
اتهام اولونهرق منفور کوریلان اختلاجیلرک امنیتلرینه نه قدر چالشمش ایسه علمای
دینکده تطمین قیلرینه اودرجه لرده اعتنا ایلشدم . بوعلما آرسنده جدأ محاسن اخلاقیه
ایله متصف ذوات فاضله واردی . انسان محاضرملرندن دائماً متلذذ اولور و کندیلرینه
یاریم ساعتلق برتماس ناسک بونلر حقنده کی سبب مجلوبیتی ارائیه کافی کلیر .

شامده کی شیخ بدرالدین افندی بوعلمای کزینه آرسنده الك کزیده عد
اولنوردی . متأخرین محدثینک عمدسی دنیه بیله جک قدر عالم اولان بوذات زهد
ونقوی ایله ده متحلی اولدیغدن پک فقیر برمنظره ارائه ایدن مدرسه جکنک
اوطه سندن هیچ چیقمز و کندیسی زیارته کلنلری اورا جقده قبول ایدرک نصایح
عالمانه سیله زائری مستفید ایتمکه چالشیردی . کندیسیله کوروشدیکم متعدد دفعه لرده
موجب کلال هیچ برسوزنی ایشتمه دم هر زمان بکا تلاوت و تفسیر ایتدیکی احادیث
نبویه اوزرنده ولایت عامه بولنان بر مأمور دولته اعلائی کلمه الله مکب بر رئیس
المجاهدینک دستورالاعمالی اوله بیله جک اقوال و بینات محمدیه دن عبارتدی :

هیچ بر کیمسه نک زیارته کیمه مک ویا لکز مدرسه سنه کلنلرک زیارتلرنی قبول
ایتک حقنده کی اعتیادینی خبر آلدیغم مشارالیه شیخ بدرالدین افندی دن استعجاب
خیرده ایچون بالذات زیارتلرینه کیتدم وایکی ساعت دوام ایدن ر محضره لطیفه دن
حقیقی برخط درونی ایله ایرلدم . اوزرنده اوقدر حسن تأثیر حاصل ایتشمکه مشارالیه
ایرتسی کون هیچ کیمسه یه خبر ویرمه یه رک سوقاغه چیقمش وطوغریجه قرارکاهمه
کهرک بکا اعاده زیارت ایتشدی . بین الناس مظنه دن عد اولنان شیخ بدرالدین افندی نک
نی زیارت ایچون اوتله قدر کلمش اولسی کتله عوام آرسنده پک بیوک تأثیرات
حسنه حصوله کتیردی وعوامک حقمده کی امنیت واعتمادینی تقویه یه یاردم ایتدی .
علمای دمشق میاننده الك چوق خیر ایله تخطر ایتدیکم وبوتون حرب ائناسنده
کندیسندن اعظمی معاونتار کوردیکم بر ذات ده مفتی بلده شیخ ابوالحیدر هابدین
افندی ایدی . مع هذا شام علماسیله دائماً حسن مناسبتده بولندم و علمای حقیقیه
میاننده خلافت عثمانیه یه اخاتی محسوس برذاته مصادف اولمادم . اخلاق سفیه وریه
اصحابندن اولدقلری حالده هر فصله قیافه علما آرسنه قاریشمش اولانلری بن
علمای حقیقیه دن عد ایتیمورم .

بیروت مفتیسی شیخ مصطفیٰ نجاد نقیب الاشرافی شیخ عبدالرحمن الہود ایله
قدس و حلب خنی مفتیلرینی خلافت عثمانیہ نك اك صادق خادمیری و اسلامیتده
تفرقی موجب اوله بیله جك اشخاصك اك حقیق معارضلری اوله رق تعدادیده بیلیرم.
بو ذوات ایله امثالندن کوردیکم معاونتلی هیچ اونودام وهر آتشی عثمانلییه بو
ذوات فاضله نك اسملرینی حرمتله یاد ایتلرینی توصیه ایده بیلیرم . احوال حاضره
داخلنده نه طرزده حرکت ایتمکده اولدقلرینی بیله میورم فقط شیمدی اختیار ایتدکلری
خط حرکت جبر و تضییق آتنده عد اولونه بیله جکندن بنم حسیات سابقه شکر
کذارانه می اخلال ایدمز بحنی اوزاتمامق ایچون اسملرینی ذ کردن صرف نظر ایتدیکم
علمای سائره دن استغفای قصور ایدرم . اولردن کوردیکم معاونت دیانت پرورانه نی
قطعاً اونوتم و انشاء وقت مرهونی حولنده کافه سنک خدماتی انظار جهانہ عرض
ایده جکمی وعد ایلم .

برنجی قنال سفرندن عودتدن سوکره دخی اصلاحیون حقنده کی امنیت واعتمادی
شائبه دار ایدم جك بر حادثه وقوعه کلمه دی . حتی بونلره قارشو او درجه لرده
آجیق بر سیاست قوللا نیوردم که قنال سفرندن عودت ایدن عرب و تورک قطعاتی
صورت خصوصیه زیارت ایدم رک عسکرک قوه معنویه لرینی تدقیق ایتلرینی عبدالکریم
الخلیل و دو قنور عبدالرحمن الشهبندردن رجا ایتشدم .

بونلری قدسه دعوت ایتدم و مهمجه خرچرا هار ویره رک قطعات نزدینه
کوندردم . یکرمی کونی متجاهز بر مدت ظرفنده بونلر بلا تقصص عرب قطعائیه
برابر قالدیلر . او صرمده بن شامه کیتمش بولنیوردم . عودت لرنده هر ایکسی ده
عسکرک قوه معنویه سنک مکملیتندن و پک کوزل اعاشه ایدم کده اولدقلرندن بحث
ایتشلردی .

۱۹۱۵ سنه سی مایسنه طوغری الیه کچن بعض مصر غزته لرنده الالم مرکزیه
حزبنک حکومت عثمانیه علمینه او قدر شدید مهاجاتی او قومشدم که آلقلا نك بو
بو درکه لرینه انسانلرک ناصل دوشه بیله جکلرینه بر دورلو عقل ایردیره ممشدم .
سوریه و بیروت اصلاحیون متحیزاننک دولته صداقت تظاهراتیه اولنلرک رؤسای
اولدقلری ادعا اولنان رفیق العظم و سائره کبی اشخاصک بو دنائت واهانتلرینه نه معنا
ویرله بیله جکفی بو کون عبدالکریم الخلیلن صوردم . غایت متلاشی بر طور ایله
بعض جوابلر ویرمه چالیشدی ایسه ده هر حالده بو سؤالمدن پک زیاده اورکدیک
اشکار کورنیوردی . برایکی کون سوکرا زیارتمه کلن عبدالکریم الخلیل اکر بن

مساعده ايدرسهم مصره كيدرك اوراده كي الا مركزيه رؤسائي سوريهده بنم اختيار ايتديكم سياحت حقنده تنور ايدجكني وبوصورتله اونلرك تعديل وتبديل مسلك ايتلريني تأمين ايله جكني بيان ايتمشدي .

اوزمانلر سوريهنك اك نازك و تهلكي زماني ايدى . انكليزلر و فرانسزلر چناق قلعهيه اخراج ياپمشلر و هركون هجوملريني تكرار ايتكده بولونمشلردى . قرارگاه عمومينك طلي اوزرينه سوريهده بولنان سكونجي و اونجي فرقهلرله يكرمي بشنجي فرقهني وبالاخره بالعموم ماكنهلي تفنك بولكلريني والحاصل چناق قلعه مدافعهسنده ايشه يازايله جك بوتون وسائط حريهني استانبوله كوندرمشدم . طوروسدن نامدينهيه قدر غايت واسع برساهده كرك داخلي امنيتك محافظهسي و كرك هر هانكي بر دشمن خروجه قارشى مملكتك مدافعهسي ايچون ايله بر ايكى عرب فرقهسيله يلكيز رتك تورك كوكلي مولوى طابورى بولنيوردى . بناء عليه اكر برتشويق خارجي ايله داخلده بر عصيان ظهوره كله جك اولورسه تسكينى امكاني فالماز و دولت بوتون خطعريهني ضايع ايدميليدي . حتى شوراسنيده سويله بيليرم كه اكر انكليزلر ويا فرانسزلر سوريهنك هر هانكي بر نقطهسنة ، مثلاً بيروت ويا حيفايه ايكى فرقه عسكر اخراج ايتمش اولسهلردى داخلدن معاونت كورمك شرطيله بزم ايچون غايت تهلكي اولوردى . فقط بن بوكتله عوام ايله اكثر ثريت خواصك حسيات صادقله رينه تماماً امين اولديغم ايچون آسايش داخلينك محافظهسي منحصرأ عرب قطعاتنه توديعدن و سواحلي هان بالكليله آچيق راققسدن ذره قدر تحاشي ايتمشدم .

بنم قناعتمجه انكليزلر سوريه و فلسطين اهاليسنك دولته صداقتلرندن ازاجق شبهه ايتسهلردى براخراج حركتي اجراسنه محقق صورتده توسل ايدرلردى . فقط اوزمان شريف حسينك تشبثات خائنهسي هنوز يكي باشلامش وبوندن بن بيله خبردار اولمامشدم .

حقنده نه قدر اعتماد ابراز ايدم هر حالده پاره مقابلنده هر شيئي پابهيله جكنه امين اولديغم عبدالكريم الحليك بومصر سياحتي تكليفندن شبهه لنمشدم . چونكه اوصرمده ايتاليادخي اعلان حرب ايتديكي و بناء عليه سوريه سواحلي ايله اقطار جهان آرمسند هر دورلو مواصلة منقطع اولديني حالده عبدالكريم الحليك مصرنه واسطه ايله ايله كيتمك ايتستديكني اكلايه ميوردم . بو نقطهني ايضاح ايتمسي كنديسندن طلب ايتديكم زمان « بن هر حالده بر چارهسني بولورم » ديمشدي . بو جواب بوتون بونون شبهه ليرمي آرتيرمش ايسهده خارجاً هيچ بر رتك و يرمه مشدم . حزينان نهايتلرينه طوغري ايدى . اردو قرارگاهنده « اردو مقتيسى » عنوانيله استخدام

ایتمکده اولدیغم اسعد الشفیر بر کون یانمه کلهرک سوریه ده بعض فساد امارانی کورولمکده اولدیغندن بحث ایتدی . فکرینی آجیق سویله منی امر ایتدم . بیروت مبعوثی اولوب مملکتی اولان صیدا قضاسی داخلندکی کوینده اقامت ایتمکده بولنان کامل الاسعد بکی بر بهانه ایله قدسه جلب ایدجک اولورسم بعض حقایقه واقف اوله جغمی بیان ایتدی . همان کامل الاسعد بکه بر تلغراف یازدم . برایی کون صو کرا برابرند دیکر بر ذات ده اولدیغی حالده قدسه کلدی . کامل الاسعد بک دیدی که : « افندم ! ذات عالیکز بو اصلاحیونه قارشی بک بیوک اعتماد اراز ایدیور وکندیلرینی مملکتده سرست بیراقیورسکیز . فقط بن قوره وورم که بونلر بواعتمادی سؤاستعمال ایدیورلر . الیوم سابق بیروت مبعوثی رضا بک الصلح ایله عبدالکریم الخلیل، صیدا وصور طرفلرند اختلال احضاراتیله مشغول بولنیورلر . اکر همان درعقب تحقیقات اجراسنه توسل ایدجک اولورسه کزهر حقیقته واقف اوله جقسکیز . »

عرب اکابرینک بر ضعیف نقطه سی واردر : ایچلرندن برینه ازاجق فضله التفات کوستردیکز می دیکرلری درعقب قیصقانیلر واونلر علمینده اعمال فساد وتزویره باشلازلر . کامل الاسعد بکک بو افشا آتتی بویله برحسه عطف ایتمک امکانی یوقدی . زیرا صیدا وصور متوالیلری اوزرنده کی نفوذ معنویسی بیلدیکم کامل الاسعد بکی هیچ بر وقت عبدالکریم الخلیلدن ده آشاغی موقعده طوتمامشدم که مومی ایله بویله بر تزویره تشبث ایتمش اولسون . رضا بک الصلحی ایسه دائماً بر مفسد کبی تلقی ایتدم وکندیسی حتی هیچ کورمک بیله ایسته مدم . بناء علیه تحقیقات نه طرز وماهیته باشلامق ایجاب ایدجکی حقنده کامل الاسعد بکله استشاره ایتدکن صو کرا ایجاب ایدنلره اوامر لازمه ویردم . اونیش کون دوام ایدن تحقیقات فی الحقیقه عبدالکریم الخلیل ایله رضا بک الصلحک صور و صیدا طرفلرند تاقینات وترتبات اختلایلیه توسل ایتمش اولدقلرینی میدانه چیقاردی . درعقب اونلره دیکر علاقه دارانک توقفلاری امرینی ویردم . زیرا زمان غائب ایتمک جداً تهلکلی ایدی .

متشبثلر محیطی بک کوزل انتخاب ایتمشدری . صور و صیدا حوالیسی سواخلک الک آرز نظارت آلتنده بولوندیغی بر محل ایدی . اوقدرکه اورالرده حتی بر بلوک عسکر بیله بولونمیور ویا لکیز بر مقدار ژاندارمه ایله ترصد ایدیلیوردی .

بیروته عکاره سنده بوساحل قسمی هیچ بر طریق مواصله اوزرنده بولونمادیغندن کرک رؤسای مأمورین وکرک اردو ارکانی اورالره اوغرامازلردی . حتی بن بردفعه بیله او حوالی بی دولاشمغی دوشونمه مشدم . بناء علیه اختلاجلیلر بو منطقه داخلنده راحت راحت چالیشه بیلیورلر و بر کره افکار ناسی زهرله دکن و تمامیه احضار ایلدکن صو کرا دشمنله مشترکاً تثبیت ایده جککری بر کیچه اثناسنده قومه اخراج

اولونه جق بر دشمن قطعه سنك معاونتيله كريلده كي طاعلق اراضی بی اشغال و شماله، شرقه ، و جنوبه قارشى حال مدافعه يه وضع ايده بيليرلردى .

عبدالكریم الحلیل ایله رضا بك الصلحك اعمال فساد ایله مشغول اولدقلری صره لرده حقیقه صیدا ایله صور آره سنده کی سوا حلدده دشمن ترصد سفائئنك جالب نظر دقت بعض تشبثانی ده وقوع بولمشدی . آره صره ترصد سفینه لرندن بلا لزوم قره یه بش اون نفر اخراج اولونیور و بزم تلغراف خطلریمز محریب ایدیلوردی . فقط هر دفعه سنده ساحل ژاندارمه لریمز بو قره یه چقان دشمن نفرلرینی کیلیرینه النجایه مجبور ایدیلوردی . خائئرلك تشبثات خفیه سی میدانه چیقار چیقماز بو دشمن تشبثاتنك دم مقصد و ماهیتی اكلا شلمش اولدی .

بو حقیقت تظاهر ایتدكن صوكرده اصلا حیونه اعتماد كو سترمك بوسوتون صافدر و نلق اوله جفنه قانع اولدم و بوتون خائئر حقتده بلامرحت تعقیبات شدید اجراسنه قرار ویرمشم .

نام اوصرده ایدی که ارکان حربیه مك استخبارات شعبه سی صورتی، آتی یه دوج ایتدیكم غایت مهم بر وثیقه آلد ایتمشدی .

تحریرات عمومی : ۴۰۳

مصر القاهره فی ۲۷ رمضان ۳۳۲

فاضل محترم سعید افندی شكري حضر تلری

سلام و احترام . حرب عمومینك دوام ایتدیكى شو وقتده وطنك اولادندن بكه دیكى معاونت هر زماندن زیاده در . حرب عمومی بر قیلجم صیجراته رق باشی، قورویی یافق و ترك ایله عربك حیاته اتصال پیدا ایلک اوزره در . اكثریته احتمال ویرلدىكى اوزره اكر دولت شو حربه اشتراك ایدك اولورسه اندن سالم چیه میه جق بلكدده بو حرب اجلنك صوکی اوله جقدر . خصوصیه ائتلاف مثلث دولترینك غلبه سی تحقق ایدر و روسلره مؤتلفرك شرق مسئله سنی حله طمعاری کندیلرینی سوق ایلرسه .

بناء علیه ممالك عثمانیه نك معروض قالدجنی مخاطریه بلاعربیه دخی معروضدر . مرکز قوا بلاد عربیه یه اوزاق بولندیغندن تركلر مدافعه یی کندی مملکتلرینه و مرکز سلطنتلرینه حصار ایتك مجبوریتنه قالدجنلری جهتله بلاد عربیه یه مخاطره بلكددها شدید اوله جقدر . بوبوله در استقلالیزی زوالدن وقایه ایله جك وساطتی شیمیدین دوشونمك بز عربلره فرضدر . مكمل برتشکیلاته و وطن واستقلالزده محبت صادقسی وغیرتی بولنان افراده مالك جمعیتمز سلامت وطن و اولادینك محافظه حیاتی ایچون اتخاد تداییر ایله متفكرلرك باشنده بولمنسی ، کندیسی ایچون الكمقدس وظیفه بیلمشدر . بونك ایچون مواد آتییه سریعاً جواب ویرمکزی رجا ایلرز .

- ۱ — عندالحاجه برحرکت عمومیه یاپه بیلیمک ایچون یانکیزده کی قوت نهدر .
 - ۲ — بزه معاونتده بولنق ویاخودیانکیزده بولندیرمق اوزره باره طویلامق امکاتی وارمیدر ونه مقداره قدر باره طویلامق ممکنیدر .
 - ۳ — معیشتلری تحت تأمینہ آلتق اوزره کندیلرینه حرکات وطنیه نک اداره سی تودیع ایدیلجک بر ویا برقاچ فردہ یانکیزده امین برملجاً اولاجق یر وارمیدر .
 - ۴ — تعلیمات لازمه یی تلقی ایلک وتعیین ایدہ جکمز محله کیتیمک اوزره شعبه کنزه وکالت ایدہ جک معتمد بریسی کوندرمک سزجه ممکنیدر .
 - ۵ — سزجه معتمد بریسی کوندرمک ممکن اولزسه تعلیمات لازمه یی اعطا ایتیمک اوزره صورت مخصوصده سزه بریسنک کوندرلسنه لزوم کوررمیسکیز .
- سریعاً جواب یرمکزی رجا ایلدیکمز مواد ایشته بولردر .
چونکہ هر کچه جک دقیقه عربک خیانتدن کچمش اولیور؛ حیات وظیفه مز اوغرندہ نفسی فدا ایدہ جک زمان حلول ایتشدر . السلام علیکم .

ع .

حاشیه — بوندن بویله امضام سزه بویله اوله جقدر . فقط کوندره جککنز مکتوبلرک ظرقنده اسم صریح برصورتده یازیلجق وبعده دیگر برظرف ایچنه قونیلہرق اوزرینه بروجه آتی آدرس یازیلہ جقدار .

مصر القاهره — شارع الدواوين

مرحوم شریف یاشانک سرائی قارشوسنده شاملی خانمک جامعشرقی خدمه سندن

شیخ حق خلف

کندی ایلہ اجنبی پوسته سنه وضع ایلک اوزره مکتوبی سواخلده معتمدکنز اولان برآدمه کوندرمک لازم کلیور؛ اگر بومکن دکل ایسه محلی پوسته سیله کوندرمکده باس یوقدر . بو وثیقہ یی اوقور اوقوماز بوتون وضعیت نظرمدہ تامامیلہ تنور ایتشدی . دیمک اولیورکه عرب اختلاجیلری سوریه و فلسطین داخلندہ بر اختلال ایقاعی فکرندن قطعاً صرف نظراتمه مشلردی . یالکزشوراسنی اکلایموردیمکه مصرده کی اللامرکزیه فرقه سی بویله بر اختلاله قرار ویرمش اولدینی حالده اونلرک بوراده کی ممثلری اولان عبدالکریم الخلیلر و سائرہ نهدن طولایی حرب عمومینک بدایتندہ حکومته بوقدر صداقت ابراز ایتشلردی ده شیمدی بو فکرلرندن واز کچه رک اختلال ترتیباتنه مباشرت ایتشلردی . کرک اوزمان وکرک شریف حسینک اختلالندن وحقی قهرمان سوریه اردومزک مغلوبیتیلہ سوریه و فلسطین بالکلیه الیزدن چیققدن صوکرابیله بو اسرار آلود حادثہ یی بردورلو کشف ایدمه مش ایدم . آنجق بو خاطر اتمی یازمغه باشلادیقم شو صرملرده بوندن بر ایکی آی اول تان غزته سنک نشر ایتدیکی بعض وثائق سیاسیه بونک اسباب ولدنیاتنی تماماً اکلایه بیلیمکمه خادم اولدیلر .

عبدالکریم الخلیلک صور و صیداده ترتیبات اختلالیه ایله مشغول اولدینی زمان
۱۹۱۵ سنه سی حزرانه مصادقدر . شریف حسینک مقام خلافت علیهنه اختلال
ایچون انکیلزله مخبریه کیریشدیکی تاریخ ده نام بو زمانه تصادف ایدیور .
تان غزته سنک ۱۸ ایلول ۱۹۱۹ تاریخی نسخه سنده کی مقاله یی عیناً درج ایدیور :

عربلر و ائتلاف دولتلری

بزوکون محاربه ائناسنده حجاز قرالی امیر فیصلک پدری ایله انکیلز مأمورینی
آرسنده وقوع بولان مذاکرات حقنده بعض یکی خبرلر ویره ییله جک موقعه یز .
انکلتزه حکومتیله شیمدیکی حجاز قرالی حسین شریف مکه آرسنده شرقک صورت
تقسیمی حقنده تثبیت ایدیلن صلح شرائطی ۲ تموز ۱۹۱۵ دن کانون ثانی ۱۹۱۶ یه
قدر تعاطی اولنان سکیز مکتوبله ایضاح ایدیله بیلیر .

۱ — ۱۹۱۵ تموزنده شریف مکه انکیلز حکومتنه معاونت عسکریه سنی تکلیف
ایله بوکا قارشی عربستان شالیده مرسیین و آطنه یی احتوا ایدن و ۳۷ نجی عرض
دائره سندن ایران حدودینه قدر امتداد ایدن ساحه ک مختاریتی طلب ایدیور .
شرقرده ایران حدودی بویجه بصره کورفزینه قدر ؛ جنوبده ، عدن دن ماعدا ،
بحر محیط هندی ونهایت غربده بحر احمر و بحر سفید مرسیینه قدر حدودی تثبیت
ایتلی ایدی .

۲ — ۱۹۱۵ سنه سی ۳۰ آغستوسنده قاهره انکیلز قومیسری سیرهنری
ماقاهون تثبیت حدود زمانسک هنوز حلول ایتهدیککی بیان ایله مبهم جواب
ویریوردی .

۳ — ۱۸ تشرین اولنده خارجیه نظارتنه سیرهنری ماقاهون طرفندن تقدیم
اولنان ۹ ایلول تاریخی مکتوبده ، شریفک همان تثبیت حدود مذاکراتنه ابتدار
ایتمکده اصرار ایتدیککی یازیور . عینی زمانده سیرهنری ماقاهون شریفک مصر
مئلندن آلدینی آتیده کی بیاننامه یی تقدیم ایدیوردی :

« صرف عربلرله مسکون اولان حلب ، حما ، حمص و شام منطقه لرینک فرانسزلر
طرفندن اشغالی عربلرک قیامنه سببیت ویره جکدر . فقط بومناطقدن ماعدا شمال
غربیده تنظیم حدوددن صوگرا ، عربلر شریف مکه ک تکلف ایتدیککی حدودی
قبول ایده جکدردی . »

۴ — ۲۴ تشرین اول ۱۹۱۵ ده سیره‌زی ماقاهون حکومت متبوعه‌سینک امری اوزرینه شریفه شومالده نوطه ورمشدی :

« مرسین واسکندرون منطقه‌لریله شام، حصص، حما، حلب شهرلرینک غربنده‌کی سوزیه اراضیسینک عرب اکثریتی حاوی اولمادقلری جهته بومنطقه‌لرک نظر تدقیقه آلان تنظیم حدودن خارج طوتولماسی لازمدر . بالاده ذکر اولنان تحدیداتدن ماعدا عرب رؤسایسیه آره‌مزده مقرر اولان ائتلافده اصرار ایدیله‌یه‌جک اولورسه حدودلرک شکلنه موافقت ایدیورز . بیوک بریتانیانک فرانسز منافعی رنجیده ایتمه‌یه‌جک برصورتده سر‌بستی حائز اولان اراضیسینک برقسمنده حکومت متبوعه‌مدن آتیده ذکر ایده‌جکم تأمیناتی ویرمه‌ک ماذونم :

« بیوک بریتانیا بالاده ذکر اولنان تحدیدات ایله شریف مکه طرفندن کوستریلن منطقه‌لرده عربلرک مختاریتی و حدودلرینی طانیغه و کندیلرینه یاردم ایتمه‌ک حاضردر » .

۵ — شریفک ۵ تشرین ثانی ۱۹۱۵ ده ویردیکی جوابده مرسین و آطنه‌نک ذکر اولنان منطقه‌دن اخراجنه موافقت ایتدیکنی فقط دیگر منطقه‌لرک وبالخاصه بیروتک مختاریتنده اصرار ایتدیکنی یازیوردی .

۶ — ۱۳ کانون اولده سیره‌زی ماقاهون شریفک آطنه و مرسیندن صرف نظر ایتدیکندن خبردار ایدیلدیکنی بیلدیریوردی .

۷ — ۱ کانون ثانی ۱۹۱۶ ده شریف فرانسز — انگلیز ائتلافنه حلل کتیرمه‌مک ایچون حارحربده بولوندقجه جبل لبنانده‌کی حقوقندن صرفنظر ایتدیکنی فقط محاربه‌نک ختامنده بوحقوقی تکرار طلب ایده‌جکنی بیلدیریوردی .

۸ — ۳۰ کانون ثانی ۱۹۱۶ ده سیره‌زی ماقاهون انگلیز — فرانسز اتفاقنده تفاق ظهورینک اوکنه کچمک ایسته‌ین شریفک آرزوسندن خبردار اولدینی کندیسنه فرانسز — انگلیز اتفاقنک محاربه‌دن صوکراده بردوام قاله‌جقنی بیان ایدیوردی . بوزماندن اعتباراً شریف ایله بیوک بریتانیا آره‌سمنده‌کی صلح شرائطنه دائر اولان تحریرات ، معاهدات و تعاطی افکار کسلیوردی . بو اوراقدن آکلاشیلدیغنه کوره :

اولاً : ۲۵ تشرین اول ۱۹۱۵ تاریخلی ، بیوک بریتانیانک شریف ایله اولان منفرد اتفاقی حاوی مکتوبده ، انگلیز حکومتی ۱۹۱۶ مایس تاریخلی فرانسز — انگلیز ائتلافنه مغایر هیچ بر تعهداته تابع اولمق ایسته‌میوردی .

ثانیاً : ۱۹۱۶ معاهداتی حاضرلامق ایچون موسیو ژورژی قو ایله لوندره آره‌سمنده‌کی مذاکراتدن صوکرای بیوک بریتانیا شریفه قارشی هیچ بریک تعهدات

در عهدہ اتمہ مشدر . ممثلرك ايلك مذاكراتی حقیقہ ۲۳ تشرین ثانی ۱۹۱۵ ده وقوع بولدی . ۱۹۱۶ کانون نائینسده تعاطی اولئان سوك ایکی مکتوب ۲۴ تشرین اولده قرال حسینہ قارئی در عهدہ اولئان تعهداته هیچ برشی علاوه ایتیموردی .
 بو مقاله دن صراحة آ کلاشیلورکه شریف حسین دها ۱۹۱۵ سنه سی ابتدالزنده اختلاله قطعاً قرار ویرمش و مذکور سنه نك تموزنده انکلتزه حکومتہ رسماً مراجعت ایدرک مرسین و آظنه دن موصله ایصال ایدن خطک جنوبنده کی اقسام ممالکده ساکن عربلرک بر حکومت مستقله اوله رق تشکیلنه موافقت ایلدیکی حالده متبوع مفخمی اولان خلیفه اعظم اسلام علیه عصیان ایده جکئی مکتوب مخصوص ايله بیلدیرمشدی .

آنحقیق شیمدی واقف اولایلیدیکم بو حقیقته ۱۹۱۵ سنه سی حزیرانی نهایتنده کشف ایتدیکم اختلال تشبثاتی قارشولاشدیرنجہ عبدالکریم الخلیل وسائرہ اوزمان شریف مکہ طرفندن ازامر لازمه اعطا ایلمش اولدیغی بو اوامر اوززینہ اختلالجیلرک ترتیبات اولیه اتحادینہ باشلادقلرینی آ کلامق ممکن اولیور .
 بن هیچ برزمان شریف مکہ نك خلوص نیتنه قانع اولماققله برابر خلافت اسلامیه نك سعادت ویا فلاکت ابدیه سنك موضوع صحنه اولدیغی بویه بر حرب عمومی اثناسنده آمال شخصیه سنی تطمین ایچون بونون عالم اسلامی ربه اسارتلرینہ المقی ایستہین دولترلره اتفاق ایدرک خلافت علیه عصیان ایدم جکئی ومملکتک هر طرفندن فتنه وفساد آتشلری ایقاد ایلہ جکئی قطعاً امید ایتزدم . (۱۹۱۴) کانون اولی اثناسنده کندیسيله باشلامش اولدیغم غایت نازکانه وتعظیمکارانه مخبرات الآن دوام ایدیور و (۱۹۱۵) سنه سی قیش موسمنده تشبث ایدیلہ جک اولان ایکنجی قنال سفرینہ حجازدن کوندرم جکی بر قوه عسکریه ايله اشتراک ایدم جکئی قویاً تأمین ایلوردی .
 رفیق العظم کبی ، شیخ رشید رضا کبی ، عبدالکریم الخلیل کبی پاره ایچون هر دنائی ارتکاب ایدم جک ظننده بولونان ادانینک انکلیز ویا فرانسرلر طرفندن صاتون آلینه یله جککرینه نه قدر قانع ایسم شریف حسین کبی یاشی ، باشی آلمش ، بر آیاغی چقوره آتمش بر اختیارک نه قدر حریص شان وانفراد اولورسه اولسون ، نتیجه سی کرک عربلر وکرک بوتون عالم اسلام ایچین بر اسارت محقه دن بشقه برشی تأمین اتمه جک اولان بر حرکتہ قیام ایدم جکئنه احتمال ویرمک ایسته میوردم .

کرچه اوصرمده آلمانیا به عودت ایتمک اوزره بیک مشکلات ايله عسیر ساحلنه چیقمش اولان (ئممدن) قراووزوری مرتباتنک حجازطو براغندن حین مرورنده جدمه یقین بر یرده عربان طرفندن دوچار اولدیغی تجاوزک شریف حنینک تشویق وترتیبيله واقع اولدیغنه امین ایدیسمده بونی ارض حجازه غیر مسلملرک یا قلاشدیرلما مسی حقنده کی

مخفوظیتی فکرتیک عربانه تأمینی ظواهری آلتنده انکیزلره خوش کورونمک مقصیدیه پائیش اولدیغنه ذاهب اولمشدم . چونکه اوصرده انکیزلر بوتون سواحل عثمانیه نی آبلوقه ایتمش اولدقلری حالد یالکز سواحل حجازیه یی سربست برامشدر و عرب زنبوقلربنک مصر لیمانلرینه سربستجه کیدرک هر نوع ارزاق و ذخائر ی تدارک ایتلرینه مساعده ایتملردی . بنده بوندن عادتاً نمون اولیوردم . زیرا بو سابهده خطه حجازیهده ساکن عربان ایله بلدین طبتین اهالی اصلیه و مجاورینی آچلقدن قورتیلدور و حتی کندیسینی بیله بسله مکه مقتدر اولامایان سوریه دن ارض حجازه نقل ذخائر لزوم قالیوردی . و بن ایله ظن ایدیوردم که انکیزلر بو مساعده خصوصیه یی هند و علی العموم افریقا مسلمانلرینی نمون اتمک مقصیدیه یاپورلر و شریف حسین ده انکیزلری بو مساعده کارلقدن صرف نظر ایتمکه مجبور ایده بیله جک حرکتلره توسلدن حذر ایلوردی . (نمندن) مرتبانه قارشی یاسیلان تجاوزک باشلوجه سائق انکیزلری اغضاب ایتهمک املی اولسه کرک دییوردم . شمدی آکلایورم که بو مطالعاتک کافه سی بر خیال خامدن عبارتمش و شریف حسین اک دنی مرأیلره لایق بر شکله بنی ده جکومت مرکزیه یی ده و حتی خلیفه ذیشانمزی ده اغفال ایدرک حکومت عثمانیه علمنه دشمنلریله اتفاقدن و بین الاسلام تفرقه و فساد ایقاعندن چکنمه مشدر .

عبدالکریم الخلیل ایله رفقاسنک محاکمه لری تموز و آغستوس آیلرنده دوام ایتمش و آغستوس نهایتلرنده ختام بولمشدی . بو محاکمه نظرآ اختلاجیلرک مقاصد خائنانه سی تمامیه تظاهر ایتمش و تشبثات اختلالیه نک وسعت و ماهیتی بنی جدآ تدهیش ایتمشدی . اوصرده سوریه ده بولونان قطعاتک جمله سی عرب قطعاتدن عبارت اولدیغنه کوره اکر بونلر عصیان ایتدیرلر جک اولورسه بو عصیانی تسکین ایده بیلمک ایچین بنم آئیده هیچ بر واسطه بولونمایاجق ایدی . چناق قلعه محاربانی اولانجه شدتیه دوام ایتدیکندن دکل بر فرقه نک حتی بر طابورک بیله بو جهه دن آیریلر زق سوریه یه کوندرلمسته امکان یوقدی . بناء علیه هر نه شکله اولورسه اولسون امنیت داخلیه یی تهلمک یه قویه بیله جک اک افاق بر تشبده بولونمق جرأتی کندیلرنده کوره بیله جک اولانلری ترهیب ایچون محکوملر علیه دیوان حریدن صادر اولان حکمارک درعقب تصدیق و اجراسی اوزمانکی وضعیه نظرآ موافق تلقی ایتمشدم . اساساً بو کی احوال مشکله فوق العاده ده اوردو قوماندانلری بالاخره تصدیق عالی یه اقتران ایتدیرلرک اوزره دیوان حربلرک قرارلرینی تصدیق و اجرایه صلاحیتدار اولدقلرندن بومسته ده بو صلاحیتده استفاده ایتک املنده بولوندیغی ده ا اولجه حربیه و داخلیه ناظرلرینه یازمش و جواب موافقتلرینی ده آلمشدم . دیوان حربک مضبوطه سی او قودقدن و اوردو مشاور عدلیسنک ده رأینی آلدقدن صکره حکمی تصدیق و ایرتسی کونی بیروده اجرا

ایشان را دیدم. بومعامله شديده (۱۹۱۵) سنه سی آغستوس واسطنده اجرا اولمشدی. اختلاجیلر حقنده اك مرحمتس طرزده حرکت ایده جكمی فعلاً اثبات ایدن بواجرات هر طرفده حسن تأثیر حاصل ایتمش واختلاجیلری جداً قورقوشمیشدی.

عبدالکریم الخلیل اثنای محاکمه سنده کندی علمینده بر چوق حقائق ثابت اولاجنی پک کوزل تخمین ایتمش اولان المفید صاحبی عبدالغنی العریسی اورته دن غائب اولمشدی. بالاخره دیوان حرب طرفندن آرائمش اولان مرقومک دیگر ایکی آرقداشیله برابر جبل دروز طرفلرینه فرار ایتدیگری بالتحقیق آکلاشیلمش و فقط دردستلرینه امکان بولنه مامشدی.

نهایت اوچ درت آی سوکرا عبدالغنی العریسی ایله ایکی آرقداشی رواله عشاری شیخ المشایخی نوری شعلان طرفندن جوف حوالی سنده دردست ایدیلرک تحت الحفظ شامه کوندرلدیلر و بکا تسلیم اولوندیلر. نوری شعلان بکایازدیغی مکتوبده بین الاسلام ساعی بالفساد اولان بوکی اشخاصک حکومتک نچه سندن قورتولسی اسلام انچون محض فلاکت اولاجنی تقدیر ایتدیکنندن اخراً کنندیسنه التجا ایتمش اولان بو آدمیری دوغروجه بکا کوندرمش اولدیغنی سویله وردی. شمده بوراده بونون عالم اسلامه خطاب ایدیورم:

« اوقوبوب یازماسی بيله اولمایان بو بدوی شیخنک سلامت محاکمه سنه باقیکنز برده عینی تاریخده خلیفه اسلام علیه السلام شیع بر حرکت اختلالیه حاضر لامقوله مشغول اولان امیرمکه شریف حسینک ردائت اخلاقیه سنی کوریکز. انسان بویه بر حقیقت قارشو سنده ناصل اولورده نفرت ولعتندن کنندیسنی منع ایده بیلر. »

شیخ نوری شعلان عبدالغنی العریسی بی حکومته تسلیم ایتدیکی زمان شریف حسین یالکنز انکلیزله شرائط اتفاق مذاکره سیله اکتفا ایتمیوردی. بریاندن حکومتی آلامق وبرطرفندن سوریه ده نهر اولوب بیتدیکنی آکلامق اوزره اوغلی شریف فصلی بنم زدیمه کوندرمک دناستی ده ارتکاب ایدیوردی.

شریف فیصل ۱۹۱۵ ایلونده سوریه کلمش واورادن استانبوله کیتمشدی. استانبوله حضور خلیفه قبول ایدلیدیکی زمان باباسنک وکنندیسنک صداقت وعبودیتندن اوله ذیللانه بر لسان ایله بحث ایتمشدی که ذات شاهانه بو بیاناتک حقیقتندن ذره قدر شبهه ایتمه مشدی. شریف فیصل عینی تأمیناتی بوتون ناظرلره وبردکنز سوکرا سوریه عودت ایتمشدی. کنندیسنی پک زیاده اعزاز واکرام ایله قبول ایتدم. برقاچ کون دوام ایدن مسافرتی اثناسنده باباسی طرفندن قنال سفرینه اشتراک ایتک اوزره ۱۵۰۰ هجمدن مرکب بر کوللی قطعه سنی کندی قومانداسیله فلسطینه کوندرلمسی قرارلاشدیردق. متعاقباً قدسی زیارت ایتمش اولان شریف فیصل اردو قرارگاهنه

منسوب بر چوق ضابطان حضورنده بر نطق ایراد ایتمش و پک یاقین بر زمانده بر قافله مجاهدین ایله کندیلرینه التحاق ایده جکئی واونلرله اوموز اوموزه دشمن دین علیه اولونجهیه قدر محاربه ایتمکدن فارغ اولمیه جغنی جدی اولان بی دیشانمژک روح پاکنه یمن ایدرک وعد ایله هشدی. دقت اولونسونکه شریف فیصل بویلان یمنلری ایدرکن باباسی مکده انکیلزله و تاریخی مکتوبلری یازیور و خلافت اسلامی علیه الشدید تشبثانده بولنیوردی. بنم بالطبع اوزمان بوشناعتدن ذره قدر خبرم یوقدی. عبدالغنی العریسی نك استجواباتی بزى بر چوق حقایق الیمیه آگاه ایتمش اولدیغندن آرتق حربك بدایتنده شام فرانسز قونسولوسخانه سندن آلد ایدلمش اولان وثائقی موقع اجرایه وضعی زمانیک کلمش اولدیغنه حکم ایتدم. وبو خصوصده بکا مساعده اولتمسنى حریبه وداخلیه ناظرلرندن رجا ایتدم. اوزون اوزادییه دوام ایدن مخبراتمز نتیجه سنده استحصال مساعده ایتدم. استانبولک بوترددی وثائیک تعلق ایتدیکی اشخاصک پک یوکسک موقعده بولمالرندن ایلری کیلوردی. حالبوکه نتیجه خائن دین ووطن اولان بر شخصک موقع اجتماعیه سی نه قدر یوکسک اولورسه اونک علیهنده کی تعقیباتک اودرجه شدید اولمسی ایجاب ایدر. چونکه بوکی اشخاصک تشبثات خائنه سی هم دها مضر نتایج تولید ایدر. وهمده اونلرک افعالی جهله ویا نقصانی عقل محاکمه یه حمل اولونه ماز. بونلر قصداً وعمداً خائن اولمقدن باشقه بر شیء دکلدرلر.

نهایت نقطه نظرکم اصابتی حنفنده ایکی مسئول ناظرله متفق قالدقذ نصو کرا سنه لردنبری عرب اصلاحاتی، عرب مختاریتی و عرب استقلالی نامنه بیک دورلو هذیانلره تشبث ایتمش اولان اشخاصک جمله سی حقنده تعقیبات قانونیه اجرا ایدلمک اوزره بوتون وثائقی دیوان حرب عرفیه تودیع ایتدم.

یالکیز امیرعلی پاشایه عائد وثائقی استثنایتمکی مناسب کورمشم چونکه امیرعلینک ایکی برادری ایله بر برادر زاده سی فرانسزلرک سوریه پولتیقه لرینه آلت اولمق صورتیه مسئله ده پک زیاده علاقهدار اولدقلرندن هیچ اولمزسه بوعائله نك اکبر اولادی اولان علی پاشایی صیانت ایتمک ایسته یوردم. علی پاشانک نه ماهیتده بر انسان اولدیغنی وسنه لردن بری نان نعمتیه پرورده اولدیغنی خلافت اسلامییه قارشى نه قدر نانسکورلک کوستردیکئی اثبات ایدن وثیقه لر دیوان حرب دوسیهلرنده محفوظدر.

عرب اختلاجیلرینک ایکنجی پارتیسنک اثنای محاکمه سنده دخی شریف حسینله دوستانه مخبراتمز دوام ایدیوردی. نهایت کانون ثانییه طوغری شریف فیصل ۴۰ الی ۵۰ آتلی ایله نهایت مکدن شامه کلدی و قتال سفری ایچون موعود اولان ۱۵۰۰ مک کولکلیسنه عائد مالزمنه نك احضار ومکیه سوقی خصوصنده بکا معاونت

ایتمک اوزره شامده اردو قرارگاهنده قالدی . بوصیراده دیوان حرب عرفی تدقیقات و محاکمانه کمال اعتنا ایله دوام اییدیوردی . شیاطیده انور پاشا دردنجی اردویی تفتیش ایتمک وسینا چولنده یاسیلان منزل تشکیلاتی کوزدن کچیرمک اوزره سوریه په کلمش ایدی . هر طرفجه تفتیشاتی اکمال ایتش اولان مشارالهی مدینه بی ده زیارته تشویق ایتدم . شریف فیصل دخی برابر مزده اولدیفی حالده برلکده مدینه په کیتدک . اوراده بولندیغمز صیراده شریف حسین انور پاشا ایله بکا برر مرصع قیلنج ایله داها سائر بعض اشیا هدیه ایتشدی . جمله نک معلومیدرکه بین العرب حسیات دوستانه نک اک باهر دلیلی یکدیگرینه قیلنج هدیه ایتمکدر . بناءً علیه بزه بوصورتله صیمی دوستلق ابراز ایتدیکی صیراده کندیمی بالاده درج ایتدیکم ۱ کانون ثانی ۱۹۱۶ تاریخلی مکتوبله مقام خلافتنه قارشی عصیان ایچون انکیزلره قطعی تکلیفاتی اجرا ایتمکده ایدی . بومثالیری هب شریف حسینک ردائ اخلاقیه سنه نمونه اولمق و شریف حسین اختلالی بنم سوریه اداره مه استناد ایدن بعض قیصه فیکرلی انسانلره بر جواب شافی ویرمک ایچون ایراد ایدیورم .

انور پاشانک استانبوله عودتندن صوکر ا دخی محاکمه دوام اییدیوردی . بو صیراده شریف حسین ایلمک دفعه اوله رق یوزنده کی ماسکینی چیقارمشدی . استانبوله عودت ایدر ایتز انور پاشا بکا شریف حسینک بر شیفره لی تلغرافنامه سنی کوندرمش ایدی . بو تلغرافنامه ده شریف حسین بعض سفسطه کارانه مقدمه لردن صوکر ا خلاصه شویله دییوردی :

« اکر بنم بوراده راحت اوطور مقلغمی ایستنیورسه کز تبوکدن مکیه قدر امتداد ایدن خطه حجازیه ده بنم مختاریت اداره می قبول ایدیکز و امارتی اولاد اکبریه قبول ایتمک شرطیله مادام الحیاه بکا تفویض ایدیکز . بوندن باشقه الیوم تحت محاکمه په آلمش اولدیغکز بعض مخطی عرب اکابرینک قباحترینی عفو ایدرک سوریه و عراقه شامل اولمق اوزره بر عفو عمومی اعلان ایدیکز . »

بو تلغرافنامه نک عبارده سی اوقدر مغلق یازیلشدیکه انور پاشا بکا نقل ایدر کن بوندن بر معنا چیقارامدیغی ودلی صاحبجاسی تلقی ایله دیکنی سویله مشدی .

او صیره ده شریف فیصلده — باباسندن آلدیغی تعلیماته مستند اوله حق — دیوان حرب متهملری حقنده رحم و مروت کوسترمکلمک ایچون بکا رجا و نیازلرده بولنیوردی .

انور پاشانک کوندردیکی تلغرافی آلیر آلاماز شریف فیصلی جلب ایتدم . محاوره مزک طرز جریانه شاهد اولسی ایچون ارکان حربیه رئیس علی فؤاد بکی ده برابر بولندردم . بعض مقدمه لردن صوکر ا شریف فیصله دیدمکه :

« انور پاشا ایله برابر مدینه‌دن عودتمزدن سوکرا مدینه‌یه کلن برادرکز علی‌بک مدینه محافظنک ایشنه مداخله‌یه ، مدینه‌ده امور امارت نامی ویردیکی بر طاقم معاملاتک ردینه باشلانجه بن بونی علی بکک کنجه‌کنه تقدیر سزلکنه حمل ایتک ایسته‌یه رک‌بوکی احوال‌دن توقی و مجانبیت ایتسی لزومی محافظ پاشا واسطه‌سیله کندینه اخطار ایتدیردیکم کی پدرکزنده آروجه استرحاماتده بولنش ایدم .

بوندن اول سزکله سبق ایدن بر چوق محاوره‌لر مزده بر چوق فرمانلره مستند اولدیغی بیان ایتدیککز حقوق امارتی صیانت ایچون بالذات کندم صرف مساعی ایده‌جکمی واکر غصب ایدلش برحق موجود ایسه اونک صاحبه اعاده‌سی ایچون هرکیم اولورسه اولسون مجادله‌دن اجتناب ایتیه‌جکمی سوبله‌مشدم . بونی دفعاتله پدرکزده یازدم وحتی بوندن طولایی حقمده برخیلی التفاتی حاوی تشکر تلغرافنامه لری ده آلم .

فقط سزکده تحت اعتراف‌کزده درکه بالذات عالمه کز ایچنده بعض ذوات پدرکزک خصمیدرلر . بونلر استانبولده بولندقلری ایچون پدرکز حقمده هرکون بعضی روایتلر نقل ایتمکدن و حکومت مرکزیه‌نک شبه واندیشه‌لریخی اوپاندیرمقدن کری طور میورلر . احوالده سزک ایچون اک عاقلانه تدبیر بو خصما کزک روایاتنه ماهیت صدق ویره‌جک احوال واقوال‌دن تمامی عجب‌انتدر . مع‌هذا شو تلغرافی اوقورسه کز سزکده تحت تصدیق‌کزده اولان اصابت مطالعاتمه رغماً پدرکزک نه‌قادر یا کلس بر خط حرکت اتخاذ ایتدیکنی و سیاسی دشمنلرینه نه‌قدر واسع بر ساحه هجوم احضار ایتدیکنی آکلار سکز . »

کال تهالکله تلغرافی اوقویان شریف فیصل قارشیمده زنکدن رنکه کیریوردی . نهایت دیدی که :

« آه افندم ، بیلمز سکز ، نه‌قدر بیوک بر عذاب درونی حس ایدیورم . حقیقه بو تلغرافنامه‌نک یازیلما سی پک بیوک بر خطادر . سزی تأمین ایدرم که پدرم بونلری برسوه نیت ایله یازمامشدر . بیلر سکز که پدرم پک کوزل تور کجه بیلمز . بناء علیه بو تلغرافنامه پدرک عریجه ویردیکی مالی آکلایه مایه‌رق قارمه قاریشیق ایتش اولان بر تور کجه کاتبک محصول قریحه‌سی اولسه کر کدر . یوقسه الله محافظه ایتسین ، پدرم بوبله بر فکرده بولونیرمی ؟ »

شریف فیصلک تلاشی جدا آرتیوردی . پدرینه بوکی تشبثاندن فراغت ایتسی ایچین رجایی حاوی بر مکتوب یازمجنی مصرأ وعد ایدیور ودها چوق تأمینات قطعی‌ده بولونیوردی . شریف فیصل ایله محاوره‌مزی متعاقب شریف حسینه بر شیفره یازدم و دیدم که :

« انور پاشایه یازدیغیز تلغرافی اوقودم . امارتک اولادیه اولارق سزه ویرلسنی ایسته یورسکیز و برقاچ دین و ملت خائیرلینک مظهر عفو عالی اولملرینی ارزو ایدیورسکیز . ایکنجی آرزوکر سلامت عامیه متعلق بر تشبثک بر شکل مضرده نتیجه لیمی دیمک اولدینی ایچین غیرقابل قبولدر . خائیرلی عفو ایدن دولتی افکار عمومیه ضعف ایله اتهام ایدر و دیگر برچوقلرینک اخانته یلتمه لرینی وبالنتیجه دینک و مملکتک ضرر دیدم اولسنی موجب اولور . حقارنده کی وثائق منظور یکر اولورسه بونلرک نه درجه لرده خائن اولدلرینی سزه تقدیر ییور یورسیکیز . امارتک اولادیه اولارق تقویضی مسئله سنه کلنجه : بوکا نه دن لزوم کورمکده اولدیغیزی آکلایا مامقله برابر زمان طلبک پکده حسن انتخاب ایدلمه مش اولدیغی سویله مملکمه مساعدم ییور یکر . بوتون قوای عقلیه وحسیه نک بوجهان حربیله مشغول اولدینی بر صرمدم بمالک عثمانیه نک اک مهم و نازک نقطه سنده مقام امارتی اشغال ایدن بر ذات طرفندن اظهار ایدیلن صدای مطالبک قولاق لرده نه قدر ناخوش بر تاثیر بیراقه جغنی سز تقدیر ایدیکر . نم فکر محجه بویه مطالب در میانه حقکر اولسه بیه بونی شمعی پاممالیسکیز . بوکون بوتون قوای ملیه نک یالکر بر نقطه یه معطوف اولسی ایجاب ایدرکه اوده غلبه نهاییه نک استحصالی غایه سیدر .

« شمعی سزه شوراسنی عرض ایتک ایستهرم که حکومت حاضره قولنه صداقت شریطه سنندن بر دقیقه فارغ اولسه ده بوکونکی احوال مشکله آراسنده سزک طرفکرذن بر فنانق ایقاع ایدلمسنه مانع اولقی مقصدیله سزه شمیدیکی مطالبکیزی کاملاً بخش ایتسه ، حربک غالیته نتیجه لسنندن صوکر ا سزک علیکیزه کمال شدتله حرکت ایتسنه کیم مانع اولاییلر ؟

سلطان عبدالحمیدک اوسری بیه قورقوش اولان استبداد شدیدی علیه بلا پروا قیام ایتکدن چکنمه مش اولان ذواتک تشکیل ایتدیکی شمیدیکی حکومت خیر اسلامه معطوف بوکونکی مجادله و مجاهده سی ائاسنده کنیدیسه آز چوق مضرت ایقاعنه جرأت ایدنلری عفو ایتیه جکدر . فقط اومقدس غایه یه وصول ایچین کنیدیسه فی سبیل الله معاونت ایدنلر حقنده ذات خلاقسما ت افندیمرک مروت شاهانه لرینی استجلایدن کری دورمیه جقدر . »

بو مخبراتک اثنای جریاننده عالیه دیوان حربی حکمنی ویرمشدی . شریف فیصل بونلر حقنده استحصال عفو ایچین تمادیاً اوغراشوب دور یوردی . همان هرکون بکا کلیور ولاقیردی آراسنده عفودن بحث ایدیوردی . اوزاقدن اوزاغه قولاغمه کلن حوادثلره کوره کنیدیسی زیارته کلن اشرافه همشهریلرینی قورتارمق ایچین هیچ

بر تشبده بولونمقلرندن، هیچ اولمازسه کلوب بکا رجایم دکلرندن طولای چیقیشیرمش. بر جمعه کونی بی شامه بر ساعت مسافده کائن «قابون» چیقناکنه اوکله طمانه دعوت ایتشدی. بر قاچ ضابطله برابر کیتدم. میكدن صوکرایته عینی قرائی تکرار ایتدی. محکوملرک درجه جرمی بیلوب بیلمدیکنی صوردم. هیچ رشیدن خبری اولمادیغی عین ایله تأیید ایتدی. او حالده بونی اوکره نه جک اولورسه بو کون اونلرک عفورلری ایسته دیکی ایچون پک بیوک بر ندامت حس ایده جکنی سویله دم.

حکم اعدامک اجرا سندن بر کون اولینه شریف فیصلک اصرار و ابرامیله حقنده پک بو یوک بر حرمت و تعظیم بسله دیکم شیخ بدرالدین افندی بونلر حقنده رجاده بولونق ایچین قرار کاهه کاشدی. جامع امویه خطیملرندن شیخ عبدالقادر الخطیب ده برابر دی. شیخ عبدالقادر الخطیب قدر ساخته وقار و منافق بر شخصیت، دکل شامده بلکه بوتون جهانده تصادف اولونماز. حضرت فخر و کائناتک اعتلر و نفرتلرله یاد ایتدیکی مدینه منافق لری بونک یاننده هیچ قالیرلر. بویله اولغله برابر بر فکر مخصوص ایله جزاسی تأخیر ایتکی مناسب کوریوردم [اردو مقیسی شیخ اسعد شقیر افندیی ترجمان اوله رق دعوت ایتدم.

شیخ بدرالدین افندی کندیسه خاص اولان نزاکت اسلوبیله بیاناته باشلادی. دیوان حربدن، اوراده کی محکومیندن و سائر مدن ذره قدر بحث ایتیه رک صورت عمومیله سلامت اسلامی و اونی تهلکیه قویا بیله جک تشبیهات خائنه حقنده بسط مطالعات ایدیوردی. بر چوق آیات و حدیث او قویوب تفسیر ایتدکن صوکرای دیدی که: [جناب حق بین الاسلام فتنه و فساد ایقاعنه ساعی بولونانلر ایچون اوچ دورلو جزا توکید ایدیور: یا اعدام، یا ایکی قولنک کسيلمه سی و یا خود نفی اید! و جزالر عملک و فساد و فتنه نک تولید ایده بیله جکی مضراتک درجه سنه کوره حکم اولنق لازم کلیر. بز شیمدی عالم اسلامک ک زیاده تهلکلی بر حربه داخل اولدیغی بر زمانده یز. اکر بو زمانده اسلامک ضعفی موجب اوله بیله جک فساد و فتنه یه توسل ایده نلر بولنیرسه اونلردن داها مضر مخلوقلر بولونماز.

«فخر کائنات افندی یورو یورکه: «خائلر حقنده حاکم زنده تشبیهات شفاعتکارانده بولنلارده خائلردر. زیرا بونلر بیله رک و بیلمیه رک اتساع فساد و فتنه خدمت ایتیش اولورلر. «بناء علیه جدآ و حقیقه اخاتلری ثابت اولانلر ایچون شفاعتده بولنقدن هر مؤمن موحدک حذر ایتمه سی لازم کلیر.]

شیخ کامل اتمام کلام ایدر ایتز کوله رک شیخ اسعد و شیخ عبدالقادر الخطیبک یوزینه باقدم و دیدم که: «سز شیخ حضرتلری بزم دیوان حربک محکوم ایتدیکی

خائنلر حقنده استشفاع ایچون بکا کتیردیکز . حالبوکه شیخ بنم دیوان حربک مضبوطه سی بر فتوای متین ایله تصدیق و خائنلری عفو ایتمک قطعاً مأذون اولمادیغنی لسان شرع شریف ایله بکا اخطارایتدی . اویله دکلی ، بدرالدین افندی حضر تتری ؟ ، دیدیم . بشوش سیاسیله حاضر ونه باقارق مقام تصدیقه باشنی صاللادی . شیخ اسعد شقیر :

« آمان یا شیخ سن بزی برباد ایتدک ، بیتیردک . آرتق بوندن صو کرا باشابه هیچ بر رجاده بولونما یز . سزک فتوا کزه کوره بزی ده خائن تلقی ایدرک ایپه چکمه قالفیشیر ! » طرزنده بر لطیفه ایله مکالمه حسن خاتمه ویرمشدی . ایرتسی کون شام و ییرونده حکم اعدام اجرا اولندی . بعض ذوات دییورلرکه بو حکملری اراده سینه یه اقتران ایتدیرمه دن اجرا ایتمه ملی ایتم .

اولا بوکا قانوناً صلاحیت واردی . ثانیاً انحق بویه بر اجرا ات ایله دیگر خائنلری ترهیب ممکن اوله بیلیردی . عربستانده شخصلرک وشخصیتلرک اوقدر بیوک بر تأثیری واردرکه بعضاً بر قول اردونک یاپه میه جفی برایشی یالکز بر شخص یاپه بیلیر .

بنم قدر جزئی وسائطه مالک اولان بر قوماندانک سنه لردن بری انکلیز وفرانسز پرو پاغاندار لیه اخلاقی برباد ایدلمش بر محیطده نفوذ وقوت حکومتی ادامه ایده بیلمه سی ایچون عندالاقضا هر دورلو جزا وعفونی هر کیم حقنده اولورسه اولسون ، حتی استانبوله صورمادن اجرا یه قادر اولدیغنه قانع اولماسی لازم کلیر . بن امیمکه شریف حسینک اعلان استقلال ایتمش اولماسندن صو کرا ، دها ۲ بحق سنه سور ییده هیچ بر اختلاک ظهور ایتمه مش اولسی ۱۹۱۶ سنه سی نیساننده موقع اجرا یه وضع ایدلمش اولان حکملردن ایلری کلمشدر . بوندن باشقه بو حکملرک بلا استیدان تصدیق واجراسی خصوصه بندم ایکی ارقداشله تماماً مطابق قالمش ایدککه بونلردن بری حربیه و دیگری داخلیه ناظری ایدیلر . وبالا آخره اوراق حکمییه استانبوله کوندر دیکم زمان حربیه نظارتی دیوان تمیزی طرفندن لدی التحقیق مجلس وکلا قرار یله عرض عتبه علیا قلنهرق اردوجه موقع اجرا یه وضع اولنان حکملر تصدیق عالی یه ده اقتران ایتدیریش و معاملات قانونیه اتمام اولنمشدی .

دیگر بعض ذوات ده دییورلردی که ، سور ییده محاکمه واعدام اولنان اشخاصک جرملری ۱۹۱۳ سنه سی بدایتلرنده اعلان اولنان عفو عمومی قانونیه مظهر عفو عالی اولمشدر . بونلرک بالا آخره عینی جرمدن طولای محکمه واعدام ایدیلر لری مخالف قانوندر .

«سوریہ مسئلہ سنک حقیقتی» عنوانی قیرمزی کتابدہ صراحة در میان ایتدیکم وجهله بواشخاص عفو عمومیدن اولکی جرملرینی اوندن صوکراده ادامہ ایتدیرمشلردر. وکندیلزینک محکومیتلری ایشته بومؤخر جرملردن ایلری کلمشدر. آنجق عفو عمومیدن اولکی جرملرینه عاڈ وئالق غایت قوتلی اولدیغندن ماهیت اخاتی بتون مرارت وچیرکینلکی ایلہ کوسترمش اولق ایچون دیوان حرب عرفی بووئالق تدقیق ونشر ایتمشدر. قیرمزی کتابلک نشردن صوکرادخی بو ادعایی در میان ایتک حکومتک ایشنده مطلقا برخطا بولمق املنده اصرار ایتک ایسته مکدن باشقه برشینہ حمل اولونه ماز.

حکملرک اجرا اولندینی کون اردویہ بریساننامہ نشر ایدهرک و بویساننامہ یہ محکوملرک ہر برینک ثبوت جرمنہ مدار اولان وئائقدن بعضیلرینی درج ایتش ایدم. برایکی ساعت صوکراد شریف فیصل زیارتمہ کلدی. «اگر بوخائنلرک جرملرینک بوقدر شنیع اولدیغنی بیلسه ایدم، جدمک روح پاکنہ یمین ایدر مکہ حقارندہ شفاعت ومراجعتدہ بولمق دکل، ہر برعضولرینک آیری آیری کسیلوب آتیمق صورتیلہ تشدید عقوبتلری رجاسندہ بولونیردم. اللہ کافہسنہ لغت ایتسین،» دیمشدی. عینی کوندہ شام مبعوثی عظم زادہ محمد پاشا دخی زیارتمہ کلہرک: «عائہ من افرادی میانندہ بویلہ ذی مخلوقلرک یتشمش اولسی نی حجاتک اک صوک درکلرینہ القا ایدیور. عدالت الہیہی اجرا ایتدیکز. اللہ ورسولی سزدن راضی اولسون!» دیمشدی.

وقعدن بر آی قدر صوکراد شریف حسینہ یازدیغم تلغرافک جوابی کلدی. شریفک بوجوابی ہم تلغرافک کندی اوزرندہ اولدقجہ ناخوش برتأثیر حاصل ایتدیکنی کوستریوردی. عفو عمومی مسئلہ سی ایچون دولتک فائدہ داخلہ سنی موجب اولہ بیلیر مطالعہ سیلہ ایلری سوردیکنی در میان ایتدکدن صوکراد مدینہ محافظندن برچوق شکایتلردہ بولنیور و خلفای عثمانیہ نک کندیسنہ احسان ایلدیکی حقوقہ تجاوز ایدلسنہ راضی اولہ مایہ جغی سویلیوردی.

اوصردہ مدینہ دہ کی شریف علی بکک محافظ بصری پاشا علیہنہ واقع اولان تجاوزاتی جدآ تحمک فوقہ چیقیوردی. بناء علیہ همان شریف فیصلی دعوت ایدرک باباسنک بکا یازدینی جوابی کوسترمکله برابر قاردشک بوکی تجاوزاتی تکرر ایدہ جک اولورسہ کندیسنی قوہ عسکریہ استعمالیہ منعہ توسل ایدہ جکمی غایت شدید برافادہ ایلہ بیان ایتدم. ودیدمکہ:

«فیصل بک افندی، کرک پدریکزک صوک زمانلردہ استعمالنہ باشلادینی لساندن وکرک برادریکز علی بکک مدینہ دہ کی افعالندن هیچ برشی آکلایاماغہ باشلادم.

سزگله بوراده کی مناسبتمز غایت درست و دوستانه ایکن علی بکک مدینه ده کی افعالی نه به حل ایتک ممکن اوله بیلیر ؟ بریاندن قتال سفری ایچون بیک بشیوز نفرلک کوکللی قطعه سنک احضاریله مشغول اولیورسکنز . دولت سزه بوقدر پاره ویریور و کوکلایرک تفنکلینی مدینه به کونده ریور . برطرفندن پدركز میلان انفراد اراؤه ایدن مطالب درمیاننه باشلایور و برادرکز علی بک مدینه ده پدريکزک اقوالیه متوافق افعال واجر آتیه توسل ایلدور . بن سزه غایت آچیق برلسان ایله سوله مک ایسترم که اکر دوست ایسه ک اونک ایجاباتی تماماً اجرا ایدلم . یوقسه مقصديکز بشقه ایسه رجا ایدرم، سلاحلریکزی الیکزه آلیکزه، هان اعلان عصیان ایدیکنز . هیچ اولمزه اوزمان شیمدیکی قوم دیالره نهایت ویرمش وایکی دشمن کی قارشی قارشی به چیقمش اولورز . نتیجه ده جناب حق نه مراد ایتمش ایسه او اولور . اکر مقصديکز اختلال دکل ایسه برادریکز علی بکک یازیکز هان کلسون . بوراده بنی زیارت ایتسون و محافظه تسلط ایتکدن آرتق واز کچسون !

شریف حسینک صوک محراباتی بکا تماماً آکلامشدی که بو آدم اختلال ایچون برفرست و بر وسيله آریوردی . ایشته بوندن طولای شریف فیصله آچیق و صوک درجه شدید برلسان ایله بوسوزلری سولیشدم .

سوزلرم شریف فیصلک یوزنده بر دامله قان بیر اقامشدی . آياغه قالقه رق و صاغ آلی کوکسینه قویه رق مهیج برصدا ایله دیدی که :

« آمان پاشا حضرتلری ! بویه شیلری بزه فصل اسناد ایده بیلیرسکنز . خلافت اسلامیته ک الصادق خادم لری اولمقله افتخار ایدن و رسول الله پیوسته اولان بر طائفه نک افرادی فصل اولورده خائن اولور ؟ الله عشقنه تبدیل فکر و ذهاب ایدیکنز . نه بن ، نه پدرم، نه ده قارده شلرم بو دولت و ملت خائن دکلز ! حله من نان و نعمتی یدیکنز خاندان دیشاک و اونک دولتک کوله لری یز . برادرمله حافظ بصری پاشا آراستنده کی اختلافاتی حل ایده جکمه و قرداشمی بورایه کتوروب اللریکزی او پدیره جکمه اعتماد ایدیکنز ! »

بو محاوره من اثناسنده اردوارکان حربیه رئیس علی قواد بک ده حاضر بولنیوردی . شریف فیصل بنم یانمدن چیققدن صو کره ارکان حربیه رئیسک اوطه سینه کیتمش و اوراده آغلایه رق شیخ اسعد شقیر و علی قواد بکک بنم فوق العاده حدتلی اولدیغمدن و قرداشنی توقیف ایله شامه کتوروب اعدام ایتدیرمککم بیه مأمول اولدیغمدن بک بیوک براندیشه ایله بحث ایتمکه باشلامش اولدیغنی بالا خره شیخ اسعد بک سوله مشدی .

بو حادئات ۱۹۱۶ سنه سنک مایس بدایتلرنده جریان ایدیوردی . حالوکه بالاده بحث اولنان تان غزه سنک مقاله سته نظر آ شریف حسین داها ۱ کانون ثانی ۱۹۱۶ تاریخندن بری انکلیزلره اتفاق ایتمش و اعلان عصیان ایچون مناسب بر فرصتک ظهورینه مترقب بولونمش ایدی . بن اکر اوزمانلر بو حقیقته واقف اولسه ایدم ،

شامده کی شریف فیصلی ده، مدینه ده کی شریف علی بی دم توقیف ایدر و حتی مکیه علی العجله بر تورک فرقه سی کوندره رک شریف حسین ایله دیگر اولادینی یا قالا یه رق بواختلال مشومی داما دو غمه دن بو غمش اولور دم. نه یاهیم که ایلمه بود نیلرک ثبوت جرملرینه مدار اولاجق هیچ بر وثیقه مادیه موجود دکلدی .

شریف حسین قنال سفرینه اشتراک ایچون کوندره جکینی وعد ایتمدیکی بیک بشیوز کولکلینک مصارفی اوله رق اولا بدن آلتون اوله رق الی آلتش بیک لیرا قدر بر باره آلمشدی . بونلره عائد تفنکر نیسان نهایتنه دوغری مدینه یه کلش و اورادن مکیه سوقلری مقرر بولنش ایسه ده شریف حسینده مشهود اولان تحول لسان بی احتیاطکار بولمغه دعوت ایتمش اولدیغندن تفنکرک سوقنده کی مشکلاتی ایلری سورمه ک مجاهدینک مکدن تفنکسر اوله رق حرکت ایتمه لرینی و مدینه یه مواصلترنده تفنکرک ویرلمسی مناسب اولاجغی کندیسنه یازمش و تفنکرکی مدینه ده بر اقدیرمش ایدم.

مایسک اوانسطنده بر کون شریف فیصل زیارتمه کله رک برادری علی بکک الیوم مدینه ده بولنان مجاهدین ایله سینا جهه سنده کی اردویه التحاق ایچون پدرندن امر آلدیغی و بناء علیه اکر کندیسنه مساعده ایدرسه مدینه یه قدر کیدرک برادرینی آلوب قدسه کتیرمک ایسته دیکنی و بونک مجاهدین اوزرنده حسن تأثیری اوله جغی سوله مشدی . بن و مراجعتک بنم الیدن قاجق مقصدینه مبتی اولدیغی درعقب حس ایتمش اولمقله برابر مادامکه بر کره شریف حسین و اولادلی طرفندن آلداتلمغه باشلامشدم، بو آلداتلمقه نهایته قدر دوام ایتمکی ترجیح اییدیوردم . بر مدت دوشوندکن صوکره : « پک اعلا ، سزه اذن ویریورم . کیدیگز، بنم نایمه مجاهدینی مدینه دن استقبال ایدرک بورایه کتیریگز . بن مجاهدینک شمندوفرله ناصل سوق اولونه جقلرینه دائر ایجاب ایدن تعلیاتی مأمورین عائدسینه ویردم . معیتکزه شام علماسندن بر قاج ذاتی دخی ترفیق ایدهیمده استقباله بر هیئت مخصوصه حالنده کینمش اولوکز ! » دیدم . سوزلریمی دیکرکن شریف فیصلک کوزلری مسرت قویله جیملری صاحجه باشلامشدی . او آنده بوتون حقیقت نظرمده تظاهر ایتدی . حتی ارکان حرییه رئیس علی فؤاد بکه : « پک یقین بر زمانده بر حجاز اختلالی قارشوسنده قاله جغمزه امین اولیکز ؛ شریف فیصل بنم الیدن قورتولدیغندن طولانی حس ایتدیکی مسرتی ستر ایتمه یه جک قدر متهیج اولدی .. » دیمشدم .

فکریمه علی فؤاد بک اشتراک اییدیور و فی الحقیقه چاره سزک قارشوسنده بشقه درلو حرکت ایتمک امکانی اولمادیغی تصدیق اییدیوردی .

او صرمده یمنده کی قطعاتک قادرو نقصانلرینی اکمال ایتمک اوزره استانبولدن قطعه حالنده کوندرلش اولان ایکی اوچ بیک قدر اکمال افرادی مدینه یه مواصلت ایتمش

بولنیوردی . مدینه محافظتی او بش کوندن بری بو قطعەنک سوقی ایچون لزومی اولان دودلرک تدارکی ایله مشغولدی . بو تعلیم و تربیه لری پک مکمل اولمایان وهر بلوکنده انحق بر احتیاط ضابطی ایله ایکی مسلح نفر بولنان بو غیر منتظم افرادک مدینه دن مکیه حرکتلری صرمسندە شریف حسینک تربیاتیه یولده عربان طرفندن بر باصقینه اوغرایه جق لری روایتک مصرأ دوران ایتدیکنی محافظ بصری پاشا بکا یازمشدی .

اشعار اخیرە قدر بو قطعەنک مدینه دن ابقاسنی و الیوم مدینه دن بولنان طابورلرک ضابطانندن ده استفاده اولونورق ، مکە مجاهدینی ایچون کوندلرش اولان سلاحرله تسلیح ایدیلەرک ، تعلیم و تربیه لرینه اعتنا ایدلمسنی و شریف علینک جالب نظر دقت اولان اطوار اخیر مسنه کوره مدینه دن غایت متیقظ داورانیه رق بر باصقینه معروض قالمق دن توقی اولونمسنی محافظ پاشایه یازدم . شریف فیصلک مدینه یه کلمک اوزره بولوندیغنی ده علاوه ایتدم .

شریف فیصل رفاقتنه ویردیکم دیگر برقاچ ذات ایله برابر مدینه یه حرکت ایتدکن صوکر اهر دورلو احتمالە قارشو برتدیر احتیاطی اولوق اوزره معیتده کی قول اردو قوماندانلرندن صلابت دینه سی و محبت وطنیه سی ایله مشهور فخری پاشانی ده مدینه یه کوندر مکە قرار ویردم . وضعیت حاضرینی ، بتون دوشوندک لیمی و شریف حسینک قریبأ اختلال ایده جکی حقتده کی شبهه لیمی فخری پاشایه سویله دم و مزقده بی زیارت مقصد ظاهر یسیله مدینه یه قدر برسیاحت اجرا ایتمسنی و اوراده بر حادثه ظهوره کله جک اولورسه بصری پاشا ایله تداییر مانعه اتخاذا ایتمسنی رجا ایتدم . مدینه محافظی بصری پاشا جسور ، ناموسلی ، حیثیتی و مدینه عربلرینک احوال عمومیه سی پک اعلا ا کلامش اولقله برابر محاربه لرده اکتساب ممارسه ایتمه مش اولدیقندن احوال مشکله آرمسندە بلکه تداییر شدیدە اتخاذا ایده مز، دیه دوشونیوردم .

بصری پاشا ایله فخری پاشایه بر تعلیمات خفیه ویردم . بو تعلیمات موجب جه مدینه دنە شریف زاده لرک بر حرکت فعلیه اختلالیه سی کور یله جک اولورسه فخری پاشا در عقب قوماندانی در عهده ایده جک و بصری پاشا یالکزی امور ملکیه ایله اشتغال ایله یه جک ایدی . هرایکسی ده وطنلرینی جاندن سو من بویکی ناموسلی تورک آرمسندە بویله بر زمانده بر اختلاف ظهور ایتیه جکنه امین ایدم .

بو قوماندان تداییرندن بشقه بر احتمالە قارشو در عقب مدینه یه سوق اولنق اوزره شامده ایکی اوچ طابور عسکرله برایکی جبل بطریه سی آماده بولوندریم . بو قطعات زره کیده جک لری نی بیلیمورلر و یالکزی ایلک امر دن یاریم ساعت صو کره شمند و فره یینه جک بر حاله حاضر بولونویورلردی .

خط قومیسری قائم مقام سلیمان شوکت بك هر نوع اسرار دولتی محافظه ایدم بك قدر كتوم وحسن اخلاق صاحبی بر ذات اولدیغندن اونك واسطه سیله بوقطعانك شمندوفر سوق «ایتینه رهر» لرینی احضار ایتدیردم .

شریف فیصل مدینه به کیتد کدن صو کرا بنمله بخار به ایدیور و شریف علی ده قریباً بنمله کوروشه جکندن طولای حس ایتدیکی ممنونیتی بکا یازیوردی .

شریف حسین در دست سوق اولان مجاهدینه صرف اولتوق اوزره دها بیلم قاج بیك آتونك کوندر لمسی رجا ایتدی کندن اونك ده شریف علی به تسلیم می مدینه محافظه یازمشم . ۱۹۱۶ کانون ثانیسنك برندن بری انکلیز لره متفق بولنان شریف حسین اختلالندن برایکی کون اول ، ۱۹۱۶ سنه سی مایسی نهایتلرنده دولتک بر جوق آلتوتی دها آلمقدن ، بویاره بی آله بیلمك ایچون ده یالان سوبله مکدن حیایتمه مشدی . حزیرانك ایکنجی کونی پیروته بولنیوردم . فخری پاشانك مدینه دن بی ماکنه باشنه ایسته دیکنی تلغراف مأمور لری خبر ویردیله . بر فلاکت خبری آله جقمه امین اوله رق تلغراف خانه به کیتدم . فخری پاشا دیورکه :

« بورایه کلدیم کله لی شریف علی وفیصل بکلره غایت صمیمی مناسباتده بولنیوردم . حتی ایکی کون اول بنی مجاهدین اردوگاهنك تأسیس اولندی فی حضرت حمزه دعوت ایتدیله . اوراده برلکده یمک یدک . مجاهدین بر جوق بدوی اویونلری اوینادیلر و قتال بوینده انکلیز لره ایندیرمه جکلری قهرمانجه ضربه لرك شدته دائر قصیده لر انشاد ایتدیله . دون کیجده ده علی وفیصل بکلرك قوناقلرنده مسافر ایدم . ایکی کونه قدر مجاهدینك ایلك قافله سی شمندوفرله درایه سوق اولونه جقدی . بوصباح غایت غریب برتحول قارشوسنده قالدیم . صباحلین هنوز کینمشم . شریف علی بکک آدم لرندن بریسی بکا بر قاج مکتوب کتیردی . مکتوبك بری بکا ، دیگر لری شریف حسین پاشا طرفندن سزه ، اوچنجیسی ینه مشارالیه طرفندن مقام صدارته یازلمش برر شفره ایدی . شفره لری شمدی کشیده ایتدیرمه جکم . علی بك بکا یازدینی مکتوبده دیورکه : « پدرمدن آلدیقم امر موجنبجه مجاهدینك فلسطینه سوقلری تأخر ایتشدیر . بناء علیه بوراده بیهوده یره وقت کچیرمکدنسه مجاهدین ایله برابر مکبه عودت ایتمه قرار ویردم . ذات طالیر لره وداع ایتمدن حرکت ایتمه مجبور اولدیغمدن طولای چوق متأسفم . قصوری می عفو ایدیگز ! » شریف حسین پاشانك شفره لرینی بالطبع اوقویه مادم . در عقب مجاهدینك قرارگاهنه برکشف قولی کوندردم ، اردوگاهده هیچ کیسه لر بولونیوردی . کرچه علی بك مکبه عودت ایتدیکنی بکا یازمش ایسه ده حکومته صادق اولان عربان مشایخنك ویردکلری معلوماته نظرأ معیتنده کی قوتی اوچ قسمه آیرمش وهر بری مختلف استقامتله

سوق ایتشدور . بو آقشام اولمازسه یارین همه حال شمندوفر خطنه بر تجاوز اجرا ایدلمسی و بوضورتله مدینه ایله سوریه آرمسندده کی موصله نك انقطاعی متعاقب تکمیل قوتلریله مدینه یه تعرض وضبطه تشبث ایتهلری محقق ایش .

بالطبع و یردیکیکز تعلیمات موجبجه همان مدینه ده کی قطعانك قومانداسنی درعهده ایتدم . وشمیدلک هر دورلو احتماله قارشی هر دورلو تدابیر تدافعیه یی اتخاذ ایتدم . بزی قوتلر بر اقامکیزی رجا ایدرم .

مدینه ایچون احضار ایدلمش قوتلرک در عقب یوله چیقارلمسنی امر ایتدیکمی واحوال حاضر یه کوره دهاقوته احتیاج وارسه اشعار ایتسنی فخری پاشایه بیلدر دکن صوکر اشریف حسینک بکاو مقام صدارته یازدینی شیفرملری حل ایتدیر مرک او قودم . شریف بکا یازدینی تلغر افنامه دهده ، صدر اعظم پاشایه یازدینی تلغر افنامه دهده : «بری غایت ملتفت و دیکری پک خشین افاده لره مخبره ایدن ایکی رجل دولتک هانکیسنه اعتماد ایتک لازم کله . جکی کسیدره مدیکندن ، ایکی آی اول انور پاشایه یازدینی تلغر افنامه دهده کی اشعار اتندن بر نتیجه استحصال ایدیلنجیه قدر حکومتلره هر در لورابطه یی قطع ایتک مجبور اولدینی ، سوبیلوردی . ملتفت دیدیکی رجل دولت بن ایدم . خشین دیدیکی ده انور پاشایدی . انور پاشا ، اوغلی شریف علی نك مدینه محافظه قارشی اتخاذ ایتدیکمی مسلکک تعدیل ایدلمسی لزومنه دائر یکر می کون قدر اول شریف حسین پاشایه بر تلغراف یازمش ایدی . آ کلاشیلیوردی که اعلان عصیان ایچون هیچ بروسيله الله ایدمه یین شریف حسین بوندن استفاده ایتک ایسته مشدی . بن کندیسنه یازدیغم شیلری او یله بر اسلوب مزینله یازیورد که بونلری او قویوبده بروسيله نزاع چیقارمه نك امکانی یوقدی . انور پاشانک مکتوبنده هیچ برلفظ خشین بولنامقله برابر تعییرات تعظیمکارانه او قدر ابدال اولونما مشدی . ایشته شریف حسینک ایلک حمله ده استعمال ایتک مجبوریتنده قالدینی سبب اختلال !

شریف فیصل مدینه یه کیدر کن هر دورلو احتماله قارشی اگر یالکز بنم واقف اولمقلغم لازم کلن بعض خصوصات حقنده بنمه مخبره ایتک ایسترسه استعمال ایدلمک اوزره کندیسنه بر شفره مفتاحی ویرمشدم . او مفتاح ایله یازلمش بر شیفرده اوندن آلام . بوشفرده شریف فیصل عیناً شویله دییوردی :

« انشالله قریباً تشر فزده شفاهاً عرض ایده جکم اسم بادن طولای مجاهدینک سوریه یه تأخیر سوقلری پدرم طرفندن امر اولوندی . شو صوک زمانلرده جریان ایدن احوال صوک درجه لرده تأثر اتمی ، موجب اولیور . بونلر بر طرف اولماد قجه سزی کورمه که حجاب ایتدیکمدن بر مدت ایچون مکیه عزیمت ایده جکمی عرض ایدرم افدمز . »

نهایت ایکی اوچ کون صوکره مدینه نك اقسام شماليه سنده خطه تجاوزله باشلایان عصیان شریف حسینک تشبثات جنایتکارانه سنی اظهار ایتدی .

بودن صوکرای حادثات صرف عاصیلرله عسکر آره سنده کی محارباته متعاقب شیلر اولدیغندن خاطراتمه بونلری درج ایتمه کوزوم کورمیورم . حربک بدایتندن ۱۹۱۶ سنه سی حزیرائنک ایکنجی کونه قدر شریف حسین ایله جریان ایدن محارباتمز کاملاً محفوظ اولدیغندن اوناری انشا الله وطنمه عودتمده آریجه نشر ایده جکم . یالکز اختلالی مشروع کوسترمک ایچون شریف حسینک نشر ایتدیکی برایکی بیاننامه نك فرانسزجه ترجمه لرینی بودفعه ماندلشتامک کتابنده ده اوقودیغمدن بونلری تحلیل ایتمکی خاطراتمک مقصد تحریری نقطه نظرندن موافق تلقی ایتدم . ماندلشتامک کتابنک ۲۶۰ نجی صحیفه سنده فرانسزجه ترجمه سی مندرج اولان وعریجه اصلی الک منافقانه برادیک پک بلیغ برنومه سی بولنان ۲۵ شعبان ۱۳۳۴ (۲۷ حزیران ۱۹۱۶) تاریخلی ایلك بیاننامه سنده شریف حسین طرفندن تعداد اولنان اسباب اختلال بزوجه آتی خلاصه اولونه ییلیر :

۱ — اتحاد وترقی فرقه سی موقع اقتداره کلدیکی کوندنبری [مشروطیتک تاریخ ائده سی اولان ۱۹۰۸ تموزینک ۲۳ نجی کوندن بزی دیمک ایستور] مملکتی اوقدر فنا اداره ایتمش که دولت برچوق اراضی ایله بوتون نفوذ وحیثیتی ده ضایع ایتمش .

۲ — بوسوء اداره یوزندن ظهوره کلمش اولان برچوق محاربات خارجیه ائناسنده اهالی ، بالخاصه خطه حجازیه اهالیسی اوقدر عظیم برقفر وسفاته دوچار اولمشلر که اولرینک قابولرینی بیله صامغه مجبور اولمشلر .

۳ — بونکله ده اکتفا ایتمه ریک احکام اسلامیه به رعایتدن صرف نظر ایتمشلر . مثلاً استانبولده حکومتک وشیخ الاسلامک کوزلری اوکنده انتشار ایدن « اجتهاد » اسمنده کی بر رساله موقوته فخر کائنات افندیمز حقنده احترامات معتاده نك قبول ایتمه جکی برلسان استعمالنه جرأت ایتمش .

۴ — عینی مجموعه شریعت اسلامیه نك وراثته عائد برقفره سنی تبدیل ایتمک لازم کله جکنه دائر مطالعه درمیانندن ده چکینمه مش ومال موروته ارلک وقادین وارثلرک متساویاً اشتراکی لازم کله جکی اجتهادنده بولونمش .

۵ — حربی وسیله اتخاذ ایدهرک ششام ، مدینه ویا مکه کی شهرلرده اقامت ایدن عسکرلرکده فک صیام ایده بیله جکلرینه دائر حکومت نشر قوی ایتمش .

۶ — شریعت اسلامیه نك خلافته متعلق احکام منیفه سنی تغیر ایدرک حقوق خلافتی تحدید ایتدیکی کبی کندی باش مابینجیسیله خزینه خاصه ناظرینی بالذات انتخاب ایتمک صلاحیتی بیله ذات شاهانه دن نزاع ایتمش .

۷ — نهایت یوزلرده کی ماسکالر دوشهرک حکومتک انور پاشا ، جمال پاشا

وطلعت بلك يد انحصارنده اولديني آكلاشلمش وبونلر دولتي ايسته دكلى كى اداره به كنديلريني مآدون عد ايدرلر مش .

۸ — بونلرك اك بيوك مثالى اخيراً مكه قاضيسنه انستانبولدن كلن برامنامه ايمش كه بوامرنامه موجبجه قاضى يالكىز حضور محكمه ده تحرير ايديله جك وئاقى مدار استماع عد ايتمه وعن الغياب بين المسلمين تحرير و تعاطى اولونه جق وئاقى حكمنى طومغه مجبور ايديليور مش . وبصورته (سورة البكاره) نك حكى قالديرلىق ايسته نيور مش .

۹ — ديكر بر مثالى ده امير عمر الجزايرى ، امير عارف الشهابى ، شفيق بك المؤيد ، شكرى بك العسلى ، عبدالوهاب [شريف هرنه دنسه بوزاتك « الانكيزى » لقبى قوللانق ايسته ميور] توفيق بك الباسط ، عبدالحميد الزهراوى ، عبدالحق العريسي ورفقاسى كى ذوات معروفه بى برآنده اعدام ايتش اولملى ايمش .

۱۰ — يالكىز بونكله اكتفا ايتمه مشلر . بونلرك قادين ، چوجوق وارلك نه قدر اقربا و تعلقاى وارسه كافى سنى تبعيد ، و بوتون اموالى ياغما و املا كى ضبط و مصادره ايتمشلر .

۱۱ — برادر مكرملرى امير عبدالقادر الجزايرى الحسنى نك قبرى ده پامال ايتمشلر . ايشته شريف حسينك مبدأ تاريخ اختلالى اولان ۲ — حزينان — ۹۱۶ تاريخندن ۲۷ — حزينان — ۱۹۱۶ تاريخنه قدر يكرمى بش كون ظرفنده بيك مشكلات ايله تدارك ايدمىلديكى اسباب اختلال .

شيمدى بوتون عالم اسلامك حسيات نجيئه بى طرفانه سنه مراجعت ايدىيورم . برنجيدن سكر نجي به قدر اولان مادهلر بر حقيقى مسلمانك ، شرافت ادما ايدن برذاتك مقام خلافت اسلاميه عليهنه خروجى ايجاب ايدمىلر ؟ چونكه شريف حسينك سبب خروج اوله رق تعداد ايتديكى طقوزنجى اونجى و اون برنجى مادهلر حقيقت حالده شريف حسينك انكليزلرله اتفاق ايجون مخبريه باشلاديني تموز ۹۱۵ تاريخندن بك چوق صوكره واقع اولمش و بالخاصه شريف حسينك تشبثات اختلاليه سى نتيجه سى اوله رق دولتجه منافع عموميه اسلاميه بى صيانة اختيار ايدلمش تدابير مانعه جمله سندن بولنش اولملىله شريف حسينك بونلرى سبب اختلال اوله رق تعداد ايتمه حق يوقدر .

مكه مكرمه ده منتشر « القبله » غزنه سنك ۱۹۱۷ سنه سى نسخهلرندن برنده شريف حسينك بر مكتوبى كور مشدم . اليوم زدمده بولندينى ايجون مع التأسف عيناً بورايه درج ايدمىلر بومكتوبده شريف حسين امر اى عربدن اسمنى ويرمديكى بر ذاته خطاباً ذيبوركه :

« بز تحریر العرب امل مقدسنى امارت مكرمه به تعيين ايدليكمز زماندنبرى تعقيب ايدىورز . بواملك حصولى ايچون امرای عربله آره مزده دائما برحسين موافقت تأسيسنه چالشمقدن خالى قالمادق . عسير سفرىمز ائناسندهكى افعالمز وتوركلك امير ابن السعود عليهنه تشويق ايتدكلى امير ابن الرشيدك حرکات تجاوز كارانهسنه مانع اولقى اوزره اوغلمز عبدالله قومانداسيله سوق قوت ايديشمز بومساعيمزك درجهسنى اظهاره كافيدر والى ... »

ايشته انطاق حق بوكا ديزلر . فى الحقيقه كندى اعترافى وجهله شريف حسين امارته تعيين ايدليكى كوندنبرى « خروج على السلطان » آمانلى بسليوردى . بوتون حجاز والىلى اميرك بونيتى آ كلايور واستانبوله يازيوردى . هله وهيب پاشا بوخصوصده بك مصر بولنيوردى . لكن شريفك عزل وتبديلى ايچون لااقل ايكي فرقهك مكه مكرمه به كوندرمى لازم كله جكنى ايلرى سوردى كندن بالقان محاربه سندن صوكرا عربلرله آ كلاشمى داخلى پوليقيسى ايچون دهها موافق تلقى ايدن حكومت يكيدين برحق قيل وقالى وسوء تفهيماتى موجب اولمى محتمل اولان بويله راديقال برقرار آلمقدن توقى ايله مشدى .

حرب عمومى به داخل اولدقدن صوكرا ايسه بالخاصه بن اميره بروسيله اختلاف واختلال ويرمهك ايچون اوقدر صرف مساعى ايتدمكه بو مساعيمك درجهسى كنديسيله بر سندهن زياته امتداد ايدن مخابراتى نشر ايتديكم زمان بالكليله تظاهر ايدجكدر .

سوريه اشرافندن بعضيلرينك اعدامى شريف حسين بر كيره اوله رق كوستريور كرچه بواشخصاصك سبب اتهاملى ايچون وثائقى « سوريه مسئله سنك حقيقى » اسمندهكى قرمزى كتابده نشر ايتمش ايسهمده بو وثائقندن بعضيلرني بورايه ده درج ايتمكى فائدهلى تلقى ايتدم :

شام فرانسز قونسولوخانهسى

۱۵ كانون اول ۱۹۱۳

خلاصهسى :

بيلگدن « نخله مطران » پاشا حقهده

موسيو بومپار جنابلرينه

روم قتوليك كليسا سنه مربوط وبعليتك صاحب نفوذاها ليسندن برى اولان « نخله مطران » پاشا كچن هفته اورته سنده نى ايكي كره زيات ايتدى . « نخله مطران » پاشا بوندن ايكي اوچ سنه مقدم پارس عثمانلى سفارتى كاتبلكنده مستخدم ايتمش بومناسبتله

بزم سیاسی سیالیزدن پک جوغنی طانیور. پاشا «اتحاد و ترقی» جمعیتنه انتسابی اولمقله
برابر جمعیتله پک علاقه دار اولمدیغنی بکا اعتراف ایتدی؛ علاقه سزلی اودرجه که،
بنده کزه «اتحاد و ترقی» جمعیتک سیاسی افلاسندن، کنج تورکلرک خود بیدنلکلرندن
بحث ایتدی.

پاشا آرقداشلردن برینک جهت عدلیه جه اولان ایشی برای تسویه شامه عزیمتندن
بالاستفاده بی زیارت ایتدی، برابر بولندیغمز مدت ظرفنده موصورتله اداره کلام
ایدیوردی:

— سبب زیارتیم، لبنان وسوریه نك مستقبل حامیلرینی مستقید ایده جت بر مسئله
حقنده (فرانسز رئیس حکومتک اعلان ایتدیکی کبی) کوروشمکدر.
دوام ایله:

— حال مدافعه یه غیر صالحدر. بعلبک وبقاع وادیسی لبنانه الحاق ایتدیرمکه قرار
ویردک. اساساً بواراضی تقسیمات جغرافیه نقطعه نظرندن لبنانه عائددر. فقط مقصد مزنی
تأمین ایچون فرانسز حکومتک حمایه سنه احتیاجز واردر. مسلمان، خریستیان
بوخصوصده هیمز متفقز، مانعت عثمانیه قارشوده طرز حرکتز مقرردر. بعلبک
اهالیسنک بر قسمی بزم چته لیمزدر، و شهر غیر قابل توصیف بر موقعه مالک بولمقدهدر.
سوریه وداخله کیدن یوللرک اناختاری.

شیخ متوالی اسعد بک حیدر. مملکت مزک اک نفوذلی انسانی. «عبد الغنی الرفاعی»
مسلمانلرک باشی وبن، — ترکیا ایسته سین ایسته مه سین — مملکت مزنی لبنانه الحاق
ایتدیرمکه قرار ویردک. لبنانه عائد مسائل ایله اشتغال ایدن موسیو (قوژه) ایله
بوخصوصده کوروشمک اوزر بیروته کیتمکی آره مزده قرارلاشدیردق؛ فقط
بعلبک منطقه کز داخلنده اولدیغندن کرک اسعد بک و عبد الغنی وکرک نامه، سزی
مسئله دن خبردار ایتمکی بروطفه عد ایتدم.

«نحله مطران» پاشانک افاداتی اوکنده بن غایت احتیاطلی داورانمقله برابر کندیسنه
قارشو صوک درجه ملتفت بولندم. فقط مومی الیه براینکجه دفعه بی زیارت کله رک
فرانسه یه قارشو یکیدن حسیاتنی دو کدی، و مملکتی داخلنده هر هانکی برایش ایچون
اولورایسه اولسون آمریمه آماده بولندیغنی بیان ایتدی.

بیروت فرانسه جنرال قونسولاتوسنک سفارت و نظارتیه مرسل

۱۸ مارت سنه ۹۱۳ تاریخلی ترجمه سیدر

عربجه «الصلاح» غزنه سی مدیری موسیو زینیه طرفندن امضا صاحب لری نامه

اوله رق ویریلن بیاننامه بی فائده سیاسیسه سنه بناء لفأ تقدیمه مجبوریت کوردیم. بویاننامه سوریه ایچون سوزیه لی اصلاحچیلر قومیته سنک خریستیان اعضالرینک موافقیته تنظیم ایدلمشدر. بو خصوصده نظارته برقاچ دفعه لر معروضانده بولمیشیم. صاحب امضالری بونلرک الکایلری کلنلرندن در. بونلردن اووقات موسیو پیرطراد ایله اشبو قونسولاتو ترجانی موسیوتوینی اورتودوقس، موسیو زینه ایله اصحاب املاکدن ارقش روم قاتولیک، اصحاب املاکدن موسیو هانی مارونی، دوققور ثابت پروتستاندر. بونلرک هم مذهبلری نامنه ویردکلری مکتوبده سوریه خریستیانلرینک آرزولرینی و فرانسیه اولان رابطه لرینی بیلدیرمشلردر.

بیروت : ۱۲ مارت ۱۹۱۳

بیروتده سوریه فرانسه قونسولوسی موسیو قورثه جنابلرینه

جنرال قونسولوس افندی .

زیرده واضع الامضاء، بیروت ولایتی ایچون بر اصلاحات پروژه سی تنظیم ایتمک اوزره بتون جماعتلر طرفندن انتخاب اولنان هیئت عمومیه نك اجرا آت قومیته سی خریستیان اعضالری، فرانسه یی عثمانلی خریستیانلرینک حامیسی و سوریه خریستیانلرینک وطن متخدی عدايتدکلرندن مطالعات آتیه یی فرانسه نك سوریه قونسولوسنک نظر عاطفت کسترینه عرض ایله کسب شرف ایلرلر :

اولا : عثمانلی خریستیانلرینک وضعیتی ،

ثانیاً : اجرا آت قومیته سی طرفندن تنظیم ایدیلن اصلاحات پروژه سی ،

ثالثاً : سوریه خریستیانلرینک آمال و مطالبی .

بومطالعاتک فرانسه حکومتنه تبانی ایله اعمال نفوذ ایلمیسی جنرال قونسولوسندن رجا ایلرلر .

عثمانلی خریستیانلرینک وضعیتی — ممالک عثمانیه ده کی خریستیانلرک وضعیتی

هر زمانده حزین و آجققی ایدی . بو وضعیت بالقان حربی و تورکلرک هزیمتی نتیجه سی اوله رق اولو ویرکولرک تزییدی ، ثانیاً مسلمان تعصبنک تشددی ، ثالثاً سوریه خریستیانلرینک مهاجرته تشویقلری صورتیه کسب وخامت انمکه باشلامشدر .

۱ — ویرکولرک تزییدی : تورک حکومتی اوروپاده غائب ایدیلن ولایتلر ترتب ایدن تکالیفی آسیا ولایتلرینه تحمیله توسل ایده جکدر حتی شمیدین ایتمشدر. بناء علیه

تورک اداره سنک ویرکولرک طرح و جیاتی خصوصنده کی طرف فکر لکنی ، جور و جفاسنی طانیانلر بویکی یوکک بالخاصه خریستیان اهالی یه تحمیل اولنه جغندن شبهه ایتمزلر .

۲ — مسلمان تعصبنک تشددی : مسلمان تعصبی تورک پولتیقه جیلرینک النده قیمتی و کناهدن مصون برعاملدر . ونلر دکمیدرکه صوک بالقان حادثاتی اثناسنده بوتعصبدن جر منفعت ایتمشلردر . بوندن شو دوغرو نتیجه چیقار : بالقان حربی مسلمانلرجه ر حرب دینی ، براهل صلیب محاربه سی ، صلیبک هلاله ، خریستیانلرک اسلامیه قارشی اتحادی اوله رق تلقی ایدیور . بونک ایچون مسلمانلر ، خریستیانلرک ممالک عثمانیه ده کی موجودیتلرینی ، انحطاط وانهزامک سبب اولی ظن ایدیورلر . مسلمان ذهنیتی ، عثمانلی خریستیانلرینی امپراطورلرک اوزرینه چوکن فلاکتک سبب اصلیمی دشمن اصلی اولار ق قبول ایدیور . خریستیانلر جور و جفایه و غدارلرک هر بر صورتیه معروضدر . بوغدارلق مداخله اجنبیه یی دعوت ایده جک کی آچیق و آشکار اولیوب قیالی و مستور بر غدارلقدرکه بونکله تورک اداره سی احراز تفوق ایدرو قوانینک مساعد تفسیر اولسی کندیلرینه قیمتی بریاردیمجیدر .

۳ — سوریه خریستیانلرینک مهاجرته تشویقلری : بالقان حربنک ابتداسندن بری ماکدونیا و تراکیا مسلمانلردن بیوک بر قسمی سوریه یه و یروته هجرت ایتمشلردر . چوغالمغه یوز طوتان بو حرکت طبعییدرکه قوت عمومی ایله تشجیع ایدلشدر . بوندن شو نتیجه مهلهک چیقار که خریستیانلرک ضررینه اوله رق سوریه ده کی خریستیانلرک موازنه سی قطع ایدلش اولور . بونلر ذاتآدینلری اعتباریله آمر مطلق و صاحب کل اولدقلردن عدلرینک لایحی بر صورتیه ترایدی بو آمریتی آرتدیره جقدر . سوریه خریستیانلری ذاتآ شو وضعیتدن متأثر اوله رق بر جوقلری آمریقایه هجرت ایتمشلردر که احوال مذکوره ایکی باشلی بر هجرته سببیت ویرمشدر : مسلمانلرک سوریه یه ، سوریه خریستیانلرینک آمریقایه هجرتلری ، نه قدر آز دوام ایدرسه ایتسون بو ، سوریه ده خریستیان عنصرینک قیسه بر مدت ظرفنده انقراضیدر .

اصلاحات پروژه سی — اوزمانلر رئیس وکلا بولونان موسیو پو آنتارهنک نطقنک ایرتسی کونی که بونطقنده اومتاز رجل حکومت تورکیای آسیایا لترلنده اصلاحات اجراسنه دعوت ایدیوردی ، تورک حکومتی کندی اختیاریه ولایتلرنده اصلاحات اجراسنه آماده بولوندیغنی بیلدیرمش ووالیلری اهالی یه اصلاحات پروژه سی تنظیم ایتدیرلکه دعوت ایله مشدر . خریستیانلر تجربه ماضیه یه بناء حکومتک صداقتنه نه درجه یه قدر اعتماد جائز اوله جغنی بیلورلردی . بو اصلاحات پروژه سی ، کونک برنده اوروپاچه تورکیان بوض اصلاحات اجراسنه دائر واقع اوله جق تکلیفی لدی الحاجه عقیق بر اقدیرمغه یارایه جقدی . تورکیا کویا اهالی طرفندن تنظیم ایدیلن و حقیقت حاله

کندی طرفندن تلقین ایدیلن اصلاحات پروژہ سندہ قاجاماق یولاری بولہرق اوروپاچہ طلب ایدیلن اصلاحاتی رد ایدہجک وبو مطالبک دوغریدن دوغری یہ اہالیجہ تنظیم ایدیلن اصلاحات پروژہ سندہ موجود اولدینی ادعا سندہ بولہجقدر . بونکله برابر بیروت خریستیانلری مسلمانلرلہ برابر اصلاحات پروژہ سنک تنظیمہ اشتراک ایتک . موافقت ایتشد . بونک ایکی سببی واردر : اولاً ؛ حکومت عثمانیہ قیمت حقیقیہ سی وارمش کی کوسترمک ایستہ دیکی پروژہ مسئلہ سندہ شاشیرتمق . ثانیاً ؛ بو پروژہ اقسام اداره نک ہر برسی اوزرینہ اوروپا قونترولی وضع ایتک اساسنی ادخال ایتک . بردفعہ بواساس بتون اعضالرجہ قبول ایدیلنجہ بتون اہالیجہ اوروپانک یاردیمی اولمدقجہ تور کیادہ اصلاحات اجراسنک قابل اولدینی صورتنک غیر قابل رد وجرح اولہرق قبول ایدلمسی صورتیلہ تأسس ایدہجکدر .

سوریہ خریستیانلرینک آمال ومطالبی . — اصلاحات کرک اوروپانک یاردیمیلہ وکرک یاردیمی اولقسزین تطبیق ایدلدیکی فرض اولنہ سہیلہ بوجہت حل سوریہ خریستیانلرینک حقیقی آرزوسنہ تقابل ایتز . بونلر فسخ اولنہ مز صورتدہ فرانسیہ مربوط اولوب فرانسنک دہاومدنیتنک حیرانی بولندقلرنی ہیچ رزمان اونو تامایہ جقلردر . بدجتلق کونلرنده کی شفقت واهتمامنک منتدایدردلر .

سوریہ خریستیانلرینک بیوک املی سوریہ نک فرانسنہ طرفندن ضبطیدر . بو بویلہ اولمق اوزرہ زبردہ وضع الامضا اعضالر بیروت خریستیانلری نامنہ حرکتلہ سوریہ نظامنامہ سیاسیسنہ موافق کلہجک امورحک علی الدرجات مرجح اولان بروجہ آتی صورتدہ اولہجغنی اخطار ایدردلر .

۱ — سوریہ نک فرانسزلر طرفندن ضبطی (استیلاسی)

۲ — فرانسنک فعلی حمایہ ومراقبہ سی آلتندہ بیروت ولایتنہ مختاریت کاملہ ویرلمسی .

۳ — ہر ایکسی دہ فرانسنک فعلی حمایہ مراقبہ سی آلتندہ اولہرق بیرونک لبنانہ الحاقی .
امضالر :

میشل تویی	یوسف ہاتی	بیرطراد	ایوب ثابت
	رزق اہ	خلیل زینہ	

[*] بو وثیقہ لری دقتلہ اوقویانلر عربلری حمایہ پردہ سی آلتندہ فرانسنہ حکومتنک سوریہ نی اشغال ایچون نہ قدر بیوک مساعی صرف ایتدیکنی اکلامقدہ قطعاً مشکلات چکمز لر ظن ایدرم . انکلیزلرک عراق ایچون ، فلسطین ایچون بسلہ دکلری آمالی ،

[*] دیگر وثیقہ ل کتابک نہایتنہ ذیل اولنشدرد .

رجا ایدرم ، حرب عمومیدن ایل بیلمه یین کیسه وارمیدی ؟ بوانکلیز آماندن تهاجل
ایچون انسانک یافی الحقیقه بنسز و یاخود وجدانی صاتمیش اولسی ایجاب ایدر .

فرض محال اوله رق شریف حسین ، مقام خلافت علیه قیام ایچون انکلیزله
مخابریه باشلادینی تموز سنه ۹۱۵ تاریخنده بوفرانسز آمانله واقف دکلدی ده انکلیز
کندیسنه مرسیین و آظنندن موصله قدر اولان خطک جنوبنده کی بوتون عربستان
شبه جزیره سی اوزرینه قوریه جق برسلطنت عظیمه عربیه وعد ایتدکیرندن وتورک
سلطنتک انقراض قطعیسنه ایسه بالکلیه قانع اولدیغندن تورکک ییقلدینی آتده عربی
قالدیرمق صورتیه عالم اسلامه بر خدمت مبعمله ده بولمقی املیه اختلاله قرار ویرمشدی .

عبا سیر هنری ماقاهوک ۲۴ تشرین اول ۱۹۱۶ تاریخلی جوابنامه سی کندیسی
ایقاز ایتمه کافی کلمه دیسه سوریه ده اجرا ایتدیردیکم اعداملری متعاقب نشر ایتدیکم
و شقه لر - که هربری فرانسیز آمانی اثبات ایچون یکدیگر لکیرندن بلیغ برر حجت قاطعه
عد اولونه بیلیرلر - نظر دقتی جلب ایتمه دیلر می ؟ ایشله مک اوزره اولدینی جنایتک
بویوکانی اثبات ایچون دلائل کافی ده اولونه مادیلر می ؟ سیر هنری ماقاهون مذکور
۲۴ تشرین اول ۱۹۱۶ تاریخلی جوابنامه سنده لبنان ایله سوریه نک بعض اقسام ساحلیه سنک
پک ده عرب عد اولونه مایه جفی باخصوص سوریه نک بعض اقسامی حقنده فرانسه نک در میان
ایتدیکی مطالبی قبول ایتمه مک انکلیزه ایچون ممکن اولامایه جفی ده اوزمان بیان
ایدیوردی که بوندن نه مقصد اولوندینی پک اعلا آکلاشیه بیلیردی . عراقی تورکرک
الندن آلدقندن صوکر انکلیز لک بونی عربلره بخش واحسان ایده جکیرینه احتمال
ویرمک ایسه منحصر آ بر حرص سلطنتدن ایلری کمپورسه بر عمای سیاسیدن بشقه بر شیده
حمل اولونه ماز .

شریف فیصلک سوریه ده اردو قرارکهنده بولوندینی زمان بونلری کاملاً
کندیسنه سویله مش وعربلرک تورکردن آیرلدقلری کون انکلیز و فرانسلرک تحت
اسارتنه دوشه جککیرینی و خلافت اسلامیه نک بالکلیه قدرندن ساقط اوله جفی آکلاتمش
ایدم .

ایشته شیمدی حرب عمومی بیتدی وانکلیزلر شریف حسینک اختلالی سایه سنده
فلسطینده تورک اردوسنی تماماً مغلوب ایدرک سوریه وفلسطینی کاملاً اشغال ایتدیلر .
باقالم ممالک اسلامیه نه منظره ارانه ایدیور ؟

خليفة اعظم عمر الفاروقک ملک اسلامه برهدیه کزینی اولان قدس شریفک
کائن اولدینی فلسطین قطعه سنی انکلیزلر ابدیاً الالرنده بولوندیره رق اوراده بر یهودی
حکومتی طاسلاخی وجوده کتیرمک ایتدیورلر .

اسکی لبنانه طرابلس شام ، و بیروت ، صیدا و صور شهرلریله بعلبک و بقاع

قضائے نیک علاوہ سی صورتیہ بویوک اینان نامی ویرمک ایستدک لری ساحہ فرانسز لری برلشدیریورلر۔ بوتون خطہ عراقیہ دہ انکلیرلر تصاحب ایدیورلر۔ خطہ مجازیہ مستقل بر حکومت طانیق صورتیہ بوعومیتدن آیردقدن صوکرہ شام، حما، حمص وحاب شہرلرینی محتوی طولانی بر ساحہ دہ بنہ فرانسز حامیہ سی آلتندہ بر عرب امارتی وجودہ کتیرمک نیتندہ بولنیورلر سہ دہ فرانسز لر بوکادہ راضی دکلر۔

شریف حسینک اختلالندن استحصا لبتدک لری منافع عظیمہ نہ درجہ یہ قدر متتدار اولدق لرنی اثبات ایچون ایسہ وقتیلہ کنیدیسی «بیوک امیر» و (حامی عرب) وسائرہ کی عنوانلرلہ توقیر ایتمش اولان معهود «سوریہ مرکز قومیتہ سی» رئیس شکر ی غانمک ۱۲ تشرین اول ۱۹۱۹ تاریخلی فیغارودہ نشر ایستدکی باش مقالہ یی زیرہ عیناً درج ایدیورلر۔ [*]

بومقالہ دن آکلاشیلورکہ برکون حجاز قرالی شریف حسینک شام، حما حمص وحب شہرلری اوزرینہ ہیچ برحق تملک ادعای شایان التفات کورلیور وکنیدیسیلہ اوغلی فیصل الکعادی انسانلر منزلہ سنہ ایندیریلیور۔ وبرادر مکرم نامی وردیکی امیر عبدالقادر الجزائری الحسینی نک خفیدی امیر عبدالقادر خانہ اولدیرتمش اولقلہ اتہام ایدیور۔ برانکلیر غزہ سنندہ او قودینم بر مقالہ ایسہ شریف حسینک الان انکلیر پارہ سیلہ مکدہ ادارہ امور ایتمکدہ اولدینغی اعتراف ایدیورکہ خطہ حجازینک معلوم اولان احوال ارضیہ واقلمیہ سنہ کورہ بونک الی الاید بویلہ دوام ایدہ جکنہ ہیچ شہہ یوق۔

بوحالہ نظر آ شریف حسینک اختلالی سایہ سنندہ برکون «خادم الحرمین الشریفین» انکلیر قرالی حشمتلو بشنجی ژورژدن بشقہ کیمسہ دکلدر ظن ایدرم۔

پک آشکار اولہرق کوریلورکہ انکلیرلر شریف فیصلی شام، حما، حمص وحب شہرلرندن تشکل ایدہ جک اولان عرب حکومتک امیری نصب ایتمکلہ آتیا اورالردہ وضع ید ایتمک چارہ سی آرایہ جق وبو صورتلہ مراکز عظیمہ اسلامیہ نک کافہ سی اللرنہ کچیرمش اولہ جقلردز۔

ایشته شریف حسینک اختلالندن طولانی عالم اسلامک باشنہ کمش اولان فلاکتلرک منظرہ حقیقیہ سی ! یکدیگری علیہنہ حکومت خرسینیہ ایلہ اتفاق ایدن اندلس رؤسای عربینک شوکت اسلامیہ یہ ایندیردک لری ضربہ، شریف حسینک خلافت اسلامیہ یہ ایندیردکی بو ضربہ یہ نظر آ پک خفیف قالیر۔

ہلہ معاذاللہ «نعتحتجن القسطنیہ ...» حدیث شریفیلہ خلافت اسلامیہ ایچون بر مرکز طبعی اولدینی اشارت بیوریلان استانبولہ اوروپالیرک شمدی تصور ایستدک لری کبی «جمعیت اقوام» نامی ویریلان ہیئت دولیہ نک ادارہ سی آلتنہ ویریلہ جک

اولورسه شریف حسینک اثر اخاتکارانه سی تکمل ایتیش اولور .

« سز حرب عمومی به کیرمه مش اولسه ایدیکنز بونتیجه لر ظهوره کلزدی ! »
 دیه جک اولانلره یسه « بزحربه کیرمه مش اولسه ایدک بونتیجه لرینه تحصیل ایده جکدی .
 زبرا فرانسز وانکلیز وروسلرک آمال استیلا سی شمدی طوغمش دکل عصرلردن
 بری تعقیب ایدیه کلمکده بولنمشدر . بناء علیه حرب عمومیدن غالبیتله چیقاجق
 اولان بواوچ دولت مسکین و عاجز انسانلرک مالی پایلا شیر کی بزم ممکتیزی
 پایلا شه جقلردی . اوزمان ایسه بز « امانه اللهی بلامدافعه عاصیلره ویرمش اولق ذلت
 و حقارتی قبول ایتیش اوله جقدق » جوابی ویریز .

انشاء الله بورکار مصطفی کال پاشانک اداره سی آلتنده توسل ایتدکاری صوک
 حرکت ملیه لری سایه سنده کندی مملکتلری ، عظمتی استانبوللری وکوزل از میرلریله
 برابر قورار ه جقلر و بو حدود طبعیه داخلنده ملتیرینک رفاهتی ، مملکتلرینک عمرانی
 کافل تداییره توسل ایده جکلردر . خاقان معظملری ده ینه اقطار اسلامه ده ساکن
 اهل اسلامک طلب واصرار لریله مقام خلافتی اشغال ایده جک وربع مسکونده ساکن
 اسلامک مرجع دینسی اوله جقدر .

شریف حسینک اخاتنه قربان اولان اقطار عربیه اسلاملرینک مظهر استقلال
 وحریت اولملرینه ایسه بوتون قلمزله دعاخوان اوله جق واونلرک درد والملری
 کندی درد والمز کی تلقی ایدرک نشئه و سرورلردن حظ دو یاجز .

اعاشه

کرك اردونك و كرك اردو منطقه سی داخلنده بولنان اها لینك اعاشه سی ایچون
 اتخاذ ایتدیكم تدایردن خاطر اتمده هیچ بحث ایتك بیله ایسته مدیكم بومباحتی تعلقی
 حسیله دردنجی اردونك تاریخ حربنه درج ایتکی ترجیح ایتدیكم حالده سوریه
 وبالخاصه لبنان اها لسنی قصداً آچلقدن اولدورمش اولدیغمه دائر حرب ائساننده
 علمیمده برجوق یالان حوادلر نشر ایداش وبالخاصه ماندلشتم ، کتانبك پك مهم
 برفضانی بوکا حصر ایتیش اولدیغندن اك نازك حسیاتمی رنجیده ایدن بو تزویراتی
 رد و جرح ایچون بوراده بعض حقایق ذکر ایتکی مناسب کوردم .

سوریه یه کلدیکم زمان ۱۹۱۴ سنه سی موسم حصادی کچمش مستحصللر فضله
 حاصلاتی قسماً تجاره صامش و قسماً ده انبارلرینه قویمشلردی . اعشار حاصلاتی
 ایسه کاملاً اردواحتیاجاته تخصیص اولونمشدی . اوسنه سوریه نك برکتلی سنه لردن بری
 اولدینی ایچون كرك اردونك و كرك اها لینك احتیاجانه کافی ذخیره موجود
 بولنیوردی .

شوقدر وازكه جبل لبنان ايله فلسطينك استحصالاتى، اهاالىسى اداره يه كافى اولماديغندن بورالره حوران و حصص و حما طر فلرندن ذخيره تقبلى اقتضا ايديوردى. معلومدر كه صالح زمانلرنده داخلدن اجرا ايديله جك نقليات مصارفى خارجدن لبنان و فلسطين سوا حلقه اجرا اولنان نقليات مصارفنه فائق اولديغندن على العاده سنهلرده سوريه نك بواقسامى خارجدن ادخال اولنان ذخائر ايله اعاشه اولتور. حوران، حصص، حما و حلب كي استحصال مرا كز ينك فضله حاصلاتى بالعكس اخراجانه تخصيص ايديليوردى. حرب اثناسنده ايسه ادخالات و اخراجات بالطبع ممكن اوله مايه جفندن جبل لبنان ايله فلسطينك اعاشه سى ايجون مرا كز استحصاليه دن بر جوق ذخائر ك بورالره تقبلى ضرورى كورونيوردى.

استحصال مرا كز ينك اكثرتى سوريه ولايتنه تابع بولنيوردى. جبل لبنان اهاالىسنك قحطدن تحفظ ايجون اشبو مرا كز دن كليتى ذخيره مبايعات و سوقياتنه باشلامش اولملرى سوريه ولايتى داخلنده فيئاتك يوكسلمه سنى انتاج اتمش و بوتون سوريه نك اك غلبه لك شهرى اولان شامده اتمك فيئاتى يوكسلمش ايدى. آتيا بوفيا نك دهها زياده ترقى ايدجكنى نظر دقته آلان مجلس اداره ولايت ۱۹۱۵ سنه سى كانون ثاينسنه طوغرى سوريه ولايتندن جبل لبنان و فلسطينه ذخيره اخراجاتى منع ايتمكه قرار و ير مشدى. بوقرار دن اهاالينك، لبنان و قدس متصرفلر ليه بيروت ولايتنك شكاتى اوزرينه خبر آلدن.

ولايتلرك امور اداره ملكيه لرته مداخله يي آرزو ايتمه ديكمدن يالكز بوقرار ك يك فنا نتيجهلر و يره بيله جكنى و ديكر والير و متصرفلر ليه برلشهر ك بوكا بر چاره حل بولونمهن سى سوريه ولايتندن رجا ايتدن. فقط كورييوردم كه قرار كاهك بولندينى قدس سانجايى اهااليسنك احتياجاتى كوندن كونه آرتيور و جبل لبنانده ايسه احتياجات داهاشدند بر درجه يه واصل اولبوردى.

اساساً اخراجات ممنوعيتندن يك زياده فائده كورولميوردى. زير قاچاقچيلار غايت ماهرانه تدابير مهراجعت ايدر ك حوران دن لبنان و كرك سنجانغندن قدسه حبوبات قاچيره بيليورلردى بناء عليه بورالرده ذخيره نك مقدارى آز اولماقيله برابر قاچاق اشيا اولمق اعتباريله فيئاتى يوكسك بولنيوردى فيئات يوكسكدى ديورسهم هر حالده كيلوسى ايكي اوچ غروشى تجاوز ايتيوردى. بو عرض ايتديكم احوال ۱۹۱۵ سنه سى ايلك بهارينه قدر بويه جه دوام اتمشدى.

على العموم فلسطينده موسم حصاد نيسان نهايتنده باشلار. بناء عليه بوموسمده فلسطينك ذخائرى موجود، واهالى احتياجاتى مبدولاً تدارك ايديله يير. فقط حاصلاتك مقدار عمومى سى اهالى حليه يي اتحق يدى سسكز آى اداره ايدم بيلير واوندن سو كرا خارجدن جلب ايتك مجبوريتنده درلر.

سوريه ولايتك موسم حصادى ايسه آنجق تموز ابتدا سندن باشلار . بناء عليه سوريه ولايتى مجلس اداره سى ولايت موسم حصادينك حلوله قدر ممنوعيتى رفع ايمه مكدده اصراز ايدىوردى .

تام يسان اواسطنده هيچ ده بكمه ده ديكمز بر فلاكت عظاما قارشوسنده قالدق . بوتون سوريه يى اويله مدھش بر چكر كه استيلاء ايتمش ايدى كه مائس ويا حزران نهايتنده على العموم سوريه داخلنده يار اقلرى چكر كه لر طرفندن نيمه مش بر آغاچ و بر چوق محللرده هنوز باشا قلاماش اولان حبوبات چكر كه لر كه معروض حرص اشھاسى اولمشدى . بوفلاكت طبعيه بوتون اميدلرى آلت اوست ايتمش وبوسنه يى ناصل كچيره . بيله جكمزى دوشونمكه باشلامشق . حلب واطنه ولايتلى اعشاريله فضله حاصلاتى اوصيره ده بشقه اردولر كه احتياجاته تخصيص ايدلمش اولديغندن بوتون دردنچى اردو ايله سوريه ويروت ولايتلى وجبل لبنان و قدس سنجاقلى و فضله اوله رق مدنه و حواليسنك اعاشه سى سوريه نك داخلى استحصالاتنه مفتقر قالمشدى . اكر چكر كه بلاسنه معروض قلاماش اولسه ايدك اتخاذاولونه چق تدابير مخصوصه سايه سنده استهلاك مر كزلىنى متماذياً بسله مك امكانى بلكه بوله جقدق . فقط حاصلات عموميه سنه سابقه نك آنجق نصفى تجاوز ايدى بيلوردى .

استانبولك امرى موجبجه اعشار ايله اعشارك بر فضله سى اردو اعاشه سنه منحصر دى . يعنى حاصلات عموميه نك ربى اردويه عائد بولموردى . ويرديكم امرلر موجبجه بو اردو استحقاقى هر طرفده اردو انبارلرينه قونولمغه باشلادى . و ايلول نهايته قدر بو معامله اكمال اولوندى .

بر اجتماع عقد ايتمش اولان واليرله متصرفلر ايسه حاصلات عموميه نك بويوك شهرلرله لبنانلر آرمه سنده نه صورتله تقسيم ايدلمسى مناسب اوله جفنه دائر مقررات مخصوصه اتخاذايتمشلردى . اولاً سوريه ولايتندن حبوبات اخراجى ممنوعيتى رفع اولونمشدى . ثانياً والير يكديكره معاونت اساسى دائره سنده متخذ تدابير رعايت ايدىورلردى . فقط اساساً ذخيره مقدارينك احتياجات عموميه يه نظر آفقدان اولمى بوتد ايردن منتظر فوايدى تأمينه مانع اوليوردى .

۱۹۱۵ موسم شتاسى ائناسنده اردو انبارلردن كرك شام و كرك بيروت و قدس بلديه لرينه و كرك جبل لبنان متصرفلغنه و بالخاصه مارونى بطريقيله بالعموم مارونى كاليسالرينه پك چوق معاونت ترده بولوندم . فقط بالفعل اعاشه اموريه هنوز اردو اشتغال ايتيوردى .

۱۹۱۶ سنه سنك موسم حصادينك تقريبنه يعنى مذكور سنه نك مارتنه قدر احوال بو صورتله دوام ايتدى . اوسنه اعاشه عموميه ايشنه اردونك مداخله سى مناسب تلقى ايتدم . و عمومى بر تدابير اتخاذايتك اوزره سوريه و بيروت و حلب و اطنه

والايرله جبل لبنان و قدس متصرفلريني قدسده اردو قرارگاهنه دعوت ايتدم .
شام ، بيروت ، قدس ، حلب ، و اطنه کي بيوك شهرلرله جبل لبنان سنجاغي اهالي سي
اعاشه سنك تأمني ايجون بر سنه ظرفنده نه مقدار ذخيره احتياج اولديغي تخمين
وبوكا اردونك احتياجي ده علاوه ايتدك . مستحصل ولايتلر ك حاصلات عموميه سنده
تخمين ايدهر ك اكر اعشار ايله اعشارك ايكي مثلي ذخائر هر طرفده پشين پاره و يريله رك
مبايعه ايديله جك اولور سه بوندن استحصال ايديله جك مقدارك احتياجات عموميه يه
كافي كله جكني آكلادق .

حاصلات مذكوره نك مبايعه سي ايجون معاشلي مأمورلر استخدام ايتك پك
زياده مشكلاتي و بعض سو استعمالاتي موجب اوله جفندن هر سنجاغك حاصلاتي
اهاليدن دولتجه تهديد اولونه جق مقطوع بر فيأت مقابلنده مبايعه ايدرك هر دورلو
مصارفي كنديلرينه عائد اولماق اوزره يوزده بر مقدار تمتع مقابلنده شمندو فراستاسيونلر ندره
عسكري منزل انبارلرينه تسليم ايتك اوزره متعهدلر تداركني مناسب كوردك . بواساس
داره سنده برقرار نامه تنظيم وامضا ايتدك . بوتون بومبايعات ايجون مقتضي پاره
اوانس اوله رق اردو بودجه سندن تسويه اولونه جق وارديو منزل انبارلري طرفندن
بالاده عرض اولنان بيوك شهرلرله جبل لبنان متصرفلغه تسليم اولونه جق ذخائر ك
بدلي ولايت وسنجاقلر طرفندن پشيداً تأديه ايديله جكدی هر سنجاغ داخلنده مبايعه
اولونه جق ذخائر ك فيثاتي مذكور سنجاغ مجلس اداره لر ينك مضبوطلرله تخمين
ايتديره رك تثبيت ايله دك . بومعامله غايت واسع معاملات حساسيه يه عرض احتياج
ايتديكندن بونك اردو قرارگاهنده آبرجه بر بورويه توديعني مناسب كوردم و بحريه
محاسبه مديري توفيق بك بومعاملاتي تدوير ايتك اوزره « اردو ماليه مشاوري » ناميله
اردو قرارگاهنه جلب ايتدم . اوصيراده استانبولده داخليله ناظري طلعت بك ك رياستي
آلتنده براعاشه تشكيلات عموميه سي يالشدی . اردو منطقه سنده الحاذ ايديلن بوتداير
عموميه يي داهالجه ماليه و داخليله نظارتلرينه عرض ايتمش اولديغمدن طلعت بك
سوريه منطقه سي ايجون بوتدايري موافق بولمش و مبايعات مدار اولماق اوزره سوريه يه
ايكي يوز اللى يك ليرالتق بر رأس المال تخصيص ايتلشي .

ايشته نورأس المال وارديو بودجه سندن بوكا علاوه ايتديكم ديكر بر قاچ يوزيك
ليرا ايله ايشه باشلادق . قدس ، كرك ، حوران ، شام ، هما سنجاقلري حاصلاتنك
مبايعه سي ايجون محلي تجارلرينك ك متشبلرندن متعهدلر تدارك ايدرك بونلرله غايت
واضح و واسع شرائط داخلنده عقد مقاوله ايتدك .

زمان حصادی پك اركن باشلايان قدس سنجاغنده بواصول پك سهولت
وسرعتله تطبيق اولوندى و آتيا اردو انبارلرينه كيره جك ذخائر ك پك كليتي اوله جفني

بیلدیکمدن مذکور انبارلرده نه قدر احتیاط ذخیره وارسه کافه سی شام و بیروت شهرلیله جبل لبنان اهالیسینک اعاشه سی ایچون صرف ایتمکدن چکنمه مشدم .
اوسنه ایچون هر شیئک غایت یولنده کیده جکی واهالینک محتکرلرلراندن قورتوله رق راحت بر نفس آله جقلرینی دوشونور و بوندن پک نمون اولیوردم . فقط سوء طالعک سوربه وبالخاصه جبل لبنان و بیروت و قدس اهالیسی ایچون نه کبی شائمتر حاضر لاقمه اولدیغنی بیلیمور مشدم .

اولا شریف حسینک حزران ابتداسنده اعلان عصیان ایتسی اوزرینه امینه ایله حسان آردسنده کړک خط بوینده وکړک بحر احمر ساحلنده بولمان عربان مشایخنک عاصی طرفنی التزام ایتهملری ایچون مشایخ مرقومنی شامه و قدسه دعوت ایتمش ایدم . یومشایخنک معیتلرنده بولمان عربان ایله برابر تأمین اعاشه لری ایچون نه قدر ذخیره یه محتاج اوله جقلرینی کندیلرندن صوردم هر بریسنه آیده قاچ و اغون بغدای کوندرمک لازم کله جکنی تثبیت ایتدم . بونلره انکلیزلر طرفندن قیه سی برر غروشه ذخیره توزیع ایدلمکه باشلامش اولدیغنی خیر آلدیغم ایچون بزم طر فردن قیه سی برر غروشه ذخیره توزیع زخیره ویرلسنی و اوست طرفنک حزنه دولتهجه تأدیه اولونمسنی استانبوله تکلیف ایدمک استحصال موافقت ایتدم .

ثانیاً ، ینه بو اختلالک تسکینی و ممکن اولورسه مکّه اوزرینه بر حرکت سریعه یاپیلهرق شریف حسینک احاسی ایچون مدینه نه بعض قوتلر کوندرمکه باشلامش اولدیغمدن بو قوتلرک اعاشه سی ایچونده اورایه فضله ذخیره کوندرمکه مجبور اولشدم . عینی زمانده مدینه ایله مکّه آردسنده کی عربانی ده دشمن طرفنه کچمکدن محافظه ایچون مدینه اردو انبارلرندن اوجوز فیأله ذخیره صادریمنی مناسب کوردم . ایشته بو تدابیر اردو انبارلرنده کی احتیاط ذخیره مقدارینی توکتمهک باشلامش اولدیغنی کبی بریاندن ده مارتده تخمین ایتدیکم اردو احتیاجاتی تزید ایتشدی .

۱۹۱۶ حزراننده برهفته مدتله اُسن غایت سیجاق بر شرق روزکاری حوران ، حص ، حما و حلب حبوباتنه حس اولنور درجده سوء تأثیرات اجرا ایتمش اولدیغندن بو حادثه سماویده استحصالات یکوئی تنقص ایتشدی .

مع هذا مبايعاتی متعهدلره حواله ایتمش اولدیغم کړک ، حوران ، شام و حما سنجاقلریله بیوک شهرلرک اعاشه لرنه اردو انبارلری طرفندن معاونت ایدلمکده دوام اولنیوردی . تام اوصرمده سوریه اهالیسی آردسنده عثمانی اوراق تقدیه سینک قیمتدن عاری اولدیغنه دائر مشئوم بر پروباغندا باشلادی . و بونک نتیجه سی اولهرق اوراق تعهدیه نک قیمتی کوندن کونه دوشمکه باشلادی . اهالی ، صانه جقلری ذخیره فیأتنک مسکوک آقچه ایله تأدیه سی متعهدلردن طلب ایدیورلردی . بوکا ایسه بالطبع امکان یوقدی . مع هذا متعهدلرک مبايعات و تسلیاتی کمال اهمیته دوام ایدیور و حلب سنجاغنده ایسه

بومبايعات والى مصطفى عبدالحالق بكك همت وفعاليتى سايه سنده امانه اداره اولنيوردى .
 نهايت شريف فيصلك شام . كنديسنه طرفدار ايدنديكى برقاچ خاٹك تأثيريله
 حوران سنجاغنك برناحيه سنده ، حاصلاتى متعهدلره صالماق بهانه سيله موضعي برقيام
 باش كوستردى . مدينه سوق ايتك اوزره احضار ايتديكم فقط موقه برفكر
 مخصوص ايله حوران سنجاغى مركزى اولان درعا استاسيونده اجتماع ايتدرديكيم
 قوه عسكريه يي بوقيامك تسكينه مأمور ايتديكم كي قيامك اسباب خفيه سنى تدقيق
 ايتك اوزره سوريه واليسى تحسين بكك محل وقعه يه عزيمتى رجا ايتدم .

اوصرده سوريه يي يكي كلكش واحوال محليه يي وشريف حسينك اختلانندن
 متولد طاشقنقلرك درجه سنى . هوز آكلايه مامش اولان تحسين بك قيامك اسبابى
 اوله رق اوتكى بريكي طرفندن ايلرى سوريه دن ژاندارم لرك ظلم واعتسافى رواياتى
 ودها سائر تزويرانى عين حقيقت اوله رق تلقى ايتمش و متعهدلر واسطه سييله ارزاق
 تداركندن حوران سنجاغنك استئذالدىسى وشام شهريك اعاشه سنى كنديسى درعه ده
 ايدجكنى تسكيف ايتمش اولديغندن ، آنيا وسيله قيل وقال اولماق و برمسئول والينك
 تكليفى ردايتمه مش اولمق ايجون مطالباتى قبول ايتدم . فقط حوران سنجاغى حاصلاتك
 مبايعه سى ايجون متعهداصولندن صرف نظر ايديلوبده كرك و حماسناقلرناه بوصولى ابقا
 ايتك مساوات قاعده سنه مغاير اوله جيفندن بعدما قدس مقرراتى احكامى كاملا منفسخ
 اولمق وجبل لبنان و بيروت اهالىسى اعاشه سييله اردو قطعاً اشتغال اتمه مك اوزره
 متعهدلره منعقد مقاولاتى فسخ ايتمش اولديغى جواباً بيلدردم .

ايشته بي چاره جبل و بيروت اهاليسنك مبدأ فلاكتى بودر .

اردو طرفندن اهالينك اعاشه سنه قاريشلمايه جغنى وعلاقه دار واليلره متضررلرك
 بر داه اجماع ايدرك بوباده اتخاذا تدابير ايتلرى لازم كله جتنى تعميم ااشعار ايدنجه
 والى و متضررلر طوپلانهرق بعض چاره لر دوشونديلر . سوريه واليسى شامك اعاشه سى
 ايجون حورانندن وشام مركز سنجاغندن مبايعات يابه جغنى ، بيروت وجبل لبنان ايجون
 حماسناجنگ حص قضاسى سربست راقه جغنى و كرك سنجاغى قدسه تخصيص
 ايدجكنى وعد ايتمشدى . فقط اجتهاره بك زياده منهك اولان مستحصل سانجاقلر
 اهالىسى اردونك تضيق اوزرلرندن قالقنجه ذخيره لر نى كاملا صاقلامش و آلتون
 آقجه بش وحتى اون غروش آمادقجه صالماقغه باشلامشردى . بيروت وجبل لبنانلى
 بر چوق نجا تدارك ايدم بيلدكلى وسائط نقليله ايله بورالره جلب ايتدكلى ذخاىرى
 صاوتن آلدقارندن اوچ درت مثلى فضله بريآت ايله صايتورلر وبوندن طولايى ذره
 قدر عذاب وجدانى دويمورلردى .

فى الحقيقه دها بوسنه نك مايس وجزيرانده باشلايان مشكلات اعاشه اغستوس

وایولده وداها صوکره لری ایله فجیع بر شکل آلمشدی که اهایدن برچوقلری غدا سزلقدن عادتاً اسکلت حالتہ کملشدی .

بیروت والیسی عزمی بکله جبل لبنان متصرفی منیف بکک صرف ایتدک لری بونجه مساعی قطعاً مفید اوله میوردی . بیروت والیسی فقرانی اعاشه ایچون بیروته اهالی مطبخ لری آچدیرمش و براده فقرایه مجاناً انمک و یه جک توزیعنه چالیشیوردی . علی منیف بکده بر چوق ندیره توسل ایتشدی . فقط احتیاجک کثرتی قارشوسنده حاصلاتک پک جزئی اولمسی بو زوال لیری شاشیرتیوردی .

اهالی اعاشه سی ایچون اردو انبارلرندن معاونت ایتیه جکمی یازمش اولدیغم حالتده بالطبع اهاینک بو منظره سفیلانه سی قارشوسنده سیرجی قالمق ممکن اوله میه جفتدن اردو انبار لری طرفندن موجود نسبتده معاونت ایتمکدن کری دورمایوردم . بوتون دولت مکتبلرله بیروت آمریقان طلبه سنک و مهاجم دولتلر تبعه سندن بیروته قالمش اولان عائله لک ، بوتون مارونی و مذاهب سائره رؤسای روحانیه سنک و مأمورین ملکیه نک و رسمی و خصوصی خسته خانه لک برر سنه لک اعاشه لرینی قسماً مجلناً و قسماً اجرت مقابلنده کاملاً اردو انبارلرندن ویردم . بالخاصه مارونی بطریقیه اونک تحت حمایت سنده بولنان دارالایتم و مؤسسات دینییه ایچون ۱۹۱۶- سنه سنده بلابلد اوچوز بیک کیلو ذخیره ویردیمک کی ۱۹۱۷- سنه سنده دخی کرک پاره و کرک ذخیره ایله معاونت ایتدم .

لکن بیروت و جبل لبنانک درت یوز بیک تاجوا زایدن نفوس عمومیه سنک اعاشه سی ایچون بو معاونت لر هیچ مثابه سنده ایدی . بن ایستوردمک بوزوال لیر ایچون همه حال خارجدن ، اسپانیا ویا آمریقا طرفندن بر معاونت مخصوصده بولونولسون . بونک ایچون مارونی بطریق طرفندن پاپا حضر تلرینه بر مکتوب یازدیره رق اسو یچره سفیر من واسطه سیله پاپایه تقدیم ایتدیردم . آمریقان کلیسای مدیری دو قنور بلیس طرفندن رئیس جمهور میستر ویلسونه رجا ایتدردم . استانبوله دفعات عدیده ایله یازارق اسپانیا قرالی ، آمریقا رئیس جمهوری ، پاپا حضر تلی و الحاصل هرکیم واسطه سیله اولورسه اولسون بیروته خارجدن بش اون بیک طون ذخیره و برچوق اجزای طبییه یتیشدیر لمزسه بیکنه اهاینک دوچار فلاکت اوله جقلرینی و آچلقدن وساری خسته لقدن تولد ایده جک مدھش وفیاتک اوکی آلمق بنجه ممکن اوله میه جغنی بیلدیردم بر آراق عادتاً استهزا قیلندن پک جزئی برشی قدس قواسنه توزیع اولتق اوزره آمریقا سیه نستلری طرفندن یافیه کوندر لمشدی . بونلری کتیره نلر ایسه منحصر آ قدسده سیونستلک پروپاگاندا سی یاقم ایچون بر چوق اوراق مطبوعه یی ده برابر کتیر مک کی مناسبتر لکدن کری دور مامشردی .

وینه بر آراق ایکی بیک طون ذخیره نک آمریقا رئیس جمهوری و اسپانیا قرالی

طرفندن کوندرلک اوزره اولدیغی خبر آلمشوق . حتی واپورک اسکندیه کلدیکی ده بزه سویله مشلردی . اوزمان ائتلاف دولتری ایشه مداخله ایتدیلر . بو ذخیره لر بیروته چیقارچیقماز ، بزم طرفزدن مصادره اولونورق اردویه تخصیص اولنور ایش . بناء علیه کاملاً اهالی به صرف ایدیه جکی حقدنه تأمینات آلمادقجه واپورک بیروته غنیمته مساعدده ایده مزلر مش . بر جوق مخبرات ده بو خصوصده جریان ایتدی . ونهایت تاریخی خاطر مدده قلاماش اولان بر زمانده بکا صور مشلردی که بو ذخیره لر بیروته کلدیکی حالده توزیع قومیسسیوننده پاپانک بیروت وکیلی ایله بر ایکی آمریقالمینک بولماسنه مساعدده ایدرمیم ؟

جواباً دیدیم که : « بو ذخیره لر بورایه کلسون ده توزیعاتی ایچون ایسترلر سه کاملاً آمریقالمی انکلیز و ایتالیانلردن مرکب بر هیئت تشکیل ایدرم و ایسترلر سه ائتلاف دولتری طرفندن مأموراً کوندریله جک بر ایکی ذاتی ده بوقومیسسونه داخل اولوق اوزره بیروته قبول ایدرم . الیررکه ذخیره لر بورایه کلسون وخلق آچلقدن قورتولسون . زیرا بونجه بی کناه وطنداشک آچلق وسفالتدن هر کون سوقاقلرده دوشوب دوشوب اولدیکنی کورمک کبی الیم و جانخراش بر منظره دن ببقدم اوصاندم . »

بوجوابده انور پاشا طرفندن آمریقا سفیری میستر « الکوسه » نقل اولنشدی . فقط بونکده تأثیری کورولمده دی . وبالعکس ائتلاف دونماسی بیروت ساحلنده کی آبلوقه بی تشدید ایدیوردی . بیروت ولبنانک اعاشه سی ایچون یلکنلی کیملرله وینه سوریه نک دیگر ساحلرلرندن ارزاق جلبنده توسل ایتدم . بوصورتله دشمن جاسوسلغنده پک زیاده سهولت بخش ایش اوله جعمی نظر دفته آلمادیغم حالده دشمن سفائن حربیه سی بوجو کیملی برر برر باطیرمقدن ذوق آلیوردی .

اوصرمده جبل لبنانک عین طور اماناسترنده بیک ازمنی چوجوغی استعابنه کافی بر ایتاخانه کشاد ایتدی و دیکم کبی شامده ده بر چوق ارمنی یتیم وطول قادینلرنی وینه اردو طرفندن اعاشه ایدیوردم . بوتون سوریه داخلنده کی آمورین دولته عائله لرنی اردو انبارلرندن یادیغم معاوتلرله بسلیوردم . ذخیره مبايعه سی ایچون قدس روم اورودوقس بطریقه دولت طرفندن یکر می بش بیک لیرا اقراض کبی مجاناً بر چوق بوغدایلر ویردم . قدسده کی یهودی وخرستیان ایتامخانه لرنه ، آمریقان قولونیس دیلان و تقریباً ایکی یوز نفوسه بالغ اولان بر مذهب مخصوص سالکیرینه ، قدس روس مناسترلرنده بولنان تارکۀ دنیا قادینلره ، حوران وکرك سسناقلرنده اسکان ایدلمش اولان قادین ، اُرکک وچوجوق ارمنی مهاجرلرینه وبالحاصله وینه مهاجرلرک یتیملری ایچون جلبده ذوق تور آلتونیان افندیکنک کریمه سی ایله بر آلمان شومه ستر طرفندن تأسیس اولنان ایکی ایتاخانه به ، آناطولی شمندوفر خطی مأمورلرینه خلاصه احتیاج

وسفالتلرینی خبر آلدیغم ویا کوزمله کوردیکم اسلام وخرستیان بوتون انسانلره پارملی پاره سزرجوق ذخیره لرویردم . بونلرک هیچ بریسنی رسمی وظیفه مک ایجاباتندن اولمی اعتباریه یایمورددم . چونکه بن اساساً اردو قوماندانی اولوق اعتباریه اهالینک اعاشه سیله قطعاً وظیفه دار دکلدیم . فقط هر برینی جدا کندی شخصه دن زیاده سودیکم و طنداشلریمک سفالت الیه سنی کورمک بنم ایچون تحملسوز بر منظره اولوق اعتباریه بعضاً اردو بی سیله آچلق تهله کسنه معروض واقه رق بومعاونتلی یایمورددم .

هر نه زمان بیروت ویا جبل لبنانه اینه جک اولورسه م برابرده آلتی یدی واغون ذخیره کوتورییور و مراجعت ایدن فقرایه مجاناً توزیع ایدیورددم . حتی بر آزالق ذخیره او درجه لرده کسب ندرت ایتدی که متفق و بی طرف قونسلو سلمه سیله اردو انبارندن ارزاق اعطاسنه مجبور اولدم .

بالخاصه آمریقان کلیه سی ۹۱۷ و ۹۱۸ سنه لرنده تدریساتنه دوام ایده بیلمش ایه منحصراً اردو انبارلرندن ویردیکم حیوانات و ارزاق سائر سایه سننده موفق اولمشدر . بیرونده بنم تشویقم ووالی عزمی بکک حایه وفعالیتی سایه سننده کیشاد وادامه ایدلمش اولان اعمالا تخته لرده اوچ بیکی متجاوز کنج قیز وقادین چالیشیور و اردو انبارندن ویردیکم ذخیره لرله کونده بر اتمک و آیروجه یومیه آلیورلردی . بوتون بومصرفلر حکومت عثمانیه طرفندن اختیار اولنیوردی .

بو حقیقه تلری بیروت آمریقان کلیه سی مدیرلیله معلملری ، مارونی بطریقیه شام و قدس روم واورتودوقس بطریقلری ، حرب عمومی اثاسنده بیرونده بولمش اولان فرانسز وایتالیان عاقله لری ، بالعموم متفق و بی طرف قونسلوسلر انکار ایدمزلر وهر زمان ادای شهادتدن کری طورمازلر ظن ایدرم .

حقیقت بویه ایکن بنم سوریه خرسیتیانلرینی بالخاصه جبل لبنان اهالیسنی قصداً آچلقدن اولدیرتمش اولدیغیمی ادما ایدن سفیر مورغنتاو ایله ماندلشتامک نه قدر سیوک بریالان ارتکاب ایتدیکری ثابت اولور ظن ایدرم .

مانداشتامک کتایبک ۳۳۸ و ۳۳۹ نجی صحیفه لرنده مندرج غزیه مقاله لری تماماً یالان و آچاقجه اویدورولمش اقرارلردن عبارتدر .

کندی شخصم ایچون بویه اولدینی کی ۱۹۱۵ سنه سی نهایتنده سوریه بی نقیشه کلش اولان انور پاشانک جبل لبنانه ذخیره کوندرلمسی منع ایتمش اولدیغنه دائر فقرده بالکلیه یالاندر . بن بوتون بالاده تعداد ایتدیکم مجانی معاونتلی سلسله مراتب اعتباریه آمرم اولان انور پاشادن استیذان ایتدکدن واونک موافقتی استحصال ایلدکدن صوکر ایاپدم . بناءً علیه بو معاونتلردن بکا راجر معنوی مقدر ایه انور پاشانکده بو اجر معنوییه حق اشتراکی واردر .

جبل لبنان و بیروتده آچلقدن اولمش اولان ارکک ، قادین و چوجقلردن دولای
بکا بر معنوی و بال و مادی مسئولیت توجه ایتیه جکی کبی بونک انور پاشایده قطعیاً
بر جهت تعلقی اولمایه جقدر .

مسئولیت معنویه و وجدانیه اولامملکتی علیهنه خائانه اختلال ایدرک سوریه نك
اعاشه موازنه سنی و شرائط عمومیه سنی برباد ایتمش اولان شریف حسین ایله اولادینه
ثانیاً بیروته ، ایکی اوچ آیده بر اون بیک طون و یافیه ینه بومدنلر ظرفنده یالکیز
ایکی اوچ بیک طون ذخیره کوندرمه مساعدیه ایتهمش اولان ائتلاف دولترینه عائددر .
اونلک مقصدلری پک اعلا آکلاشیلیوردی که ؛ اگر لبنان و بیروت اهالی سنی
اعاشه جه تضییق ایده جک اولور لر سه بونلری اختلاله تشویق ایده بیلر لر . و ایشته
بونک ایچون ده عاصیره التحاق ایدن بحر احمر سواحلی عرباننده هر درلو بییه جک
ایچه جکی و سائر هر نوع اشایی پک اوچوز فیثانلرله و حتی بعضاً پاره سز اوله رق توزیع
ایدیور لر . ولبنانلیله دیمک ایتدیور لر دی که . «مادمکه آچلقدن اولیور سکرز . باری اختلال
ایدیکز ده تورکلری مملکتکیزدن طرد ایدیکز . او زمان سزه هر شیئی ویرمه جکیز .
اختلال انساننده بالطبع آچلقدن اولدیککیز قدر اولمز سکرز ! »

فقط بو افدیلر اونوتیوردیکه بنم اداره ایتدیکم مملکتلرده ویا هیچ اولمز سه
ید قدرتمک یتشه بیله جکی یرلرده قولای قولای اختلال ایدیه مز . بن سوریه ده آلتی
عصرلق بر سلطنتک ودرت بحق عصرلق بر خلافت معظمه نك حقوق حاکمیتی
محافظه یه مأمور اولمش ، بومأموریتک تحمیل ایتدیکی مسئولیتلری مدرک اوله رق هر درلو
تدایره توسل ایله مشدم . نته کیم تافلسطین اردومزک بالکلیه اضمحلالنه قدر سوریه ده
بالفعل اختلاله کیمسه جسارت ایده مه مشدر . بن لبنان و بیروت اهالی سنیك اعاشه سنی
تأمین ایچون بوتون موجودیتله تداییر اتخاذ ایدرکن ائتلاف غزته لری بواهایلی
اختلاله تشویق ایچون بیک دورلو وسائطه مراجعت ایدیور لر و بوجه دن اوله رق
بنم اهالی بی اولدیرمک ایچون قصداً ذخیره ادخالاتی منع ایتدیکی سویلیور لر دی .
آچلق و تلفاتک مسئولی بنی یم ؟ دیه صوردیغم بطریقلر ماندلشتمک کتانبک
۳۵۴ ، ۲۵۵ ، ۳۵۶ نجی صحیفه لر نده مندرج مکتوبلرله جواب ویردیلر بوجوابلردن
ائتلاف دولترلری پک اعلا اکلایه بیلیرلردی که بو بطریقلرک تمثیل ایتدکلری صنف
اهالی اختلال قدرتی حائر دکلر دز . زیرا او یله بر قدرتی کندیلر نده کورسه لر فرانسه
حقننده کی تمایلاتی هیچ کیمسه نك مجهولی اولمایان مارونی بطریق بویه بر جواب
یازمادی .

بن بوجوابلری سوریه ولبنانده آچلقدن اولن اولمادیغنی ادعا ایچون نشر ایتهم
اولا بو اولومک مسئولی بن اولمادیغنی اثبات ایتک و ثانیاً ائتلاف قوماندانلرینه لبنان
و سوریه نك اختلاله پک نافله منتظر اولدقلرینی آکلاتقی ایچون نشر ایتدیردم .

برایدن . مکتوبلری نشر ایستدیررکن بر طرفندن ده مارونی بطریق واسطه سیله
پایا حضرت تلرینه و بیروت آمریقان کلیه سی مدیری ایله قدس آمریقان قونسلوسی
دوقتوره کنزبوره طرفلرندن آمریقا رئیس جمهوری مستر ویلسونه مراجعت
ایدنک بورالرده اهلینک سفالت واجلقدن اولدکالری غایت آچیقلی برلسان ایله
بیلدیرمکدن کیری دورمیوردم .
بناءً علیه لبنان و بیروت اهلینسی آچلقدن اولدیرمش اولمقله نی ایتهامه قانقیشان
انساندک برقصده مخصوص ایله یالان سویله مکته اولدقلرینی بردها تکرار ایدرک
بوجحه نهایت وریسورم .

اعمار مملکت

یونلر — استانبولدن سوریه یه اثنای ورودمده پوزانطی ایله طرسوس واسکندرون
ایله حلب آرمسندکی یوللری نه قدر فنا برحاله بولمش اولدیغنی یوقازیده بالمناصبه
عرض ایتش ایدم . اوصرده سوریه نی آناطولی یه ربط ایدن نه بر شوسه نه ده بر
شمندوفر واردی . بغداد شمندوفر خطی انجق پوزانطی یه قدر کیدیور وآرده تمش
سکسان کیلو مترهک بر فاصله بر اقدقن صوکر طرسوسدن باشلایه رق عثمانیه یه
قدر برقم خط اطنه اوومسندنه ایشلیوردی . اوندن صوکر جبل برکت طاغلری
آراسندن کجن تقریباً کیلومترهک اقسام دردست انشا بولنیور ونهایت قاطمه دن
اعتباراً حلبه قدر اولان قسم ایشله یه بیلوردی .

پوزانطی — طرسوس شوسه سی پک چوق تعمیراته محتاج اولدینی کبی عثمانیه دن
قاطمه یه قدر اولان یول هان هان عربیه مرورینه بیله مساعد دکلدی . بوندن
آکلاشیه بیلورکه سوریه ایله آناطولی آرمسندنه قره دن امین بر طریق مواصله یوقدی .
حالبوکه حلب — عثمانیه — اطنه — طرسوس — پوزانطی استقامتی سوریه ، بغداد و دیاربکر
حوالیسنی آناطولی یه ربط ایدن یکانه طریق مواصله ایدی . پک اوزون و مشکل
اوله جفی ده ا مبدأنده آکلاشلمش اولان بو عظیم سفر ایچون بو حال نه قدر الیم ونه
درجه لرد، جالب نظر دقت ایدی .

بناءً علیه ده ا هنوز حلبده بولوندیقم انشاده پوزانطی — طرسوس شوسه سنک
مکملاً تعمیرینه اطنه والیسی اسماعیل حق بکی مأمور ایتدیکم کبی عثمانیه — اصلاحیه

— قاطمه طریقك اطنه ولايتی داخنة مصادف عثمانیه — اصلاحیه قسمك انشاسی ده
ینه مشارالیه و حلب ولايته مصادف اصلاحیه — قاطمه قسمی حلب والیسی جلال
بكه حواله ایتشده. حلب — اسکندرون شوسه سنك تعمیرینه دخی والی مشارالیه
جلال بك حسب الوظيفه مأمور بولنیورلردی. ولایت سرمهندس لرینه معینه کافی
درجده ضابطان وعمله طابورلری ویرمك و برچوق آلات وادوات تدارك ایدرك
انشا آتی متادیا تعقیب ایتك وتآخر انشاءات ایچون هیچ بر معذرتی قبول ایتمك
ولزومی اولان یاره بی اردو بودجه سندن صرف ایتك سایه سینده سوریه یه ورودمدن
سکز آی صو کره حلبدن قاطمه و اصلاحیه اوزرندن پوز نطی به قدر اوتوموبیل
ایله کیتمك امکائی حاصل اولمشدر .

ایشته بوسایه ده درکه ۱۹۱۵ سنه سی نهایتلرنده پوزانطی ایله طرسوس وعثمانیه
ایله اصلاحیه آره سینده قامیون اوتوموبیل منزل پوستهلری تأسیس ایتك و دردنچی،
آلتنجی وایکینجی اردولره استانبولدن سوق اولنان نامتناهی جیخانه وهر نوع مالزمه بی
نقل ایده بیامك ممکن اولمشدر . ینه بومدت ظرفنده حلب — اسکندرون شوسه سی
دخی يك كوزل تعمیر ایدیلر ك هر وسعده اوتوموبیللرك مرورینه مساعد برحاله
کیتلرلشددر .

سوریه یه کلدیکم زمان سوریه آناتولی آره سینده برخط مواصله بولونمادیغنی
کوردیکم کی سوریه ایله فلسطین آره سینده دخی شوسه مواصله سی اولمادیغنی کمال
تأرو حیرتله کورمشدم. بومواصله یالکز شام — درعا — حیفه شمندو فرینه انحصار ایدیور
وبوخطدن اعتبار آقدسه وسینا چولته طوغری هیچ بر طریق مواصله بولونمیدوردی.
حالبوکه قنال سفری نظر دقته آلینا سه ییله انکلینز لرك فلسطینه قارشو اجرا ایده جکلری
هره انکی بر تجاوزیه قارشو کرك عسکر وکرك مالزمه نقل ایده بیلمك ایچون بوایکی
قطعه آره سینده غایت امین طرق مواصله بولماسی ایجاب ایدردی. اوزون اوزادی یه
تدقیقات اجرا سندن صو کرا شام — قنيطرة — جسر نبات یعقوب — طبریه — ناصره — عنوله —
جنین — نابلس شوسه سیله عمان — سلط — اریخا شوسه سنك انشاسنه قرار ویردم. اساساً
نابلس ایله قدس واریخا ایله کذالك قدس آره سینده اسکیدن انشا ایداش بر شوسه
موجود بولمادیغندن بالاده عرض ایتدیکم ایکی طریق انشا اولنورسه بری شامه
ودیکری حجاز تیمور بولی اوزرنده کائن عمانه ایصال ایدن ایکی شوسه ایله بوتون
فلسطین منطقه سی سوریه منطقه سه ربه ربط ایدلش اولوردی. بولنلردن برنجیسنك
طولی یوز یتمش وایکینجیسنك طولی ده اللی بش کیلو متره ایدی. برنجی قنال
سفرنندن عودتمدن صو کرا فلسطین منطقه سی قوماندانلغنه تعیین ایتش اولدیغم مرسینلی
جمال پاشا ایله کوروشه رك بوبوللرك انشا آتی درعه ده ایتسی کندیسندن رجا ایتدم.

یالکز شام - قنطره قسمی شامه پک یقین اولدیغندن بوقسمك انشا آتی ده سوریه والیسی خلوصی بکه حواله ابله دم . اردوجه تدارك اولنان بر چوق آلات وادوات وینه اردوجه تخصیص اولنان عمله طابورلری سایه سنده ۱۹۱۵ سنه سی کانون اولنده بویوللر دخی هر نوع اوتوموبیلک مروینه مساعد برحاله کتیرلمشلردرکه حتی ۱۹۱۶ سنه سی شباطنده سینا چولی تفتیشه کلش اولان انور پاشایی قدسدن عمانه قدر اوتوموبیل ابله سیاحت ایتدیرمشدم . کرک شام - قنطره - طبری - ناصره - عفوله - جنین - نابلس - قدس یولی اوزرنده وکرک قدس - اریخه - سلط - عمان - شوسه سی اوزرنده هر نوع انبارلری وخسته خاهلری وعسکرله حیوانات استعمالنه کافی صو تأسیساتی حاوی منزل نقطه لری تأسیس ایتدم . منزللرک تشکیلات وترتیباتی انور پاشانک اوقدر خوشنه کیمش ایدی که ۱۹۱۶ سنه سی ابتداسنده اجرا ایتدیکی تفتیشادن استانبوله عودتنده اوزمانه قدر دردنجی اردویه مربوط اولمایان و آیرنجه بر منزل مفتشی طرفندن اداره اولنان حلب - اصلاحیه - آطنه - بوزانطی خطنده دخی بویله مکمل منزل نقطه لری تأسیسی مذکور منزل مفتش لکنه امر ایتشدی . فقط بونلرک موفق اوله مادقنری کورونجه نهایت ۱۹۱۶ اغستوسندن صو کرا بومنزل خطلری دخی بم امریه ویرمشدی . پک آز زمان ظرفنده بو خطلر اوزرنده اوقدر منتظم و هر دورلو اسباب استراحتی حاوی منزل نقطه لری وجوده کتیرلمشدی که ۱۹۱۷ سنه سی ابتدالرنده ینه سینا جبهه سنه کلش اولان انور پاشا لطیفه طرزنده « شیمدی ده بو منزل نقطه لری لزومندن فضله مکمل اولمش دیه حکم » دیمشدی .

یول خصوصنده اک بویوک همت ومسئاعی چوله کوسترمشم . اولا قدسی چوله ربط ایدن هیچ بر یول موجود دکلدی . یالکز قدسندن خلیل الرحمنه قدر اوتوز بش کیلو متره طولنده کی شوسه دن بشقه بوحوالیده یول یوقدی . بناء علیه خلیل الرحمندن اعتباراً بش السبعه قدر مکمل شوسه وجوده کتیرلمسنی قدس منزل مفتشی میرالای روشن بکه تودیع ایتدم . الی بش کیلو متره طولنده بولنان بو شوسه اولا ایکی آی ظرفنده عربیه وینک اوتوموبیللرینک مروینه مساعد برحاله کتیرلیدی . سکرنجی آی نهایتده ایسه هر نوع یوک اوتوموبیللری شوسه اوزرندن کچه بیلوردی .

برنجی قنال سفرندن عودتندن صو کرا ایکنجی قنال سفری ایچونده کذلک وسطندن کچن خطی اسناس منزل خطی اوله رق قولانغنی قرارلاشدیرمشدم . کرچه انکلینر قنالدن فاسطینه کلیرکن شمندوفرلری ساحل قسمنده انشا ایتملر سده اولنرله بزم شرائطمز مساوی دکلدی . اولر دائماً دوتمالرینک معاونتندن مستفید اولمق

ایستورلر و اونك سایه‌سنده خطری هر دورلو مجاوزدن امین بولنیوردی .
 بزایسه بالخاصه بو دوتمادن قورتولمق ایچون اساس منزل خطریمزی وشمندوفریمزی
 چولك وسطندن کچیرمك مجبوریتنده ایدك : بناء علیه منزل استقامتی اوله‌رق
 بئراسبع - الحفیر - القصیمه - بئر حسانا - جفجافه اوزرندن اسماعیلیه طوغری
 ایلروله‌ن خطی قبول ایتشدم .

اول امرده بواستقامت اوزرنده منزل نقطه‌لرینی انتخاب ایتدم . بو منزل نقطه‌لرینی
 یکدیگرینه ربط ایتك اوزره شوشه‌لرك انشا آتیه باشلام . بئراسبعدن اعتباراً
 بئر حسانیه قدر یوزاللی کیلومتره طولنده بولنان بوشوشه‌نك انشا آتیه ۱۹۱۵ سنه‌سی
 مارتنده باشلانیلهرق ۱۹۱۶ سنه‌سی شباطنده کاملاً اتمام ایدلمش اولدیغنی عرض
 ایده‌جك اولورسه‌م چولده چالیشان ضابطان ایله مهندسلك و بالعموم عمله‌طابورلری
 افرادینك مساعی جانسپارانہ‌سی نظرلرده درعقب تعین ایدر .

۱۹۱۶ سنه‌سی شباطندن سوکره انشا آت جفجافه‌یه قدر ایلروله‌مش و اوسنه‌نك
 واسطنده ایکینجی الحیرا نقطه‌سنه قدر وارمسی مأمول بولونمش ایدی‌که بو نقطه‌دن
 قتاله اولان مسافه انجق اوتوز کیلومترده عبارت بولنیوردی .
 بو شوشه اوزرنده دخی هر یکرمی بش اوتوز کیلومترده بر ، بر منزل نقطه‌سی
 تأسیس اولونمشدی .

هر منزل نقطه‌سنك تأسیساتی شونلردی :

۱ — منزل نقطه قوماندانلی ؛

۲ — منزل انبارلری ؛

۳ — منزل خسته‌خانه‌لری

۴ — افراد و حیوانات ایچون صو تأسیساتی

مباینك کاهه‌سی کار کیردن انشا اولونیورلردی . صو تأسیساتی برر آرتیه‌زیه‌ن
 قویوسیه مونور دائره‌سندن و صو خزینه‌لرندن و افراد و حیوانانك سرعتله صو
 ایجه‌یلملرینه مساعد ترتیبات مخصوصه‌دن عبارتدی .

بالخاصه چولك مبدئ اولان بئراسبعده پادیرمش اولدیغم مبانی واوراده وجوده
 کتیرلمش اولان عمومی باغچه‌لر ، اورمانچیلر ، اون فابریقه‌لری ، زراعت تجربه
 تارلاری کی تأسیسات عمرانیه جداً کورولمکه لایق شیتلردی .

اوقدرکه بئراسبعده الکتریک تنویراتی بیله یاپلمش موجود منزل فابریقه‌لری
 الکتریک قوتیه ایشله‌دلمش ایدی .

الحفیر ، القصیمه و سائره کی نقطه‌لرك هر برنده دخی مکمل کار کیر بنالر ، انشا

اولنش ، چيچك و سبزه باغچه‌لری آتيا اورمان يتشديرلك اوزه اغاج ميوه لكلى وجوده كتيرلمشدى .

يافده‌كى « ريشون لوسيون » يهودى زراعت مكتهى معلملرندن اولان زراعت مشاورى ايله مذكور مكتب مآذونلرندن اولوب مشاورك معيته ویراش اولان برچوق يهودى زراعت مأمورلىر بو خصوصده پك بويوك همئر صرف ايديورلردى .
الحقيردن اعتباراً العريشه دوعرى ده بر شعبه منزل خطى تأسيس اولونمش وبو خط اوزرنده‌كى منزلرده دخى عيىن تأسيسات وجوده كتيرلمشدى .

خلاصه ۱۹۱۶ سنه‌سى شباطنده سينا چولنى قفتيش ايتش اولان انور پاشايى بوتون معيتمنده كى ذوات ايله برابر تابئر الحسانايه قدر اوتوموبيلار ايله كوتورديكم زمان چولك بودر جهلرده تبديل شكل ايده جكنه هيج اهتال ويره مەش اولديغى سويله‌مشدى .
چول منزل مفتشى اركان حرييه ميرالايى بهجت بكه ومعيتنده بولنان بالعموم ضابطان ومهندس لرله عسكرو عمله يه بر سنه قدر پك قصه بر زمانده سينا چولنده وجوده كتيره بيلدكارى بوتأسيسات عمرانيه دن دولايى الى الابد منتدار قاله جغم . كچه شريف حسين ايله اولادلرينك غير مأمول بر زمانده واقع اولان اختلالى بوتون بو شوشه لرله منزل تأسيساتندن استفاده مزه مانع اولاش ايسه ده هر حالده ابي سوق واداره ايداش تورك همئتك نه قدر بويوك اثرلر وجوده كتيره بيله جكى حقنده اك بليغ واك محله بر مثال تشكيل ايتدكلى ايچون بومساعيلر نبي فائده تلقى ايتمه ليرنى بوندن صوكرا تورك وطنك اعمار واحياسى وظيفه سنى ده عيىن اهتام و غير تله ايفا ايله مليرنى بهجت بكاه رفقاسندن رجا ايده رم .

دردنجى اردو منطقه سنده يكي دن ياپيلمش ومكملأ تعمير ايدلمش اولدقلى بالاده عرض ايتديكم يوللردن بشقه قدس - يافه - شام بيروت شوشه لرى دخى ۱۹۱۶ سنه‌سى ظرفنده مكملأ تعمير ايدلمش لردى .

بالاخره غزه - بئر السبع جهه‌سى تحصيل اينجه بوندن صوكرا فلسطين داخلنده پك اوزون سوره جك بر سپر محاربه‌سى دوره سنك باشلايه جغنى تقدير ايدرك سوريه ايله فلسطين آراسينده كى طرق مواصلا نك تربيدينه لزوم كورمشم . ۱۹۱۷ سنه‌سى اواسطنده رياقدن اعتباراً بقاع اووه سنه كچه رك شريعه واديسى وحوله كولى ساحلى تعقيباً « جسر بنات يعقوب » ه قدر شوشه ايله درعا استاسيونندن باشلايه رق عجلون قضايى مركزندن شريعه واديسنه عموداً بر شوشه نك انشاسنى ، آرتق شمعندوفر انشا آتيله بركونا علاقه‌سى قلماش اولان ، مائسز پاشايه توديع ايتشم . بويولرك اتمامه وفاق اولامدز سوريه دن مفارقت ايتديكمى تأسفله تكرراره مجبورم .

يكي دن انشا ايتديرديكم يوللاره تعمير ايتديرديكم يوللارك طولى حقنده بر فكر

وبره بيلمك ايجون آتیه برجدول درج ایدیورم . بوتون بو انشآت و تعمیرات
یالکیز بر یجق سنه ظرفنده یاپلشدیر .

کیلو متره

- ۱ — شام — قنيطرة — جسر بنات یعقوب — طبریه — ناصره — عفوله [مجدد] ۱۷۰
- ۲ — عمان — اریخه [مجدد] ۵۵
- ۳ — خلیل الرحمن — بئر السبع [مجدد] ۵۵
- ۴ — بئر السبع — خطیر العوجه — بئر الحسانا — جفجافه [مجدد] ۱۸۰
- ۵ — قدس — یافه [تعمیرات] ۶۲
- ۶ — شام — بیروت » ۱۱۲
- ۷ — زحله — بعلبک » ۲۰
- ۸ — ریاق — بیروت شوسه سی [مجدد] ۱۱
- ۹ — بوزانطی — طرسوس [تعمیرات] ۷۸
- ۱۰ — عثمانیه — اینتلی — اصلاحیه — راجو — قاطمه [تعمیراً و مجدداً] ۱۲۰
- ۱۱ — حلب — اسکندرون ۱۴۰

۱۰۰۳

شمندوفرل :

ایلك دفعه اوله رق شامه کلدیکم زمان انور پاشادن بر تلغرافنامه آلمشدم .
حجاز تیمور یولنک سباستیا نقطه سندن آریله رق یافیه و ده ایلرله طوغری بر
شمندوفر خطی انشاسی خصوصنده تدقیقات یامق اوزره بغداد خطی انشآت سر
مهندس لرندن مایسنر پاشایی نیم معیتمه کوندرمش اولدیغنی بیلدیریوردی . مایسنر
پاشایی ده بغداد والیلکم زمانندن بری طانیرم . اساساً حجاز تیمور یولنک سر
مهندس لکی ایفا ایتمش اولان پاشا بوتون تورکیه ده محبت و حرمت عامه یی قازانمش
بر ذات ایدی . بن بغداد والیسی بولندیغم صرهدده مایسنر پاشاده بغداد خطنک
بغداد — موصل شعبه سنک انشآت سر مهندس لکنه تعیین ابدلش و اورایه کلشدی .
بش آلتی آی قدر بغدادده برابر بولنمش اولدیغیمزدن طولانی آرا مزده کی رابطه
عادتا دوستلق درجه سنه وارمشدی . بو انتخابک اصابتی بیان ایدرک انور پاشایه
تشکر ایتدم . مایسنر پاشا خطنک طولی و استقامت انشاسی حقنده اردونک نقطه
نظرخی واردی . اول امرده یافه — قدس خطی حجاز تیمور یولنه ربط ایتمکدن
بشفه برشی آرزو ایتهدیکمی و بالاخره بوتون آرزولریمی بیان ایده جکمی سویله دم .
بوقیصه مکالمه دن صو کر ا کذرکاه انتخابنه کیتمش اولان پاشا اون کون صو کر ا عودت

ایتدی و عفو له - نابلس شمندوفر نك سباستيا استاسیونی یاقینده انتخاب ایتدیکی بر نقطه دن اعتباراً اولا عربه صو کر ا جنوبه طوغری انشا ایده جکی خطی رمله استاسیوننده یافه - قدس خطنه ایصال ایده جکی سویله دی . کدرکاه حقه ده مطابق قالدق . و شرائط انشائییه ایله پاره مسائله دهده مطابق قالدق دن صو کر ا کندیسنه صلاحیت کامله و بره نك ایشه باشلامسینی رجا ایتدم .

برنجی قنال سفردن عودتمده ده شمندوفر خطنك یوللر فصلنده عرض ایتدیکم استقامت اوزرندن قتاله دوغری تمیدینه قرار ویردیکدن ینه مایسنر پاشا ایله کوروشه نك خطک رمله دن صو کر ا تل الشریعه اوزرندن برالسبعه واورادن الحفیر - القصیمه - برالحسانابه طوغری تمید ایدلسی آرزوسنده بولوندیغمی سویله دم .

۱۹۱۴ سنه سی کانون اولنده مسعودیه نقطه سندن اعتباراً انشا آتیه باشلانیش اولان شمندوفر خطی ۱۹۱۵ سنه سی، نیساننده سکسانجی کیلومتردهه کائن رمله یه و اوسنه نك ایلولنده ده یوزیتشنجی کیلومتردهه کائن برالسبعه مواصلت ایتدی . ورمه ایله قدس آره سنده کی قرق کیلومتره طولنده بولنان واساسا برمتره عرضنده اولان اسکی خط برمتره بش ساتیمتره عرضه ابلاغ اولونه رق قدسله شام اره سنده طوغر بدن طوغری یه شمندوفر مواصله سی تأسیس ایدلمش اولدی . دیمک اولیورکه اون آی ظرفنده ایکی یوز اون کیلومتره نك طار خط انشا اولونمش بولنیوردی .

برالسبعدن صو کر ا شمندوفر خطی چول داخلنده انشا ایدلمکه باشلانندی . ۱۹۱۵ ایلولنده برالسبعدن ایلری یه طوغری باشلایان خط ۱۹۱۶ شباطی ابتدالرنده آسلاج استاسیوننه و برقاج آی صو کر ا الحفیر استاسیوننه و برمدت صو کر دهه قصیمه استاسیوننه واصل اولدی که غایت فنا شرائط آلتنده بولنان برچول داخلنده سکیز آی ظرفنده یوزاللی کیلومتره نك بر شمندوفر خطی انشا ایدلمشدر دیمک اولور . حالبوکه بوشمندوفر خطنك ایلروسنده آلتش یمش کیلومتره مسافیه قدر برده قویل خطی ایشیلور وعین زمانده الحفیردن العریشه طوغری ده قرق کیلومتره طولنده ایکنجی برده قویل شعبه سی بولنیوردی .

بواساس خطلردن بشقه منحصرأ خطک ایشلتمه امورینه عائد اولوق اوزره بعض شعبه خطلریده پائیشدی . بوشعبه خطلری کورسز ایدکن طولایی قولانمغه مجبور اولدیغمز اودونی تدارک ایتک اوزره اورمانلره طوغری انشا ایتدیردیکمز خطلر رکه بولردن ایتدیکمز استفاده جدأ پک مهم ایدی .

غزه - برالسبع خطنه الینه دن اعتباراً غزنه نك کریلرینه طوغری قرق کیلومتره طولنده دیکر برشعبه خطی ده ا انشا ایتدیردم که بوندن بالخاصه جهیه یه جیخان و ارزاق نقلیاتنده پک مهم استفاده لر تأمین ایتدم .

بناءً عليه بوتون سفر اثناسنده سوریه وفلیسطنده دردنجی اردو طرفندن انشا
ایتدیرلمش اولان تیمور یوللرینک طول عمومیی بشیوز کیلومترینی تجاوز ایدر بالطبع
طوروس طاغلری ایله جبل برکت طاغلری ارمسندده بغداد شمندوفر قومپانیه سنک
وجوده کتیردیکی تیمور یوللرینک انشا آتنده اردونک هیچ برحق شرقی موجود
دکلدر . مایسنر یاشا ایله معاونی حیدربکه ودیکر تیمور یولی مهندسسارلیه بونلرده
عمله طابورلری ضابطان وافرادینه دخی پک بویوک برحس شکران ایله روحاً مربوتم.

شهرک اعماری

سوریه ده بولندیغم اوچ سنه لک زمان ظرفنده اک زیاده حربک و آسایش
داخلمینک ایجاب ایتدیردیکی خصوصات ایله اشتغاله مجبور اولدیغمدن شهرک
اعماری ایچون آرزو ایتدیکم قدر زمان و امک صرف ایده مدم . مع هذا بو
اوچ سنه ظرفنده بللی باشلی شهرلرده پایلمسی لازم کلن اعماراتک پروژه لرینی مکملأ
احضار ایتدیرمش اولدیغمدن صلحک عودتیه برابر بو پروژه لریک تطبیقی مقرر دی .
۱۹۱۵ سنه سی ظرفنده یافده کشاد ایتدیردیکم اوتوز بش متره عرضنده وسکز
یوز متره طولنده کی بولوارله بئر السبعده پایلان عمومی بفچهلر وسائر انور پاشانک
نظردقتی جلب ایتمش اولدیغندن اوصرده استانبوله کمش اولان اسویجهرلی پروفور
چورخر [°] اسمنده کی مشهور بر معماری بم معینه کوندر مشدی .

پروفور چورخر ۱۹۱۶ سنه سی بدایتلرنده اردو قراکانه کلدی . کنندیسيله
برابر قدس شهرنده کی مبانی جسمه عتیقه نی دولاشدیغمز صرده ویردیکی ایضاحات
ودرمیان ایتدیکی مطالعات پک زیاده نظردقتی جلب ایتدی . اگر فلسطین و سوریه
شهرلرینک اعماری و مبانی عتیقه سنک تعمیر و احیاسی وظیفه سنی کنندیسنه تودیع
ایده جک اولور سهیم پک مکمل نتایج اله ایده جک مزه قانع اولدم .

بناءً عليه کنندیسنه حربک نهایتنه قدر دردنجی اردو قوماندانلی انشات مدیر

[°] پروفور چورخر مبداء تحصیلنی زور یخده اکال ایتدکنصو کرا درسد ، برلین ،
پارس وفلورانسه آقاده میلرنده دخی اکال تحصیل ایتشدی . آلمانیا ایمراطورینک روماده
تأسیس ایتدیکی صنایع نفیسه اقاده میسی مدیریته تعین ایدلمش ومذکور اقاده می پروفورک
پلانلری اوزرینه آنک نظارتی آلتنده پالمشی . بوندن بشقه ایتالیا تک مختلف شهرلرینک برچوق
پارقلری ، باغچهلری ، چشمه لری وسائر می پروفور چورخرک پلانلرینه توفیقاً پالمشدر .
خلاصه چورخر جداً بر صنعتکاردر .]

عموميلىكنى قبول ايدرسە نىمون قالا جىمى سويلەدم و عمومي فېكرلارنى كىندىسە
ايضاح ايتدم . تىكلىمى قبول ايتدى .
بوزاتك برسە نظرىندە احضارايتدىكى پروژەلر اوقدر نىفيس شيلردىكە بو پروژەلر
تطبيق ايدىلەمەسى صنایع نىفيسە نۇقطة نظردن جدا موجب تأسفدر .
پروژەلر شونلردر :

قدس :

- (۱) — مسجد اقصى انشا آتەك مكمليت سابقەسى بىرادايدن بعض محدث علاولەلر
رفى ايله مكمل طاش ديوارلارنى يىكرى سەنە اول اورولش اولان
بادانەلر رفى ؛
- (۲) — قدس ايچ قلەسەك بر محلى موزە حالنە افراغى ايچون حال سابقەدە تعميرى ؛
- (۳) — قدس ايچ قلەسە اتصالىدە كائن عرصەيە بردائە حكومتلە اوراق بر سرای
انشاسى و قلە ديوارىنە متصل بر « تەرراس » وجودە كىتىلمى .
- (۴) — قدس شەرى داخلىدە كائن اولوب شەرك هواسىنى اخلال ايدن بويوك
« يركە » نك قورودىلەرق مكمل ھال حالنە افراغى ؛
- (۵) — قدسك « باب العهودى » خارچەندەكى ميدانلە خىدكلرك حال قديمە ارجاعى .

شام :

- (۱) — شام ايچ قلەسەك حال حاضرىنك خرابىدن وقايەسى و داخلى ميدانك
بر عمومي باغچە حالنە افراغى ، خارچى خىدكلرىنك احياسى .
- (۲) — شامدە نىم طرفدن و يريلان امىر اوزرىنە ويلبوشە وىچ اسمندە بر يهودى
مهندسى طرفدن انشا اولنان قرق بش مترە عرضندە و آلتى يوز اللى مترە
طولندەكى بولوارك جزجە چاپرلغە طوغرى تىمىدى ايله مذکور چاپرلغك
بك مكمل بر بارق حالنە افراغى ؛
- (۳) — بولوار اوزرىنە انشاسى متصور مشيريت دائرەسى ايله بر بانقە بر حمام ،
ور اولتەك ، و عدليە ، پوستە و تلغراف و بلديە كى دوائر رسمىنك بك
مكمل پلانلرى ؛

(۴) — پارق داخلنده ياپيله جق چشمه لر ، شالاهلر ، تهراسلر والحاصل بزمكمل پارق ايچون لزومي اوله جق بوتون تفرغاتك پروژهلري ؛

بيروت :

- (۱) — بيروت شهري ليماندن طوغريدن طوغريه حكومت قوناغي اوكنه چيقايلمك ايچون بك معظم بر مردبون
- (۲) — رأس ييروتده انشا اولونه جق بر سراي ؛
- (۳) — پوسته و تلغراف بناسي ؛

حلب :

- (۱) — حلب ايچ قلعه سنك خراييدن وقايه سي ايله بعض مرتبه احياسي ايچون مكممل بر پروژه ،
 - (۲) — حلب حكومت قوناغي ؛
 - (۳) — حلب پوسته و تلغرافخانه سي ؛
- بوتون بو پروژهلر ، بك نفيس ايكي آلبوم تشكيل ايدر و اليوم بحريه نظارتى معمارى اركان حربه ميرالاي جواد بك معرفتيله بحريه نظارتنده محفوظدر .
- پروفيسور چورخهر سوريه عائد بو پروژهلردن بشقه استانبولده بحريه نظارتى موزه سي اتخاذ اولونمق اوزره دائره بحريه دور اولنان روم ايلي حصارينك اهميت قديمه سنه قطعياً خلل ويرهيه جك صورتده طرفدن مأمور ايدلمش وبو بك مهم ايشله غايت اهميتلى بر صورتده اشتغاله باشلامشدى . استانبولده عدليه نظارتينك غربه تصادف ايدن يانغين محللرند ايكي بيك ياتاقلق بر اوتل انشاسى حقنده حاضر لاقنده اولديني پروژهنك ايلك تهودلريني كورديكيم زمان « كوزل پاتختمز بر كون كله جك بويله مكممل براونله عجباً مالك اوله جقمي ؟ » ديه درين تأثرلره دوشدم . چورخهر هنوز بويالنى اكالم ايدمه دن ، وطن فلاكت مغلوبتيله آلت اوست اولدى .
- بو قيمتلى معماره استانبول شهرينك يكيدين انشاسي پروژهلريني پايديره مامش اولديغمه جداً متأثرم .

شامده یاپدیردیغم بولوار ظن ایدیورمه که شیمدی به قدر شرق شهرلنده امثالی کوروله مش درجه لرده کوزل برشی اولمشدی .

یبروتده والی عزمی بکک وپارس سفارتی باش کاتبی بیرتلی آلفرد سرسق بکک همترلیه غایت مکمل برپارق وقلوب وغازینو انشا ایدلمشدرکه بز بوانشا آتی منحصر آ بعض ارباب صنعته واسطه معیشت تدارکی مقصدیه وجوده کتیرمشدک .

شامده ، قدسده ، یبروتده ، لبنانده و حلبده والحاصل بوتون سوریه شهرلنده هر نوعدن نه قدر ارباب صنعت وارسه بونلری کاملاً حمایه ایتدم وکندیلرینی قطع لزه ویا شهرلره کوندر مکدنسه حلبده ، شامده ، قدسده و بئر السبعده تأسیس ایتدیردیکم برچوق اردو فابریقه لریله دستکاهلرلنده استخدام ایدرک هم اردونک تکمیل احتیاجاتی بونلر واسطه سیله تدارک ایتدم همده ارباب صنعتی وقایه ایله دم . بونلره یومیه دخی ویرمش اولدیغیمی سیویلرسم سوریه ارباب صنعتک نه قدر مستثنا معامله لر کوردیکی آکلاشلمش اولور .

تورک قادیناغنک مدار افتخاری تلقی ایتدیکم خالده ادیب خانم افدینک همت مخصوصه سی سایه سنده یبروتده « دیرالناصرات » نامی ویریلان فرانسه ز اناث مکتبی بناسنده احیا ایتدیکمز لیلی اناث سلطانیسی ودارالمعلماتی ایله یبروت و شام وجبل لبنانده تأسیس ایتدیکمز لیلی ونهاری اناث ابتدائی مکتبلری اوقدر بیوک بررغبته مظهر اولمشلردی که حتی بعض عائله لر آمریقان اناث مکتبنده کی چوجوقلرینی اورادن آله رق بومکتبلره ویرمه باشلامشلردی .

اوج درت بیک کنسج قیز وقادینک دوام ایتدیکی یبروت دارالصنایعلرینی یوقاریده ذکر ایتدیکم ایچون بوراده بونلری تکرار ایتمک ایسته میورم .

بییک ارمنی چوجونی ایچون عین طورا مناسرتنده آچدیغم دارالایتام حقیق برمکتبدن یشقه برشی دکلدی . اورایه کلدکلری زمان هریری اولومه محکوم برچهره سفالت عرض ایدن یتیملر پک آز بر زمان ظرفنده مکمل غذا وکوزل بر اصول تداوی ایله اکتساب قوت وعافیت ایشملر و آتیا مملکتک ایشنه یارایه جق بر عنصر حالی آلمغه باشلامشلردی .

سوریه ده حرب عمومی اثناسنده وجوده کتیریلان مکتبلر میاننده بقاع اووه سننده کی فرانسه ز ره زوویت زراعت مکتبنده تأسیس اولنان لیلی ومکمل برزراعت مکتبنده ذکر ایتمک لازم کلیر . « تعنایل زراعت مکتبی » نامی آلان بومکتب صرف بم تشبثاتم سایه سنده تأسیس اولنش وبر آلمان مدیرینک تحت اداره سنه ویریلان مکتب آز زمان ظرفنده پک بویوک ثمره لر ویرمه باشلامشدی . سوریه وبیروتک الکیوک عائله لری چوجوقلرینی بومکتبه قبول ایتدیره بیلمک ایچون عادی تاراجا ومقلرده بولنیورلردی .

حلب شهرنده اچيلمش اولان مكمل بردارالمعلماق ده بومؤسسات علميه به علاوه ايدە جك اولورسوق پك آز برزمان ظرفنده سوريهده تاسيس ايدلمش اولان اساسلى مکتبلرک مقداری حقته رفکر ايدنلمش اولور .

بالخاصه قدسده پک واسع برپروگرامه توفيقاً کشاد اولنان « صلاح الدين ايوبى مدرسه کليهسى » عالم اسلام ايجون فوق الحد مفيد ثمرلر ويره جک مؤسسات علميه مياننده اراثة اولونه بيلير .

سوريهده وجوده کتيرديکم وسائط عمرانيه مياننده بحرلوط سیرسفائى اداره سنى ده تعداد ايتمه حکم واردر ظن ايدرم . برچوق سنه لر غير ممکن تلقى ايديلان بوايشى ۱۹۱۶ سنه سى ابتدا لرنده تصور ايتدم ومذکور سنه نك صوگ بهارى ابتدا لرنده موفق اولدم . بحر لوطده درت بش مؤتوروبوط طرفندن جر ايديلان بر چوق بيوك ماونه لر وिल्كنلى كميلر هر کون گولك شرق ساحلندن غرب ساحلنه لاقول يوز يوز اللهى طون ارزاق واشيا تقلى تأمين ايديورلردى .

بوموتوروبوطلرله ماونه لر وكميلرى يافه وحيفادن شمندوفرله قدسه کتيرتمش واورادن ترتيبات مخصوصه سى حاوى اوزون عربلر اوزرنده قرق كيلومتره طولنده كى و پك ميللى برشوسه دن بحرلوطه نقل ايتديرمش اولديغى عرض ايدە جك اولورسه م تشبك اهميتى نظرلرده تعين ايدر .

آز برزمان ظرفنده بحرلوط ساحلنده بر تعميرات فابريقه سيله سیرسفائى ضابطان ومأمورلرينك كميجيلريله حاملرك اقامته مخصوص كار كير بنالر وكميلرك تعميرى وقالافاتلانمى ايجون قيزاقلر وساثره دن مركب اوفق برترسانه وجوده کتيرلمشدى . بو تأسيسات اردونك اوقدر ايشنه يارامشديكه بالاخره قدسك سقوطيله بحرلوط انجكليرلك آلنه دوشديكى زمان استانبوله حلب ايتك ايشته ديكم ضابطان ومرتبات ساثره نك طبريه كولنده دخى عىنى تأسيساتى وجوده کتيرمك اوزره سوريهده ابقاسى ليمان فون ساندەرس پاشا رجا ايتمش و طرفدن موافقت اولونمشدى . بحر لوطده سیرسفائى خدمتنك تأسيسى خصوصنده اك بيوك همت قدس منزل مفتشى ميرالاي روشن بك طرفندن صرف اولونمش و اورايه مأمور استانبولدن جلب اولنان بحريه امرا وضابطانك ده شاين تقيد غيرت وفداكارلقلرى كورولمشدر .

سوريه نك اعمارى خصوصنده درنجى اردونك صرف ايتديكى همتلر مياننده لتبانى دره سنك تصحيح محراسيله بو دره نك بقاع اووه سنده وجوده کتيرديكى مضرتلرك ازاله سى هوله بطاقلغنك تيبس و شريعه واديسنك اك منبت و محصولدار قسمى اولان بيسان اووه سنك اروا واسقاسى عملياتلرينك اجراسى ايجون برآلمان صو مهندسى معرّتيه اجراسنه باشلامش اولان تدقيقات فنيه ي ده ذكر ايدە بيليرم .

وقتیله قونیه اووه سنک اروا و اسقاسی عملیاتی اداره ایتیش اولان بو مهندس آلمان احتیاط بیکیاشیلرندن موسیو « بوتنر » در . بو ایشلر ایچون معیتمه بر مهندس کوندرلسنی رجا ایتدیکم آلمانیا حکومتی مومی الیهی بالانتخاب دردنجی اردویه مأمور ایتیش و طرفدن همان ایشه باشلاندرلمشدر . بن سوریه ده بولندیغم مدتجه ایشلر پک منتظم و سرعتله جریان ایدیوردی . فقط بن آیرلدقنن صوکر ا خبر آلدیغمه کوره اردو بو ایش ایچون پارا ویرمه مک باشلامش اولدیقندن بر نتیجه قطعییه اقراران ممکن اولاماشدر ظن ایدرم .

اردونک استخدام ایتدیک متخصصلردن بریده برلین آثار عتیقه موزه سی مدیری پروفور و یغاندر . آثار عتیقه طالمند سومیتلردن معدود اولان بو ذات ۱۹۱۶ سنه سی آغستوسنده فلسطین جبهه سنده بولنان بر آلمان مفرزه سی ایچون بعض اشیا و سائره سوقی مأموریتی ایله سوریه کلمشدی . کندیسيله بر مدت کوروشدکن صوکر ا بوراده پک زیاده ایشمه یارایاجغنی آکلایه رق بنم معیتمه مأمور ایدلسنی استانبولده کی هیئت اصلاحیه ریاستندن رجا ایتدم . رجای قبول ایتدیلر . پروفور و یغاندر « دردنجی اردو آثار عتیقه مشاوری » عنوانیه معیتمه داخل اولدی . بو ذات سوریه و فلسطینک آثار عتیقه سی حقنده برچوق تدقیقاتده بولوندی . بو تدقیقات نتیجه سنده بر « آثار عتیقه آلبومی » وجوده کتیردی که بالاخره اردودن ویردیکم پاره ایله بو آلبوم آلمانیا ده طبع ایدلدی . بوندن بر قاچ آی اول موقع انتشاره وضع اولنان آلبوم آوروپا عالم عرفاننده پک زیاده حسن قبوله مظهر اولدی . و بر چوق غزته لر آلبوم حقنده تقدیر آمیز مقاله لر یازدیلر .

دردنجی اردو قوماندانلغم ائناسنده بکا معاونت مخصوصده بولنش اولان آوروپالی علما میاننده هایدلبرغ دارالفنونی معلملردن پروفور « زالتجس » یده یاد ایتک مجبوریتندیم . دنوز اوتوز درت یاشنده ایکن هایدلبرغ دارالفنونی طرفندن کرسی تدریسه لایق کورولمش اولان بو کنج عالم آوستریا احتیاط ملازملکی ایله استانبولده آوستریا مرخصلغی معیتنده بولنیوردی . آتیا تشیت ایتک نیتنده بولندیغمز بر چوق انشاآت ایشلری ایچون بویه بر ذاته محتاج اوله جغمزی تقدیر ایتیش اولان « اردو انشاآت مشاوری » پروفور چورخر ، پروفور زالتسکده معیتمه آینمسنی بکا تکلیف ایتشدی . مراجعتی آوستریا عسکری مرخصلغی اسعاف ایتدی . و پروفور زالتس ۱۹۱۷ سنه سی ایلولنده معیتمه ویرلدی . بر چوق خصوصاته رأیدن استفاده ایتدیکم پروفور زالتس بالاخره آناطولینک استعماری حقنده پک منتظم و مفصل بر لایحه احضارینه مأمور ایتدم . حاضر لادیغی لایحه ی بکا ویرمه وقت بولامادن بن ترك وطنه مجبور اولدیغم ایچون پروفورک

لايحه‌سی هنوز اوقويامادم ايسه‌ده يقين زمانه زواللی مملکت‌مزدده حال سکونک عودتنده بولايحه‌لردن پک بيوک استفاده‌لر ايدم جکمه شبه ايتيورم .

حربدن صوکر سوريه و فلسطينه ياللی لازم کلن علمی ، عمرانی ، زراعی تأسيسات نافعه‌نی تدقيق و مفصل لايحه‌لر و پروژلر احضاری و برطرفندده بونلرک برر اوفق نمونه‌لرينک اراهه‌سی خصوصنده بکا معاوننده بولونمش اولان پروفیسور چورخهر ، پروفیسور ويغاند ، پروفیسور زالتس و مهندس بوتنهر کبی اجنبي ارباب کانه عرض شکران ايتمکی کندم ايچون بروجيه ذمت تلقی ايدرم . وهله علمای ذکور بيمزک هيچ برنده کورمديکم برجرات فوق‌العاده ايله سوريه‌يه کله‌رک اوراده درت مکمل اناث مکنتی تأسيس ايتمک وعین طور ارمی دارالایتمانی اک مکمل بر مؤسسه حاله قومیق کبی خدمات کزیده ابراز ايتش اولان خالده ادیب خانم افندی حقنده کی متتدارغم ابدی اوله جقدر .

خاطر اتمک بوفصلنده درمیان ايتديکم خصوصات آره‌سنده يالکیز برشی اونوتشم . حلب شهرينه اساله اولنان « عين تل » صوبی ظن ايدرسهم اهمیتی تقدير ايدلميه جک برشيئي دکلدر . حلبده اهايلنک ايجه‌يله جکی صويک پک آز و پک فذا اولديغی ۱۹۱۵ سنه‌سی نهایتلرنده ظهور ایدن تيفو خسته‌لنی ائساننده اکلامشدم . در عقب اردو بودجه‌سندن اون بش بيک ليرا افراز ايدرک حلبه درت بچق کیلو متره مسافه‌ده کائن « عين تل » منبع صوينک شهره اساله‌سی تصور ايتدم . چولده کی صوتأسيساتی پک مکمل صورتده وجوده کيتيرمش اولان مهندس « شوماخهر » ی بوايشه مأمور ايتدم . موسيو شوماخهر عن اصل حيفا آلمان قولونيسي اهايلسننددر . چولده کی خدمات فوق‌العاده‌سندن طولای کنديسنه متشکر اولديغم بو ذات پک زیاده صرف همت ايدرک عين تل منبع صولرينی حلب شهرينه اساله‌يه موقوف اولدي . ظن ايدرسهم حلبيلر کنديلرينه ياپديغم بو خدمتی هيچ برزمان اونوتامازلر .

بوفصلده تعداد ايتديکم خصوصات مطالعات عنديه قيميلندن شيلر دکل کوزله کوريله‌يله جک مادی شيئرلدر . بناء عليه بونلری کوردکدن صوکرانم سوريه‌ی تخریب ، اهايلسني قصداً اولومه محکوم ايتديکمدن بحث ايتمکه قالقيشمق هر حاله پک آلحقجه برافترای اختیار ايتمکدن باشقه برشی اوله‌ماز .

ارمنی مسئله‌سی

تاریخچه بر قاج صوبه

بزارمنیلری و علی الخصوص اونلرک اختلاجیلرینی روملردن بلغارلردن ده‌ا زیاده سه‌وه‌رز . چونکه اونلردیکرایکی عنصردن ده‌ا زیاده مرد و قهرماندرلر . ایکی بوزایملک بیلملر . دوستقلرینه صادق ، دشمنقلرینه قویدرلر . خصوصیه بزم ایمانمز واردرکه ارمنی عنصریه تورک عنصری آرسنده کی خصوصتک باشلوجه سببی روسیه سیاستیدر . اختلاف دین یعنی مسلمانلق و خرسیتیانلق مسئله‌سی بوندن آلتش یتش سنه اولیسنه ودها طوغریسی ۷۸ - ۱۸۷۷ عثمانلی - روس سفرندن بش اون سنه اولیسنه قدر بویکی عنصر آرسنده قطعاً موضوع بحث دکلدی . آناطولیده ، روم ایلیده و استانبولده خلاصه بوتون ممالک عثمانیه ارمنیلرله تورکر آرسنده اوقدر بویوک برحسن امتزاج واردی که تاریخ عثمانی اوزمانه کنگجه به قدر الک اوافق برارمنی مسئله‌سی بیه قیدایتمه مشدر .

مناسبات خصوصیه لرنده تورکرله ارمنیلر آرسنده کی مودت هر دورلو حدودی تجاوز ایدردی . آناطولی کویلرنده ساکن برتورک برای تجارت اوزاق بریره کیده چکی زمان عائله سنک حقوق و ناموسنی قومشوسی ارمنینک تحت نظارت و وصایته تودیع ایدر وارمنی ده عینی اعتمادی تورک قومشولرینه قارشو ابرازدن چکینمزدی .

نه آناطولیده ، نه روم ایلیده نه ده حتی استانبولده هیچ برارمنی یوقیدی که ارمنیجه بیلسون . بوتون مکتبلرده ارمنی خروفتایله تورکجه اوقودیلور و کلیسایلرده آیین روحانی تورکجه اجرا اولونوردی . دولتک الک مهم مناصبنه ارمنیلر ترفیع ایدلمش ، خلاصه ارمنیلر بودولت عثمانیه نیک الک صادق تبعه‌سی تلقی ایدلمشدی .

عثمانیلر کردستان بکلرینی دائره مطاوعتلیرینه آلدقیزی زمان اونلرک زبردادرلرند یاشایان ارمنیلرک برحکومت مستقله‌لری یوقدی . ارمنیلر کورد بکلرینک اداره‌سی آلتنده اولدقجه محسوس برتضییقه معروض بولنیورلردی .

سفر مورغتتاو نه دیرسه دیسون ، تاریخک شهادتلیرینی انکارایتمک نه قدر چالیشیرسه چالیشسون پروغراملرنده کی عدالت و تسامح الک سریع برصورنده اتساع و تشککلرینه یکانه مدار اولان ایملک عثمانیلرلردن کوردکلری معامله رفی و مروت ارمنیلری تورکرله قارشو متتدار بیراقش و بش عصرلق بر مدت ظریده فنر ارمنی - تورک

اختلافی کوروله دیک کی تورکک لسانیه تکلم ایتمین، تورکک عاداتی معتاد ایدینمین هیچ برارمنی قلاماشدی .

فاتح سلطان محمد خان استانبولی فتح ایتدیکی زمان ناصلکه هیچ بر تضیق خارجی نتیجه سی اولمایه رق صرف کندی تمایلات اصرارانه سی تأثیریه روم بطریقخانه سی ابقا وروملره امتیازات مذهبییه نامی آلتنده بر جوق حقوق خصوصیه بخش ایتش ایسه آناتولینک ایچ طرفلرنده عناصر اسلامیه آره سنده پک عاجز راقلیت حانده یاشامقده اولان ارمنی عنصرینک حقوق و منافعی دهاییقیندن محافظه ایده بیلیمک ایچون طوغریدن طوغرییه پایتخت سلطنتده برارمنی بطریقخانه سی تأسیس ایتش ارمنیلرده روملره بخش ایتدیکی حقوق و امتیازات خصوصیه یی احسان ایله مشدر .

تاریخچه عثمانلی حسیات مروتکارانه سی اثبات ایده جک بر حادیه تصادف ایتدکری زمان بونی در عقب دیناً نجس تلقی ایدیلان خرستیان اموریه اشتغاله تنزل ایتمه مک مقصدینه حمل ایتمکدن اوتانمایان بعض آوروپالی مورخلری تقلیداً معهود ماندلشتام دخی کتابنک ۱۹۰ نجی صحیفه سنده عینی مطالعاتی در میان ایدیور .

اوروپاده « اقلیتک حقوقی » دنیلان نظریه دن ذره قدر اثر بولونمادینی بر زمانده ده ۱۴۶۲ سنه میلادی سنده بر عثمانلی پادشاهی دوره سلطنت و عظمتنک اک یوکسک نقطه سنده بولندینی صروده استانبول روم بطریقخانه سی ابقا وروملره مذهبی امتیازات نامی آلتنده نکاحه ، وراثته و تدریساته متعلق بر جوق حقوق خصوصیه بخش ایدیور، آناتولیده کورد دره بککرینک تحت نفوذنده یاشامقده اولان خرستیان ملت ایچون ده پایتختنده بر بطریقخانه تأسیس ایله یوز واونلرده عینی حقوق و امتیازاتی ویریورده بومعامله بوکون ماندلشتام کی بر طاقم حیاسز انسانلر طرفدن اسلامک خرستیانلره عائد امور ایله اشتغاله تنزل ایتمه سی حسیاتنه حمل ایدلمکدن چکینلمه ور . بونه قدر بویوک بر انصافسز لقدر .

عجبا اون بشنجی عصرده اوبونوک عثمانلی پادشاهنک بخش ایتدیکی بوامتیاز بوکون آمریقا رئیس جمهور ی ویلسونک جهان مدنیتنه قبول ایتدیرمک ایسته دیکی « اقلیتک محافظه حقوقی » پرنسپینک اک یوکسک ر نمونه سندن باشقه برشمیدر ؟ اوستریا ایملره عقد اولنان « سن ژرمن » ماهده نامه سنه دیزج اولنوبده رومانی و یوغو اسلاو حکومتلری طرفدن قبول ایدلمک ایسته نیله یین بو پرنسپ عجباً ممالک عثمانیه ددیکی خرستیان اقلیتلری ایچون حضرت فاتحک بخش ایتدیکی امتیازات و حقوق خصوصیه درجه سنده واضح و واسعمیدر ؟

ارمنیلر آنجق بو امتیازات مذهبییه سایه سنده دینلری و ملتلری محافظه ایده بیلدکرینی پک اعلا بیلور و بونک ایچون کورد دره بککرندن کوردکری بعض

تضییقاته قارشو تورکر و باخصوص تورک حکومتی ایله پک صمیمی برحیات مودتکارانه ادامه ای دیورلردی. ارمنیلرک اون طقوزنجی عصر دن اول دخی کوردستانده دره بکلرندن شویله مظالم و بویله اشکنجه لر چکم کده اولدقلرینی زار زه سکی و سائره کی بر طاقم محررلرک اثرلرندن فقره لر آله رق اثبات ایتمک چالیشان موسیو ماندلشتام فرانسر اختلال کیرینه قدر آور و پا ده خلقک چکدیکی مظانی عجبا تخطرایتمک ایسته میورمی ؟ اوزاغه کیتمک حاجت یوق صوک روس اختلالنه قدر موثرقلرک روسیه ده کی حیاتی ارمنیلرک تورکیه ده کی حیاتندن دهامی مرفه ایدی ؟ اوتامه دن شیمیدی ده کنیدیسی روس اختلال اخیرینک اک حار مروجلرندن کوسترمک چالیشان مانده لشتام روس کویلو سنک یقین زمانه قدر روسیه ده دره بکلرندن چکدیکی مظالمه دائر اولان روس اختلال اثرلرینی عجبا بزم او قومامش اولدیغیمیزی ظن ای دیور ؟ اگر بو اثرلرک مبالغه لی اولدیغنی ادعا ایتک جرأته قیام ایدرسه بز ماندلشتامک یالان سویله دیکنی بلا پروا ادعا ایدرز ..

بناء علیه ینه تکرار ایدرز که تا ۱۸۵۳ — ۵۵ قریم سفرندن صوکره یه قدر ارمنیلرله تورکر پک مودتکارانه بر صورتده برلکده یاشاماشلر و تورکر طرفندن ارمنیلره قارشو هیچ بر تجاوز وقوع بولمامشدر .

وقتا که روسلر بویوک بر انهماک و حرص استیلا ایله تورک امپراطورلنی اوزرینه صولت ایتمک باشلادیلر ، تأمین موفقیتلری ایچون روم ایلی و آناتولیده کی خرستیان عناصرینی آلت اتحاد ایتمک پک عاقلانه برسیاست تلقی ایتدیلر و روم ایلنده صره سیله رومنه ، روم ، صرب و بولغار عناصرینی قوللاندقلری کی آناتولیده ده کورجیلردن صوکره ارمنیلری استخدای مناسب کوردیلر . غریبدرکه ماندلشتام کتابنک ۳۰۰ نجی صیفه سنده مستبد روسیه نک تورکیه ده کی خرستیان ملتلرینی تورک استبدادندن قورنارمق خصوصنده کی مساعیسنک روس اختلالجی حکومتی طرفندن تمامیه تصویب ایدیه جکنی سویله دکدن صوکره « کنیدیسی پک شدید بر استبداد آلتنده یاشایان موثریک دائما روملری ، بولغارلری ، صربلری اسارتدن قورنارمق مقصدیه حرب ایتمشدر . » ادعاسنده بولونیور . بو خرستیاناغمده شبه ایتدیکنمز موسقوف یازنجیسی دخی تعصی هر دورلو تخمینک فوقده اولان موثرینی کنیدی کوبنده ده ا زیاده اسیر یاشامغه راضی ایتک ایچون « مسلمانک الدن خرستیانی قورناراجقسک ! » نداسندن ده موثر نه تصور ایده ییلوردی ؟ بوئر هپ بوتون دنیانک نفرت ایدرک قورقدینی مشهور موسقوف سیاستدرکه چارقله برابر محو اولوب کیتش اولسنی بوتون عالم انسانیتک سکون و استراحتی نامنه تنی ایتمکدن کنیدیسی آلاماز .

شوراسنی ده اعتراف ایتک لازم کلیرکه اون طقوزنجی عصرک واسطنده اور و پا ده

ارتق کرکی کبی انکشاف ایتمکه باش-لایان ملیت جریانلری برای تحصیل و تجارت اوروپا و آمریقایہ کیتمش اولان ارمنی کنجرلینک ایقاظ فکرنه ومنسوب اولدقلری عنصرک دهـا مرفه برحیات خصوصیه و دهـا شخصی و متبارز بر حیات اجتماعیه و سیاسیه مالکیتی آرزو ایدہجک بر ذہنیت ایدیلرینه سبب اولمشدی .

ایشته بو ذہنیت روس دیپلوماتلری ایچون غیر مترقب بر نعمت کبی تلقی اولونمش اوزماندن اعتباراً تورکیا داخلندہکی ارمنیلرک دولت علیہنه اختلالی تأمین ایچون اللرندن کلن ہر شیشی یاقمقدن کری دور مامشلردر .

برایکی عصرلق سؤ ادارہک تولید ایتدیکی عسکری و اداری آنارشیلری بر طرف ایتک و دولتی بر طریق انتظام و مکملیتہ قویق ایچون اک رادیقالتدیرلرہ مراجعت ایتمکه قرار ویرمش اولان سلطان محمود خان ثانی اون طقوزنجی عصر بدایتلرنده استانبولده یکی جریلری احیا ایتدیکی کبی روم ایلی و آناطولیدہ بولنان درہـ بکلرینک دخی طرف طرف کسر نفوذینہ بذل ہمت ایتمش ایدی . بونلر میانندہ کوردستان درہـ بکلری ده اولدقجہ شدید ضررہـ معروض قالمشلردی .

فقط زوالی سلطان محمود بر طرفدن مملکتی داخلہـ اصلاح ایتک ایتہرکن ذیکر طرفدن بوتون تشکیلاتی موسقوف یاتختیدن اداره اولنان تہـ تہـل تہـ تہـر یانک مہـادی افساداتی یوزندن آیاقلانمش اولان روحلری تسکین ایدہ بیلمک ایچون بیک دردهـ دوچار اولمش ونہایت فرانسز وانکلیز وروسلرک تجاوازا تہـ معروض قالہرق ناواریندہـ دوتماستی کاملہـ ضایع ایتدکن صوکر ا روم استقلالنی طانیغہـ مجبور اولمشدی .

ونہایت ینہـ فرانسزلرک تشویقیہ علیہنه قیام ایدن مصر والیسی محمد علی پاشا عثمانلی تاج تختہـ کوز قویاجق قدر شاشقینقلر کوسترمش وتا کوتاہیہـ قدر عثمانلی مملکتی استیلاہـ موفق اولمشدی .

بو قدر مشکلات داخلہـ وخارجیہـ معروض اولان بردوانک یالکیز ارمنیلری دکل بوتون تبعہـنی نائل رفاه وسعادت ایدہجک تدابیر صائبہـ توسل ایدہ بیلہـ جکنہـ کیم احتمال ویرر ؟

سلطان عبدالمجید زمانندہ ایسہ ارمنیلر اویلہـ فوق العادہ امتیازاتہـ نائل اولدیلرکہ بونی حتی ماندلشتام بیلہـ کمال حیرتہـ ذکر ایدیور . مومی الیہـ اثرینک ۱۹۰ نجی صحیفہـ سندہ شویلہـ سویلور : « حتی ارمنی ملتی ۱۸۶۳ سنہـ سندہ بر حقیقی قانون اساسی بہ مظهر اولدی . بو قانون اساسی موجبہـ ارمنیلر استانبول بطریقخانہـ سندہ اجتماع ایتک اوزرہـ بر مجلس عمومی بہ مالک اولدیلر . مجلس عمومی ۱۴۰ اعضادن ترکیب ایدیور وبونلرک یوز یکریمیسی طوغریدن طوغری بہ ملت طرفندن انتخاب اولونیوردی . »

عجبا رئیس ویلسون اقلیتك حقوقی ایچون بوندن دها نافذ بر اصول کشفنه
مقتدر میدر ؟

ارمنیله بوقانون اساسی حکومت عثمانیه خارجدن هیچ بر تضییقه دوچار
اولمادن بخش ایتشدرد. ارمنیلرک اوزمانه قدر ابراز ایتدکری حسیات صادقانه دولتی
او قدر ممنون ایتشدی که «ارمنی ملت صادقہ سی» ایچون یکی بردورہ سعادت کشاد
ایده بیلجک یرماهیتده بولمان بوقانون اساسی بی بخش ایتدکه بر آن تردایتده مشدی.
مع هذا بوقانون اساسی ده روسلرک ارمنی ایشنه مداخله لری ایچون روسیله
مخصوصه تشکیل ایتشدی.

ارمنی اختلاجیلرندن بعضاری ده ۱۸۵۳ عثمانی-روس سفری ائناسنده روسلره
معاونتده بولونمشلردی. ایشته دها اوزمان باشلامش اولان تماسی روسلر هیچ
ضایع ایتهمشلر وارمنی اختلاجیلرینی تشویقندن کری دورمامشیلردی. تشویقات
تأثیراتی او قدر جابوق کوسترمشدی که ارمنی ملتہ قانون اساسینک تاریخ احسانندن
هنوز درت سنہ کچمش اولدینی برزمانده ۱۸۶۷ ده زیتونده ایلک ارمنی اختلالی
ظهور ایتشدی. بالطبع بوغیر مأمول قیام مسلح دولتی ده، تورکری ده درین درین
دوشوندرمکه باشلادی. باخصوص ۷۸-۱۸۷۷ عثمانی روس سفری ائناسنده روسیه
ارمنیلرله اناتولی ارمنیلرینک عثمانی اودوسنه قارشی کوستردکری مشکلات هر دورلو
تصویرک فوقه چیقمشدی.

اوصرمده ارمنی بطریق «نرسس» افندینک آیاستفانوسه کیدرک ارمنیلرک نائل
مختاریت اولملری ایچون روسیه چارینک حمایه و معاونتی طلب ایتسی ارمنیلرک اوزمانه
قدر مظهر اولدقبری «ملت صادقہ» شهرتی بالکلیه ازاله ایتشدی.

بولغار استقلالنی تأمین ایتدکن صوکرآ آرتق دولت علیه نک امور داخلیه سنہ
مداخله ایچون روسیه بوله مایه جغنی دوشونمش اولان روس سیاستی آیاستفانوس
معاهده سنہ ارمنیلر حقنده بر ماده مخصوصه علاوه ایتدیرمک صورتیله بوامکانی الہ
ایتمک ایسته میشدی.

عینی ماده - فقط دها باشقه برشکلده - بر این معاهده نامه سنہ ادخال اولوندی.
ایشته اوزماندن اعتبارآ ارمنی ایلہ کورد و تورک آره ندہ پک شدید تر حسن مخالفت
باش کوستردی.

اک بیوک شهرلردن اک کوچوک کویلره وارنجیه قدر بوتون ممالک عثمانیه داخلندہ
ارمنی اختلال قومیتہ لری طرفندن پک منتظم تشکیلات خفیه وجوده کتیرلیدی.
بو تشکیلات خفیه ارمنیلری کورد و تورکرک علیه نه متبادیاً زهرلیوزلر و شرقی اناتولیده کی
آلتی ولایتدن مرکب برارمنی ایالت ممتازہ سی تشکیل ایتده کچه ارمنیلرک راحت

دور ماملرینی تأمینہ چالیشورلردی . بالطبع ارمنیلرک بوتشبات اختلالیه سی نه تورک ونه ده کورد عنصرلرنجه نده حکومت عثمانیه حه مجهول قالمیوردی . ارمنیلرک مقصدی کندیسنه عددآ پک چوق فائق اولان کورد وتورکی کندی تحت اداره سنه ویره جک صورتده برارستان وجوده کتیرمک اولدیغنه کوره تورک و کوردکاملی ده بوارمنی آرزوسنک عدم حصولی تأمینہ معطوف اولمق ایجاب ایدیوردی . دها طوغریسی تورک و کورد اناطولینک خالص تورک و کورد اولان عظیم بر قسمنک ارمنیلک و سبلسیله روسیه طرفدن استیلا ایدمک ایسته نیلدیکی پک اعلا آکلایور وپوندن طولای ارمنی پی روسلر طرفدن کندی مملکتنه صالیورلمش بریلان تلقی ایتیمک مجبور اولیوردی .

اوتده بریده ظهور ایدن واک طاشغین ارمنیلر طرفدن وجوده کتیریلان بعض طغانلری نظر دفته آلان اوروپا دولتلری ینه روسیه نک تضییق تحتند ۱۸۸۰ تاریخده باب عالی یه ارمنی اصلاحاتنه دائر برنوطه ویره مشلردی . اوصرملرده بر طرفندن ده بولغارلر شرقی روم ایلی پی بولغارستانه الحاقه تشبث ایتشلردی . اساساً روسلار ارمنی مسئله سنی دائماً تورکیه نک خارجی ویا داخلی پک مهم مسئله ایله مشغول اولدیغی ضررده ایلری سورولر .

عبدالحمید ثانی اوزمانلر بومسئله بی شویله بویله اداره ایدرک بعض مواعید ایله ایثی یانیشدیرمشدی . فقط ۱۸۹۴ دن ۱۸۹۶ یه قدر دوام ایدن سنه لر ارمنی اختلال جیلرینک بالفعل ایشه باشلادقلری وهر طرفدن آز چوق اختلاللر وجوده کتیردکلری سنه لر در . ایشته بوارمنی اختلاللری بش آلتی عصر ظرفنده پک بویوک بر محبت متقابله ایله برآرده یاشامش اولان اوچ عنصری یکدیگرینک قاننه صوصا مشجه سنه یکدیگری علیه آتیلغمه سوق ایتش و اناطولی پی حتی استانبولی آل قانلره بویامش ایدی . شوراسنی ماندلشتم کی اکشید تورک دشمنلری بیله انکار ایدم یورلرک بوسنلرده کی وقایع اثناسنده بیله تورک ارمنی حقنده اوقدر شدید برغیض وکی بوقدی . برچوق تورکلر ارمنیلری صیانت خصوصنده یکدیگرینه رقابت ایتش و حتی استانبوله پک چوق تورک عائله لری قومشولری بولنان ارمنیلری کندی اولرنده صاقلامش ، اولومدن قورنامق کی اثر محبت کوسترمشلردی . برچوق رجال دولت استانبوله کومروک حمللری واسطه سیله یاپیلان ارمنی قتل عامی نفرته قارشوله مش ومنع فجایع ایچون اللرندن کلان هر شیئی یامقدن چکینمهمشدر .

مشیر فوآد پاشانک قضی کوی ارمنیلرینی صیانه توسل ایتدیکی تدابیر شدید هر کسک معلومیدر . ماندلشتم کتابنده فوآد پاشانک بالاخره دوچار اولدیغی فلاکتک سببی ارمنیلر حقنده کوستردیکی بومیلان تصاحبه عطف ایدیورسده بونک طوغری اولمادیغی استانبوله بیلمه ی بوقدر .

تقریباً یکی سده‌ن زیاده دوام ایدن بوقتللر ائسانسند کورد و تورکارندن ده پک چوق کیشیلر ارمنیلر طرفندن اولدیرلشسر و هرایی طرف ایجاد فضاچ و جنایانه عادتاً یکدیگرینه رقابت ایتشلردی . فقط ارمنی عنصرینک هر طرفده اقلیت تشکیل ایتکده اولسی کورد و تورکلرک غلبه‌سنی ایجاب ایتدیرمشدی . اکر ارمنی عنصری عددآ فائق اولسه‌یدی کورد و تورکلر نه قدر ارمنی اولدیرمشلرسه ارمنیلر اوندن فضله کورد و تورک اولدیرمکدن کری دورمازلردی . روم فترتی رمانده موره‌ده روملر طرفندن اولدیرلان تورکلر بواضعامزه اک واضح بر دلیل تشکیل ایدر . فقط اونلر تورک و مسلمان اولدقلری ایچون اوزواللیلر نامنه مرثیه خوان اوله‌جق لورد بایرونلر ، و بقتور هوغولر ظهور ایتهمش و اوخونین حادثات یالکسر عثمانولر طرفندن یازیلان تاریخ کتابلرنده ، برقاج صحیفه تشکیل ایتمکدن بشقه بر اثر بر اقامشدر . اداره مملکت حقنده کی قناعتلرم ایجابانندن اوله‌رق مملکتده حادث اولان وقایع اختلافیه‌نک اهالی واسطه‌سیله تسکینندن و باخصوص قتل عاملر ترتینندن نفرت ایدرم . چونکه بو طرز اداره مملکت ایچون ضرردن بشقه بر فائده تأمین ایدمیه‌جکی کی مملکت پک و تزیه اولان تاریخی صوک درجه‌لرده لکهدار ایدر .

بو حس آشانی یوقاری تورک ملیتپرورلرینک وجوده کتیردیکی « کنج تورک » اختلافیلرینک همان کافه‌سند موجود بولوندیجی ایچون بو ۱۸۹۴ : ۱۸۹۶ ارمنی وقایعنی عبدالحمید ثانی‌نک برخطای سیاسی و کندی استبدادی ادامه ایچون توسل ایلدیکی بر تدبیر ظالمانه تلقی ایتدیلر . و اوزمان اوروپاده بولنان احمد رضا بک و رفقاسی بوقطئه نظردن ایشی محاکمه ایدرک ارمنی اختلافیلرینه پک بیوک مظاهرتده بولوندیلر .

بیم کی داخلده بولنان اختلافیلرده عینی نظریه‌نی قبول ایدرک تورکلک و علی‌الخصوص عثمانلیق ایچون پک بیوک مضرتلر تولید ایدمیه‌جک بر ماهیتده انکشاف ایدن ارمنی قتل عامندن طولایی عبدالحمیدی اتهام ایتمکدن چکینمه‌دیلر .

تورک اختلافیلرینک بوتمایلات بی طرفانه‌سنی کورن ارمنی اختلافیلرینک ناموسلی قسملری او ائشاده وضعیتی ده کوزل تدقیق ایتمه باشلامشلردی . بر طرفندن باقیورلردی کروسر تورکیه ارمنیلرینک نائل محترابت اولملری ایچون صوک درجه‌لرده صرف مساعی ایدیورلر ، فقط دیگر طرفندن ده قافقاسیه ارمنیلرینی استبدادک الکاهر تاثیراتی آلتنده بولندیریورلردی .

حتی روسیه‌چاری اناطولی شرقیده هیچ برشمندوفر یاپدیرلماسی تعهداتی مقابلنده ۱۸۹۶ اختلافلندن صوکره قافقاسیه‌یه التجا ایتش اولان ارمنیلرک ممالک عثمانیه‌یه عودتلرینه مساعدده ایدلمه‌جکده دائر عبدالحمید ثانی‌یه وعد قطعیده بولنیوردی .

روسیه‌نک عثمانلی اعمر اطورانی وارمنیلر ایچون بسله‌دیکی نیت خالصانه‌نک درجه‌سنی کوسترمک ایچون بوندن بلیغ بر مثال اهله‌ماز .

هیچ کیمسه انکار ایده مزکه بر مملکتده رفاهک اڤ ییوکی عمران سایه سنده
تکون ایدر . عمران ایسه شمندوفرلرک ، شوسه لرک انشاسیله باشلار . بریاندن
ارمنیلرله مسکون ولایتلرده تأمین رفاه وامنیت ایچون اصلاحات طلب ایدن روسیه ،
بویاکی املک اڤ اساسلی وسائط استحصالیه سندن اولان شمندوفرلرک انشا ایدله مسنی
طلب ایدیور . عجبا ماندلشتم جنابلری بونی نه ایله تأویل ییورورلر ؟ کتابلرنده
یالکیز بونی ادعا ایدن بر اوروپالی محرری تحقیر ایله اکتفا ایتمشله . حالبوکه تحقیر
ایتمک اثبات ایتمک دکلدر .

روس سیاستنک بو ایکی یوزلی شکلی ناموسلی ارمنی اختلاجیلرینی جدآ
دوشوندیریور و « ارمنیلکی نائل مختاریت ایده لم دیر کن تورک بیوندوروغندن یوزیک
قات اشنع اولان روس بیوندوروغنه دوشورمه یلم » ملاحظه سنده بولوندیریوردی .
بناء علیه تورک اختلال قومیتلرینک بوتون عثمانلی ملکنده وبوتون عثمانلی ملتلرینی
نائل رفاه ایده جک تدابیر اصلاحیه یه توسل ایتمکدن عبارت اولان نقطه نظری ارمنی
قومیتلرینک اڤ ناموسلی واڤ اساسلیمی اولان « طاشناقسوتیون » قومیته سنجده
پک لایم تلقی اولنیوردی .

بیم بوادعای ماندلشتم جنابلری ده قول مجرد عطف ایده مزله . زیرا اتحاد وترقی
جمعیتنک ۱۹۰۷ سنه سی کانون اولده پارسده انعقاد ایدن قولغره سنه اشتراک ایدن
طاشناقساغانلر همان همان بوکا قریب افادانده بولتمشله واتحاد وترقی ایله تشریک مساعی
ایده جکلرینی وعد ایله مشلردی . بوندن سوکره ۱۹۰۸ سنه سی آغستوسنده استانبولده
کوروشدیکم طاشناقسوتیون رؤساسندن معلومیان افندی [آغونی] ارمنیلرک معروض
اولدینی بوروس تهله کسندن بالذات بکا برقاچ دفعه لر بحث ایتمشلردی .

فقط ینه ارمنی اختلال قومیتلرندن معدود اولان خیمه چا کیست وخیمه چا کیست ره فورمه
کبی رؤسایله افراندن برچوقلری روسیه یه صالتمش اولان قومیتلر تورک قومیتلرینه
قطعیاً یاناشمیورلر و روسیه نک حمایه سی آلتنده بر ارمنستان تشکیل ایتمک فکرینی
پروغرا ملرینه پرنسب اوله رقی قبول ایدیورلردی . برطرفدن بو قومیتلر مرخصلرینک
برطرفدن یه عینله ارمنی اختلال تشکیلاتی کبی تلقی ایدیله بیله جک اولان روس
قونسولوسخانلرینک داغیتدقلری پاره لر سایه سنده ره بان پاریمسی دخی روس چارینک
حمایه سی اسلام خلیفه سنک حمایه سنه ترجیح ایتمک لازمکله جکنه دائر موعظه لرده
بولونمقدن کری دورمیورلردی .

ایشته ۱۹۰۸ انقلابی ارمنی وتورک اختلاجیلرینی بو وضعیتده بولدی .
اساساً سلاسیکده تشکل ایتمش اولان اتحاد وترقی جمعیت خفیه سنک سیاست
داخلیه پروغرامی « مدحت پاشا » قانون اساسیسنک اعاده مرعیتی ایدی . بوقانون

اساسينك تولى ده عثمانلى ملككنده « اداره جامعه عثمانيه » وتوسيع ماذونيت اساساتنك تطبيقى ايدى .

حالبوكه مكدونيا بولغار قوميته سبيله نيتىكى تهر يانك اداره ايتدىكى مكدونيا روم قوميته سنك وینه مكدونيا حرب قوميته سنك و آرناد ، ارمنى ، عرب اختلال قوميته لر ينك پرنسپللىرى « سياسى عدم مركزيت اداره » اصولى ايدى .

« سياسى عدم مركزيت » ديمك بو مختلف عنصرلر ك ياشادقلىرى منطقه لره مختاريت داخله ويرمك وجهه سنى « عثمانلى ايمپراطورلى » نامى آلتنده اداره يه چالشمق دىن عبارت دى . اكر عثمانلى ايمپراطورلغنى انقسانى بوتون جان وكوكلدن آرزو ايدن وبونك ايچون بىك دورلو انترقه لره قيام ايله ين خارجى دشمنلر اولسه ايدى ، « اتحاد وترقى » جمعيتى ده پرنس صباح الدين بكك بك حرارتلى برمدافى اولدينى بو پرنسپى قبول ايتكمده بردقيقه تردد اينزدى . فقط سوريه يه كوز ديكمش اولان فرانسلر لره مهزوپوتاميايه وبوتون لبنان شبه جزيرده سنه تصاحب ايدن انكليزلر و شرقى اناتولى اياالتلىرى اله كچيرمك فرصتى كوزمده ين روسلر ومكدونىاي پايلاشمق ايسته ين بولغار ، صرب ويونانيلىر وارناودلغى ال آتمغه چالشان اوستريالىلر لره ايتاليانلر وینه بحرسفيد اطلرلى بنمسه ين يونانيلىر « سياسى عدم مركزيت اداره » پرنسپينك وجوده كتيه چكى بوايالتلىرى برر برر يوقمق ايچون عجبها هيچ برمشكلات چكرلرمى ايدى ؟ بزم « عدم مركزيت » پرنسپيمزك ماهيتى اوستريا حكومتنك عدم مركزيت پرنسپيلرينك ماهيتندن دهامى قوتلى اوله جقدى ؟ بو پرنسپ « چه قو — سلووا قلىر » ، « خرواندك » ، « سلوودنلر » اوستريادن بالكله ايرلىق حقدده كى املايرنى ابطال ايدمىلدىمى ؟ بزم حكومت مركزيه مزك قدرت و وسائلى اوستريا حكومت مركزيه سنك قدرت و وسائلىندن دهامى مؤثر اوله جقدى ده بزم دهامتنوع ودها خريص اولان دشمنلر يمزك آنترقه لر ينه قارشى بو مختار اياالتلىرى محافظه ايدمىلهمه مزى تأمين ايدمىلجكدى ؟

كريد جزيرمى سنك نائل اولدينى مختاريت اداره دن ده اواسع هيچ بر مختاريت اداره تصور اولونا ماز كن كريدللىرى يونانستانه التحاق املندن صرف نظر ايتدبرمىلجكمى ؟ قبريس اطه سى انكليزلر ك اشغال موقبللى آلتنده بك مستتنا بر حيات كچير برن هرسته بو اطه نك مجلس اداره سى يونانستانه التحاق رانلرلى تكرر ايتيورمى ايدى ؟ بيوك بر مختاريت اداره يه ملك اولان روم ايلي شرقينك بولغارستان طرفندن التحاقه مانع اولمىلجكمى ؟

ايلات ممتازمك الواسع نمونلرندن برى تشكيل ايدن مصر ك انكليزلر طرفندن اشغالى مشكلات ايله مى وقوع بولدى ؟

«کوهیت» شیخی مبارک الصباح عصر لردن بری خلافت عثمانیه تابع ایکن انکلیز حمایه سنی قبول ایتدیکی ادعاسیله انکلیزلر «کوهیت» جزیره سنی تصاحبدن چکیندیلمی؟

خطه عراقیه اهالیسنکده غنی آرزوی اظهار ایتدیکی ادعاسیله انکلیزلر اورالری ده کندی حمایه لرنده عد ایتملی کوچ بر شیعی ایدی؟

غنی ملاحظه فرانسزلر حقنده سوریه ایچونده وارد دکلمی ایدی؟
ماکدونیا و آرناوودلی شرقی روم ایلی و بوسنه هر سگدن فرقیلی تلقی ایده جکدک؟

ایشته سزه بر سوری سؤاللرکه «سیاسی عدم مرکزیت اداره سی» طرفدارلرینک یونلره معقول جوابلر ویره بیله جکلرینی هیچ تصور ایدم.

زنی «تورک سیاستی» یامش اولقله اتهام ایدلره غایت قطعی بر لسانله بیان ایدرمکه ز تورک سیاستی دکل، جامعه عثمانیه سیاستی یابدق. اگر «عدم مرکزیت اداره» پرنسپینی قبول ایتسه ایدک اتحاد و ترقی جمعیتی او زمان «تورک سیاستی» یامغه مجبور اوله جق و بوتون محلی مختاریتلره مظهر اولان اقسام ممالک میاننده منحصر آ تورکلرک ساکن اولدینی ولایتلرده تورکلر ایچون مختاریت محلیه اعطاسنه قیام ایده جکدک. بناء علیه «عدم مرکزیت اداره» طرفدارانک تورک عنصرینه منسوب اولانلری درکه حقیقتده تورک سیاستی تعقیب ایده جکلردی، زلر ایسه جامعه عثمانیه سیاستی تعقیب ایتدیکمزدن طولانی مرکزک یعنی ایمپراطورلق حکومتک ولایتلر اوزرنده کی نفوذینی تنقیص ایتمه مکله برابر محلی اداره لرینه مأذونیت واسعه بخش ایتکی و اردویی تفرقه یه دوشورمه کی اساس مسلك اتخاذ ایتدک.

فقط تورک کنجلیکی، بئلکی آکلامش اولان و عنصرینک ترقیاتی نامنه مجادلاته قیام ایدن عناصر مختلفه عثمانیه آره سنده یالکز تورکلرک دلیلسز و کیسه سز قالمش اولدینی تقدیر ایدرک تورکک علماً، عرفاناً و مزیتاً یوکسلمسینی تأمین ایچون صرف مساعیه قیام ایتش. بونی اتحاد و ترقی منع ایتمک صلاحیتی حائز اولمادینی کبی «عدم مرکزیت اداره» طرفدارلرینکده منع ایتمک ایسته یه جکلرینی ظن ایتیه یورم. عثمانلی ایمپراطورلغنسک لسان رسمیسنک تورکجه اولسنی طلب ایتمک عناصری تورککشدرمک ایسته مکمیدر؟ عثمانلی ایمپراطورلغنده تدریساتک حکومتک قونترولی تحتنده جریان ایتدیکنی و یک نسق اولسنی آرزو ایتمک عناصر سائرینی تورک یامق ایسته مکمیدر؟

استانبولده اعلان مشروطیتله برابر «اخاء العربی»، «چرکس تعاون جمعیتی»، «کورد قلوبی» «ارنبود قلوبی» و سائره کبی بر چوق ملی جمعیتلر تشکل ایتدیکی

صره ده برده «تورك اوجاڭى» آچيلمىش اولماسى نهدن طولايى اتحاد و ترقى حكومتىك توركىي اولمىنى ايجاب ايتديرسون؟

بن كندى حسابمه هرشيدن اول عثمانلىم، فقط اوندن صوكرا تورك اولديغمى هيچ اونوتماق و بو عنصرىك عثمانلى ايمپراطورلغنىك تمل طاشى اولديغنه تماميله قانعم و عثمانلى ايمپراطورلغنىك عرفاناً، مدنيتاً تعاليسى جامعۀ عثمانيه يي قوتلشديرر و عثمانلى ايمپراطورلغنىك تأييد ايدر. چونكه اساساً عثمانلى ايمپراطورلغنىك تورك تأسيسات عاليه سندندير. بوكا مثال آرانيرسه بوكونكى الم وضعيتمى ارأئه ايدم بيليرم. ايسته عربلر استحصال استقلال اميليله اختلال ايتديلر، نه وضعيته دوشديلر؟ بونى يوقا ريده ايضاح ايتدم. مصر، جامعۀ عثمانيه دن فك رابطه ايدر ايتمز انكليز حمايه سى آلتنه كيردى. كنجلىرى بو حمايه دن قورتولمق ايجون اختلال ايدنجه انكليزلك قهار ضربه سى آلتنده ازيلديلر. فرانسلر سوريه نك اقسام ساحليه سييله جبل لبنانى كافى كورمه يه رك اقسام داخلىه سنى ده تحت اشغاللرينه آلمق ايسيتورلر.

بورالرده عثمانلىلقدن بحث ايدن وارمى؟ بالعكس «الحمد لله عثمانلىلقدن قورتلدق» نداسى بودولتلك نان ونعمتيله پرورده اولمش بز جوق خائنلرك آغزندن دوشميور. فقط تورك مبارك يوردى اولان آناطوليدين يوكسه لن تورك صدى سى ينه «عثمانلى ايمپراطورلغى» ترانه سنى تغنى ايدميور، توركك افواجق بر يوواسى اولان غربى توركيانك نجيب اولادى عثمانلى نام ميجلنى حرزجان ايدرك ادامۀ موجوديته چاليشيور. احوالده عثمانلى جامعۀ سنى تأمين ايتك ايسته ينلره اخطار ايدركه اونلرك اك ييوك وظيفه لرى توركى يوكسلىتمك، توركى ياشاتمق، توركى چوغالتمقدور.

هر كس طرفندن بيلمىسنى بك آرزو ايتديكم بو نقاط نظريى ايضاح ايدن شو كوچوك ملاحظه مك بى لزوم تلقى ايدلمه سنى رجا ايدرك خطراتمه دوام ايدميورم.

مشروطيتىك اعلانى متعاقب اتحاد و ترقى مركز عمومى سى عثمانلى ملكنده بولنان مختلف سياسى اختلال جمعيتلرني بر «جامعۀ عثمانيه» سياسى جمعيتى حالنده برلشديرمك آرزوسنى اظهار ايتدى.

بو مقصدله اول امرده مختلف بولغار اختلال جمعيتلريله تماسه كلذك. اك اول مشهور صاندانسكى و چرنه پويهف و رفقاسى ايله مذاكره يه باشلادق. بز عثمانلىلىق اساساتندن بحث ايدركن بو بولغار اختلالچىلىرى ماكدونيانك مختاريتى فكرلرندن برذره سنى سييله فدا ايتك ايسته ميورلردى. طاعت بلكه برابر اجراسنه مأمور اولديغمز بومذا كرات ائناسنده چك دكلر يمزى برالله بيلير برده بز. هله ايلك انتخاباتك اجراسى صره سنده منلك، پترىج، عثمانيه و جمعه بالا بولغار كويلرنده صاندانسكى ايله برابر

کچیردیکم کونلرک الم خاطر اتی هیچ اونوده مم . مع هذا اختلال قومیتلری آره سنده
اک زیاده آ کلاشه ییلدیکمزینه بونلردی .

اصل بولغار ما کرونیا قومیتلری کندی سیاسی پروگرامندن هیچ واز کچمک
ایسته میوردی . نه نینکی نه تهریا نامه برای مذا کره سلانیکه کلش اولان بر یونانلی
ایسه کریدک و سیسامک یونانستانه التحاق و دیگر یونان آطه لرینه مختاریت اداره
بخش اولنسی ، روم ما کدونیا سی نامی ویریلان حوالیه دخی غایت واسع امتیازات
ویرلمسی مقابلنده یونانستانه تورکیه آره سنده براتفاق عقد اولنسنی تکلیف ایدیوردی .
بالطبع بزم نقاط نظریمز یونانستانه آ کلاش مق دکل ممالک عثمانیه داخلنده کی روملری
اتحاد و ترقی جمعیتی ایچنه آلمق و بوضورتله بر جامعه عثمانیه وجوده کتیرمک اولدیفندن
بو تکلیفلری رد ایتشدک .

۱۹۰۸ سنه سی آغستوس ائانسنده مرکز عمومی موقه استانبوله کمشدی .
اوزمان بر طرفدن پرنس صباح الدین بک و دیگر طرفدن ارمنی قومیتلریله عینی اساس
داخنده مذا کره یه کیریشدک .

بزم طرفدن بن ، طلعت بک و بهاء الدین شا کر بک بولنیوردق . پرنس صباح الدین
بک طرفدن دو قوتور نهاد رشاد بک اثبات وجود ایدیور ، ارمنیلردن ده معلومان
وشاهریکیان افندیلر مذا کرانه اشتراک ایدیوردی . عدم مرکزیت اداره پرنسیپلرینک
حکومت عثمانیه ایچون تولید ایده ییله جککری بوتون محاذیری بونلر اوکنده برر برر
تعداد ایدیوردق .

پرنس صباح الدین بکک پرنسیپلری ایله طاشناقسوتیون جمعیتک پرنسیپلری آز
چوق توافقی ایتدیکنندن اونلر عینی طرزده جوابلر ویریورلردی . غریبدرکه دو قوتور
نهاد رشاد ارمنی اختلال جمعیتک ایسته دیکی امتیازاتن داها واسع امتیازات ویرمه
طرفدار بولنیور و بونلرک تولید ایده جکی محاذیری هیچ قبول ایتمیوردی .

نهایت معلومان افندی طاشناقسوتیون قومیتلری نامه شو تکلیفده بولندی :
« اتحاد و ترقی جمعیتی ایله طاشناقسوتیون جمعیتی عثمانلی ایمپراطورلغنده مشروطیت
اداره نیک تهلیکده دوچار اولسی نقطه نظرندن تشریک مساعی ایدرلر فقط اساس
پروگراملرینک تأمین استحصالنده هرا یکسی کندی مساعیسنده سربست بولونورلر .
یعنی طاشناقسوتیون جمعیتی کندی اختلال تشکیلاتی عملکته ادامه ایدر . شوقدرکه
شمدی به قدر خفی اولان بوتشکیلات بوندن صوکره آشکار بر جمعیت سیاسیة حالی
اکتساب ایدر و اعضاسی علناً ایفای وظیفه ایلر . »

بالطبع بو تکلیفی قبول ایتمکدن باشقه برچاره مز یوقدی . خلاصه اوچ درت
آی دوام ایدن تمادی مساعی و مذا کرانه رغماً هیچ برملتک سیاسی اختلال قومیتلری

اتحاد و ترقی جمعیتی داخله آلمغه موفق اوله مامشدق . چونکه اونلرک مقصدلرله بزم مقصدیمز آراسنده پک اناسلی فرقلر واردی : اونلر ایستورلردی که شیمدی به قدر بر جوق تهلکه به معروض اوله رق خفیاً احرا ایتدکری مختاریت واستقلال تشویقاتی بوندن صوکره علناً احرا ایتسونلر ومقصدلرله دهچابوق نائل اولسونلر . بز ایستوردق که حکومت عثمانیه نصل که بوتون عثمانلی ملتیرینک اجتماعندن حصوله کلمش بر حکومت ایسه اتحاد و ترقی جمعیتی ده بوتون عثمانلی ملتیرینک اسکی اختلال جمعیتلرندن مرکب بر جمعیت حاله کلسون وجامعه عثمانیه فیکرینک عموم ملتیرلرچون لازم القبول اولدیغی بوتون عثمانلیره اکلاتمغه ساعی وبونکله برابر مشروطیت اداره بی تهلکدن وقایه بی کامل بولونسون .

مثلاً فرانسه ده جمهوریت طرفدارلری نصل که جمهوریتی تهلکده کوردکری زمان عظیم برکته حالنده متسلطلر علیه قیام ایدرلرله بوتون اسکی اختلال جمعیتلرندن ترکیب ایده جک اتحاد و ترقی جمعیتی ده عثمانلی مشروطیت اداره سنه اوافق بر تجاوز حس ایتدکری وقت بوتون طرفدارلرینی قیامه دعوت ایتسونلر وفقط فرانسر جمهوریتلیرینک مختلف سیاسی قناعتلر بسله بن ذواتدن مرکب مختلف ناملرله دوجار انقسام اولدقلری کی اتحاد و ترقی جمعیتی داخلنده ده - فقط ملیت ومذهب اساسانی نظر دفته آلینامق شرطیه - احتیاجات عصریه نک تولید ایله دیکی مختلف قناعت سیاسییه مالک مختلف پارتیلر موجود بولونسون .

غایه لری منحصر آ ملی اولان سیاسی جمعیتلردن هیچ بری بو تکلیفمزه یاناشمایدلر . چونکه اساساً کافسی تعلیماتلرینی خارجدن آیلورلر و بزه یالکز ظاهری بر روی تماشات کوستیریورلردی . اولجده عرض ایتدیکم وجهله ارمیلرک روس بویوندورغی آلتنه دوشمه لرندن پک زیاده قورقن طاشناقستون جمعیتی بزه اک زیاده طرفدار کورومش اولدیغی حالده اوبیله تشکیلاتی عیناً اها ایدرک مقاصد سیاسیهنک استحصالنه علناً چالیشه جغی درمیان ایتمشدی . ارمنی خینجا کیست و خینجا کیست ره فورمه لری ایسه بزمه مذا کره بیله یاناشماملردی . اونلرک رؤسای استانبول روس سفارتیه تماسلرینی علناً ادامه ایدیورلردی .

۱۹۰۹ سنه سی کانون ثانیمی ائشاننده حسین حلمی پاشا قاینه سی اتحاد و ترقی جمعیتک تلقیناتی تأثیراتیه شرقی اناتولی ولایتلرنده ارمیلرله کوردلر و تورکر آره سند کی اراضی اختلافاتی حل ایتک ایچون مذکور ولایتلره بر هیئت تقیشیه اعزامنه قرار ویرمشدی . هیئت تقیشیه ریاستنه اعیان اعضاسندن عدلیه مفتشی غالب بک تعیین ایدلش و رفاقته ایکی تورک و ایکی ارمنی اعضا ویرلمشدی . تورک اعضالردن بری آوروپاده بولوندیغی آناده طاشناقستون جمعیتی رؤسایله حسن

مناسبت ادامه ایتش اولان ارکان حرب بیکباشیسی ذکی بك و دیگرى بن ایدم . بنم بو هیئته ادخلی ینه طاشناقسوتیون رؤسایى رجا ایتشلردی . چونكه كندیلریله آغستوس ائناسنده سبق ایدن مكلاتمز صره سنده بنم درمیان ایتدیكم فكرلری بك عادلانه و بی طرفانه بولمش اولدقلىنى و اتحاد و ترقینك مركز عمومىسی اعضاسندن اولمقاعم حسیبله اجرا آتمك جمعیت افرادنجه اعتراضاته هدف اوله مایه جفتی سویلیور - لردی . تكلیفی مع الممنونیه قبول ایدهرك سلا نیکدن استانبوله کلدیم .

مع هذا حكومتك بو تشبثی مجلس مبعوثانده کی شرقی آناتولی مبعوثلرینك شدتلی اعتراضاته هدف اولدی . بو طرزده هیئت تفتیشیه لر اعزامك والیرك قانون اساسی ایله معین حقوق و وظائفه بر تجاوز تشکیل ایده جكنی ایلری سوردیلر . وقتك داخلیه ناظری اولان فرید پاشا ایسه مجلس مبعوثانده حكومتك نقطه نظرینی مدافعه ایدم دیکندن تا اوتوز بر مارت [۱۳ نیشان ۱۹۰۹] وقعه سنك آن ظهورینه قدر استانبوله بلا وظیفه انتظار ایتمه كنجبور اولشدیم .

اوتوز بر مارت وقعه سندن سوکرا ایسه بو فکر بالکلیه ترك ایدلدى . بنده ۱۹۰۹ سنه سی مایس نهایتلرنده اسکدار متصرفلغه تعیین اولوندم .

آطنه وقعه سی

استانبوله اتحاد و ترقی ارکانیه طرفدارانك كاملاً احساسی مقصدیه ایقاع اولنان ۳۱ مارت وقعه سنك اثنای جریاننده آطنه ولایتنده دخی تورک لرله ارمنیلر آره سنده عظیم بر قتال باش کوسترمشدی .

۱۹۰۹ سنه سی آغستوسی واسطنده آطنه والیلکته تعیین اولندیغم ایچون عثمانلی تاریخ مشروطیتنك الك الم وقایعندن بری اولان بو قتالک بسیقولوریک اسبابی بنم قدر تدقیق ایتش کیمسه یوقدر ادعاسنده ایم .

اعلان مشروطیتدن سوکره ممالک عثمانیه نك هر طرفنده خلق ، او درلرجه ده شیارمش ایدی که الك کوچوک ژاندارمهدن الك بیوک والیه قدر هیچ بر حکومت مأموزینك اهالی اوزرنده هیچ بر نفوذی قالمامشدی . حریت کلام کرک غزته لر و کرک ناس طرفندن بك فنا برصورتده آکلاشلمش و هر فرد آغزینه کلان هر سوزی هراسته دیکنه قارشو بلاروا سویله یه بیله جکنی ظن ایدیوردی . دورسابقده مطلقیت اداره ایجاباتندن اوله رق خلقی تحت تضییقه بولندیرمش اولان بعض والیرله بر چوق

مأمورین ملکیه وعدلیه وانضباطیه پک چیرکین و مغایر نظام نجاوزاته دوچار اولمش و مشروطیتدن اول حتی اتحاد و ترقینک اسمی بیله ایشتمه مش اولان برچوق محیطلرده برچوق توره دیلر برر قهرمان حریت کسپلرک مأمورین دولتی ایفای وظیفه دن منع ایده جک درجه لرده طاشقینقلر کوستر مشلردی .

مشروطیتک ایلک کونلرینه و مرکز عمومیده بولندیغم زمانه عائد خاطراتم بوکی وقایع ایله مالا مالدر .

مرکز عمومی بو طاشقینقلرک اوکی آلمق ایچون مقتدر اوله بیلدیکی قدر صرف مساعی ایدیور وانی کوتو هیچ بر فردک خلاف قانون اوله رق دوچار حقارت اولسنه مساعدده ایتمه مک ایسته یوردی .

جمعیت تشکیلاتی اولمایان لرلرده تشکیلات یاقیق و جمعیت نظامنامه سنک روحی خلقه آکلاتمق اوزره خصوصی مرخصلر کوندریور ایسه ده بو مرخصلرک حسن انتخابنده اکثریا موفق اوله میوردی . برچوق جمعیت مرخصلری نظامنامه مزک مملکتده محافظه موقع حکومتدن عبارت اولان اساساتی تقدیر اندمه یه یه رک اونلرده خلقک تمایلات انتظام شکنانه سنه پیرو اولیورلردی .

بالاخره اتحاد و ترقینک مخالفی صفتیه اورته یه چیقان بر طاقم پولتیقه جیلر استانبولده کی حریت مطبوعاتک طرز غریب مضربدن استفاده ایده رک هوملرینی جمعیت علیهنه بوجیه ایتمک باشلادیلر و مملکتی جدأ ایچندن چیقیله مایه حق بر آنا رشی به سوق ایندیلر . حکومت ، مرکز سلطنتده بیله هر نوع قدرت و نفوذدن عاری اولونجه ملحقاتک به حاللره دوچار اولدیغی تقدیر ایتمک مشکل دکلدر . هرولایت مرکزیده اولاتشکل ایدن اتحاد و ترقی شعبه لرینی متعاقب بو شعبه لرده بر موقع نفوذ اکتساب ایده مه یئرلر استانبولده بری بری آردنجه ظهور ایتمک باشلایان مختلف ناملرده کی سیاسی جمعیتلرک شعبه لرینی تشکیل ایتمک و بوسایه ده کندیلرینه برر تفرد واسطه سی ایدنمک قیام ابله دیلر . اسلام و تورک اهالی بو طرزده دوچار انتقام و اختلاف اولدیغی کی خرسیتیان اهالی دخی کندی خصوصی قومیتلری تشکیلاتی ظاهره چیقارده رق اونلرده کندی پروگراملری دائره سنده ابراز فعالیت به باشلادیلر .

آطنه ولایتی اهالی سنک اکثریتی تورکرلر تشکیل ایدر . بونلردن صوکره ارمنیلر ، متعاقباً « عرب اوشاق » نامی ویریلان عربلر و متعاقباً روملر کلیر . ولایتک نفوس عمومیه سی بشیموز اللی بیکی متجاوزدر . بونک تقریباً آلتش بیس قدری ارمنی ، یکریمی ، یکریمی بش بیکی « عرب اوشاق » اون ، اون بش بیکی رومدر . متعاقبسی کاملاً تورکدر .

همان کافه سی چفتجیلکله مشغول اولان اهالی آره سنده عصرلردن بری غایت بیوک برحسن امتزاج موجود بولنیوردی .

شوراسی غیر قابل رد و جرح حقایقند که اطنه ولایتی عثمانیلردن چوق اول تورک ایدی و عثمانیلر بو دیاری « رمضان اوغللری » دینلن طوائف ملوک اتر اکن بر عائله نك لندن المشلردر . کرچه کلکیا دینلن بو قطعه ده اهل صلیب زماننده بر ارمنی قرالیتک یشادیفی تاریخ قید ایدیورسده بو قرالیتک زماننده بو قطعه نك بر چوق تورکلر طرفندن مسکون اولدیفی و تورک دره بکلرینک ارمنی قرالیتنه هیچ امان و یرمه دکلی حقایق تاریخچه دندر .

شیمدی اطنه ولایتده یاشایان ارمنیلردن بر چوقلری اکتساب ثروت املیه اون طقوزنجی عصر ظرفنده دیار بکر ، سیواس و معموره العزیز طرفلردن هجرت ایتش آدملردر .

اصل یرلی اطنه لی ارمنیلر ولایتک منهای حدود شمالیه سنه تصادف ایدن « حاجین » قصبه سیله قوزان سنجاغنک مرکزی اولان سیس قصبه سنک ر قاق کوینده و اسکندرون کورفزی ساحلنده کائن درت یول قریه سیله اوکا جوار ر قاق کویده ساکن ارمنیلردر .

عرب اوشاقلر ایسه دور عبدالعزیز خانیده لازیه سنجاغنده کی رافضیلرک تأدیبی ضره مند او زمان اهالیسی پک آز و اراضیسی پک منبت و محصولدار اولان اطنه اووه سنک اعماری مقصدیه اورالردن نقل ایتدیرلش اشخاصدر . ولایتک تورک و ارمنی بوتون خلقی اولجده عرض ایتدیکم وجهله یکدیگرینه قارش بر اعتماد متقابل داخلنده یاشیورلر و آره لرده هیچ بر اختلاف محسوس بولونموردی .

بر درجه ده که ۱۸۹۴ : ۱۸۹۶ اختلال و قتاللری اثناسنده اطنه ولایتی داخلنده هیچ بر حادته ظهور ایتهمش و بو مجادلاتک کندی ولایتلرینه سرایت ایده مه می ایچون تورک و ارمنیلر متحداً صرف مساعی ایتشلر و موفق اولمشلردی .

اعلان مشروطیتدن سوکرا اطنه ده تشکل ایدن تورک سیاسی جمعیتلرینه مقابل ارمنیلرده طاشناقسوتیون ، خینچا کیست و ره فورمه خینچا کیست شعبه لرینی احداث ایتدیلر و ده دوعریسی اسکیدن موجود تشکیلات خفیه لرینی میدان چقازدیلر .

او زمان اطنه ارمنی مرخصه لغنده بولنان « موشهغ » افندی اسمنده کنج و صوک درجه لرده خریش شهرت بر پاپاس عینی زمانده خینچا کیست رؤساسندن بولنیوردی . بو آدمک اخلاقسز لغنک درجه سنی ارمنیلر نیله سویله یه سویله یه بیتره مزلر . اکر بالذات ارمنیلردن ایشتدیکم حکایه لر صحیح ایسه هر درلو شاعت اخلاقیه بو شخصده اجتماع ایتشدر دینله بیلر .

« مونسنور موشهغ » اعلان مشروطیتی متعاقب کندیسنی عادتا اطنه ارمنیلرینک اک بویوک دینی و سیاسی رئیس موقعه نویمشدی .

حکومت مأمورلرینک ضعف و عاجزندن اڤ بی ادبانه بر صورتده استفاده ایتمکه قیام ایدن بو پایاسک بر کون مجلس ادارهده والیه قارشى فوقالعاده حقارت آمیز معاملهلرده بولندیغی وهان کیدوب ولایت ژاندارمه قومانداتى طوقاتلايه جغى بیانله پرحدت مجلس ادارهي ترك ایتدیکنی بکا حکایه ایتشوردی .

اوصرده بر چوقارمنی کنجلرینکده مونسینور موشهغه ظهیر اولمغه باشلادقلرینی واوتهده بریده عقدایتدکری متینغلرده ارمیلرک ارتق تورک بویوندرغندن قورتولملری زماننک کجیکمه دیکنى سوبله یه جک قدر ایلری واردقلرینی نه ارمیلردن ایشیتمشمدر . غایت محق اولق ایچون سوبله مک مجبوریتده یمکه « مونسینور موشهغ » ایله همپارینک بوطاشقیقلرینه طاشناقسوتیون مرخصی اشترک ایتور وبونک پک فنا نتیجهلر ویره ییله جکنی استانبولده طاشناقسوتیون مرخصلرینه یازیوردی .

مونسینور موشهغ بونکلهده اکتفا ایتیه رک کندی ادملرینی سلاخلندیرمق ایچون اوروپادن تفنک وروولور جلبنده باشلامشدی . اوصرده حکومت هرشی سربست بر اقدیغی کبی سلاح تجارتی و بناء علیه ادخالاتیده سربست بیراقشدی . مونسینور موشهغ « آرتق ارمیلرک مسلح اولدیغندن و بردها ۱۸۹۴ قتاللری کبی حادثادن قورقابه جقلرندن و بر ارمینک قیلنه خطا کلیرسه مقابلنده اون تورک محو ایدیله جکندن » اولو اورته بحث ایدیوردی .

مونسینور موشهغک بوشیارقجه تظاهرات و بیاناتی اظنه تورکلرینی تدابیرمقابله اتخاذه مجبور ایتشدی .

ایشته بوراده اوزمانکی اظنه حکومتنک اڤ بویوک مسئولیتی باشلار . چونکه برحکومت ایچون ضعیف وعاجز اولق مدار برأت اوله ماز . مونسینور موشهغک بو طغیانى اسلام اهلینک غلبانی موجب اولمغه باشلار باشلاماز موشهغ جنابلرینی ده ، اونک یارداقچیلرینی ده ، تورکلردن فساده مائل اولان اشخاصی ده یاقالادیغی حبس ایتک وحققرنده تعقیبات قانونیه اجرا ایتک وحتى لازم کلیرسه ولایتده اداره عرفیه اعلان ایله مک اڤ کسديرمه اجراآت اولوردی .

فقط اوزمان بویله قطعی اجراآتى حسن فهمی بکک جنازه آلاخی ترتیب ایدن جمعیت محمدیه طرفندن باب عالی جاده سنده دوچار حقارت اولان صدر اعظم حسین حلمی پاشا استانبولده بیله تطبیق ایدم بیله جک جرأت وتشبندن محروم بولنیوردی . حریت دیمک آنارشى دیمک اولمادیغی خلقه آکلامق حکومتلرک برنجی وظیفه لیدر . مع التأسف تورکیده ۱۹۰۸ سنه سی ثلث اخیریه ۱۹۰۹ سنه سی ثلث اولنده بویله برحکومت موجود دکلدی .

اوصرده اظنه ولایتده والی جواد بک بولنیوردی . حسن اخلاق ایچون نغمه

کوسترمک لازم کایسه جوادبك کوستربله بیلیر . فقط عجز اداره می ده حسن اخلاق ايله متناسب اولان بوذات اوصرده اطنه والیسکئی پابه بيله جك شرائطی حائر دکلدی . فرقه قوماندانلغنده ایسه فریق مصطفی رمزی پاشا اسمنده اختیار بر عسکر بولنیوردی . کنگجلیکنده بویوک بر شهرت فعالیت قازانمش اولان بواسکی عسکرده بوتون حیاتی ناموسکارلق ووظنرورلکله امرار ایتشدر . فقط ، اولا اختیار و ثانیاً وسائط انضباطیه دن محروم اولان بو محترم ذاتک ده اطنه ده قوماندانلق وظائفی پابه بيله جك شرائطه مالک اولدینی ادعا اولونه ماز .

جبل برکت سنجاغنده ایسه آصف بك اسمنده بر متصرف بولنیوردی که کولکه سندن قورقاجق . در جهلده جبین اولان بوذاتک نصل متصرف تعیین اولوندیغنی اکلایم . ۱۹۰۹ سنه سی ابتدالرنده اطنه ده هر کسک اغرنده دوران ایدن شایعات قریباً ارمنیلرک اختلال ایدرک تورکری محو ایده جکلرینه وبو وسیله ايله ولایتک اوروپا دونمائی طرفندن اشغالی و متعاقباً ارمنستانک تشکلی تأمین ایده جکلرینه دأردی . تورککر بو شایعاته اوقدر اینانمشردی که حتی اشرفدن بعضلرینک عائله لرینی امین برلره کوندرمکه توسل ایتهلری بيله واقع اولمشدی .

ارمنی طغیانی ائناسنده محو اولماق ایچون تدبیری بولونمق فکرلرینی استانبولده کی جمعیت محمدیه طرفندن اطنه ده کوندرمش اولان بعض اشخاصک تلقین ایتدیکی بکا حکایه اولونمش ایدیه ده بونک صحتی حقنده بر اماره الله ایدمه دم .

۱۹۰۹ سنه سی نیسانی ائناسنده طرفین مناسباتی اوقدر کرکینلک پیدا ایتشدی که اقشامه صباحه خلقلک بربری اوزرینه آتیه جقلرینه آرتق کیمسه شبهه ایتیمورمش . نهایت فیسانک ۱۴ نجی کونی مونسینور موشه غک امریله اک اول ارمنیلر طرفندن باشلایان تجاوزات ايله « اطنه وقعه سی » تگون ایتش .

اطنه ده ، طرسوسده ، حمیدیه ده ، میسیسده ، ارزینده ، درت یولده غرنزلیده خلاصه ارمنیلرک کثرتله ساکن اولدینی هر طرفده اويله مدهش قتاللر اجرا ایدلمشکه بونلرک تفصیلاتی اوقومق انسانی جدأ نفرتلره دوچار ایدر .

ولایت مرکزنده بك عاجز اولان حکوم ملحقانده اسلامک دوچار تجاوزات اولسی ایچون فقیر عام اصوله مراجعت اولونسنی امر ایده جك قدر بینسزلک کوسترمش درت یول ارمنیلرینک مسلح برجم غفیر ايله جبل برکت سنجاغی مرکزی اولان ارزین قصبه سنه طوغری ایرووله دیکئی خبر آلان متصرف آصف بك اوطنه سندن بيله چیقمایه رق بوتون لوا ملحقانده و جوار بولنان قوزان سنجاغنه « بوراده اهل اسلام قتل عام تهلکسنه معروض اولدیغندن وطنی وملتی سون هر تورکک سلاحی قاپارق جبل برکت سنجاغنک امدادینه قوشمسی لازم کله جکنه » دائر تلغرافلر یاغدرمش .

درت یول ارمنیلرینک اوزین اوزرینه یورودکری فی الحقیقه طوغریدر . وارمنیلرک مقصدی فی الحقیقه جبل برکت سنجاغی داخلده کی تورکری قتل عام ایتمکدی . فقط بر متصرفک او طه سنده اوطور مرق اهالی بی باشی بوش اجرا آته دعوت ایتیمی قطعاً عفو اولونه بیلیر جنایتلردن دکلدی . چونکه کندیسنی تهله که ده کورن خلق متجاوزلرک یالکیز مسلح اولانلرینی دکل قالدین ، اختیار وچوجوق کی غیر مسلحلری علیه نه تجاوزانده بولنه بیلیر وباخصوص جرأت ایده بیلورلردی . نته کیم بویه اولدی . ایشته ایلك اطنه وقعه سنک اسباب و عوامل تحدتی بونلردر . ایکنجی اطنه وقعه سی دنیلان و برنجیدن اون برکون صوکره ظهور ایدرک یالکیز اطنه شهرینه انحصار ایدن وقعه ایسه کیجه وقتی بعض ارمنی کمنجلی طرفندن عسکرک اردوگاهنه آتش ایدلمی اوزرینه باشلامش و اطنه شهری قتالک ده فنا برشکل آلمسنی انتاج ایتشدر . نم قناعتجه اطنه قتالک سبب مسئولی منحصر آ *les Vêpres Ciliciennes* محرر مشهوری مونسنیور موشه غدر . بوشخصک ایقاع ایده بیه چکی فناقلری وقتیه تقدیر ایدرک تدابیر مانعه اتخاذ ایتمین او وقتکی اطنه حکومتی ده کذلک بنجه مسئولدر . حادثه نک ظهورندن صوکره اداره بی بوسوتون الالردن قاجیره رق قتل عاملره ویغما کر لکره قارشو عاجز و مسکین وضعیتی محافظه ایتلری ایسه هیچ عفو اولوناماز . فقط شوراسی محققدرکه اطنه ولایتک رسمی و غیر رسمی بوتون مسلمان وتورک محیطی وقعه حدوثک ایکی اوچ آی اولدن بری اطنه ارمنیلرینک اسلاملری قتل عام ایتک اوزره حاضر لاقدمده و هرکون سلاحلر جلب ایتمکده اولدقلرینه تماماً قانع بولنیورلر و کندیلری جداً بویوک برتهله که ده کوریورلردی مونسنیور موشه غواونک توابی ایسه نطقلری و استاخانه تجاوزات لسانیه لریله بو قناعتی تقویه ایتمکدن کری دورمایورلردی .

بوقاریده ایضاح ایتدیکم پسقولوزیک اسباب یالکیز نم فکرک دکلدر . اوزمان اطنه قونسلوسلغنده بولان انکلیزیکباشیلردن موسیو دوینی وایلدخی عیناً بوقناعتده بولنیوردی . چناق قلعه محارباتی اثناسنده پک بویوک برقهرمانلق ابراز ایدرک وطن اوغرینه فدای حیات ایتش اولان بوقیمتلی آدمک الیوم برحیات اولوبده بوسوزیمی تصدیق ایتکه موفق اوله مادیغندن طولای پک متأسفم . تورکک و عرب اوشاقلرک قتال اثناسنده کوستردکری مدھش طاشقینقلری برلسان نفرله نقل ایله برابر وقعه نک اصل ظهورینه سبب مونسنیور موشه غ اولدیغنی امریقالی میسیوز میستر جیمبرس ایله طرسوس آمریقان مکتبی مدیری مستر قریستین ده بکا سوبله مشلردی . اطنه قتالی اثناسنده (۱۷۰۰۰) ارمنی و (۱۸۵۰) مسلمان اولشدر . بورقلر کوسترکه اکر اطنه ارمنیلر عدداً تورککله فائق اولسه لردی بوایش عکسی اولور وارمنیلر تورککری قتل عام ایتش اولورلردی . قتال اثناسنده طرفینک کوستردیکی

تمایلات سباغانه یکدیگر نردن فرقی دکدر . ارمنیلر ده فرصت بولدقلری برلر ده تورک قادین و چو جوقلرینه تورکر ده ارمنی قادین و چو جوقلرینه قارشلی ارتکاب ایتدکلری فضاحت و تجاوزانی ارتکاب ایتشلر و زنجیردن بوشانمش خلقلک یکدیگر نردن فرقی اولمادیغنی اثبات ایتشلر در .

آطنه والی تعیین اولوندیغم زمان حکومت بنم امریمه ایکی یوز بیسک لیرالق برقره دی آچمشدی . بونک یوز بیسک لیرامی شهر و قریه لر ده یانمش اولان ارمنی و مسلمان خانه و دکانلرینک یکیدن انشاسنه صرف اولونه جق یوز بیسک لیراسی ده ارمنی تجارت و صنعتکارلریله چفتجیلرینک تکرار ایشه باشلا یه ییلملری ایچون اون سنه ظرفنده اوده نمک شرطیله کندیلرینه اقراض اولنه جقدی .

کندی ریاستم آلتنده اطنه ده برانشات قومیسونی تشکیل ایتدم . قومیسون آمریقالی میسیونر میستر چمبرس ، برجوق اجنبیلرله و اکثریتی ارمنیلردن اولمق اوزره برجوق یلیلردن ترکب ایدیوردی . اتحاد ایتدیکم تدابیر سایه سنده اطنه یه ورودمدن درت آی صوکره ولایت داخنده کی ارمنی کویلرینک کافه سی یکیدن انشا اولوندیغی کی مرکز ده دخی کوچوک عائله لره عائده خانهلردن انشا اولونمایان قالماشدی .

خلاسه درت بش آی ظرفنده ارمنیلر تجارتلرینه ، صنعتلرینه ، زراعتلرینه کاملاً باشلادیلر و مسلمانلرله آره سنده کی برودت سابقه دن — هیچ اولنر سه ظاهر آ — هیچ برائر قلمادی .

ماندلشتام کتابنک ۲۰۵ نجی صحیفه سنده اطنه قتلندن مسئول اولان مسلمانلرک اک اهمیت سزلردن یالکیز طقوز کشینک اعدام اولوندیغی تورکرک حقه دن کی نشریات غرضکارانه سیله مشهور اولان آدوسیدیس اسمنده کی بررومک اثرینه عطفاً ادعا ایدیور سه ده کرک آدوسیدیس و کرک ماندلشتام یالان سویلورلر . آطنه یه ورودمدن درت آی صوکره یالکیز اطنه شهرنده دیوان حرب عرفی محکوملردن اوتوز مسلمانانی اعدام ایتدیردیکم کی اوندن ایکی کون صوکره ده ارزین قصبه سنده اونیدی مسلمانانی اعدام ایتدیردم . بونلرله برابر یالکیز برارمنی اعدام اولنشد . اعدام اولنان مسلمانلر آره سنده اطنه نک اک اسکی و اک زنکیکن عائله لرینه منسوب کنجیلر بولوندیغی کی باغچه قضاسی مفتیسی دخی واردی . بومفتی احوالی تورکرکی نزدنده پک بویوک برنفوده مالک بولنیوردی .

چوق تأسف ایدرمک اطنه وقعه سنک ایکنجی کونی براجنبی واپوریه اسکندریه فرار ایده ییلمش اولان مونسینور موشه غ او زمان الیه کچمدی . ینه حقلی اوله رق دیوان حرب طرفندن غیباً اعدامه محکوم ایدلمش اولان بو ذات الیه کچسه ایدی اونیده باغچه مفتیسنک قارشوسنه آصدیرردم .

اطنه ولايتم زماننده ارمينلرک تأمين رفاهي و غائب ايتدکلری شيلرک تلافيسي ايجون صرف ايتديکم مساعي ارمينلرکده تحت اعترافنده در . باخصوص او ائنده اطنه يي زيارته کلان فرانسز، انگليز، اسويچرملی و آمريقالی برچوق اجانب بونلری رأى العين مشاهده ايتش و بني تبریک ايتشلردر .

وقعه ائاسنده يتيم قالان ارمني چوجوقلرينک تربيه و تعليمی ايجون اطنهده ياپديرديغم جسيم دارالايتم ايسه حالا باقيدر .

اطنه دن صورکه تعيين ايدلديکم بغداد ولايتندن ۱۹۱۲ سنه سی آغستوسنده بالاستعفا استانبوله عودتمده عثمانی حکومتی الکتهلکلی زمانلردن برني ياشايوردی .

اولا ، ایتالیا ايله هنوز حال حربده ايدک . ثانياً ، بولغارستان ، صربستان ، قره طاغ و يونانستان عليهمزه اتفاق ايتشلر واقشامه صاحبه روسيله حرب آرايورلردی . ثانياً ، آرانوودلق حال عصيانده ایدی . رابعاً ، سوریهده بوتون عرب مطبوعاتی حکومت عليهنه آتشلرپوسکوريورلر و عرب ولايتلری اصلاحات طلب ايدیورلردی .

خامساً ارمني بطريقی ارمينستانده اصلاحات ياپلمسی طلبنی حاوی باب عالی يه متمادی تقريرلر ياغديريوردی . سادساً واصل الک دهشتلیسی اوله رق خلاصکار ضابطان غروپی نامنی آلان برطاق ضابطان اردوده مشموم برانارشی وجوده کتيرمشلردی . چناق قلعه وازميرده وارانوودلقده بولنان اردو عادتاً حال عصيانده ایدی دينه بيلير . مقام حکومتده ايسه غازي مختار پاشا قاينه سی بولنيوردی .

ايشته بواحوال داخلنده بالقان محاربه سی باشلادی . اردولريمزک بربری آردی صره هرطرفدن دوچار فلاکت اولدقلری ائنده فرصتی غنيمت بيلن موسقوف سياستی ايله فرانسز سياستیده ايشه باشلادی .

فرانسزلر، عربلری سوریه اصلاحاتی طلبنده بولونمغه تشويق ايتدکلری کی استانبول روس سفیریده ۱۹۱۲ تشرین ثانیسنک ۲۶ سنده روسیه خارجیه ناظرینه يازدیغی آئیده کی تلغرافنامه ايله ارمينستان مسئله سنی اويانديرمغه باشلامشدی .

— موسيو دوکیرس مذکور تلغرافنامه سنده دييوردی که : [۱] « ارمني قتال و حشيانه سنک اناطولی و استانبولی قانلرله بويادینی معهود ۱۸۹۴-۱۸۹۶ سنه لر دنبری ، وضعیت اصلا دوزله مشدر . سلطان عبدالحميدک روسیه ، فرانسه و انگلتره نك تضديقی ، آئنده ۲۰ تشرین اول ۱۸۹۵ تاريخنده اصدار ايتديکی اصلاحات فرمائی بسبتون ، منسی قالمشدر . اراضی مسئله سی کوندن کونه چتینه شيور . اراضينک قسم اعظمی ،

[۲] مادلشتام صحيفه (۲۰۷) روسیه نك درسعادت سفیری موسيو دوکیرسک ۲۶ تشرین ثانی ۱۹۱۲ تاريخی تلغرافنامه سی - که طورونجي کتاب بونکله باشلار - ارمني مسئله سنده روس پوتلیقه سنک ن قدر آچیق و خالصانه اولدیغنی کوسترر .

«کوردلر طرفندن غصب ایدلمش ویا ایدلمک اوزره بولونمشدر . حکومت مأمورلری ،
 «بوکا ممانعت ایده جکلری یرده غاصبلری حمایه و تشویق ایدیورلر . قونسلوسلر مزک
 «جمله سی ، کوردلرک شقاوت و یغما کر لکندن ارمنیلری قتل ایتدکلرندن وارمنی
 «قادیلرینک دین اسلامی قبوله مجبور ایدلکلرندن بحثده متفقدرلر . بوجرائمک
 «فاعللری حقنده همان اصلا تعقیبات اجرا اولنمامشدر . درسعادت ارمنی بطریق
 «باب عالی به وعدلیه نظارته تقدیم ایدیلان تقرر پادشاهک ارمنی تبعه سنک معروض
 «بولوندیغی مظالم واشکنجهلری حقیقی صورته تصویر ایدر . «موسیو دوکیرس
 «دوام ایدرک دیورکه «بو حال ارمنی کتله لرینک کیتدکجهدها زیاده روسیه به دوغری
 «میل ایتملرینک سببی درجه کافیهده ایضاح ایدر . ارمنستانده کی روس قونسلوسلرینک
 «جمله سی ارمنیلرک بوزهنیتی تصدیق ایدیورلر . ارمنیلر روسیه نک مراقبه سی آلمنده
 «اصلاحات اجراسنی و حتی روسیه اشغالی آرزو ایدیورلر . ارمنی قاتولیقوسی
 «(شرقده کی خرستیان اقوامنک حامیسی) اولان روسیه دن تورکیاده کی بدبخت ارمنیلری
 «تحت حمایه سنه آلمسنی جناب حق نامه رجا ایدیور . سفیر ارمنی مسئله سنک روسیه
 «ایچون اساسلی براهیتی حائز اولدیغنی تقدیر و حکومتک بونی تسویه ایچون اوک آیاق
 «اولمسنی آرزو ایدیور . آنحق کیفیت اشغالی هنوز ایرکن بولیور واصلاحات طرفداری
 «کوردونیور . لکن برکره بوزمینه وضع قدم ایدیلیرسه ۱۸۹۵ سنه سی قانوننک عاقبت
 «الیه سی تخطر ایتمک واصلاحاتی روس ویا اوروپالی مأمورلرک مؤثر بر مراقبه سی آلمنه
 «وضع ایتمک لازمدر . دیور . موسیو دوکیرس «ترکیانک بولندیغی حال تذبذب واغتشاشه
 «نظراً اصلاحات سکونت منتظره می بخش ایده مامسی احتمالیله اردولر مزک بوحوالی به
 «کیرملرنده کی لزومه حاضر لئمیدر «دیه سوزینه ختام ویربور .

داها ۱۹۱۲ سنه سی بدایتلرندن بری روسیه ده کی آچیمیانزین قاتوگیکوسی بوغوس
 نوبار پاشانی ممالک عثمانیه ارمنیلرینک مختاریتی استحصال وظیفه سیله اوروپا قاینه لری
 نزدیکه کوندرمشدی که بوده روس سیاستندن بشقه برشی دکلدی .
 روسلرک از منستان حقنده کی سوء نیتلرینی سترایچون قوللاندقلری سیاستله فرانسزلرک
 سوریه حقنده قوللاندقلری سیاست یکدیگرینه نه قدر توافق ایدیور .

۱۹۱۳ سنه سی ابتدلرنده پارسده انعقاد ایدن عرب قونفره سی اعضاسندن
 بیروتلی برمسلمان فرانسز خارجیه ناظری موسیو پیشونه شوبله سویلیوردی :

« — بزکرچه عرب قونفره سی پارسده عقد ایدیورایسه که ده مقصدیمز یالکسز
 عربستان ولایتلرنده اصلاحات اجراسنی حکومت عثمانیه دن طاب ایتمکن عبارتدر .
 فرانسه نک سوریه یی اشغال ویا اوراسنی تحت حمایه سنه آلمسنی قطعاً آرزو ایتیمیز .
 موسیو پیشون فرانسزلرک سوریه حقنده برسوءیت بسله مدیکنه بر مثال تشکیل
 ایتمک اوزره بومکلمه یی سفیر موسیو بومپاره اوزمان نقل ایدیوردی .

همان عینی تاریخلرده یعنی ۱۹۱۳ سنهسی مارتنك اون بشنده روسلرده بوغوص
توبار پاشایه عینی سوزلری بلمکده عینی کلمه لری تکرار ایدیوردی . پارس روس
سفیری موسیو ایزدولسکینك روسیه خارجیه نظری موسیو سازانوفه یازدینی
مکتوب بومدعامزی اثبات ایدر [*]

عرب وارمنی اصلاحچیلرینك عینی زمانده وعینی طرزده مهم اولدقلرینی کوسترن
بوتوارد تورکیه نك تقسیمی حقده . اوزمان فرانسه ایله روسیه آره سنده قرارلاشدیرلمش
اولان سیاستی پك کوزل اثبات ایدر ظن ایدرم .

نهایت ۲۲ مایس ۱۹۱۳ ده روسیه خارجیه نظارتی ارمنی اصلاحاتی ایچون ایلك
آدمی آتمشدی . موسیو سازانوف اوتاریخده برلین روس سفیرینه یازدینی رتلغرافنامه
ایله ارمنستان اصلاحاتی ایچون باب عالی نزدنده تشبث دولیده بولونمغه راضی اولسنی
آلمانیا حکومتدن طلب ایدیوردی که بوتاریخ اینوس - میدیه خطی بولغار - تورک
حدودی اولق اوزره قبول ایدرک لوندره معاهده ابتدائیه سی امضایه مجبور اولدیغمز
تاریخلره یعنی حکومت عثمانیه نك بی تاب اولدینی زمانلره تصادف ایدر .

عینی تاریخلرده استانبولده ارمنیلرک تظاهرات ملیه سی جدآ تصورک فوقه چیمش
ایدی . ارمنی حروفاتنك تاریخ ایجادینك بیلیم قاچمنجی سنه سی شنلکلرینی اجرا
ایدن ارمنیلر پك بویوک نمایشلر پامشلر حتی سوقاقلرده ارمنی ملی رنگارینی حاوی
قوفه تیلر آتمقدن بیله چکینمه مشلردی . بز بونلره ایوبانه برصر ایله تجمل ایدیور
وناخوش بروقه نك حدوثة مانع اوله جق تدابیر اتخاذا ایدیوردق . اوصرده بن
استانبول محافظی اولدیغم حالده ارمنیلر طرفندن دعوت اولوندیغم تقسیم باغچه سنه
کیمش وارمنی ملتیی صوک درجه لرده مدح وستایش ایده جک صورته برنطق
ایراد ایتشدم .

روسیه خارجیه ناظرینك تکلیفی ۱۸۹۵ سنه سنده حکومت عثمانیه تکلیف
ایدلمش اولان اصلاحات پروژه سی اساس اتخاذا ایدرک یکی براصلاحات پروژه سی
تنظیمی وظیفه سنك دول معظمه نك استانبول سفرا سنه تودیعندن عبارت ایدی .
انکلتره وفرانسه بوتکلیفی درعقب قبول استیلر . یالکز المانیا ، دول معظمه
سفارت مأمورلرندن ترک ایده جک اولان قومیسونه باب عالی طرفندن تعیین اولونه جق
مأمورلرک دخی ادخال ایدلمسی تکلیف ایدیوردی . روسیه قطعاً بوکا یاناشمادی
ونهایت اصل علاقهدار دولتک غیابنده تدقیق مسئله ایتمک اوزره یکی کویده برترجانلر
قومیسوینك تشکل ایتمه سنه آلمانانك ده موافقتی استحصال ایله دی .

دها بوقومیسوین ایشه باشلامازدن اول استانبول روسیه سفارتخانه سی ، باش ترجان
[*] مکتوب صورتی کتابک نهایته ذیل اولونمشدر .

ماندلشتامه بر اصلاحات پروژه سی احضار ایتدیرمشدی . مستقل بردولتک اجزای متممه سندن اولان واسع بر منطقه ده ساکن اولان براقلیت عنصرینک محافظه حقوقی نامنه اودولته بویله بر پروژه نک اوتانمدهن نصل تکلیف اولونه بیله جگنی تقدیر ایتدی ارباب انصافک وجدانه حواله ایدرم . فوق العاده حائر اهمیت اولسی اعتباریله عیناً درج ایدیورم .

پروژه

در سعادت ۸ خزیان ۹۱۳
ارمنستانده یاپیله جق اصلاحات حقنده در سعادت روسیه سفارتی برنجی ترجمانی موسیو ماندلشتام طرفندن تنظیم اولونان (Avent projet) لایحه مسوده سیدرکه آتی ده کی اساساته مبتنیدر :

ارمنستان اصلاحاتی حقنده فرانسه ، انکلتزه و روسیه نک در سعادت سفراسی طرفندن قلمه آلنان محطره (مارت - نیسان ۱۸۹۵) ؛

فرانسه ، انکلتزه و روسیه نک در سعادت سفیرلری طرفندن ارمنی ولایاتنک امور اداریه سنه متعلق تنظیم اولونان اصلاحات لایحه سی (مارت - نیسان ۱۸۹۵) ؛

ارمنیلرله مسکون ولایات شاهانه ده تطبیق اولنه جق اصلاحاتی متضمن ۲۰ تشرین اول ۱۸۹۵ تاریخی فرمان هایلون ؛

اوروپای عثمانیده کی ولایات شاهانه ده دائر اوروپا قومیسونی طرفندن تنظیم اولونان ۱۱ - ۲۳ اغستوس ۱۸۸۰ تاریخی قانون لایحه سی ؛

۱۹۱۳ سنه سی ولایات قانونی ؛

جیل لبنانه متعلق نظامات و پروتوقوللر .

۱

۱ — حکاری و سعرد ایله بیشریک و ملاطیه نک اقسام جنوبیه سی و سیواسک شمال غربی حوالیسی کی هم محدود بعض محللر مستثنا اولمق اوزره ارضروم ، وان ، بتلیس ، دیاربکر ، خربوط ، سیواس ولایتلرندن یالکیزر ولایت تشکیل اولونه جقدور .

- ۲ — بوولایت ادارهٔ تقسیمات آتیہ بی حاوی اولہ جقدر : سنجاق ، قضا ، ناحیہ .
- ۳ — بو تقسیمات او صورتلہ یاسیلہ جقدر کہ اورالردہ سا کن اہالی عرق اعتباریلہ ممکن مرتبہ متجانس بولونسون .
- (۱۸۹۵) تاریخی سفرای ثلثہ مخطرہ سنک یدنجی بندی — ۱۸۹۵ تاریخی سفرای لایحہ سی مادہ (۷)

۲

ارمنی ولایتک والیٰ عمومیی تبعہ عثمانیہ دن برخریستیان ویاخود ترجیحاً بر اوروپالی اولہ جقدر کہ بش سنہ مدتلہ و حکوماتک موافقتیلہ باارادۂ سنہ نصب اولنہ جقدر . (برلین معاہدہ نامہ سی مادہ ۱۷ ؛ ۱۸۹۶ تاریخی کرید نظام نامہ سی مادہ ۱ ؛ جبل لبنانہ عائد نظامات و پرتو قوللر ؛ ۱۸۹۵ تاریخی سفرای ثلثہ مخطرہ سی مادہ ۲ و ۷ ؛ ارمنیلرلہ مسکون ولایات شاہانہ اصلاحات فرمانی بند ۱ .)

۳

- ۱ — والیٰ عمومی ولایتک قوۂ اجرائیہ رئیس در . ولایتک بالجملہ مأمورین ادارہ سنی بلا استثنا تعیین و عزل ایدر . گذا ولایتک بالجملہ حکامنی اوتعیین ایدر .
- ۲ — پولیس و ژاندارمہ قوتلری طوغریدن طوغریہ والیٰ عمومینک حکم وادارہ سی التہ موضوعدر .
- ۳ — ولایتدہ محافظۂ انضباط ایچون والیٰ عمومینک طلبی اوزرینہ قوای عسکریہ انک امرینہ تودیع اولونہ جقدر .
- (۱۸۶۴) تاریخی جبل لبنان نظام نامہ سی مادہ ۱ ؛ ۱۸۸۰ تاریخی اوروپا قومیسوینی لایحہ سی مادہ ۲۷ ، ۳۲ و ۴۴ ؛ ۱۹۱۳ تاریخی ادارهٔ ولایات قانونی مادہ ۲۰ ، ۲۵ و ۲۶)

۴

- ولایتدہ والیٰ عمومی نزدندہ ماہیت استشارہ بی حائز بر مجلس اداره بولنہ جقدر کہ اعضای :
- ۱ — ولایتک مختلف شعبات ادارہ سی رؤسائندن
- ب — مختلف جماعت مذہبیہ رؤسای روحانیہ سندن
- ث — خدمت حکومت سنیدہ شعبات ادارہ رؤسائسنہ معاونت ایدن اوروپالی مشاور فیلردن

د — مجلس عمومی ولایت طرفند کندی اعضاسی میانده انتخاب اولونه حق اوچی مسلم اوچی خرستیان التی اعضادن مرکب اوله جقدر .
(۱۸۸۰ تاریخی اوروپا قومیسونی لایحه سی ماده ۴۹ ؛ ۱۹۱۳ تاریخی اداره ولایات قانونی ماده ۶۲ ؛ ۲۵ تشرین اول ۱۸۹۵ تاریخی فرمان هایون بند ۶)

۵

۱ — مجلس عمومی ولایت مساوی عددده مسلمان و خرستیانلردن متشکل اوله جقدر .

۲ — مجلس عمومی ولایت اعضالری قضالرده بو خصوصده متشکل انتخابات هیئتلری طرفندن رأی خفی ایله انتخاب اولنه جقدردر .

۳ — مختلف مسلمان و خرستیان ملتله تخصیص اولنه حق مواقعک عددی هر قضاده آریجه تعیین اولنه جقدر . بوعدد ، قضائک نفوس مقدارینه کوره [بوماده ک برنجی بندینک ، اساسیله تألیفی قابل اولدینی درجه ده] متناسب اوله جقدر .
(جبل لبنان تشکیلاتنه عائد ۹ جزیران ۱۸۶۱ تاریخی پروتوقول ونظامنامه ماده ۲ ؛ ۱۸۹۵ تاریخی سفرای ثلثه لایحه سی ماده ۵ ؛ ۱۸۸۰ تاریخی آوروپا قومیسونی لایحه سی ماده ۶۹ و ۱۹۱۳ تاریخی اداره ولایات قانونی ماده ۱۰۳)

۶

۱ — مجلس عمومی ولایت بش سنه مدت ایچون انتخاب اولنه حق وسنه ده بردفعه ایکی آی مدتله اجتماع عادیده بولنه جقدر . بو اجتماع مدتی والی عمومی طرفندن تمدید اولنه بیلیر .

۲ — مجلس عمومی ولایت کړک والی عمومینک تشبشی و لړک اعضاسندن ایکی ثلثاننک طلبی اوزرینه اجتماع فوق العاده یه دعوت اولنه بیلیر .

۳ — والی عمومی مجلس عمومی ولایتی داغیده بیلیر . بوتقدیرده منتخبلر ایکی آی طرفنده طوبیلانه حق ویکی مجلس عمومی ، امرفسخک تاریخندن اعتباراً درت آی طرفنده اجتماع ایده جکدر .

۴ — مجلس جمع وفسخی حقنده کی أوامر نام نامی حضرت پادشاهی به اضافه اولنه جقدر .

(۱۸۸۰ تاریخلی آوروپا قومیسونی لایحه سی ماده ۷۳ - ۷۵ ؛ ۱۹۱۳ تاریخلی ولایات قانونی ماده : ۱۱۱ - ۱۱۵ - ۱۲۵)

۷

۱ — مجلس عمومی ولایت منافع ولایت متعلق مواد حقنده قانون تنظیم ایدر .
۲ — بودجه وقانون تنظیمی خصوصنده مجلس عمومی ولایتک صلاحیتی لاقول آوروپا قومیسونی طرفندن ۱۸۸۰ سنه سنده تنظیم اولنان لایحه نک ۸۲ - ۹۳ نجی ماده لرنده تصریح اولوندینی درجه ده واسع اوله جقدر .

۳ — یاسیله جق قوانین تصدیق عالی حضرت پادشاهی به عرض اولونه جق وایکی آی ظرفنده تصدیق ویا ردی حقنده اراده سنیه شرف صادر اوله جقدر . بومدتک انقضاسنده حکومتک سکوتی تصدیق معناسنی تضمن ایده جکدر .

(۱۸۸۰ تاریخلی آوروپا قومیسونی لایحه سی ماده ۸۲ - ۹۳ ؛ ۱۹۱۳ تاریخلی اداره ولایات قانونک ۱۲۳ ، ۱۲۴ ، ۱۲۸ - ۱۳۵ نجی ماده لری)

۸

۱ — سنجاقرده اداره مجلسلرینه متصرفلر ریاست ایده جک و مجالس مذکوره سنجاقر رؤسای مأمورینیه جماعات مذهبییه رؤسای روحانیه سندن و قضا مجالس اداره لری طرفندن منتخب اوچی مسلمان و اوچی خریستیان آلتی اعضادن متشکل اوله جقدر .

۲ — قضا مجلس اداره لری قائممقاملرک تحت ریاستنده بولونه جق وقضا رؤسای مأمورینیه جماعات مذهبییه رؤسای روحانیه سندن و ناحیه مجلسلری طرفندن منتخب (ایکسی مسلمان ، ایکسی خریستیان) درت اعضادن مرکب اوله جقدر .

۳ — بو مجلسلرک وظائفی آوروپا قومیسونی طرفندن ۱۸۸۰ سنه سنده تنظیم اولونان لایحه نک ۱۱۵ - ۱۱۶ و ۱۳۹ - ۱۴۰ نجی ماده لری احکامنه توفیقاً تعیین اولونه جقدر .

(۱۸۸۰ تاریخلی آوروپا قومیسونی لایحه سی ماده ۱۱۴ - ۱۱۵ - ۱۱۶ - ۱۳۸ ، ۱۳۹ و ۱۴۰ ؛ ۲۰ تشرین اول ۱۸۹۵ تاریخلی فرمان هایون ماده ۶)

۱ — هر ناحیه‌نك دائره اتساعی ، ممكن اولدینی مرتبه عینی عرقه منسوب قریه‌لرك بر ناحیه ارتباطی تأمین ایده‌جك صورتده تعیین اولنه‌جقدر .

۲ — هر ناحیه بر مدیر طرفندن اداره اولونه‌جقدر . اهالی طرفندن منتخب و اقلی دوت و اعظمی سکنز اعضادن مرکب بر مجلس مدیره معاونت ایده‌جکدر . بومجلس ، مدیر ابله معاونتی اعضاسی میانندن انتخاب ایده‌جکدر . مدیر ، اکثریتی تشکیل ایدن عرقه منسوب جماعتدن و معاونی دیگر طرفندن انتخاب اولونه‌جقدر .

۳ — اهالیسی مختلط اولان ناحیه‌لرده اقلیت ، لاقال یکرمی بش خانه‌مقدارنده بولونمق شرطیله مجلسده اهمیتی نسبتنده تمثیل ایدیه‌جکدر .

۴ — ناحیه مجلسلرینك وظائفی اوروپا قومیسینی طرفندن ۱۸۸۰ سنه‌سندمه تنظیم اولنان لایحه‌نك ۱۶۳-۱۶۸ نجی ماده‌لری احکامنه توفیقاً تعیین اولونه‌جقدر . (۱۸۸۰ تاریخی اوروپا قومیسینی لایحه‌سی ماده ۱۶۲-۱۶۸ ؛ ۱۸۹۵ تاریخی سفرای ثلثه اصلاحات لایحه‌سی ماده ۷ ، ۸ ، ۹ ؛ ۲۰ تشرین اول ۱۸۹۵ تاریخی فرمان هایون ماده ۷ ، ۸ ، ۹)

۱۰

۱ — هر ناحیه‌ده والی عمومی طرفندن منصوب و ناحیه‌ده اکثریتی تشکیل ایدن جماعت دنیلان متدین برصلح حاکمی بولونه‌جقدر . بوندن ماعدا هر قضامر کزنده برصلح حاکمی بولونه‌جقدر .

۲ — صلح حاکمی :

ا — مواد جزائیه‌ده: عادی قباحث درجه‌سندمه کی جنجه‌لری بلاستیناف و بشوز غروشدن زیاده جزای نقدی ویا اوچ آیدن زیاده حبسی مستلزم اولمیان جرملری قابل استیناف اولمق اوزره

ب — مواد حقوقیه‌ده: بیک غروشه‌قدر حقوق و تجارت دعوالرینی بلاستیناف و بش بیک غروشه قدر عینی خصوصه متعلق دعاوی بی قابل استیناف اولمق اوزره رؤیت ایدر .

۳ — صلح حاکمی ، صلح محکمه‌سی امورینی تدویر ایدر . و بش بیک غروشی متجاوز دعاویده بیله طرفینك طلبی اوزرینه تسویه اختلافات ایچون حکملر ارائه

ایده بیلیر . بویله حکم تعینیی صورتیه ویریله جک قرارلره طرفین حق استینافلرندن تکول ایده جکلر در .

۴ — سنجاقلرده محاکم یالکز حقوق محکمه سنی حاوی اوله جقدرکه والی عمومی طرفندن منصوب بررئیس ایله ، بری مسلمان دیکری خریستیان ایکی شهادتنامه لی حا کمدن متشکل اوله جقدر . سنجاقل محاکمی ، بش بیک غروشی متجاوز حقوق و تجارت دعوالرینی بدایه و صلح حا کملری طرفندن حقوق و تجارت دعوالرنده ویریلان قرارلری استینافاً رؤیت ایدر .

۵ — سنجاقل محکمه لرینک جنایت قسملری یرینه سیار محاکم جنائیه احداث ایدلمشدر . بومحکمه لر سنجاقل محکمه سنک مربوط اولدینی محکمه استیناف طرفندن کندی اعضالری میاننده انتخاب اولونه جق بررئیس ایله ینه عینی محکمه استیناف طرفندن سنجاقل صالح حا کملری اراسنده اراءه اولونه جق بری مسلم و دیکری خریستیان ایکی اعضادن تشکل ایدر .

۶ — محکمه جنایت ، تبیین ایده جک لزومه کوره قضالرك کافه سنده نوبته اخذ موقع ایدر .

۷ — هر قضاده بر مستنطق بولونه جقدر . قضایه مواصلتنده محکمه جنایت رئیسی تحقیقاتی ختام بولان و کندیسنه در حال تودییی احجاب ایدن دعاوی ایله هنوز در دست تدقیق بولنان دعاوی نیک بر ردقترینی مستنطقدن طلب واخذ ایده جکدر . بونلرده مخالف نظام بر حال ویا سببسر تأخرات وقوعی کورورسه در حال کیفیتی محکمه استیناف رئیسنه راپورله بیلدیره جکدر .

— محکمه جنایت ، قباح و جنحه ماده لرندن دولانی صلح حا کملری طرفندن ویریلان حکملری استینافاً تدقیق ایدر . مواد جنائیه یی و بشیوز غروشدن زیاده جزای نقدی ویا اوچ ایدن زیاده حبسی مستلزم جرایمی بدایه و قطعاً حکم ایدر .

۹ — لاقول الی محکمه استیناف بولنه جقدر . بومحاکم هر بری والی عمومی طرفندن منصوب شهادتنامه لی حکامدن بررئیس ایله کرک لاجل الاستیناف کندیسنه تودیعی اولنه جق دعاوی حقوقيه یی رؤیت ایتک و کرک سیار محاکم جنائیه یی رئیس یتشدیره بیلک ایچون لزومی قدر هیئتدن متشکل اوله جقدر . محکمه استیناف بررئیس وایکی اعضانک حضوریه نظاماً تأسس ایدر . فضله اوله رق بر مدعی عمومی و مقدار کافی مدعی عمومی معاونلری بولونه جقدر .

۱۰ — احتیاج کوریلان مواقعده تجارت محکمه لری تأسیس ایدیله جکدر .

بونلرك اجرای وظیفه ایتدیكى محللرده محاکم حقوقیه دعاوی تجاریه ایله اشتغال ایدمه جکدر .

۱۱ — محاکم شرعیه نك صلاحیتی صورت واضحه ده تعیین اولنه جق ولایتك دیگر محاکمی وظائفنه تجاوز اتمه ملرینه والی عمومی طرفندن دقت ایدیه جکدر . حکام شرع ولایتك دیگر محاکمی ریاست وظائفی عهده لرنده جمع ایدمه جکدر . (۱۸۹۵ تاریخلی سفرای ثلثه اصلاحات لایحه سی ماده ۲۹ - ۳۹ ؛ ۱۸۸۰ تاریخلی اوروپا قومیسونی لایحه سی ۱۲۵ - ۲۶۳)

۱۱

۱ — ولایتده برپولیس وبرژاندارمه طابورلری corps تشکیل اولنه جقدر . بو طابورلر ولایتك مسلم وخریستیان اهالیسندن طوبالانه جقدر .

۲ — طابورلرك ترتیب وتنظیمی وباش قوماندانلی خدمت دولت علیه ده بولونان آوروپالی ضابطانه تودیع اولنه جقدر .

۳ — ناحیه لرده کوی بکچیلری احداث اولونه جقدر . بونلر ناحیه مجلسلری طرفندن تعیین اولنوب مدیرلرك امری آلتنه موضوعدرلر .

(۱۸۹۵ تاریخلی سفرای ثلثه اصلاحات لایحه سی ماده ۱۸-۲۰ و ۲۱ تشرین اول ۱۷۹۵ تاریخلی فرمان هایون ماده ۲۴)

۱۲

۱ — ولایتده مقیم قرعه افرادی حال حضرده خدمت عسکریه لرینی اوراده ایفا ایدمه جکدر .

۲ — خفیف کرد سواری آلایلری (اسکی حمیدیه آلایلری) ترخیص اولنه جقدر . (۱۸۹۵) تاریخلی سفرای ثلثه اصلاحات لایحه سی ماده ۲۵ و ۱۸۹۵ تاریخلی فرمان هایون ماده ۲۸)

۱۳

۱ — ولایتك ،أمورین مالکیه وعدلیه سی مسلمانلرله خریستیانلر آراسنده مساوی مقدرده انتخاب اولونه جقدر .

۲ — متصرف وقائمقاملرك تعييننده مختلف عرقلره منسوب اقوامك . مقداريله بونلرك منافع اقتصاديله لرينك اهميتي نظر اعتباره آله جقدر .

(۲۰ تشرین اول ۱۸۹۵ تاریخی فرمان هایون ماده : ۵)

۱۴

۱ — یالکزی رلی اهایلی مقیمه انتخاب ایتک وایدملک حقندن استفاده ایده جکلردر .

(۱۸۹۵ تاریخی سفرای ثلثه اصلاحات لایحه سی ماده : ۲۴)

(۲۰ تشرین اول ۱۸۹۵ تاریخی فرمان هایون ماده : ۲۷)

۱۵

۱ — ولایتده نشر اولونه حق قوانین ، ارادات ، اوامر ، تبلیغات عمومییه واعلانات رسمیه ، ولایتده باشلوجه مستعمل اوچ لسان اوزرینه (ترکجه ، ارمنیجه ، کردجه) یازیله جقدر .

۲ — عرضحال ، استدعا و مأمورین ملکیه وعدلیه یه ویریله جک بتون اوراق ، احبابنک انتخابنه کوره بواوچ لساندن بریله یازیله جقدر .

۳ — محکمه لرده دعاوی مدافعہ سی علاقہ دارانک انتخابنه کوره کنندی لسانلری ایله یازیله جقدر .

۴ — محاکم اعلامی ترکجه تنظیم و بوکاطر فینک لساننده برترجمہ سی ربط اولونه جقدر .

(سفرای ثلثه لایحه سی ماده ۴۰ ، اوروپا قومیسونی لایحه سی ماده ۲۲ داخلیه نظارتنک ۶ نیشان ۱۹۱۳ تاریخی ایله عرب ولایتلرنده تعمیمی)

۱۶

۱ — ولایتده ساکن ملتلك هربری هر درجه ده خصوصی مکاتب تأسیس و اداره حقنی حائزدر .

۲ — بومکتبلرك احتیاجاتی ایفا ایچون افراد ملت اوزرینه خصوصی ویرکولر طرح ایده بیلیر .

۳ — ابتدائی مکتبلرنده تدریس لسان ملی اوزرینه اجرا ایدیله جکلردر .

۴ — بومکتبرك تفتيش و نظارتى والى عمومى به ، هائدره ولايتك نظامات داخله سيله موضوع قواعد توفيقاً ايضا ايدم جكدر .

۵ — خصوصى مکتبرده ترك لسانك تحصيلى مجبورى اولاجقدر .

(۱۸۸۰ تاريخلى اوروپا قوميسيونى لايحه سنك ۱۴ نجى فصلى)

۱۷

والى عمومىك تحت رياستنده تشكىل ايدم جك . بر قوميسيون مخصوص اراضى غصب ايدلمش اولان ارمنيلىك نه شرائط التنده اموال مغصوبه لرينك استردادى ويا بونلك تقدماً ويا اراضى اعطاسى صورتيه بدل مثللرينك تضمينى استحصال ايدم جكلىنى تعيين ايدم جكدر .

(سفرای ثلثه اصلاحات لايحه سى ماده ۲۶ ؛ ۱۸۹۵ تشرن اول تاريخلى فرمان هايون ماده ۲۹ .)

۱۸

ارمنى ملتنيك (ساحانات و تيون) دنيلان ۱۸۶۳ تاريخلى نظامات داخله سى و سلاطين عظام طرفندن معطى براترله حائز اولدقلى حقوق و امتيازاتك حللدن مصونيتى صورت قطعيله تعهد اولونه جقدر .

(سفرای ثلثه مخرمه سى ۱۱ نجى بند)

۱۹

ولايت داخلنده كى اراضى به مهاجرين اسكان ايدلميه جكدر .

۲۰

ولايت خارچنده و بتخصيص اطنه جوارنده ساكن ارمنيلىك شرائط حياتيه لرينك تعديل ايجون بالاده بيان اولونان اساسات دائره سنده احكام مخصوصه نشر اولونه جقدر .

(سفرای ثلثه مخرمه سى ماده : ۱۲ ؛ اصلاحات فرمان هايونى ماده ۴)

۲۱

حکومت عثمانیه و دول اجنبیه مرخصلرندن متشكىل بر قوميسيون مخصوص ولايتك

نظامات داخله سنی و بکر منجی ماده ده مذکور احکامی اشبولا یحده مندرج اساسات دن ملهم اوله رق تنظیم ایده جکدر .

۲۲

بوا حکامک تمامی اجراسنی دول اجنیه متعهددر .
(سفرای ثلثه مخطرهمی ماده ۸ و فرمان هایون ماده ۳۲ و ۱۸۹۶ تاریخی کرید
نظامنامه سی ماده ۱۴)

بو پروژهنک قبولندن اعظمی برسنه صو کره ارضروم ، سیواس ، وان ، بتلیس ، دیاربکر و معموره العزیز و لایترلرینک روسیه حایه سنه ودها طوغریسی روسیه نیک اشغالنه هیچ شبهه ایتمهک لازمکلیر ظن ایدرم .

بو پروژهنک حین مذاکره سنده آلمان دلکهمی دائما حکومت عثمانیه نیک محافظه حقوقی طرفی التزام ایتمش و روس دلکهمی بو حقوقی نه قدر ممکنسه اوقدر بالطله لامغه ساعی بولومشدی . فرانسز و انکلیر دلکهلری روس دلکهنه یارداق جیلق ایدیور . آوستریا و اییتالیا دلکهلریده آلمان مأمورینک نقطه نظرینه طرفدار کورونیورلردی . ۱۹۱۳ سنه سی تموزینک اوچنده اجتماعه باشلایان قومیسون ۲۳ تموزه قدر متعدد دفعه لر انعقاد ایتمش ایسه ده ایثی هیچ بر نتیجه یه اقران ایتدیره مه یه رک داغیلمشدی . زیرا روسلرک مقصدی مطلقا ارمنستان ایچون بالاده کی پروژه نی قبول ایتدیرمک المانلرک املی ایسه حکومت عثمانیه نی ممکن مرتبه صیانت ایده ییلیمکدی .

نهایت موسیو دوکیرس ۱۹۱۳ سنه سی ایلولنده آلتی ماده لک بر اصلاحات پروغرامی اساساتی آلمان سفیری بارون فون وانقنهایمه قبول ایتدیرمک موفق اولدی . واوزمان مذاکرات صدراعظم و خارجیه ناظری سعید حلیم پاشایله بویکی سفیراره سنده جریان ایتمک باشلادی . بو پروغرامک اساسانه واقف اولدقدن صو کره بونک خارجی تضییقاته حاجت قالمقسزین حکومت عثمانیه طرفندن طوغریدن طوغری یه تطبیقه امکان بولنه بیله جکنی اکلادق و بوتون ممالک عثمانیه یه شامل اولق اوزره پک واسع بر اصلاحات عمومیه پروژه سی قرار لاشدیره رق سفیرلریمز واسطه سیله دول معظمه یه تبلیغات اجرا ایتدک . بو پروژه موجبجه ممالک عثمانیه آلتی مفتش عمومیلک منطقه سنه تفریق ایدیلجک و بونلرک ایکیمی شرقی اناتولی و لایترلرندن ترکب ایده جکدی .

زایستور دق که بوا یکی شرقی آناتولی مفتش عمومیلکنی انکلیزلره ویرمه لم بوسایده روس انتریفه سندن قور توله لم. بناء علیه بزه بویه ایکی مأمور ووروب ویرمه یه جگنی سیرادوار غرمیدن استمزاج ایتمسنی یازدیغمز لوندره سفیری توفیق پاشا انکلیزلرک بوفکره پک تمایل اولدقلری جوانی ویردیکندن صدراعظم پاشا درعقب رسماً مراجعت ایتدی. بوتکلیف انکلتزه حکومتی طرفندن قبول اولونور اولونماز روس تشبثی صویه دوشه جگدی. اونیش کون صوکره انکلتزه حکومتی روسیه نك موافقتی اولمادن انکلیز مأمورلرینک شرقی آناتولی ولایتلرینه تعیننه موافقت ایدمه جگنی جوانی ویرنجه بوتون امیدلریمز محو اولدی. و آرتق آکلادق که انکلیزلر بزی کاملاً روس آمانه فدا ایتمکه قرار ویرمشلردی.

چارناچار صدراعظم پاشا ایله روس و آلمان سفیرلری آرمسند باشلامش اولان مذاکراته دوام اولوندی، و ۸ شباط ۱۹۱۴ تاریخنده صورتی عیناً درج ایتدیکم ائتلافنامه روسیه مصلحتکنذاری موسیو غولکویچ و سعید حلیم پاشا طرفندن امضایلدی.

۲۶ کانون ثانی و ۸ شباط ۹۱۴ تاریخلی نورك وروس ائتلافناماسی

متنیدر [*]

صدراعظم و خازجیه ناظری پرنس سعید حلیم پاشا حاضر تلیله روسیه سفارتی مصلحتکنذاری موسیو قونسطانطن غولکویچ جنابلری یبندده شرقی آناتولینک ایکی منطقه سی ریاستنه ایکی مفتش عمومینک تعیینیه برابر عینی زمانده باب عالی طرفندن دول معظمیه آتیده کی نوطه نك ارسالی تقرر ایتشد:

« اجنبی ایکی مفتش عمومی شرقی آناتولی نك ایکی منطقه سی ریاستنه کوندریله جکدر. موسیو آ... ارضروم، سیواس، طریزون ولایتلرینی حای منطقه یه و موسیو ب... وان، بتلس، خرپوط، دیاربکر ولایتلرینی محتوی منطقه یه کیده جکدر.

مفتش عمومیلر منطقه لری داخلنده امور اداریه و عدلیه یی و پولیسی ایله ژاندارمه یی تقیتش ایده جکدر.

امنیت عمومیه قوتلری غیر کافی کلدیکی تقدیرده مفتش عمومینک طلبی اوزرینه صلاحیتی داخلنده اتخاذا اولئان تدابیرک اجرا سیچون قوای عسکریه اونک امرینه آماده بولوندریله جکدر. مفتش عمومیلر، ایجاب حاله کوره سوء اداره و اقتدار سزلغنی کوردکاری بتون مأمورلری عزل و قانوناً شایان جزا بر حرکتدن دولایی قباحتی

اولانلری عدلیهیه تودیع ؛ و عزل ایدیلن معیت مأمورلری رینه قوانین نظامات ایله معین اوصاف مطلوبیهی و کفایتی حائز مأمورین جدیده نصب و اقامه ایدرلر .
بیوک مأمورلرک تعینی خصوصی حکومت سنییه عرضه حق و صلاحیتلری اوله جقدر .
بتون عزل ایشلرنده نظارت عائد سنی بوباید مختصر معلوماتی حاوی تلغرافله کیفیتدن خبردار ایده جککر و بوندن اعتباراً سکیز کون ظرفنده بومأمورلرک دوسیه سنی و مفصل اسباب موجهه لایحه سنی کوندره جککر در .

تدابیر عاجله اتخاذینی مستلزم احوال مهمه ده مفتش عمومیلر لایعزل اولان مأمورین عدلیه حقیقه در حال ایشدن ال چکدر مک حقندن استفاده ایده جککر در .
شوشرط ایله که کیفیتی همان عدلیه نظارتنه بیلدیره جککر .

والیر طرفندن حقارنده تدابیر زجریه مستعجله اتخاذینی موجب احوال وقوعی تین ایتدیکی تقدیرده مفتش عمومیلر تلغرافله کیفیتی داخله نظارتنه اشعار ایده جککر در .
نظارت مشارالیه در حال ایشی مجلس و کلایه تودیع ایده جک و مفتش عمومی تلغرافنامه سنک ورودی تاریخندن نهایت درت کون ظرفنده بوخصوصده برقرار اعطا اولنه جقدر .
اراضی اختلافاتی طوغریدن طوغرییه مفتش عمومیلرک مراقبه سی التنده فصل اولنه جقدر .

مفتش عمومیلرک وظائفنه دائر دهامفصل تعلیمات ائلرک تعیینندن صکره و کندیلرله بالمشاوره تنظیم اولنه جقدر .

اون سنه ک مدتک امتدادنجه مفتش عمومیلرک مقاملری منحل اوله جق اولورسه باب عالی مذکور مفتش عمومیلرک انتخابی ایچون دول معظمه نک معاونت خیرخواهان سنه انتظار ایدر .

قوانین و مقررات و تبلیغات رسمیه هر منطقه ده السنه تحلیله اوزرینه نشر اولنه جقدر .
هرکس محاکم حضورنده و دواثر رسمیه ده - مفتش عمومی بونی قابل اجرا کوردیکی حالده - کندی لسانی استعمال حقنی حائز اوله جقدر . محاکم اعلاناتی ترکجه یازیله جق و یا ممکنسه ، علاقه دارانک لسانیه برترجه سی اوکا ربط اولنه جقدر .

هر عنصرك ولایتلر معارف بودجه لرنده کی حصه سی معارف نامه جبات اولونان ویرکویه اشتراکی نسبتنده تعیین اولنه جقدر . حکومت سنییه جامات مختلفه منسوبیننک کندیلرینه تاند مکتبلرینی اداره ایتلرینه اصلا مانعت ایتیه جککر .

هر عثمانلی حال حاضر و آسایشده خدمت عسکریه سنی ساکن اولدینی عسکری مفتشک دائره سنده اجرا ایده جککر . معافیه حکومت سنییه امرا خیره دکن یمن عسیر و نجدکی مواقع بعیده یه مملکتک هر قسمندن اهالی ساکنه نک نسبتنه کوره بریه اردوسنه عسکر طوپلایه جق و بوندن ماعدا بحیره اردوسنه کافه ممالک عثمانیه ده قرعه نقراتی قید ایده جککر .

حمیدیه آلایلی احتیاط سواری صنفه تحویل ایدیه جگدر. سلاحری عسکری ده پورنده حفظ اولنه جق وانلرم یالکز سلاح الته جلب اولوندقلری و یامانوره زمانلرنده توزیع اولنه جقدر. مذکور آلایلیر بولوندقلری دائرمنک مربوط اولدینی منطقه فرقه قوماندانلرینک امری آلتنه وضع اولنه جقدر. حال حضرده آلای طابور و مقرزه قوماندانلری اردوی هایون نظامیه ضابطانی میانندن انتخاب اولنه جقدر. بو آلایک افرادی برسنه مدله خدمت عسکریه ایله مکلف اوله جقدر. آلایه قبول ایدلک ایچون بتون طاقلریله برابر آتلیخی کندیلری تدارک ایتک مجبوریتنده درلر. بوجبوریتی قبول ایدن محللرده بلا تفریق عرق و مذهب هر شخص مذکور آلایله قبول اولونه. سیله جکدر. سلاح الته جمع اولوندقلری ائنده و یامانورا صره سنده بو طابورلر نظامیه طابورلری کبی تدابیر انضباطیه به تابع طوتیه جقدر.

ولایات مجالس عمومیه لرینک صلاحیتی ۱۳ مارت ۱۳۲۹ (۱۹۱۳) تاریخلی قانون احکامنه کوره تعیین اولنه جقدر.

اک قیصه برمدته - بومدت ممکن اولدینی قدر برسنه یی تجاوز ایتیه جکدر - مفتش عمومیلرک نظارتی التنده یاپیله جق قطعی بر تحریر نفوس ایکی منطقه داخلنده ادیان و جماعات والسنه مختلفه نك برنسبت صحیحه سنی تعیین ایده جکدر. اووقته قدر مجالس عمومیه وانجمن اعضای منتخبه سی وان و بتلیس ولایتلرنده نصفاً مسلم و نصفاً غیر مسلم اوله جقدر. ارضروم ولایتنده - تحریر نفوس برسنه ظرفنده اجرا اولونمیدینی حالده - مجالس عمومیه اعضای سالف الذکر ولایتلرنده اولدینی کبی مساوات اساسی اوزرینه انتخاب اولنه جق در. سیواس، خرپوط و دیاربکر ولایتلرنده مجالس عمومیه اعضای شمیدین نسبت قاعده سنه توفیقاً انتخاب اولونه جقدر. بونک ایچون قطعی تحریر نفوسه دکین مسلمان متخبلرک عددی صوک انتخابانه اساس اتخاذ ایدی لان لیسته لره کوره تعیین و غیر مسلمانلرک عددی دخی کندی جماعتلری طرفندن ابراز اولنه جق لیسته لره نظراً تقدیر ایدیه جکدر. معافیله، موقت اولان بواصول انتخاب شاید بعض مشکلات مادیه دن دولانی غیر قابل تطبیق کورولورسه مفتش عمومیلر سیواس، خرپوط، و دیاربکر ولایتلری مجالس عمومیه سنده کی اعضا مواقعنک تقسیمی ایچون بو ولایتلرک احتیاجات و شرائط حاضر سنده هما موافق دیگر برنسبت اصولی تکلیفنه صلاحیتدار اوله جقدر.

مجالس عمومیه انتخاباتی نسبت قاعده سنه توفیقاً اجرا اولنه جق ولایاتک جمله سنده اقلیت طرفی انجمنلرده احراز موقع ایده جکدر.

مجالس ادارهیه انتخاب اولنان اعضا کافی السابق یاری یارییه مسلم و غیر مسلم اوله جقدر. منحل اولدقجه پولیس و ژاندارمه قیدی خصوصنده - مفتش عمومیلرجه

بر محذور کورولمديکي حالده - ايکي منطقه داخلنده مسلم وغير مسلملر آراسنده مساوات اساسي تطبيق اولنه جق در . ينه بو ايکي منطقه داخلنده عيني مساوات اساسي ممکن اولديغي قدر ديگر مأموريتلرک توزيعی خصوصنده دخی تطبيق اولنه جقدر .
تأییداً للمقال بالاده مذکور الاسامی طرفلرندن اشبو ائتلافنامه امضا و زیری تحميم ايدلمشدر .

در سعادت ۲۶ کانون ثاني ، ۸ شباط ۱۹۱۴

(امضا)

امضا

سفير علمي

غولکدر . ج

روسلر بو ائتلافنامه يي کنديلري ايچون جدا بويوک برموقت سياسيه عدايدرلر . بونک درجه سنی آ کلامق ايچون روس مصلحت کذارى موسو غولکدر و بچک خارجه ناظرى موسيو سازونوفه يازديغي تلغرافنامه نك آتيده کي فقره لرني اوقومق کفايت ايدر .
روسيه سفيري ديورکه [=] « بوغوص نوبار پاشا بکا ترک ارمني لرنيک مختاريت ويا تبديل تابعيت مسئله سنی ميدانه چيقارمقي اصلا ايستمدک لرني و انلرک يکانه مقصدي برلين معاهده سنده مندرج بولونان و ۱۸۹۵ سنه سنده روسيه و فرانسه و انکلتره طرفندن تنظيم اولنوب بو آنه قدر منسي قالمش اولان اصلاحاتک حيز حصوله چيقارلمسي ايدو کني تکرار ايتدي . » والحاصل ذات عاليلري نك (موسيو سازانوف) بالذات وقوعبولان تشبثي اوزرينه قاعده نسبتبه توفيقاً انتخاب اولنه جق مجالس عموميه انجمنلرنده اقليتک اخذ موقع ايتسي تأمين ايديله ييلدي . بناء عليه ۲۶ کانون ثاني ۱۹۱۵ تاريخلي ائتلاف نامه بلاشبهه ارمني قومنک تاريخنده دهامسعود بر زمان جديدک ابتداسنی ارايه ايدر . صرف اهميت سياسيه سي اعتباريله ائتلافنامه مذکوري ، بلغار اکسار خلفی بالا احداث بلغار قومنی روم وصايتندن قورتاران ۱۸۷۰ فرمانيله مقايسه ايتمک قابلدلر . ارمني لر کنديلرينک ترک بويوندر و غندن تخلصلري ايچون ايلک آديم آتليديغي حس ايتاملري قابل دکادر . ۲۶ کانون ثاني ۱۹۱۴ ائتلافنامه سي عيني زمانده روسيه نك بين الدول موقعي ايچون ده بيوک بر اهميتي حائر در . في الحقيقه صدر اعظم ايله روسيه ممثلي طرفندن امضا ايدلمش و ترکياني ، روسيه يه قارشو ، دول اجنييه يه معين المال بر نوطه ارسالنه مجبور قيلمشدر ارمني مسئله سنده روسيه نك باشلوجه رولي صورت رسميه ده نوعما تصديق و اياستفانوس معاهده نامه سنک ۱۶ نجی ماده سي بو صورته تأييد ايدلمش ديمکدر . بو کيفيت روسيه نك بين الملل شرف و حيثيته حسن تأثير ايتمکدن و حکمدارينک نامي شرق قريب خرستييانلري قبلرنده يکي بر هاله نوراني ايله احاطه ايتمکدن خالی قالميه جقدر .
ارمني مسئله سنده باب عالی ايله بر ائتلاف حصولی ضمننده سفير ، مشکلات

عظیمه اقتحام ایتک مجبوریتنه قالدی . بر طرفدن ارمنیلرک ممکن مرتبه واسع اصلاحات الده ایتلری حقنده کی امل طبعیلرینی ، دیگر طرفدن اصلاحات متصوره یی لاشی مرتبه سنه ایندیرمکه چالیشان بو مقصدله لایحه مزک بتون اساسلی اقسامنه اعتراض ایدن باب عالینک مقاومت عنودانه سنی حسابا قاتمق لازمدی . المانیایه کنگجه ارمنی مسئله سنده بزمه اکلایمقده ایکی مقصدی واردی : بری باب عالی یه ترکیانک منافعنک محل اولیان ده خفیف اصلاحاته موافقت صورتیه روسلرک ده واسع اصلاحاتنک اوکنه کچدیکنی سویله بیلمک ، دیگر کی کندی منطقه نفوذی داخلنده عد ایتدیکی و بناءً نظر اهمیتدن دور طوتمق ایستمدیکی اطنه و حوالیسندمه ساکن ارمنیلرک توجه و خشنودیسنی قازانق ایدی . بو سببیه المانیانک حرکتی دائما خالصیتدن اوزاق بولونمش و کندی التزامی ارمنیلر ایچون برکوسترش طرزنده قالمشدر . حقیقت حالده المان دیپلوماتلری ترکلرک صادق مشاورلری ایدیلر .

امضا

غولکده ورج

روس مصلحتسکنداری بو ارمنی اصلاحاتی ارمنستانک روسلر طرفندن اشغالای ایچون آتیلمش بر آدیم تلقی ایدیورکه بوندن دوغرو برشی اولاماز . موسقوف سیاستنک ارمنی اصلاحاتندن مقصدی نه اولدیغنی پک کوزل اظهار ایدن بوسطرلرک روس طورونجی کتایبه فصلدر ج ایدیه بیلمش اولدیغنه حیرت ایدیورم . هر حالده « جناب حق جانیره اعتراف جرم ایتدیرمش » دیمکده کندی حقیقی بولیورم . روسلر بوصوک سنه زده قاقاسیا ارمنیارینه قارشو سیاستلرینی تبدیل ایتشلردی . اولجه ارمنیلری تضییق آلتنده بولوندر دقلرندن دولای حقیقی ارمنی اختلاجیلرینک روسیه قارشو دائما عدم امنیت واعتماد بسله مکده اولدقلرینی نظردقته آلان موسقوف شیطنتی درعقب تبدیل استقامت ایتمش ، آچیانزین مناسرتینک مقدمات مصادره ایدلمش اولان بوتون املاکنی اعاده ارمنی محکومین سیاسییه سی حقنده عفو عمومی اعلان ایتک وسائر کبی لطفکارلغه باشلامشدی .

بوسیاست اوزمانه قدر روسلردن نفرت ایدن ارمنی اختلاجیلرینکده کندیلرینه تمایلی موجب اولمشدی . بوغوس نوبار پاشانک آوروپاده ابراز فعالیتیه باشلامسندن صوکره وبالخاصه ۱۹۱۳ سنه سی اواسطنده ارمنی اصلاحاتی حقنده روس تشبثاته مانع اولمق خصوصنده بزه معاونت ایتلرینی و آرتق بالقان محاربه سی ختام بولدی ایچون بوندن صوکره کوردلری ده زیاده تحت انضباطده بولندیرمق وبوسایه ده ارمنیلرک رفاهنی تأمین ایتک بزه ممکن اولایله جکنی برقاچ دفعه طاشناقسوتیون رؤسانه بیان ایتمشدک .

بونلرك كافه سندن آلدیغیز جواب « مادمكه دول معظمه ایشه باشلامشدر آرتق بوندن صرف نظر ایتك بزجه ممکن دكلدر ! » طرزنده ایدی .

۸/ شباط/ ۱۹۱۴ ائتلافنامه سی بزم ایچون نه قدر آلم و روسلر ایچون نه قدر موجب انشراح اولور ایسه اولسون حکومت عثمانیه بو ائتلافنامه نك بوتون موادی نی تطبیق ایتمكه تامامیه قرار ویرمشدی فقط روس سیاستی ایچون احداث موانعده مشکلاتی تصور اولنور ؟

اولنر ایچون مقصد شرقی آنادولیده حضور و سکونك قطعاً پایدار اولماسی دكلی ؟ بونك ایچون اولار منیلری حمایه ایتك و اونلرك لهنه اوروپانك حسیات مرحتكارانه سنی اوایندرمق لازمدر . فقط متعاقباً كورد بکلرینی و بکلر ندها زیاده صاحب نفوذ اولان مشایخی تشویق ایدرك بونلری هم حکومت و همده ارمنیلر علیه نه قیام ایتدیرمك ایجاب ایدر . بو مطالعه نك سوقیه روسیه حكومتی بر طرفدن معهود بدر خانی عبدالرزاق بکی روسیه داخلنده حمایه ایدرك كویا كوردستان پرنسلیکی تشكیلی ایچون برچوق پاره لر ویرمش بر طرفندن ده بتلیسده کی سیدطه بی بتلیس قونسولوسی واسطه سیله حكومت علیه نه قیام ایتدیرمشدر . بونی موسیو ماندلشتام انكار ایتمكه چالیشور سده هرحالده حقیقتی ستر ایتك ممكن دكلدر .

ارمنی اصلاحاتی مسئله سی بو طرزنده جریان ایدوب دورور كن حرب عمومی ظهور ایتشدی . حكومت عثمانیه آلمانیا ایله عقد ایتدیکی اتقاق ایجاباتندن اوله رق ایركچ حربه اشتراكه مجبور اوله جغنه امین ایدی . بناء علیه بویك مدهش واوزون اولان حرب عمومی سنه لرنده اصلاحات داخلیه ایله اشتغال ایتك ممكن اولامایه جغندن شرقی اناتولی ولایاتی ایچون جلب ایدلمش اولان ایکی مفتش عمومینك ادامه مأمو ریتنه لزوم كورمه مشدی . ذاتاً بزم یكانه غایه منز بو حرب عمومی سایه سنده استقلال داخلیمزه برر ضربه تشكیل ایدن نه قدر مقررات دولیه وارسه بونلرك كافه سندن قورتلوق وبعدها كندی مملكتیمزده شرائط محلیه نك ایجاب ایده چكی اصلاحاتی بالذات كنندیمز یاپه رق حر و مستقل ملتلكی یاشامق ایدی .

قایمیتولاسیونلری و جبل لبنان امتیازاتی رفع ایتك اخص آملرز اولدینی کی صوك زمانده روسیه نك جبر و تضییقی اثری اوله رق قبول ایتدیكیمز شرقی اناتولی اصلاحاتنه عائد ائتلافنامه بی ده یرتمق ایستیوردق .

عائد اولدینی بجنده اوزون اوزادییه ایضاح ایتدیكیم وجهله بز بو حرب عمومی به بوندن صوكره حیثیت پرور ملتلكی كمال استقلال ایله یاشامق نیتیه داخل اولمشدق . نیت بو اولونجه ظن ایدرسه ارمنیلرك ساكن اولدینی ولایترده اصلاحات اجرایی ایچون ایدی دشمنمنز اولان روسیه نك تضییقیله امضا ایتدیكیمز بر ائتلافنامه نك آرتق وجودی قالماز .

مع هذا بو مطالعات هیچ بر وقتده مملکتده اصلاحات یامامقی فیکرینک بزده موجود اولدیغنه دلیل اولاماز . اصلاحات عمومیه اجرایی املی بزده اوقدر بویوک بر قطعیتله موجود ایدی که اساساً بو اصلاحات داخلیه بی اجرا ایتهدکجه مملکتده یاشامق امکائی اولامایه جغنه ایمانز واردی . فقط بزجه بوتون اصلاحاتک مبدائی ایکی بچق عصردن بری باشمزه بلای اسمائی ضرورتنده دیکلمش اولان چارلغک محو اولدیغی کورمک و اونک داخل مملکتده هر زمان ایقاع ایتدیکی آنتریقهره نهایت ویرمک ایدی . بوده حرب عمومی اثناسنده روسیه نك ازلسنه بزم طرفزدن اعظم جهد و اقدام کوسترمکله ممکن اوله جقدی .

بناء علیه بوتون اصلاحات داخلیه تشبثاتی حرب عمومیدن صوکرهیه تعلق ایتک و شمدیلک ملتک قوای عمومیسنی حربیه تخصیص ایتک الزم اوله جغنه قرار ویرمش و حتی بو نقطه نظریمزی طاشناقسوتیون رؤساسنده سویه مکدن چکینه مشدک .

نهایت حرب عمومی به بزده داخل اولدق . دخولزدن برقاچ کون صوکره واقع اولان تکلیف اوزرینه دردنجی اردو قوماندانلغنه تعیین اولنه رق استانبولدن سوریهیه کیتدم .

بوندن صوکره شرقی اناتولی ولایتلرنده نهکی احوال جریان ایتدیکی دولتک نهدن طولایی ارمنیلرک عموماً تهجیرینه قرار ویردینکی بیلمه یورم . اوصرده استانبولده جریان ایدن مذاکرانه قطعاً اشتراک ایتهدیکم کی بوباید بزم مطالعه می دخی صورمه دیلر یالکیز کونک برنده داخلیه نظارتندن ولایتلره تبلیغ اولنان برقانون موقت موجبجه ارمنیلرک مهز و پونا میابه نقل ایدیلرک حربک نهایتنه قدر اوراده اسکان ایدیله جکلرینی اوکرندم . باش قوماندانلق وکالتی ده مأمورین ملکیه واسطه سیله اداره ایدیله جک اولان بو تهجیر اثناسنده اردو منطقه سندن کچه جک ارمنیلره بر تجاوز وقوعنه میدان ویرلامسی تبلیغ اولئیوردی . بوندن بشقه هیچ برشیدن خبرم یوقدی .

اوصرده بن ایکنجی قنال سفری ایچون ۱۹۱۵ سنه سی صوک بهاری نهایتلرنده سوریهیه سوق ایدیله جک اولان قوای عسکریه نك یکانه منزل خطی اولان بوزانطی - حلب طریق اوزرنده منزل تشکیلاتی یامق و بورالرده هر نوع ارزاق و زخائر ادخار ایتمکه مشغول ایدم . بومزل خطنک عدم انتظامی موجب اوله جق هر برتشبت بزم نهطه نظر مجه قنال سفری ایچون پک عظیم فنا لقلر موجب اوله جفی ایچون تهجیر اولنان ارمنیلرک بوزانطی به کلمسکده اولدق لری و اورادن طرسوس واطنه طریقله حلبه طوغری یورویه جکلرینی خبر آلدیغم زمان صوک درجه لرده حد تلنم شدم .

بوصرده باش قوماندانلق وکالتیه سبق ایدن مخابراتم، اردونک حرب جریده لرنده محفوظ اولدیغی ایچون آتیا نشر اولوندینی زمان ا کلاشیله جقدرکه بن ارمنیلرک

مەزوپوتامیایە کوندەلمسەندن ایسە قونیه ، انقره وقسطنمونی کبی داخلی ولایتلەردە
یرلشەدیرلملرینی مناسب کورییوردەم . فقط دولتجە قانونمخصوصە مستنداً تشبث ایدلمش
اولان معاملەییە اعتراض جائز اولەمایەجغەندن ارمنی مهاجرین قافلەلرینک اطنە وحب
اوزرندن مەزوپوتامیایە نقللرینە ممانعت ایدلامسەنە دائر امری قطعی آلدیغەندن چاروناجار
موافقت ایتدەم .

اوصەردە معمورەالەزیز و دیاربکر ولایتلری داخلىندە ارمنی مهاجرین قافلەلری
علینە تجاوزاتدە بولونلديغنه دائر اوزاقدن اوزاغە خبرلر آلیوردەم . تەجیر معاملەسی
منحصراً مأمورین ملکيە طرفەندن اداره اولنیور واردولرک بوايشلە هیچ علاقەسی
بولونمئوردی . فقط باشقە اردولر منطقەسەندە مهاجرلرە قارشو وقوع بولان تجاوزاتک
بەم اردو منطقەمدە دخی وقوع بولماسەنە قطعاً بحمل ایدەمەيەجکەندن بوبادە غایت
شدید امرلر ویرمکی کەندەم ایچون بریجیوریت تلقی ایتدەم .

وینە اوصەردە بوزانطیدن حلبەقدراولان طریق اوزرندە مهاجرلرک اعاشەسی ایچون
مأمورین ملکيەجە کافی درجەدە وسائط اعاشە ندارک اولونەمادیغی وارمنیلرک جدأ
آجینەجق برسفالتلە بوتون یول بویارینە یایلمش اولدقلرینی خبر آلدیغەندن وضعیتی
بالذات تفتش ایتک اوزرە حلبدن بوزانطی بە قدر برسیاحت اجرا ایتدەم واردویە
مخصوص اولان منزل انبارلرندن ارمنی مهاجرلرینە اتمک ویرلمسنى امر ایتدیکم کبی
منزل طیبیلرینک ارمنی خستەلرینی تداوی ایتلرینی تنبیە ایلەدەم .

خلاصە بوتەجیر ائسانسەندە ارمنیلرە یاپیلەجق معاونتلك اعظمی درجەسنى اجرا
ایتمکدن فارغ اولمادەم . کە بواجرا آتم اجنبی وارمنی بوتون حقشەناس انسانلرک تحت
اعترافندەدر .

ارمنی مسئلەسی حقندە آلمان خارجیە نظارتک مخبرات رسمیهسنى نشر ایتمش
اولان موسیو لیبسیوسک کتایبندە بوامرلریمک و اجرا آتمک بەعضیلرینک مندرج
اولدیغی شیمدی کورییورم . بوصەردە کرک استانبولە وکرک قطعەت
قوماندانلریلە ولایتلرە یازدیغەم تلغرافنامەلر کاملاً اردو حرب جریدەلرندە مندرج
اولدییی ایچون برکون بونلر نشر اولوندییی زمان بوتون بواجرا آتمک سائق اولان
حسیات انسانیتکارانە هرکس نظرندە دەا زیادە ثابت اولەجقدر .

اناطولی ارمنیلرینک تەجیرندن صوکرە اطنە وحب ارمنیلرینک دخی تەجیری
امری مأمورین ملکيەيە ویرلديکی زمان بن بوکادە مخالف بولوندم . بومعاملەيە لزوم
کورمەدیکمی وبوحالک دردنجی اردو منطقەسەنک شرائط اقتصادیە وزراعیهسەنە
سوء تأثیرات اجرا ایدەجکنى اوزون اوزادییە استانبولە بیلیدردەم . فقط مأمورین
ملکيەيە ویرماش اولان امرلرە مداخلە ایتەيەرك يالکیز اونلرە معاونت ایتمککەم
اخطار ایدیلديکی ایچون بوکادە مانع اولەمادەم .

شوقدر وارکه بوتون ارمنی مهاجرلرینک مهزوپوتامیایه کوندلمسی اوراده دوجار سقالت اولملرینی انتاج ایده جکنه امین اولدیغم ایچون بونلردن برچوقلرینک سوریه و بیروت و حلب و لایترلی داخلنه یرلشدرملرینی مناسب کوردیم . وبوکا مساعده ایدلمسی اصرار ایله استانبوله یازهرق موافقلرینی استحصال ایتدم . ایشته بوسایه ده بوولایتلر داخلنده هان یوزاللی بیٹ قدر ارمنی بی اسکا که موفق اولدم .

بونلرک یتیملری ، طول قادینلری وار کیکلری ایچون نه کی معاوتلرده بولومش اولدیغمی بوراده تکرار ایتمکدن عادتاً حییا ایدیورم . بکا او یله کلیورکه بونلری تفصیلاً ذکر ایتمک قالقیشیرسم برحس انسانیتسکارانه ایله یادیغم بومعاوتلرک قیمت معنویه سنه خلل کله جک .

فقط بوقدر معاوتلریمه رغماً خارجی خصمهای سیاسیهمزک بی ده بوارمنی وقایعندن طولای معنوی مسئول عد ایتک ایسته دکلرینی حتی متارکه ائساننده استانبوله تشکل ایدن حکومت قاریقا توری طرفندن تهجیر و ققتیلده مسئول مشترک صقیله اعدامه محکوم ایدیلدیکم ایچون بر پارچه تفصیلات اعطاسنی «مدافعه نفس» شریطه سنه موافق تلقی ایتدم .

بویضاحاتمندن افکار عمومیه تقدیر ایدرکه ارمنی تهجیر و ققتیل مسئله سیله بن ذره قدر علاقه دار دکلم . تهجیر قراری ویرلدیکی زمان مذاکراته اشتراک ایتهدیکم کی ققتیلی اجرا دکل بالعکس منع ایتدم . وتهجیرک حین وعقب اجرا سنده مهاجرینه اعظمی معاوتلریمی بدل ایتدم .

فقط عجبا استانبوله بولونسه ایدم ده شرقی آناتولی و لایتلرنده واردونک کر یلرنده جریان ایدن احواله واقف اوله رق مذاکراته اشتراک ایتسه ایدم تهجیر قرارینه موافقت ایتیه جکمی ایدم؟ بوراسنی شیمدی تقدیر ایده م . وطن ایدیورم که عمومی تهجیر کی پک شدید و بوتون جهان مدینتک علاقه داز اوله جنی برقرار اتخاذ ایده ییلیمک ایچون ارقداشلرم پک بویوک اسباب و وثائق آلد ایتمشلردر . بوتفصیلاتی، کندیلرینک نشریاتندن پک یقین بر زمانده اکلایه رق دفع شبهه ومراق ایده جکمزه شبهه ایتیمورم .

بالکیز شوراسنه ایمان قطعی ایله قانع بولنیورم که ارمنیلر قافقاس اردومزک کر یلرینی تهلکیه قویه جق و اردونک بالکلیه اضمحللانی موجب اوله جق اختلالاره تشبثدن فارغ اولمامشلردر . اودرجه ده که عموماً عثمانلی وطنی تهلکیه قویه جق و آناتولینک کاملاً روسلر طرفندن استیلاسنی موجب اوله جق بر فلاکت عمومیه امکان حصول ویرمکدنسه ارمنی ملتق عموماً ایقاع مضرتیه مقتدر اوله مایه جق بر ساحیه نقل ایتکی ارقداشلرم موافق کورمش اوله جقلردر .

بن بومسائله اعطای رأیه صلاحیتدار بر موقعه بولونمادیغ ایچون بورالینک تنویرینی ارقداشلریمک ویره جکی ایضاحاته و درمیان ایده جکی اسبابه ترک ایدیورم . اثنای نقل و تهجیرده حادث اولان وقایعک اسبابنه کلنجه :

بونی یوقاریده ایضاح ایتدیکم کورد وتورک عنصرلریله ارمینی عنصری آره سنده آتیش یتیش سسنه دنبری تمیه ایدلش اولان حس عداوت وخصومه عطف ایتک ضروریدر . عصرلردن بری برارده یاشایان بواوچ ملتی یکدیگرینه خصم جان ایدن موسقوف سیاستک الله بلاسنی ویرسون .

۱۹۱۵ تهجیری اثناسنده ارتکاب ایدلدیکنی ایشتدیکم جنایات جدآ شایان نفرتردر . فقط ارمنیلرک اثنای اختلالده تورک وکورد علیهنده ارتکاب ایتدکاری جنایاتده شناعت وفجاعتده بونلردن آشانی دکلدر . بوتون بوجنایتلرک سائق هر نه اولورسه اولسون منع وقوعنه توسل ایجاب ایدردی . حکومت ، ارمینی جنایتلرندن تورک وکورد اهالی بی و عثمانلی اردوسیه عموماً عثمانلی موجودیت سیاسیه سنی صیانت ایچون تهجیری برچاره عاجل وموثر کی تلقی ایتدی . فقط بونک نتیجه سنده کورد وتورک جنایتلرینه اسباب تحصیل احضار ایتدی . عجباً بونک باشقه دورلو برچاه سی یوقیدی ؟ ویا اثنای تهجیرده مهاجرینک تجاوزدن صیاتی ممکن دکلیدی ؟ بونی تهجیره قرار ویرنلره اونی اداره ایدنلرک ایضاحاتندن اکلایه جغز . هر حاله بن ادعا ایدیورم که کندی اردومک منطقه سندن ارمنیلرک اثنای مرورنده بعض منفرد وقایع مستثنا اولق اوزره مهاجرلره تجاوز ایدلسنه قطعاً مساعده ایتدوم .

مهاجرک عرض ایتدیکی منظره سفالته کلنجه ؛ روس استیلاسی اثناسنده ارمینی مظالم وجنایاتندن قورتلق ایچون دیاربکر اوزرندن حلب واطنه طریقله قونیه به و ارضروم و اذربایجانندن سیواسه اتجا ایتیش اولان کورد وتورک مهاجرلرینک اراءه ایتدکاری منظره بوندن دهآ آز سفیلانه دکلدی . فقط اوپچاره لر مسلمان اولدقلری ایچون هیچ بر آلمان ویا آمریکا میسیونری اونلر ایچون راپورلر یازمادی و اونلرک فلاکت وسفالتی برلسان ادبی ایله تصویر ایتک لزومی وجداننده حس ایتدی .

حکومت عثمانیه نک شرقی آناتولی ولایتلرندن برحقق میلیون قدرارمنی نقل ایتدیرمش اولدیغی وبونلردن آلتی یوز بیک قدرینک یولارده قسماً قتل واتلاف ایدلش وقسمآده آچلق وسفالتک تأثیریه اولمش اولدقلرینی قبول ایدم . فقط طریزون ، ارضروم ، وان وبیتلیس ولایتلرینک روسلر طرفندن استیلاسی صهرلرنده اورالرده ساکن اولان تورک وکوردلردن عجیانه قدری ارمنیلر طرفندن اکبارجه جنایات ایله اولدیرلش اولدقلرینی ونه قدرینک اثنای هجرتده تلف اولدیغی بیلن وارمی ؟ ایشته بز خبر ویرم که بویوزدن اولن تورک وکوردک مقداری محقق برحقق میلیون متجاوزدر . ارمینی قتل عامندن

تورکارسئول اولوبورلرده تورک و کرد قتل عامندن وسفالت عمومیه سندن ارمینلر نه ایچون مسئول اولوبورلر ؟ یوقسه تورک و کوردک قیمتی مورغنتاولر، ماندلشتاملر وامثالی - بولتیقه جیلر نظرندله اولدیغی کبی عالم انسانیت نظرندله سینکدر درجه سنده میدر ؟ ارمینی مظالمک و ارمینلرک تورکارسئول حقه کدی حس عدوتلرینک درجه سنی کوسترمک ایچون ایکی روس راپورینی [*] دقتله مطالعه ایتلرینی قارئلرمدن رجا ایدرم .

نصل ارمینی حسیات انسانیتکارانه سنی بکندی کرمی ؟

خیر ، افندیلر ، خیر ! بومتلرک هرایکی سنی ده ناحق بره اتهام ایتیه یکنز ! اصل قباحث بونلرده دکل بونلری یکدیگری علیهنه بویله سباعانه صالدرمغه تشویق ایدن موسقوف سیاستنده در . تورکی اولدرمک ، اونک بیکدرجه سنه لک شهرت ملیه سنی محو ایدرک میراننه قونمقی ایسته ین ، واساساً قان ایچمکدن بشقه هیچ برشی دوشونم ین موسقوف ارمینی بی تورکه مسلط ایتدی . تورک « اولمه مک ایچون ارمینی بی اولدرمک لازمدر » فکرینه دوشدی . ایسته بوندن شاهدهی اولدیغمز فجایع وحادثات ظهور ایتدی . برطرفده ادعا اولوندیغی کبی آلتی یوز بیک ارمینی دیکر طرفده بر بچق میلیون تورک و کورد زمین هلاکه سریلیدی . شیمدی ده اوتانمق نه اولدیغی بیلمه ین موسقوف سیاستی و اونلرک مورغنتاو کبی احق و بدلا یارداقچیلری بوتون قباحثی اولدرمک ایسته تیلا ن تورکه یوکلتمک ایچون جهان مطبوعاتی یایغرمه لره بوغمغه چالیشیورلر . ماندلشتام ارمینلرک وان مستتنا اولمق اوزره هیچ بر طرفده اختلال ایتدکلرندن بحث ایدیور . بن شرقی آناتولی ولایتلرنده وقافقاس اردومزک کر یلرنده جریان ایدن حادثاتی بیلمه دیکمی یوقاریده سویله مش ایدیه سنده کندی اردومک منطقه سنده جریان ایدن احواله تماماً واقفم .

۱۹۱۵ سنه سی اواسطنده زیتونده و اورفده ظهور ایدن حادثات تمامیه بر ارمینی مسلح اختلالندن بشقه برشی دکلدی . موسی بابا طرفلرنده کی قیامده بو اختلال ترتیبانه داخلدی . بنجه قطعاً ثبوت بولمش حقایق دندرکه اسکندرون کورفینک مبدای اولان رأس الحزیردن باشلا یه رق درت یول ، موسی بابا ، حلب ، عینتاب ، اورفه و زیتون طرفلرنده ایقاع ایدیه لک بر ارمینی اختلالنک سوریه یی آناتولیدن تفریق ایدیه بیله لک بر تشبث اوله جغنی پک کوزل تقدیر ایتمش اولان فرانسه وانکلر شرقی بحرسفید اردولری قوماندانلری چناق قلعه محارباننک اک مدهش دملرنده ارمینلره ویردکلری امر ایله بو اختلالی ایقاع ایتمشلردی . ذاتاً بورالرده ارمینلر چوقدنبری مستحضر بولونقدرندن یالکنز ایشه باشلامق ایچون بر امر آلماری کافی ایدی . عجبا بوقاعتکم طوغری اولمادیغی علاقه دار دولتلر مأمورین عائده سی ادعا

[*] راپورلر کتایک نهایتنه ذیل اولونمشدر .

ایده ییلیری ؟ شیمدی آرتق محاربه بیتمش اولدیغندن حقایق احواله واقف اولان افکار عمومییه اوکنده بونقطه لرك اعتراف ایدلمه سنی پك ناموسکارانه برحرکت ظن ایدرم . اکر ماندلشتام بو حادثه لرك بر اختلال اولمادیغنی ویا لکیز مدافعه نفس مقصدیه تشبث ایدلمش مسلح مقاومتلردن عبارت بولندیغنی ادعاده اصرار ایدمجهك اولورسه خبر ویرهلمکه متفقلمی اولان فرانسز وانکلیز ضابطانندن بو اختلاللری ترتیب واداره ایدنلر کندیسنه جدأ کولرلر .

ایشته ارمنی قتالی حقنده کی قناعتلرم ومعلوماتم بوندن عبارتدر .

الیوم حرب عمومی نهایت بولمش و عثمانلی سلطنتک اک کزیده انجیلیری اولان سوریه وعراق ایله جزیره العرب مع التأسف جسم وطندن آیریلهرق تورکیا ، یالکیز تورکاره عائد اولان مبارک اناطولیک کندی النده قاله بیلیمنی تأمین ایچون مجادلاته باشلامشدر . حرب عمومی اثناسنده اوچ میلیون متجاوز قربان ویرمش اولان زواللی ترکیه ایچون یکانه مدار تسلی برشی وارسه عصر دیده دشمنی اولان چارلک دخی محو ویریشان اولدیغنی کورمکدن عبارتدر . بوکون قافقاسیاده حادثاتک دوغوردیغنی حکومتلر آرمسنده برده ارمنستان جمهوریتی کورویورز .

قطعینه کورویورزکه تورکیه ارمنیلری ، باشده استانبول بطریق زاون افندی اولدیغنی حالده ، تورککری اضرار ایدمجهك انترقه لره توسل ایتمکدن واز کچمورلر .

تورکک آرمیانلرین واریوان طرفلرینده بر ارمنستان جمهوریتی تشکل ایتیمسه قطعاً مخالف دکدرلر . فقط اوکا مقابل بو جمهوریتکده جنوبی قافقاسیا عناصر مختلفه سنک تشکیل ایتدیکی آذربایجان و کورجستان جمهوریتلری وآسیای صغراک صاحب اصلیمی اولان عثمانلی امپراطورانی ایله حس آمیزشده بولونمق ومال حریمه کوزدیکمه منسی قطعیتله طلب ایدرلر . ارضرومک ، بتلیسک ، وانک ، دیاربکرک ، معموره العزیزک ارمنستان اوله بیله چکی خیال خامنی باخصوص عثمانلی ارمنیلرینک آرتق ایدیآ ترک ایتمه لرنی هم کندیلرینک همده تورکک استراحت وسعادتی نامنه توصیه ایدم .

تورکیه ارمنیلری بوغیر قابل تأمین آرزولردن صرف نظر ایتدکرنی بالفعل اثبات ایتدکری کون وطنداشلری اولان تورک و کوردلرله پک دوستانه وصمیمانه بر حیات امرار ایتمهک باشلارلر . ایچلرندن مطلقا ارمنی اولمق ایستینلر ایچون قافقاسیا ارمنستان جمهوریتی اراضیمنه نقل ایتک امکائی هر زمان موجوددر .

فقط تورکیه ده قالمق ایسته ینلرک بوندن صوکر اکندیلرینی لکهمز وخالص عثمانلی کوسترمکه چالیشمه لری وبوبنده ادنا شبهه یی داعی اوله بیله جک حرکاتدن توقی ایتمه لری شرطدر . آرتق تورک ارمنیلری آراسنده طاشناق ساغانلرک ، خینجاقلرک وسائر منک موقعی یوقدر . حتی بوتشکیلاتک قافقاسیا ارمنستانی ایچونده مضراولاجنی قناعتده ییم .

اليوم كرك جنوبى قافقاس جمهوريتنك و كرك عثمانلى ايمپراطورلغنىڭ يكانه وظيفهسى يكدىكرينه ظهير ومعين اوله رق خراب اولمش مملكترلينك اعمارينه و حكومتلرينك تنسيق و تقويه سنه حصر مساعى ايتكدن عبارتدر . بو درت حكومه توجہ ايدن ديكر بر وظيفه ده موسقوف فلا كشتك بر دها كوه قافك برى طرفلرينه استيلا ايدە مامسنى تأمين ايتكدر . بونك ايچون بو درت دوات ارسنده منحصرأ موسقوف استيلا سنه قارشى تدافى بر اتفاق رجوده كتيرلىمى بيله اولنرك زمامداراننك اك اول دوشونه جكلرى شيلردنر .

بم ارمنيلىر نه قدر خير خواه اولديغمى هر كسدن زياده بوكونكى ارمنى بطريق زامن افندى بيلير . ۱۹۱۵ سنه سى كانون اولنده استانبوله كلكيمك زمان بالذات موسى اليه پەرا پالاس اوتلنده بى زيارته كلهر ك بطريقخانه نك رسمى بر تقرريله بوتون ارمنيلىر نامنه بيان تشكرات ايتشدى . اليوم استانبول روم بطريقنك انتريقه لرينه آلت اولديغى خبر آلدیغم موسى اليه بر ارمنى خيرخواهى صفتيله اخطار ايدرم كه يوقا ريدە سويلەديكم سورلى غابت يويوك برسكىنت فكريله تدقيق ايتسون . اوزمان بو نقاط نظريكم ارمنيلىك نامنه نه يويوك فائده لر تأمين ايدە بيله جكى تقدير ايدرك روم بطريق آلنده اويونچاق اولمقدن بلەكه تخليص نفس ايدە بيلير .

اكر بز بو درت شرق قريپ ملنى بالاده عرض ايتدېكم كى منحصرأ موسقوفله قارشى تدافى بر اتفاق عقد ايتمز و شمالى قافقاس جمهوريتنكده تشكىل ايدەرك بو اتفاقزه داخل اولسنة ماونت ايتمزسەك سنەلردن برى همىزى بويوندرغى آلتنده ياشامق ايستەين روسيه نك يد ضبط و قهرينه دوشە جكمزه هيچ شمه ايتەيلم .


كىم بياير بلەكه بر كون كلير شيمدى انكايىز و فرانمز نفوذى آلتنه دوشمش اولان زواللى عربلرله عجملرله بوكونكى افنديلرينك لندن قورتيلورلرله بزم بوكون تشكىل ايدە جكمز هيئت اتفاقيه ده داخل اولورلر . ايشتە اوزمان شرق قريپ ملتلىرى كندى مقدراتلرينك حاكم مستقلى اوله رق احرارانه ياشايە بيليرلر .

عثمانلى ، ارمنى ، كورجى ، ازربايجان ، شمالى قافقاسيه پوليتيقي جيلرينه اراءه ايتديكم بو سياسى غايه ظن ايدىورمكه شمدى يه قدر بر فساد و شورش يوواسى تلقى اولنان شرق قريپ يكرمى سنه يه وارمز جتدن نشان و يردەك و خارجه قطعياً عرض احتياج ايتە يەك در حده مظهر معموريت ايدەك بر ماهيتى حائزدر .

عثمانلى ايمپراطورلغنىك اكثريت عظيمه سنى تشكىل ايدن توركلر ايچون بو غايه اساسلى بر صورنده موجوددر . يالكز اقليتى تشكىل ايدن ارمنيلىك عثمانلى قالمق ايستەكلىرى تقديرده يتمش سنه اولكى عثمانلى ارمنيلىرى قدر صاف و حقيق عثمانلىلق حسياتى بسله دكارىنى اثبات ايتلىر كافيذر .

ایشته بنم خون آلود ماضی بی ابدیاً دفن ایدرك فیضا فیض بر استقبال مسعود
کشاد ایتکم ایچون تسکلیف ایتدیکم یکانه چاره بودر . دها اعلاسنی بوله حق اولانلرله
اساسلی مذاکرانه کیریشمکه بنده ، بنمله هم فکر اولان ملتداشلمده حاضرر .

صوك



— ۲۷ —

۱۰۰
 ۱۰۱
 ۱۰۲
 ۱۰۳
 ۱۰۴
 ۱۰۵
 ۱۰۶
 ۱۰۷
 ۱۰۸
 ۱۰۹
 ۱۱۰
 ۱۱۱
 ۱۱۲
 ۱۱۳
 ۱۱۴
 ۱۱۵
 ۱۱۶
 ۱۱۷
 ۱۱۸
 ۱۱۹
 ۱۲۰
 ۱۲۱
 ۱۲۲
 ۱۲۳
 ۱۲۴
 ۱۲۵
 ۱۲۶
 ۱۲۷
 ۱۲۸
 ۱۲۹
 ۱۳۰
 ۱۳۱
 ۱۳۲
 ۱۳۳
 ۱۳۴
 ۱۳۵
 ۱۳۶
 ۱۳۷
 ۱۳۸
 ۱۳۹
 ۱۴۰
 ۱۴۱
 ۱۴۲
 ۱۴۳
 ۱۴۴
 ۱۴۵
 ۱۴۶
 ۱۴۷
 ۱۴۸
 ۱۴۹
 ۱۵۰
 ۱۵۱
 ۱۵۲
 ۱۵۳
 ۱۵۴
 ۱۵۵
 ۱۵۶
 ۱۵۷
 ۱۵۸
 ۱۵۹
 ۱۶۰
 ۱۶۱
 ۱۶۲
 ۱۶۳
 ۱۶۴
 ۱۶۵
 ۱۶۶
 ۱۶۷
 ۱۶۸
 ۱۶۹
 ۱۷۰
 ۱۷۱
 ۱۷۲
 ۱۷۳
 ۱۷۴
 ۱۷۵
 ۱۷۶
 ۱۷۷
 ۱۷۸
 ۱۷۹
 ۱۸۰
 ۱۸۱
 ۱۸۲
 ۱۸۳
 ۱۸۴
 ۱۸۵
 ۱۸۶
 ۱۸۷
 ۱۸۸
 ۱۸۹
 ۱۹۰
 ۱۹۱
 ۱۹۲
 ۱۹۳
 ۱۹۴
 ۱۹۵
 ۱۹۶
 ۱۹۷
 ۱۹۸
 ۱۹۹
 ۲۰۰

Handwritten notes in Urdu script, likely bleed-through from the reverse side of the page.

Handwritten notes in Urdu script, likely bleed-through from the reverse side of the page.

[Faint handwritten notes in Arabic script, likely bleed-through from the reverse side.]

[illegible]

۱۵۸۵
 ۱۵۸۶
 ۱۵۸۷
 ۱۵۸۸
 ۱۵۸۹
 ۱۵۹۰

1914

Handwritten signature

Handwritten text in Urdu script, likely a letter or document, written diagonally across the page.

[Handwritten notes in Urdu script, likely bleed-through from the reverse side of the page.]


منه و من الله
و من الله و منه

Handwritten text in Urdu script, likely a continuation of the letter or a separate note, written on aged paper.

[Faint handwritten notes at the bottom of the page]

[illegible]





3 1761 05505750 9